

3 1761 05646310 2







# کلیات کتاب

A

برنجی ترتیب ۱۵۶۷ اسمی آثار

ایکینجی ترتیب

جلددر ۷

کتابدر ۱۲

اسمی

غروش

اسمی

جلد	جزؤ	۳	[ ۱ ]	روان مدافعه نامه سی شراولندی
۵	۲۵	۵	[ ۲ ]	قاره بلا نشر اولندی . . . . .
۲	۱۰	۲۰	[ ۳ ]	مفالات ساسیه و ادبیه و روایا
۰	۰	۱۰	[ ۴ ]	وطن، کلهبال، عاکف، زواللی } جوحنی . . . . .
۳	۳	۲۵	[ ۵ ]	اشعار کمال . . . . .
۰	۰	۱۲	[ ۶ ]	حلال الدین خوارزمشاه . . . . .
۰	۰	۲۰	[ ۷ ]	مکاتب خصوصیه دن برنجی جلد
۰	۰	۷,۵	[ ۸ ]	اوراق پریشان مجموعه سی .
۰	۰	۲۰	[ ۹ ]	منتجات محررات رسمیه . . . . .
۰	۰	۷,۵	[ ۱۰ ]	جزئی و اثناء . . . . .
۰	۰	۲۰	[ ۱۱ ]	مکاتب خصوصیه دن ایکینجی جلد
۰	۰	۵	[ ۱۲ ]	تغیب و تخریب خرابات . . . . . } رساله لری و سائرہ . . . . .

کتاب اوله قی  
هر ایکی آیه بر .  
برنجی ترتیب  
جرؤ جزؤ اوله قی هر  
اونش کوله بر  
اوله جقدر  
ایکی ترتیبده برابر اوله قی هر  
منتظماً طبع و نشر اولور .

## ابونه شرائطی

مقسطاً تأدیه ابدلک شرطله ابونه  
شرائطی

یکوننی پشین اوله قی تأدیه ابدلک  
اوزره ابونه شرائطی :

غروش  
۲۹۶ اثرلر اداره خانه دن الغت و پشین اوله قی  
و متعاقباً هر اراج آیده بر یاد نشر اوله قی  
ابدلک شرطله .  
۳۲۰ بوسته اجرشدن طولانی مسقطی ۹۰ غروش  
اوله قی پشین ۳ عیدیه هر اراج آیده قی  
ورلک شرطله قامکاهه اوله قی

غروش  
۲۰۰ اداره خانه دن المق شرطله .  
۲۲۵ درساعات و ولایات و ممالک اجنبیه ایون  
بوسته اجرده داخل اوله قی اقامتگاهه  
که ندرلک شرطله .

بو جزؤک فیثاتی ( ۳ ) غروشدر

مشهره ایچون بوسته اجر قی هر اوله قی .



جای دقتدرکه عشیرت چادرندن طوغریجه سلطنت سراینه  
 کیرن سلطان عثمانک دولتی تأسیس ایتدیکی صرهده ابنیه خیریه  
 تأسیسنده التزام ایلدیکی کبی خاندان عالیشانی دهها دردنجی قرنه  
 وارر وارماز خیر و عمران مراقنی اک مخاطره لی وقتلرده اک بیوک  
 فتنه لر آره سنده بیله انشآت پرورلکی ترک ایدمه جهك درجه لره  
 کتورمشلردی . شهزاده سلیمان دنیا ایله اوغراشیرکن ادرنه ده کی  
 اولو جامهک انشاسنه بدأ ایلدی . آندن صکره ده مشاغل سیاسیه جه  
 شهزاده سلیمانندن دهراحت برحاله بولنمیان موسی چلبی ده کالنه  
 چالشدی ، آتامی ایسه چلتی سلطان محمدده میسر اولمشیدی .

ایکنجی جلدک صوکی



موسی چلبی طرفندن اعدام اولنمسی مناسبتیه روم تاریخلرنده نامی کور بیلور. بو اوچ حرکتک ایسه هیچ بری شان عسکری بی اعلا ایده جک و بلکه اخلال ایتمیه جک بر حال عد اولنه ماز. او جهته حسن اغا حرمتله یاد اولنه جق بر نام ایقا ایدنلردن دکلدنر .

قره مقبل سلطان مراد و سلطان بایزید غزواتنده و انقره ملحمه کبراسنده جلادت فوق العاده ایله کسب اشهار ایدن قهرمانلردنر. شهزاده سلیمان وقعهنده اقدیسنگ اوضاعنه شدتله معترض اولغله یولنده فدای جان ایتمکدن چکنمندی . صدق و وفا یولنه شهید اولان عظمای عثمانیه نك مقتداسی اولدی .

قره جه بك، قره مقبل شهرتنده بر ذات دکل ایدی؛ معافییه وفاده، فدا کارلقده آندن کری قالمادی . شهزاده سلیمان کبی نفسنه خیری اولمیان بر ذات ایچون بو قدر فدا کارلق لایق اوله ماز کبی ظن اولنور. فقط وفاده، صداقتده بر غریب خاصه واردر که نایمحل عد اولنه بیله جک جهتله مصروف اولدقجه قیمتی، علوی تی تراید ایدر .

دور فترنده سلطان بایزید عصرندن قاله ویا صکره دن ظهور ایتمه دها بر جوق امرانک عالم سیاستده بولندقلرینی کور مش ایدک. بونلرک ایسه قیون موسا کبی نماجی اوغلی کبی حشر اتدن معدود اولانلرندن قطع نظر فعلاً و حیثیه ذکره شایان اولانلری چلبی سلطان محمدک سلطنت مستقاهسی زمانه انتقال ایلدکلرندن ترجمه حاللرندن خلاصه صورتنده بحث ایتمکی ده او دورک ختامنه تعلیق ایلدک .



قهرمانی تأسیسینه موفق اوله رق ابوالجبهادین عنوانه کسب  
لیاقت ایدن ذوات معروفه نك بری و بلکه برنجیسیدر .

اینه نك صو باشی سلطان مراد زمانندن بری شان میدانلرنده  
امرار عمر ایتمش مشاهیر غزاندن ایدی . طهارت اخلاق وصفوت  
وجدانی اقتضاسنججه ولی نعمت زاده لری آره سننده اختلاف  
ظهور ایتمه مسنه چالشدی . مقصدینه مخالف اوله رق ظهور ایدن  
شقاقت برنجی شهیدی اولدی . الی آلمش سنه کفن پوشانه  
غزا میدانلرنده تحری ایلدیکی شان شهادته ینه عثمانی قلیجیه  
فائل اولسی جای تأسفدر .

بیکچری آغاسی حسن آغانک بولندیغی موقعه لایق برخدمته  
تصادف اولنه ماز . تاریخجه نامی اولا انقره محاربه سننده  
ایشیدیلیرکه شهزاده سلیمان چلبی ایله برابر میدان حربی ترک  
ایدن امرا ایچنده ذکر اولنیور . بویله برحرکت صدراعظم وسائر  
بعض امرا ایچون جائر و بلکه لازم ایدی . فقط یکچیری اغاسنه  
کوره برخیانتدر . آنک وظیفه سی ولی نعمت لری اغورنده برآدم  
قالینجه یه قدر فدای حیات ایدن رفقای سلاح نك یاننده و بلکه  
اوکنده بولمق ایدی . آندن صکرده ده سلیمان چلبی زماننده  
اسمی مذکور اولور . آنده ده کندیسنی یاد ایتدیرن خصم طرفنه  
کچمک کبی ، حقلی ده اولسه منفوریتدن قورتلیمیه جق برحرکتی  
اختیار ایتسیدر . بونلردن بشقه برده موسی چابی خدمتنده  
قالان یکچیریلری چابی سلطان محمد قاجر مغله اوغراشیرکن

چلبی بی اختیار ایلسیدر . قرمان اوغلنك امرسز اوله رق اعدام  
ایدلش اولسی احتمالك خارجنده بولندیغنی محلنده بیان ایتمشیدك .  
عیسی چلبی یه کلهجه تیمور پاشانك آناطولی بکار بکیلیکنده  
بولمنسه و آناطولی طرفلرنده ده عیسی چلبینك اعلان حکومت  
ایتمسه نظرآ پاشانك آکا تابع اولسی امور طبیعیه دن ایدی .  
برده ولی نعمت زاده سنك کندندن ایستدیکی جانسپارلنی رد  
ایتمك تیمور طاش پاشا کبی غالب برادرینك پیشگاه تعقیبنده ایکن  
بر خدمتکاری نی پیاده بر اقامق ایچون آتنگ ارقه سنه آله جق قدر  
عالیهت بر قهرمانه کوره قابل دکل ایدی .

تیمور طاش پاشانك نامی وقایع حربیه ده اولا آقجه قوجه نك  
معیتله ۷۲۵ تاریخنده قوجه ایلی یه سوق اولنان دلاور لر آره سنده  
ایشیدیلور . برنجی سردارلنی ایسه ۷۳۳ سنه سی کملیك قلمه سنك  
تسخیرینه مأموریتیدر . بو حاله نظرآ پاشا دولت علیه یه بلافاصله  
سکسان سنه عسکرلک و یتیمش ایکی سنه سردارلق ایتمشدر . او  
قهرمان، مفاخر جلیله ایله سلاح ارقداشلرینك جمله سنه تفوق  
ایلدیکی کبی امتداد خدمت جهتیله امرانك جمله سنه تفوق ایلمش  
دیمکدر . کندیسسی پدر و بیوک پدرینك شان جلادتتی بر عصر قدر  
ادامه ایلدیکی کبی نجبای اولادی کنسدی شهرت مفخرتتی ده  
بر عصر صکره یه نقل ایلدیلر . عثمانلیلر آره سننده بر خاندان

اقتدارك اِك بيوكلرن دن معدود اولديغنه ايسه اشتباه ايديله مز .  
 تیمور طاش پاشا، اوزمانه قدر ظهور ایدن امرانك جمله سنه  
 اثبات تفوق ایتدیکی کبی سپاهی اوجانك تشکیلنه خدمتاه  
 مؤسس دولت عنوان افتخارینه نائل اولان بر قاچ ذاتکده  
 بری اولمشدی . بویکی شرفدن هر بری بر آدمی رجال سیاستک  
 اعلاى مراتبنه ایصاله کافی ایکن متانت اخلاقجه دخی معاصرلرینک  
 جمله سنه تفوق ایتمش و بناء علیه جامعیت و موهوبات علویه سنک  
 آثارنده کوریلن کثرت اعتباریله کوسه میخاللره ، قره خلیللره  
 بیله اثبات رجحان ایلشدر . اخلاقه متعلق حکایه لردندرکه تیمور  
 کوتاهییه کلدیکی زمان تیمور، طاش پاشانک اوراده اموال کلیه سنی  
 بولور . ممالک اسلامیه نك محصول غارتی اوله رق دنیانک  
 خزینه لرینه مالک اولان تیمور، پاشانک غنیمت مشروعه حاصلاتندن  
 اولان مالنی چوق کورور، کنیدی ايسه اسیر اوله رق یاننده  
 بولندیغندن حضورینه کتوردیر . « بوقدر خزینه بی صاقلايه جغکه  
 صرف ایتسه کده پادشاهکه عسکر طوپولاسه ک اولماز میدی » یولو  
 سوزلرله عتابه قالدیشیر . پاشا ايسه بی پروا « نیم پادشاهم صبی دکلدرکه  
 وصیه محتاج اولسون، صکره دن کورمه دکلدرکه بندکانک مالیه  
 عسکر طوپولاسون » جوابنی ویرر . بر غلظتکه میدان حربک  
 اِك بيوك فدا کارلقرینه مقابل طوتلسه شایسته در !

پاشانک افعالنده جای نظر ایکی ماده واردرکه بری قرمان اوغلی  
 علی بکی اعدام ایتسی، بری ده شهزاده لرایچنده اِك حکم سزا اولان عیسی

چليڭك خدمتى اختيار ايتىمى ابتلاى صفا هم مشربلكندن  
 زياده شهزاده نك اكبر اولاد اولمى وكنديسك مقام صدرتده  
 بولمى كې اسباب سياسيه محمول اولمق لازم كلير . مع مافيه  
 هم مشربلك مدار ترجيع اولسه بيايه سياست نظر نجه بحق  
 جالب تعريض اوله ماز . چونكه پاشا حياتده اولدقجه شهزاده نك  
 عياشاغدن امور حربيه و سياسيه هيچ بر ضرر ترتب ايمه مش  
 ايدى . على پاشانك تاريخ نظر نده مؤاخذه كتورور بر حالى  
 وار ايسه اوده چلبى سلطان محمدك يعقوب بكه يازدينى مکتوبى  
 تحویل ايتك و شهزاده يه امرا حقنده افتراى خياتى محتوى  
 مکتوب كوندرمك كې حالله عثمانليرك اوزمانه قدر متانت  
 مردانه وعلويت مستقيانه دن آريليان معاملات سياسيه سنى روم  
 ايمراطورلغك اك بيوك معرفتى اولان ديسه لرله آلوده ايتمكه  
 باشلامسيدر . مع مافيه بوقصور كنديسك مراد اول وسلطان  
 بايزيد عصر لر نده فيكريله ، قليجيه ايتديكى خدمات جليله نك علو  
 قدرينى احما ايدمه ز . شهزاده سلیماني اداره ده كوسترديكى مهارت  
 ايسه اقتدار فوق العاده سنى اندن اولكى خدمتلردن ده ا واضح  
 بر صورتده كوسترير . تعصب نابجا و فكر عاميانه ايله متصف  
 اولانلرجه حقنده نه دينلورسه دينسون ، پاشانك عالم سياسته پك  
 نادر ظهور ايدن ده اتدن اولديغنى ، طول مدت دوام ايدن زمان  
 صدرتنده هيچ بر تشبثك موفقيتسزلكه ختام بولماسى اثباته  
 كافيدر . بلغارستان فاتحلىكى جهتيه دولت عثمانيه ده كلن اصحاب

قهرمانلرکده قولایلمتله اختیار ایده بیله جکی جرآنلردن دکلدیر ،  
 اوده بربرینه لازم ملزوم قیلندن بولنان و حکومتلرک اک بیوک  
 اسباب تخریبندن اولان ظلم و وسوسه ایله متصف اولمسه سلطان  
 محمدی دها پک چوق اوغراشدیرمسی محقق و غلبه ایده بیللمسی  
 ملحوظ ایدی . صوک محاربه سنده یالکز سکز بیک کشی ایله  
 برادرینک اوتوز بیک قدر عسکرینه ساعتلرجه مقاومت  
 ایده بیللمسی مزیات قهرمانینسک درجه سنی کوستیر .

شهزاده لر بو خصائل موهوبه لرله اکر سلطان اورخان  
 دوری کبی و داد قرابت حرص فقره غالب اولان بر دورده  
 کلش اولسه لر ایدی ، قصور لرله برابرینه دولته پک بیوک خدمت لر  
 ابراز ایده جکلرنده شبهه یوق ایدی .

صدراعظم علی پاشا و تیمور طاش پاشا و اینه بک صوباشی و یکیچری  
 آغاسی حسن آغا و قره مقبل و قره جه بک و فیروز پاشا زاده  
 یعقوب بک بودور تفرقه نک اک معروف ضایعاتندیر .

صدر اعظم علی پاشا عشرت و سفاهته انهما کی جهتیله منفور  
 اولمشدی . فقط بو عشرت و سفاهتک وقایع سیاسییه جه بر سوء  
 تأثیری مشهود دکلدی . استانبول ایمپراطورندن پاره آلدیغنه  
 دائر کور بلن روایتک نه قدر مناستسز بر اسناد اولدیغنی و آنقره  
 محاربه سنندن چکللمسی ده مقدوح بر حرکت اولدیغنی سلطان  
 بایزید و قایبی صره سنده کوسترمش ایدک . شهزاده لردن سلیمان

ظهور ایدی . هله عیسی چلبینک بر چوق سنه ظرفنده درت دفعه سلطان محمد قارشی طوره جق قدر قوت تدارکنده کوستردیکی اقتدار محیحاً محیر عقولدر .

سلیمان چلبی ایسه حسن اندام و حسن اطواریله محبوب قلوب اولمش ، سخاوت و شجاعت مفرطه یه مالک ، معارف و خیراته مائل بر ذات اوله رق استانبول ایمر اطورینی کندینه جلب ایچون بعض قلعهلر ترک ایتمک کبی ملنک شان عسکر یسنه طوقونه جق ومع مافیه وقتک ضرورت و اهمیتنه نظراً معذور طوتیه بیله جک بر حرکتی اختیار ایتمکله برابر مجاور اولان خرسیتیان حکومتلرینی او یله بر زمان فترت و اغتشاشده بیله لرزه ناک دهشت ایتمکله مقتدر اوله بیلمش ایدی . اکر کافه خواص جلیله سنی محو ایده جک درجه لرده عشرته مغلوب اولماسه شجاعت و مروت و عرفان و علویته ممتاز اولان اعظم سلاطیندن عد اولنسی اقتضا ایدردی .

موسی چلبی جلادتی قهرمانلق درجه سنه چیقارمش ، خرسیتیان حکومتلرینی سلیماندن زیاده ییلدیرمش ، چلبی سلطان محمد کبی بر صاحب ظهورک عادتاً محمی و مأموری ایکن آنی بیله سنه لجه اوغراشدیرمغه و حتی بر کره مغلوب ایتمکله مقتدر اولمش بر داهیه ایدی . برادرینک اردوسی همان یاری یاری یه کندی یانندن آیریلان و بئاء علیه شخصنی بیلن امرا و عسا کردن مرکب ایکن تبدیلاً آنلرک آره سنه کیرمک دنیاده اک بیوک

اوله بیلیر . خدمت ایتدیکی طرفه احاله سلاح ایچون هیچ بر سند جواز اوله ماز . هله چلبی سلطان محمده درجه اتسابی معلوم اولان بایزید پاشانک حرکتی مبدأندن بری موسی چلبی به خدمت مقصدینه مبتنی اوله میه جفندن بر خیانت متعمدانه در . حرکتک مبدئی موسی چلبی به خدمت مقصدینه مبتنی اولمق لازم کلسه اوزمان خیانتک تضاعفنه حکم ایتک اقتضا ایدر .

واقعا بایزید پاشانک بو حرکتده شخصنجه بر فائده یوق ایدی ؛ حتی موسی چلبینک یاننده بولند قجه حیاتی ده مخاطره ده ایدی . بو حال ایسه بر بیوک فدا کارلق اولدیغنده شهه یوقدر . فقط خیانت کبی بر واسطه ردیئه بی بر بیوک مقصد ایچون استعمال ایتک ینه جنایتدر . فاعلنک کیردیکی مخاطره ده سیئه نک ماهیتنی تغیر ایده مز .

بو دور فترتک اک بیوک ضایعاتی ایسه شهزاده لردر . واقعا زواللری دولتک بقای اتحاد وقوتنه خدمت ایدی ، فقط او یولده بر ضرورت سیاسی نک وجودی ، ذاتی اولان مزیتلرینی ازاله ایدمه جکی کبی طالعزل کلرینک کوکلرده بر اقدینی تأثیرات الیمه بی ده اضعاف ایده مز .

عیسی چلبی جمع ایدمه بیلدیکی قدرتی استعمالده بر بیوک مهنارت کوستره مدی ؛ فقط قارشیسنده بولنان خصمه ده چلبی سلطان محمد کبی دنیا به مثالی پک نادر کلن وتشبثات موانع - بر اندازانه سنه مقاومت محال اولان دهاته سیاستدن بر صاحب -

اردوسنك باشنه كيتيرمك ممكن اوله مينجه موسى چلبه يه التجا ايتمك وياخود آنك شمشير قهريله محو اولمق شقارندن بريني اختيارده مضطر ايديلر . حفظ حيات ضرورتيه برولى نعمت زاده لريني براقديلسه ديكر برولى نعمت زاده لرينك ياننه كيتديلر . سليمان چلبينك يولنده تلفده اولسه لر كنديسنه ذره قدر بر فائده لرى طوقنمق قابل دكلدى .

موسى چلبه يى ترك ايدن امرايه كلنجه : ايجلرندن ابراهيم پاشا كې شاه ملك كې جان قورقوسنه دوشدكلرندن وياخود اورنوس بك كې ذاتاً موسى چلبينك خدمته كيرمدكلرى حالده شدت وحقارت كوردكلرندن طولايي چلبه سلطان محمد التجا ايدنلرك معذور اولدكلرى جاى اشتباه دكلدر .

سلطان محمدك رجحان مزياتندن بشقه موسى چلبينك حالى آكا نسبت، عادتا عصيان ايكن پاشا يكييت كې بر طاقم سنجاق بكلرينك اينچيكز غلبه سى اوزرينه كيدوب قالمقده مختار براقلدقن صكره ينه موسى چلبه تابعيتنده دوام ايتملرى محافظه جاه ايجون اختيار اولنمش بر معامله خود پرستانه دن بشقه هيچ بر شينه محمول اوله ميه جنى ميدانده بولندينى حالده سلطان محمدك اقبال وغلبه سى تحقق ايلدكدن صكره موسى چلبينك خدمتى ترك ايدهرك اوزرينه سلاح چككمكه قيام ايتلملى الى الابد عنوان حيتلريني لكهدار ايده جك بر حركتدر . آرده ده جان قورقوسى وار ايسه اوده يالكز ترك خدمت ايجون عذر



عثمان نزدنده برادر خطاب تشریفه مظهر اوله جق قدر حیثیت و اعتباری موجب اولان مسلك صداقته بتون بتون مغایر اوله رق مسئله نك بدایتندن ری ذوالوجهین بر مسلك اختیار ایتمش ایدی . اینجیکز وقعه سنده ایکی طرفی بشقه یولده تشویق ایده رك ایشی محاربه طرزنده بر قارغشلق حالنه تحویل ایدی . سلطان محمدك دولتی ، حیاتی مخاطریه دوشوردی . سلطان محمده امرانك جمله سندن اول کندی طرفنه کچه جگنی اخبار ایدی ، موسی چلبینك یاننده جمله سندن صکره یه قالدی ، اسیر اولنجیه قدر اوغراشدی ، ثبات ایدی . موسی چلبی یه اودرجه صداقتی اولان بر ذاتك بری طرفه کوندردیکی خبرلر خیانتکارانه بر اغفالدن بشقه برشیئه حمل اولنه ماز ، خیانتك ایسه هیچ بر وقت جزاسز بر اقلمی لازم کلز .

هاמר میخال اوغلنك کوردیکی جزایی موسی چلبینك خدمتنده ثبات ایلدیکنه حمل ایدر . چلبی سلطان محمد اومسلکده برذات اولسه ایدی ، تیمور طاش پاشا زاده امور بکی ده بر جزایه اوغراقمق لازم کلیردی ، حال بوکه آنک حقنده هیچ بر شدت کوسترمدی .

بو تفرقه سلطنت ائناسنده سائر امرانك اختیار ایتدکلیری مسلك ده تاریخ و اخلاق نقطه نظر نجه شایان دقتدر : واقعا سلیمان چلبی یی ترك ایله موسی چلبی طرفنه کچن امرایه برشی دینیله مز . چونکه شهزاده یی عشرت مجلسندن قالدیروبده

اما برادرلرینی اعدام ایتسه اولمازمیدی ؟ او زمانه قدر ممالک اسلامیه نك هر هانکی طرفنده بر شهزاده نامنه بر فتنه باشلاديسه محرك ويا وسيله فتنه اولان ذات حیاتده اولدقجه اوکنی آلق قابل اوله مامسنه باقيلير ايسه بويله بر امر مجربنده تجربه يه قالشقمق هم نفسی هم دولتی مخاطره يه آعمق قبيلندن اولوردی . واقعا شرکای حکومتک زواليله اوغراشانلر او زوالدن بالذات مستفيد اولدقلری ایچون نه قدر اسباب مشروعه کوسترسه لر مشککپسندان حکمت نظرنده خود پرستک لکه سندن قورتارده مازلر ؛ مع مافیه بويله شدتلی اختیار ايله کندی اقتدارینی محافظه ایتکمزین دنیاده هیچ کیمسه نك بر فتنه دفع ایتکه ، بر دولت قورتارمغه موفق اوله بیلدیکی کوريله میور . بناءً علیه بو معاملات فوق العاده حقنده کی مؤاخذه لر ، طیبیک آلدینی اجرته ، دواسنده کی مرارته تعریض قبیلندن قالیر . خصوصیه چلبی سلطان محمد بوشدتی ، اعدای ملته فرصت ویرمه مک ایچون ملکک آسایشنی خللدن وقایه ضرورتنه اسناد ایدیور . بو دلیلک ايسه جرحنه ، اضعافنه امکان یوقدر .

وقتیله موسی چلبی برادری سلیمان بك خدمتنده بولنان امرایی معاتب ایتدیکی کبی سلطان محمدده موسی چلبی معیتنده اولان امرایه برشی دیمدی . یالکز ایچلرندن میخال اوغلی محمد کبی بدوی چارطاقده حبس ایلدی . بو معامله سی ايسه تماميله محق ایدی . چونکه محمد بك مرحوم پدرینک سلطان

بوللو دلیلر موجود ایکن بونلری بر اقریده اولیه خلاف واقع بر تعریضی قبول ایدر میدی ؟ بو تفصیلاتدن آ کلاشیلیرکه چلبی سلطان محمد ایکی برادرینی بالذات وبر برادرینی اوزرینه سوق ایلدیکی موسی چلبی وساطتیه ازاله ایلدی .

سلطان محمدک، سلیمان چلبی وموسى چلبی ایله اوغراشمقده ایسه حقی میدانده ایدی . چونکه سلیمان چلبی کندیسنه مسلط اولدی . موسی چلبی ایسه سلطان محمدک معاوتیه روم ایلییه مالک اولدقدن صکره کندیسنه عصیان ایلش ایدی .

چلبی سلطان محمد عیسی چلبی ایله اوغراشمقدهده حقسز دکل ایدی . چونکه ولو جدی اولماسون ویاخود جدی اولوبده بر مدت موقتهیه مخصوص بولنسون ، آناطولینک بینلرنده تقسیمنی تکلیف ایتش ایدی ، عیسی چلبی قبول ایتدی . آندن صکره عصرک حالنه نظراً کندیسى ایچون توقاده ، آماسیهیه چکیلوب طور مق اجل قضایه منتظر اولمقدن بشقه برشی دکلدی . فرض محال اولهرق ایش بویله اولماسه بیله اعدای ملته میدان ویرمه مک ایچون میدانه چیقوبده قدرتن مالک اولدیغی اقتداری امت محمدک خدمتنه وقف ایتک کندیسى ایچون بر مقدس وظیفه ایدی . ملکی او قدر قاریشقلغیه برابر عیسی چلبینک مهارتکسز لکنه ، سلیمان چلبینک سفاهتنه ، موسی چلبینک ظلمنه ترک ایدوبده محو اولدیغنی تماشا ایلک ، قدرت تجریده مالک اولهرق یارادلمش بر شهزادهیه کوره بویله الهی بروظیفه دن نکول ایتک نصل جائز اوله بیلیردی ؟

چلبی اوزرینه موسی چلبی بی ینه کندی کوندز مه مش اولسهیدی،  
 قرمان اوغلی بویله بر اسناده جرأت ایتک و سلطان محمدده آتی  
 قبول ایتک ممکن اوله بیلیرمی ایدی؟ شاهرخ میرزا سلطان محمدده  
 کوندردیکی بر نامهده « شویله استماع اولندی که سلیمان بك  
 وعیسی بك و موسی بك ذات عالیرلیله شقاق و نزاعه قیام ایتمش  
 هر بری ده رسم عثمانی اوزره غوغای دنیادن خلاص ایدلمش.  
 برادرلر بیننده بویله بر معامله قاعده ایدخانی یه کوره غیر مناسبدر.  
 بر قاچ کونلك دولتک بقاسی یوقدرکه او اغورده بو درلو حاللر  
 ارتکاب اولنسون» یوللو تعریضلر ایدیور. سلطان محمدده  
 بو تعریضه « سلطنتک اشتراك قبول ایتماسی مسئله سنده شبهه  
 یوقدر. کلستان صاحبك، اون درویش بر کلیمه صیغار، ایکی پادشاه  
 بز اقلیمه صیغماز، سوزی ده بو مدعایی مؤیددر. علی الخصوص  
 اعدای دین و دولت اطرافدن کوچك فرصته انتظار ایدیورلر.  
 ملکک ثبات و زوالی تدبیر ایله دکل تقدیر ایله در. اما اگر  
 جوارده بولنان حکام مسلمان اولسهیدیلر اندیشه اولنمازدی؛  
 فقط نمود بالله تعالی فرصت کفار خاکساره دوشر» سوزلریله  
 جواب ویریور. اگر وقعه اکثر مؤرخینه اسناد اولنان  
 یولده جریان ایتمش اولسهیدی، چلبی سلطان محمد « حربی موسی  
 آچدی، ایکی برادرمک هلاکنه سبب اولدی؛ نوبت بکا  
 کلنجه چاره سز حیاتی تخلیصه چالشم. اخوانی ایچون آچدینی  
 چاه مزاره دوشدی، ایتدکلرینک جزاسنه اوغرادیلر.»

صکرة النده کی قوتله برادرینه غلبه ایده میه جکی درکار ایدی .  
 ثالثاً چلبی سلطان محمدک سلیمان چلبی یه ، موسی چلبی یه غلبه  
 ایتدکن صکرة آسایشجویانه آکا اطاعت ایدوبده موسی چلبی  
 سلیمان چلبی یه غلبه ایتدکن صکرة آکا مخالفت ایتسنه هیچ بر  
 سبب تصور اولنه ماز . رابعاً سلیمان چلبی موسی چلبی یی او  
 صورتله مغلوب ایدوبده سلطان محمدی ده اطاعتنه آلمش اولسه  
 ایدی تاریخارجه آکا بشنجی پادشاه وموسی چلبی یه صکرة کی  
 حرکتندن طولایی عاصی نظریله باقلمق لازم کلیردی .

بو مطالعه لردن قطع نظر چلبی سلطان محمد بروسه قاضیسنه  
 کوندردیکی فرمان هایونده « اطیعوا الله واطیعوا الرسول واولی الامر  
 منکم بو یروغندن باش چکوب امریمه اطاعت ایلیان مرحوم  
 موسی چلبی « دییور . اگر موسی چلبی ذاتاً تابعیتنده بولندیغی  
 حالده روم ایلی یه اعانه سیله کی میوبده بالذات عیسی وسلیمان  
 چلبیلره غلبه ایدرک اعلان استقلال ایتمش اولسه ایدی ، سلطان  
 محمد مکانت وعادتنده اولان بر ذاتک برادری حقنده بویله  
 کندیی هدف استهزا ایده جک بر لسان قوللانمسنک احتمالی  
 وارمیدی ؟ قرمان اوغلی سلطان محمده بر عریضه سنده  
 « ایشیدلیکنه کوره بو سفرده موسی چلبی غوغاسی بر طرف  
 اوله رق اوده سلیمان چلبی وعیسی چلبی فتنه لری کبی زیرزمینده  
 نهان اولمش « دییور ، سلطان محمدده یازدیغی جوابده بو افاده یی  
 رد ایتبور ؛ اگر عیسی چلبی یی کندیی ازاله ایتمه مش ، سلیمان



تاج التوار یخده شهزاده لرك اختلا فائنه دائر بر طرز دیگر  
کوریلور که خواجه سعدالدین اکثر مؤرخینک قوی اولدیغنی  
بیان ایتمشدر . بو قوله کوره شهزاده لر بیننده کی محاربه اولا  
موسی چلبینک ، بروسده اعلان استقلال ایتش اولان عیسی  
چلبی یه حرب آچمسیله باشلار . موسی چلبی عیسی چلبی یی محو  
ایتدکن صکره سلیمان چلبی انک اوزرینه کلهرک کندیسنی مغلوب  
ایدر ، موسی چلبی قرمانه فرار ایلر . چلبی سلطان محمد ایسه  
اوصرده سلیمان چلبی یه عرض اطاعت ایدر ، سلیمان چلبی موسی  
چلبینک قاچرلماسی ایچون قرمان اوغله مسلط اولور . موسی  
چلبی ده توحش ایدهرک قرماندن چیقار ، اسفندیار بکک معاوتیه  
افلاقه کچر . سلیمان چلبینک عشرتندن استفاده ایدهرک وجودینی  
اورته دن قالدیرر ، آندن صکره سلطان محمدله بینلرنده کی ماجرالر  
ظهور ایدر .

اولا او یله اوچ برادر بر برینی محو ایدنجیه قدر چلبی  
سلطان محمدک برکوشه دن سیرجی طوره جق مزاجده بر قهرمان  
اولدیغنی آناتولیدن چکلمکسزین اطرافده کی امرا ایله ایتدیکی  
محاربه لر اثبات ایدر . ثانیاً موسی چلبی روم ایلی یی و آناتولی یی  
ضبط ایدنجیه قدر توقاد و آماسیه ده بکلمش اولسه ایدی ، آندن

چلبی بی تعقیبه مأمور اولمسی ده براز بعید کورینور . مع مافیه صاریجه پاشانک چلبی سلطان محمد دکل، فاتح سلطان محمد عصرینه قدر صاغ قلمش و عالم ازوادن آره صره میدان حربیه چیقمش اولدیغی وقایع تاریخیه ایله ثابت اولدیغندن بوتعقیبدهده سائر امرا ایله برابر بولمسنه برمانع عقلی یوقدر .

خیرالله تاریخنده صاریجه نامنده برآدم موسی چلبینک حیوانی قارغی ایله اوردیغنه دائر (جامع المکتون) دن منقول بر روایت کوریلور . صاریجه پاشا وقعه سی آندن غلط برشی اولمسنکده احتمالی واردر . یالکز شایان دقت بر اختلاف واردر که اوده شهزاده نك صورت ارتحالیدر . آنده ایسه عثمانلی تاریخلرینک روایتی صحیح اولدیغنی فرمان هایونده کی « بر روز فیروزده علاءالدین اواسی دیمکه معروف طاغ اتکنده عقبندن ایریشیلوپ درحال اجل مقدر دامنگیری اولوب آخرته انتقال ایتمکین » عباره سی اثبات ایدر .

موسی چلبینک فرارندن صکره ایسه عسکری کاملاً بری طرفه کچمش ویالکز ایچلرندن شهزاده نك میر علملکی خدمتنده بولنان عزب بک برقاچ کشی ایله اردو موقعندن چیقهرق افلاق طرفنه صاووشمش ایدی .



براز ایلریده بیچاره بی حیوانی چاموره باتمش و کندیسیده بر طرفه بیقلمش اولدیغی حالدّه طوتدیلمز ، برادرینک اردوسنه کتیردیلمز . کلدیکی آنده ترک زادکانی حقدنه اوتهدن بری جاری اولان برقاعده غریبه یه اتباعاً یاینک کیریشیله اخناق ایدیلهرک دار مکافاتّه ایصال اولمشدر .

هامرک دو قاسدن نقلنه کوره محاربه اثناسنده ییکیچری آغاسی حسن آغا ییکیچریلرک موسی چلبی خدمتنده ثباتی کوره رک او طرفه طوغری آت سورمش وعسکره «اوغلر، نهدن عدالتو، مرحمتلو پادشاهمزک خدمتنه کلکده تأخر ایدیورسکمز؟ بویله نه کندینه، نه باشقه سنه خیری اولان بر آدمک حقارتی نیجه بر چکه جکسکمز؟» یوللو سوزلره باشلادیغنی موسی چلبی ایشیدنجه آغانک اوزرینه هجوم ایدرک کندیسنی برقلیجده ایکی یه بولرجه سنه پارملشدر . حسن آغانک امدادینه صاریجه پاشا معیتله برفرقه سواری کوندرلمش ایسه ده میت اولدیغی حالدّه بر بطاقلقده بولمشدر .

محاربه تک صورت وقوعنجه روایتلر پکده بر برینه متناقض کورنمز . چونکه هامر دیکرلرینک نقلنه یالکمز بر ییکیچری آغاسی وقعه سنی علاوه ایدیور که بزم تاریخلرده فقدانی صحتنه منافی دکلدز . واقعاً قوصوه محاربه سندن صکره هیچ بر وقعه ده نامی کورلمین صاریجه پاشانک چلبی سلطان محمد عصرینه قدر هیچ برایشه قارشمه سزین صاغ قالوبده اوزمان یالکمزجه موسی



سلطان محمد فریدون‌ده کی فرمانده مصرح اولدیغی اوزره موسی چلبینک اردوسنی برهفته قدر تحری ایلدکن صکره علاءالدین اوهسنده بولمش ایدی . سکر بیک دلاور شجاعتمده کندیلرینه نظیر اولماقجه برابر عبدجه برقاچ مثلرینه بالغ اولان سلطان محمد عسکر یله ساعتلرجه اوغراشدیلر ، نهایت بالطبع مقاومتدن عاجز قالهرق لرزه دار اولمغه باشلادیلر .

خاندان عثمانی غضنفر لرندن اولان موسی چلبی ایسه بوضورتله امید اقبال و بلسکه حیاتنک بتون بتون بتون مخاطره‌ده قالدیغنی کورنجه یالین قلیج میدان آتدی ، مهاجمات رستمه سیله طالع حربی دکشدرمسنه آز قلمشیدی .

بری طرفدن بایزید پاشا شهزاده بی طامیش و اقدامات فوق‌العاده سنک ویره بیه چکی نتیجه لریده حس ایتمش اولدیغندن امرانک اک مقتدر لریله بولندیغنی محله شتاب ایدرک او طالع سز فھرمانک اطرافنی صاردیلر . موسی چلبی اطرافنه چوریلن سداھیننی ده قلیج قوتیه یارمش وینه اردوسنک مرکزینه ککش ایسه ده عسکرینک بقیه سی بتون بتون مجروح و ناتوان بولندیغندن و سلطان محمد طامی ایسه دائماً قوتلرینی تجدید و تزید ایدرک مهاجمه لرینک آردینی آره سنی کسمدکلرندن موسی چلبینک عسکر ی بوزلدی و یا دها طوغریسی محو اولدی . کندیسی ایسه رفقای فلاکتنک جنازه لرینی چکنیه رک اردون آیرلش ایدی . بایزید پاشا و میخال اوغلی یخشی بک و بوداق بک آرقه سنه دوشدیلر ،



عصبی خسته لقرارده ، ضعف علاتی ، علت ضعفی تزیید ایتدیکی  
کبی موسی چلبینک اطمینانمزلقله باشلایان اداره سنده امرادن  
حاصل ایتدیکی وسوسه بعضیلرینک سلطان محمد طرفنه چکمسنی  
موجب اوله جق شدتی و او شدت ایسه سائر امر اجه دخی  
شهزاده نك خدمتی ترك ایده جك درجه لدره خشیتی استلزام  
ایلدیکندن اکثر ذوات معروفه یانندن آیرلمش ایدی . بو  
امنیتسز لکدن طولای موسی چلبی قره خلیل کبی قویون موسی  
کبی زور بازو ایله متصف برطاقم ادانی بی کندینه جلب ایتک  
روم ایلی بکلرینک مناصب عالیهنی انلره اعطا ایله « غلط بخش »  
عنواننه مظهر اوله جق قدر سفله پرورلک کوسترمش اولدیغی  
حالده بیله یکی امراسی ده شبهه سنه اوغرامقدن قورتوله مادیلر . حتی  
ایچلرندن نماچی اوغلی نامنده برینی سلطان محمد طرفنه کچه جک  
ظنیه اخذ و حبس ایلدیکندن کندی پرورده لری ده برر ایکیشر  
یانندن آیرلغه باشلادیلر . فقط مشاهیر امرادن میخال اوغلی  
محمد بک و تیمور طاش زاده امور بک و شهزاده نك خواص  
بندکانندن عزب بک دائرة صداقتده قالان سکز بیک قدر  
عسکرله افندیلرینک اغورنده هر درلو فدا کارلنی اختیاردن  
چکنم دیلر .

برادرینک بولندینی موقعه دائر جاسوسانه بر طاقم خبرلر  
ویردکن صکره عرض اطاعت ایدرک الدینی جواب موافقت  
اوزرینه بش یوز سواری ایله سلطان محمد فرقه‌سنه التحاق  
ایلدی .

موسی چلبینک یاننده بکار بکلیسی اولان میخال اوغلی  
محمدبک ایله تیمور طاش پاشزاده امور بکنن بشقه کیمسه قالدیغنه  
وکندیسی برمناسب زمانده کلیبولی یه اتیلهرق واورادن اناطولی یه  
کچرک قرمان اوغلیله برلشمک ایچون صوفیه طاغلرنده  
طولاشمتمده اولدیغنه دائر حمزه بکک مکتوب ایله ویردیکی  
حوادث تأید ایدنجه شهزاده برادرینک اناطولی یه کچوبده برقتنه  
دها احداث ایده بیلمسنه میدان ویرمامک ایچون اردوسیله  
همان صوفیه طرفنه یوریدی .



بایزید پاشا قرالی کتیردیکی صروده پاشا یکت و براق بک  
 و سنان بک عسکر لریله بر بر اردویه التحاق ایلدکلری کبی  
 اونوس بک ده عسا کر کلیه ایله کلهرک اوسن و سالندن صکره  
 دولتک تأییدینه وقف وجود ایلدی . خاطر شکارلغی کشور  
 کشاغنه غالب اولان چلی سلطان محمدک اوپیر مجاهدی تا چادر  
 قیوسندن استقبال ایلدیکنی صحائف الاخبار بیان ایدر .

خواجه سعدالدینک روایتنه کوره اورنوس بکک دلالتیله  
 « کورتکور » عسکر هایونه کلش ایدی . بوذات خداوندکارک  
 امریله کوزلری کور ایلمش اولان اندرینقوس پالوؤلؤغک اوغلی  
 یانی پالوؤلؤغ اولمق لازم کلیر . بوادم بر اون سنه قدر استانبول  
 ایمر اطور لغنده بولندقدن صکره مانول پالوؤلؤغ طرفندن ترحاله  
 طرفلرنده الهه قالان روم ممالکنک اداره سنه کوندرلدیکنی یوقاریده  
 بیان ایتمش ایدک .

سلطان محمد بویه وقت یکدجکه خضمنک قوتی ازالقده  
 وکندینک توابعی چوغالمقده اولدیغنی کورنجه محاربه بی ممکن  
 اولدیغنی قدر ایلری یه تعلیق ایتمک باشلادی . اردوسیله سوزادن  
 کنارلرنده طولاشدی ، صربستانه کیردی کزیندی ؛ قوصویه  
 ایندی ، بر قاق کون جد عالیشنک مشهده ارام ایلدی .  
 تاریخلرک روایتنه باقیلیرسه قوصوه دن کورتکورک ولایتنه یعنی  
 ترحاله طرفلرینه ده کیتدی . اوراده ایکن جنید اوغلی حمزه بک  
 موسی چلبیدن ایریله رق سلطان محمد بر عریفه تقدیم اییدی ،

چلبی سلطان محمدك قوتی ایسه برادرینك تحقیقاتی درجه‌سندہ قالمادی : شهر کونیندن نیشه وارلدیغی کبی بایزید پاشا موسی چلبی اردوسنی ترك ایله سلطان محمد طرفنه التحاق ایلدی . تاریخلر بایزید پاشانك موسی چلبی اردوسنده ایکن بری طرفه کلدیکنه دائر حرف واحد یازمازلر . فقط چلبی سلطان محمد بروسه قاضیسنه کوندردیکی فرمانده مندرج اولان « نیش محراسی نخیم مرادفات عز و اقبال اولدقده امیرالامرا بایزید پاشا مزبور موسادن روگردان اولوب رکاب پوشیء هایونمله شرف بولوب وانك عقبنجه اکثر امرا دخی دردولتمه یوز سوروب » تعبیرله بایزید پاشانك نیشده موسی چلبیدن ایرلدیغی بیان ایله یالکز انك ورودینه اهمیت ویرر وبلکه سائر امرانك کلیشنده بایزید پاشا سبب اولدیغی کوستیرر . جای دقتدرکه موسی چلبی برادری شهزاده سلیمان ایله اوغراشمق ایچون روم ایلی یه کیتدکن صکره چلبی سلطان محمدك یاننده اک محرم مستشاری اولان بایزید پاشانك هیچ نامی ایشیدلمه مکه باشلار . بوحاله نظرآ پاشانك روم ایلیده کی تشبثاتی اداره و تأیید ایچون موسی چلبی ایله برابر بولنسی ویاخود انك برنجی موفقیتمز لکندن صکره چلبی سلطان محمد طرفندن کوندرلمش اولسی ملحوظ اولدیغی کبی سلطان محمدك اینجیکز بوزغوننده موسی چلبی یه اطاعته مجبور اولان امرا اراسنده قابلسی ده محتملدر .

بایزید پاشا کلیرکلز صرب قرانی تأمین و جلبه کوندرلدی .

اورادنده صوفیه‌یه توجه ایلدی . موسی چلبی صولودربندی  
محافظه ایچون پاشایکیت وازمیر اوغلنی رجته اجبار ایدرک  
گذرگاهنری ضبط ایتمش ایدی . خواجه سمدالدین بو محاربه‌ده  
بایزید پاشایی‌ده میخال اوغلنه تشریک ایدر . حالبوکه بایزید پاشانک  
اوزمانلر چلبی سلطان محمدله برابر اولدیغنی ثابتدر ، زیرده‌کی  
تفصیلاتنده آکلاشیلیر .

سلطان محمد بوضورتله بلقانی کچهرک صوفیه‌یه کلدی واوراده  
ذخیره‌سنی اکیال ایتدکن صکره بر کیجه ایلغار ایله صوفیه  
وشهر کوی اره‌سنده اولان بوغازلری‌ده گذار ایلدی . موسی  
چلبینک اورالره تعیین ایلدیکی عسکر بو سرعت وشدته قارشى  
ولوجزوی اولسون بر ممانعت اجراسنه مقتدر اوله‌مادیلر .

موسى چلبى بو موفقیتسزلکلر اوزرینه بتون بتون  
امراسندن امنیتی قالدیرمش و برادرینک عسکرندن طوغریجه  
بر خبر المق ایچون بیله کیمسه‌یه امنیت ایده‌میه‌رک وحیدری  
درویشلری قیافتنده اردویه بالذات کیره‌رک ایستدیکی تحقیقاتی  
اجرا ایتمش در .

موسى چلبى بو قهرمانلیله نیکبولی‌ده کیجه یاریسی تک  
باشنه دشمن اردوسندن کچهرک قلعه محافظی طوغان اغادن  
دشمنک احوالی خبر المق خارقه‌سنه مظهر اولان یلدریم بایزیدک  
نجل اصیلی اولدیغنی اثبات ایتمشدر . فقط اجرا ایتدیکی  
تحقیقات کندنجه بتون بتون موجب مایوسیت اوله‌جق شیردن  
ایلی .

تعیین ایتدی ، شماله طوغری حرکت ایلدی . ویزه دن براز ایریلیر ایرماز سلطان محمدک طلیعه سی موسی چلبینک قره خلیل نامه نده نوظهور برینک قومانداسنده بولنان طلیعه سنه راست کلدیلر ، شدتلی بر محاربه دن صکره موسی چلبی طاقنی فراره اجبار ایلدیلر .

موسى چلبی ذاتاً موسوس و امیرادن امنیتى منسلب اولمق جهتیه بوانهزامی امرانک خیانتنه حمل ایدرک میدان حرب اولمق اوزره اختیاری ایلدیکی ادرنه بی ترک ایله زه غریه طوغری چکلدی . سلطان محمد ایسه برادرینک بو حرکتی خبر الدینی کبی همان پای تختک ضبطنه شتاب ایتدی .

فقط اهالی عرض تعظیمات ایله برابر شاید طالع حرب دکشمک لازم کلیرسه بر طاقم نسوان و صبیانک ایاقلر التنده قاله جغنی بیان ایله قلعه نك تسلیمی موسی چلبی غائله سنک ختامنه تعلیق اولمسنی استرحام ایتدیلر . شهزاده بر نوع سرکشک رنکی ویرمک قابل اولان بو نیازلرینی مرحمت فطریه سی حکمنجه بلا تردد قبول ایلدی وزغزه ده بولنان برادرینک تحریسه عزم ایتدی . موسی چلبی اوراده ده مقابله یه جرأت ایده میه رنک اورمانلره چکلمشدی . سلطان محمد موسی چلبی وقعه سنه دائر بروسه قاضیسه کوندردیکی فرمانده ادرنه جوارنده محاربه وقوع بوله جق ایکن اغماض ایلدیکنی بیان ایدر .

سلطان محمد رغزه دن حرکتله فلبه اوزرینه واره رق

چلبی سلطان محمد عسکرینک مقدارینی خصمیله اوغراشمغه کافی کورمکله برابر حالی ده امرانک کندی طرفنه جلبنه مساعد بولنجه خواجهنک ایماسنه و محائف الاخبارک تصریحنه کوره قائم پدری ذوالقدر اوغلی سلیمان بک ایله برابرینه ایمراطوره تدارک ایتدیردیکی سفینهلرله روم ایلییه کچهرک ویزه بی اس الحركات اتخاذا ایلدی .

خواجهنک روایتنه نظراً بوضه ده کوسه میخال اوغلی محمد بک کندی اوغلی یخشی بکی شهزادهنک حضورینه اعزاز ایدرک اردولر بربرینه تقارب ایلدیکی زمان عسکریله خدمتنه کله جگنی بیان ایتدی . سائر تاریخلرک افاده سی ایسه بویخشی بک محمد بکک اوغلی دکل برادری اولدیغنی کوستیر .

یخشی بکک ورودندن صکره اورنوس بک ده « موسی چلبی ایله محاربه ده استعجال اولنسون ، صربستان حدودینه عزیمت اولنسون که اورالرک امراسی افندمزک دولته خواهلر نندیر . بوندن بشقه کرک صربستان قرالی و کرک پاشا یکیت و براق بک و ترحاله بکی سنان بک ذات هایونلرینک اجلاسنه قرار ویرمشلردر . موسی چلبینک عسکری ارده هائل اولدیغندن خدمته کله میورلر . عبد کینهلری ده وقت مساعده حضور هایوننه کلیرم . » مآلنده برعریضه تقدیم ایلدی ، بعض تاریخلرک روایتجه بو عرضیه بی اورنوس بکک امجاد اولادندن علی بک کتیرمش ایدی .

شهزاده اوپیر غزاتک رأینی تقدیر ایدرک یخشی بکی طلعه سنه



موسی چلبی یاننده کی امرایی بتون بتون کنندیسندن تنفیر ایتمکده ایدی . شو صورتله که برادرینی مغلوب ایتدکن صکره اطاعتنده قالمق مجبوریتنده بولنان امرایه اول امرده پک زیاده شدت کوسترمش ایکن بعض مقربلرینک اختاریله اقتدارینی عسکرینک محبتی اوزرینه تأسیس ایتک ایستیه رک « منافق عسکر قوللانق ایسته مم، هر کیم خدمتمی ارزو ایدر ایسه یاننده قالسون برادرمی ارزو ایدنلر انک خدمتنه کیتمکده مختاردر . » یوللو امرلر نشریله امرانک حرکتلرینی رضالرینه تعلیق ایتمش ایکن طبعاً غایت موسوس برشی اولدیغندن یاننده قالان امرایی براز مدت صکره ینه ازعاجه وبعضیلرینک خدمتلرینی کندی معتمدی اولان برطاقم توریدیلره اعطایه باشلادی . اوزمانه قدر عثمانلی امراسنک هیچ بری عزل کورمامش اولمق جهتیله بومعامله اصحاب سیفی کرک کندیلرنجه وکرک خاندانلرنجه قلیج اتمکی بیلدکلری نعمتک واهمه فقدانیه پک فنا بریأس واضطرابه دوشورمشیدی .

موسی چلبی سکسان سنه دن بری دولت خدمتنده بولنه رق عثمانیلرک انک مفخرتلی غلبه لرندن ، انک دهشتلی مخاطره لرندن بر بیوک حصه شهرت اکتساب ایتمش اولان پیر مجاهدین اورنوس بکی ده شهبات جانخراشیلره ارغاجدن جکنمندی . بر درجه ده که یچاره ادم اصلمز یره اعما مقلدلکنه تنزل ایتدکجه شرنندن تخلیص جان وحفظ ناموسه مقتدر اوله مادی .

کندی قلیجیاه کندی انلافنه حکم ایتمش اولور . بوحاله نظر آ  
چلی سلطان محمد یاقوب بکی هر نه نیتله اولورسه اولسون اختیار  
ایتدیکی اطاعتنزلکن طولای حبس ایتمک دکل ، حتی اعدام  
ایتسه ینه حقلی اولوردی . برادمک پادشاهنه ویا دولتنه نه قدر  
یویک خدمتاری وقوع بولمش اولسه ینه اودولتی الی ایلد مخاطرده  
براقه جق برتهمتنک معفو طولسنی موجب اوله ماز .

سلطان محمد اولیه بر مغلوبیتله ترک مقصد ایده جک نقصان  
همت ایجابندن اولمدینی جهته کافه اقتدارنی موسی چلینک  
تهیه زوالنه حصر ایدرک بر طرفدن روم ایلیده کی بککله مخبرات  
خفیه یه کیریشدیکی کبی بر طرفنده اناطولیده کی عسکرینی تزید  
ایتمکده ایدی . حتی قائم پدری ذوالقدر اوغلی سلیمان بکن  
ممکن اولدینی قدر قوتله کندیسنه معاونت ایتمنی ایستدی .  
سلیمان بکده قوه موجوده سیله انقره یه کلدی ، پادشاهلرک  
اقرباسی اولماز قاعده سنکده مطلق اولمدینی اثبات ایلدی .

شهبزاده ، سلیمان بککچکدیکی ضیافتده نه قدر التون کموش اوانی  
وسائر قیمتدار اشیا وار ایسه ارقه سنه کیدیکی البسه یه وارنجیه  
جمله سنی قائم پدرینه اهدا ایلدی که بومعامله خاندان عثمانی  
اعضاسنک او زمانده موجود اولان هر درلو کمالات مدنیه پی  
احراز ایتمکله برابز عشیرت معیشتک فضائل و مکارمنی ده  
اونوتمامش اولدقلرینی کوستیریر .

سلطان محمد بو تدارکات ایله مشغول اولدینی صروده ایسه

بولنديغدن بو صورت حكتمه وفائده دولتمده مغاير اولديغنى بيان ايلديلر ، يعقوب يكي قتلدن قورتارديلر ؛ فقط اندن صكره شهزاده كنديسنى قوللامغه وحتى آزاده برامغه بر درلو قائل اوله مادي ، توقادده ( بدوى چارطاق ) ده حبس ايجون كنديسنى بالطه اوغله تسليم ايلدى . ايشته عثمانلى امراسندن اك اول جزايه اوغرايان امور سياسيه مهمى يعقوب بك وبو مقوله مهملر ايجون برنجى آچيلان محبس بو بدوى چارطاقدر .

يعقوب بك چلبى سلطان محمدك بدایت ظهورنده خدمتمنه كيره رك كنديسنه بك چوق خدمتئر ابرازيله بيانى اقامه سلطنتنه سبب اولمش وسليمان چلبى طرفندن اناطولى بكر بكليكنه نصب ايلديكى حالده ينه افنديسنه صداقتدن آريله رق فرصت بولدينى كبي الندهكى يرلى تسليمه مسارعت ايتمش ايدى . بو حاله نظرآ آلدیغى امره امثال ايدوبده انقره دن اردويه كلامسى فكر خيانتندن زياده ارزوى خدمته محمول اوله بيلير . شو قدر وار كه مواد سياسيه ده حسن نيت مدار معذرت اوله ماز . شهزاده نك ملكندن بر جزؤنى ملحوظ بر مخاطره دن محافظه ايجون امرينه اطاعت ايتماك هيچ بر مأموره وخصوصيله عسكر قومانداننه كوره هيچ بر حالده هيچ بر صورتده جائز اوله بيه جاك حركتلردن دكلدر . خصوصيله چلبى سلطان محمدك اوصره ده برادرينه مغلوب اولسى يعقوب بكك حركتى بتون بتون بشقه رنكده كوسترمك طبيعيدر . عسكر رؤساسنك بو قدر استقلالنه مساعده ايدن دولت

حمزه بك شهزاده نك كندی اوزرینه توجهنی خبر آلنجه  
 علی العجله آیاسلوغی ترك ایله از میر قلعه سنه صیغنه رق بیک استدعالر،  
 استرحاملرله مظهر عفو اولدی . و خطبه و سکه نام پادشاهی یه  
 اولمق اوزره ینه از میر حکومتی کندیسنه توجیه اولندی .

بعض مؤرخلر بو وقعه ده بولنان از میر حاکمک جنید بك  
 اولدیغنی بیان ایدرلر . هامرده بو روایتی قبول ایدر . فقط  
 جنید بك وفات ایدنجه یه قدر پادشاهه طرفدار اولدیغنی پادشاهک  
 بالاده بیان ایتدی کمز نامه سیله مثبت اولدیغنه نظراً وقعه نك  
 صاحبی جنید بك زاده حمزه بك اولمق لازم کلیر . شهزاده بو  
 صورتله حمزه بك غائب سنی دفع ایدنجه آنقره والیسی یعقوب  
 بكك تأدی ایچون او طرفه کیتمک تدارکنده بولندی . یعقوب  
 بك بو خبری آلدیغنی کبی کمال مسارعتله حضوره کله رك شهزاده نك  
 امرینه اطاعت ایدمه مامسی مجرد خدمت دولت و حفظ مملکت  
 مطالعه سندن ایلری کلدیکنی یمنلرله تأمین ایلدی . فقط  
 شهزاده نك بر درلو غضبی تسکینه مقتدر اوله مادی : سلطان محمد  
 مطلقاً اعدامی طرفنده ایدی . امر اخدمات سابقه سنی یاد ایتدی لر ،  
 آنک حقنده بویله بر شدت وقوع بولورسه سائر اصحاب اقتدارک  
 امنیتنی سالب اوله جغندن و خصوصیه یعقوب بكك کندی بوینده  
 بر اوغلی آنقره قلعه سنده اوله رق پدرینک اعدامی حالنده  
 عصیان ایله آنقره ولایتی و اوزمانک آناتولیجه اک بیوک  
 استحقاقی اولان سلاسل قلعه سنی قرمانلیرله تسلیم ایتسی مقرر

موسی چلبی طاقمینی تعقیب ایدن امرا ایسه میدان حربه کلوبده  
کندی شهزاده لرینک مغلوب اولدیغنی آکلاینجیه چاره سز موسی  
چلبی یه اتباع ایتمیلر .

روم مؤرخلرندن دو قاس سلطان محمدک استانبولدن بر کره  
دها موسی چلبی اردوسنه هجوم ایتمدیکی حاده موفق اوله مادیغنی  
بیان ایدر . فقط بزم تاریخلرده بویله بر سوز اولمدقندن بشقه  
سلطان محمد عسکرینک مغلوبیتدن صکره موسی چلبی یه اطاعت  
مجبوریتنده قالمسی ده بو ایکنجی هجومه احتمال بر اقیور .  
شهزاده نک بو مغلوبیتی استانبولده شایع اولنجه از میر  
حاکمی جنید اوغلی حمزه بک انتهاز فرصته ایاسلوغنه هجوم  
ایده رک قلعه س محاصره ایلدی .

بر روایت کوره چلبی سلطان محمد بو خبر اوزرینه همان  
آناطولی به حکمش و برادرندن اول بودشمن نوظهورک غائبه سنی  
دفع ایتک ایچون اطرافده قالان امراسنی عسکرلریله یاننه دعوت  
ایلمش ایدی ، جمله سی ولی نعمت لرینک خدمتنه مسازعت ایلدیلر .  
ایچارندن یالکز آنقره محافظه سنده بولنان فیروز پاشازاده یعقوب  
بک اورالک قرمانه جوار اولدیغندن بحشله آنقره دن آیرلمسی  
مناسب اوله میه جغنی بیان ایلمش و اوته دن بری شهزاده نک فوق العاده  
اعتمادینه مظهر اولان واک قدیم اک صادق بنده لرندن بولنان  
یعقوب بکدن بو یولده سرکشلکک صدوری نهایت درجه لرده  
انفعالی موجب اولمش ایدی .

ایستمش ایدی . یکچریلر آتسک دیزکینه صارلیدیلر ، اکر فرار ایدیله جک اولورسه سپاهی آتلیزیک آياغی آلتنده قاله جقلرینی بیان ایدرهك رذالت وسفالتله هلاک اولمقدن ایسه ناموسلریله اولمک بیک قات خیرلی اوله جغنی بیان ایدیله ، شهزاده نی ثباته تشویق ایتدیله . چلبی سلطان محمدک امرا و عسکری ایسه قارشى طرفک پریشانلغنی کورنجه یکچریلرک طوپلیجه بریره بولندیغنی دوشونمیهرك شهزاده نی یالکز براقش و فرار ایدناری تعقیب ایدرک اوتیه بری به طاغامش ایدیله .

موسی چلبی یکچریلرک او صورتله ثبات عرضنده بولندقلرینی وبرادریزیک یاننده ده پک آز آدم قالدیغنی کورنجه ینه یأسدن امیده انتقال ایدرهك یاننده کی یدی بیک قدر عسکرله سلطان محمد اوزرینه برشدنلی هجوم کوستردی . تاریخلرک افاده سنجه او قهرمان زمانک یاننده یالکز درت یوزکشی قالمش ایدی ؛ فقط بو قلتده عزمنه فتور ویرمدی : اوده مهاجرلر اوزرینه هجوم ایلدی ، بر صورتله جلادت کوستردی که دشمنلرده کمال حیرتله اقدامات رستمانه سنی آلقشلامغه مجبور اولدیله .

شهزاده تا مجروح اولوبده آتندن بیقمامدقجه اطرافنده کی خواص بندکان کنیدیستی محاربه میداندن آیره مادیلر ، او حادثه دن صکره بو قدر کترنلی مهاجرلر آره سنده ولی نعمتلرینی تخلیص ایتدیله ، استانبوله کتیردیله .

مهارة عسكريه سى فوق العاده اولدينى كې مەيتلرندە عثمانلى قهرمانلرىنىڭ كىزىدەلرى مجتمع اولديغىدىن محاربه پك شدتلى باشلادى .

خواجه سعدالدينك روايتنه كوره ميخال اوغلى محمد بك اثنای حربده سلطان محمد طرفنه چكك اچون امرادن بعضيلريله متفق اولديغىدىن موسى چلبى يه كاهرك كىندىسنه امداد اولمىسنى اىستى . بوندىن مرادى ده امرايه بر وسيله تقرب پيدا ايدەرك عهدلرنده ثابت اولوب اولمىدقارنى آكلامق ايدى . آلدىنى رخصت اوزرىنه امرا ايله كورشدى ، جمله سنى عهدلرنده ثابت بولديغىدىن آرقداشلىريله برابر سلطان محمد طرفنه كذار ايدى . بقیه امرا بو حالى كورنجه فراره باشلادىلر .

صولاقزادهك قولنه كوره ايسه محمد بك هانكى طرف غلبه ايدىرسه آكا مطيع كورنك اچون موسى چلبى يه « بكا براز عسكر وير ، قرداشكك باشنه جهانى تنك ايدەيم » كې سوزلر سويلدىكى كې برى طرف ايله چرخه لشدىكى سرده ده دخى سلطان محمد « نه طورىيورسكز؟ برهمنه برادريكزك ازاله سى قولايدير » كې خبرلر كوندەرك ذوالوجهين بر حركتده بولمىشدى . محمد بك بوندىن صكره بيان اولنەجق احوالى صولاقزادهك روايتنى صحيح كې كوستير .

موسى چلبىنىڭ عسكرى بو صورتله طاغلمغه باشلاينجه كىندىسى ده طالع جربك اعاده سندن مأيوس اوله رق فرار ايتك

احتیاجیله برابر چلبی سلطان محمد قارشییه کچمک ایچون انک طرفندن کمی آلمغه محتاج اولدیغندن ایمپراطور معروف، اولان ییزانس پولتیقهسی شیوه لرندن اوله رق کندی منفعتی ایچون ایتدیکی حرکتی شهزاده یه بر خدمت صورتنده کوسترمش و بلکه آغرجه صاتمش اولدینی ا کلاشیلور .

مولانا فضل اللهك عودتی اوزرینه چلبی سلطان محمد اون بش بیک قدر عسکرله بوغاز ایچنک اناطولی طرفنه کلش و ایمپراطور بالذات استقبال ایدرک شهزاده ایله بر عهد نامه اتفاق عقد ایلدکن صکره اردویی بری طرفه کچیرمش در .

اجنبی تاریخلرینک نقلنه کوره چلبی سلطان محمد اوج کون استانبولده ضیافتلر شهر آینلرله وقت کچیردکن صکره کندی اردوسی و ایمپراطورک غایت جزوی اولان عسا کر معاونهسی ایله موسی چلبینک مقابله سنه عزم ایتشدر . خواجه سعدالدین چلبی سلطان محمد پدرینک وقایعندن طولایی خرستیان عسکرینک استخدامندن تشأم ایتدیکنی بیان ایدر . تشأم مطالعه سندن قطع نظر، شهزاده نک برادرینه قارشیی ایتدیکی بر محاربه ده هم مذهب لرندن بشقه عسکر استخدام ایتمش اولسی اخلاق عالیه سنه یا قشدر یلماز . اوجهته بو محاربه ده عسا کر معاونه بولندیغنه دائر اجنبی تاریخلرینک روایتی پک ده قبوله شایان دکلدر .

ایکی شهزاده اینجکمز صحرا سنده تقابل ایتدی لر . ایکی سنک ده



سلطنت دعواسنه قیامندن طولایی فوق الغایه متأثر اولمش وتأدیپ  
وبلکه ازالهسی ایچون فرصت آرامقده بولنمش ایدی. بوضورتله  
ابراهیم پاشانک و شاه ملکک بربرینی متعاقب برادرندن انفکاککی  
وسائر امرانک دخی دلکیر اولدقلرینه دائر برچوق خبرلرک  
تواردی اوزرینه وقتی مساعد عد ایدهرک روم ایلییه کچمکی  
مذا کره ایچون بر مجلس عقد ایلدی .

صولاق زادهنک روایتنه کوره، ابراهیم پاشا استانبولده بولنان  
شاه ملکک ایمپراطور ایله پک زیاده الفتی اولقی جهتیه روم ایلییه  
کذار ایچون استانبولجه ایدیله جک تشبثاتک مذا کره سنده  
بولنقی اوزره آنکده دعوتنی رأی ایتدی . مخصوص مکتوب  
ارسالیله دعوت اولنان شاه ملکک رأییله ، بر خیلی زماندن  
بری ککبوزدهده قاضی اولدیغندن طولایی استانبولک حالنه  
بالاطراف وقوفی و احباب حکومتیه مناسبت تامهسی اولان  
مولانا فضلاه مأمور ایلدی ، ایمپراطوری سلطان محمد  
معاونتندن حاصل اوله جق فوائدی تعداد ایله افساع ایدهرک  
شهزادهنک اردوسنی روم ایلییه کچیرمک ایچون اقتضاییدن سفائتک  
اعطاسنه موافقتنی استحصال ایتدی .

روم تاریخلری ، ذاتاً موسی چابینک حصر وتضییق آلتنده  
بولنان ایمپراطورک او بلادن قورتیق ایچون سلطان محمدی روم  
ایلییه دعوت ایلدیکنندن بحث ایدرلر . بو اختلاف روایاتدن  
روم ایمپراطورینک موسی چلبییه قارشى معاونته درکار اولان

استانبول امپراطورينه کوندرهش و او ايسه امپراطوردن بر مکتوب آلهق سلطان محمد حضورينه کلش ايدى . بزم تاريخارک روايته کوره ابراهيم بانا سلطان محمد امپراطور وساطتياه بر عريضه تقديم ايدهرک آلدينى جواب موافقت اوزرينه بروسه يه کلش و چلبى سلطان محمد طرفندن وزارت عظمياه نصب ايدلمش در . موسى چلبى سوء معاملاتياه ابراهيم پاشايى تنفير ايلديكى کبى وزارتنده استخدام ايتديكى کور شاه ملک ده اوزمانه قدر معروف بر آدم اولماديني حالده سايه سنده اقصاى مراتبه نائل اولمش ايکن افنديسنگ شدتى جهتياه خوف و تلاشه دوشهرک استانبوله فرار ايتمىدى ،

موسى چلبى استانبول امپراطورينک خراج ویرمديکندن وشهزاده سليمانک هامرک روايته کوره ارطغرل و قره چلبى زاده نک ضبطنه کور مصطفى نامنده کوچک بر اوغلى استانبوله بولنهرق آنکه کنديسنى اخافه يه قالشديغندن سالنيکدن طوغريجه استانبوله کلهرک قلعه نک محاصره سنه ابتدار ايدى .

بر طرفدن ايسه موسى چلبى بو قدر عهد و ميمنارله برادرينه اطاعت وعد ايتمش و حتى روم ايليه آنک سايه سنده کچه بيلمش ايکن سليمان چلبى غائله سنى رفع ايدنجه چلبى سلطان محمدى هيچ حکمنده طوتهرق خطبه يى کندى نامنه حصر ايله اعلان استقلال ايتديکندن چلبى سلطان محمد زير تابميتنده بولنسان کوچک برادرينک کنديى اغفال ايله نائل اولديني قوت سايه سنده اشتراك

اورورلر ، کندینی یره دوشوزهرك اسیر ایدرلر . حقنده ایدیه جکاری  
 معامله یی پینلرنده مذاکره ایلدکاری صرده موسی چلبی طرفندن  
 عقبکیرلکه تعیین اولنان قویون موسی کلیر ، سلیمان چلبی یی عالم  
 آخرته ایصال ایدر .

دیگر بعض تاریخلرک روایتنه کوره عقبکیرلر کله دن ترکمانلر  
 شهزاده یی اعدام ایتمش و موسی چلبی ده پادشاهنه عصیان جرأتنده  
 اولان رعایایه کویا برمثال عبرت اولق ایچون ذکر اولنان کوی  
 خلقنی علی العموم آتسه یاقمشدر . دولت علیه نك ظهورندن بری  
 موسی چلبینک بوکوی خلقنه ایتمدیکی ظلم یولنده برعاماه ، ملکک  
 ارباب حکومتندن دکل ، قاطع طریقارندن بیله ظهور ایتماش ایدی .  
 موسی چلبینک او یله بطور خونریزانه ایله باشلایان حکومتک اجرا آتی  
 مظلوم قانی دوکمه منحصر قالمادی : اجنبی تاریخلرینک روایتنه کوره  
 شهزاده سلیمان چلبی ایله ایلک محاربه سنده خیانت کوردیکی صربلیلردن  
 انتقام آلق ایچون صربستانه یورویهرک و اوچ قلعه ضبط ایدهرک  
 محافظلرینی اعدام ایتمدیکی کبی غارت ایلدیکی یرلرکده نسوان و  
 صیانی اسیر وسائر اهالیسنی قتل عام صورتنده اتلاف ایلشدر .  
 حتی روم مؤرخلرندن دو قاسک روایتنه کوره عسکر امراسنه  
 و یردیکی ضیافتک سفره سنی دشمن جنازه لرینک اوزرینه قورمشدر .

موسی چلبی صرب غلبه سندن صکره شمالدن جنوبه طوغری  
 اینهرک سلانیکی محاصره و پراوادی و کوپری طرفلرینی ضبط  
 ایلدیکی کبی صدراعظم علی پاشا زاده ابراهیم پاشای خراج طلبیله

حسن آغا بوحال ايله حمامدن چيقمش وكتيره جيكي جوابه منتظر اولان امرايه آغلایه آغلایه» بوسرخوش غداردن نه خير اومارسکمز؟ بوقدر خدمتمدن ، صداقتمدن صکره بنم ناموسمی اخلال ایدنجه، کیمه رحم ایتسنک احتمالی واردر؟ بن موسی چایینک یانسه کیدیورم ، عقلی اولان بنمله برابر کلیر . « دیدی ، آتی سوردی ، اورادن آیرلدی . امرانک کولکلری ایسه اودرجه زهر قهر ايله طولمشدی که طاشمق ایچون همان بر طملهیه احتیاج قلمش ایدی . حسن آغانک کوردیکی حقارت اوزرینه شهزاده دن صوگ امیدلرینی کسدیلر . وقره جه بک وقره مقبل بک و تیمور طاش پاشا زاده اوروج بکدن ماعداسی آغا ايله برابر موسی چلبی طرفنه کچدیلر .

بوبادره اوزرینه حالک دهشتی سلیمان چلبییه انتباه ویره جک درجه یه کلش وشهزاده خدمتنده قالان اوچ قره کون دوستیله استانبوله فرار ایتمش ایدی .

خواجه سعدالدینک روایتنه کوره قلاغوزلغه آلدینی برترکان ، مخصوص یا کلش یوله کیده رک شهزاده یی دوکنجیلر دینیان قریه یه کتورر واوراده بولسان همشهریلرینه قاچان ذاتک کیم اولدیغنی اخبار ايله اکر طوتمازلر ایسه موسی چلبینک قهرینه اوغرایه - جققرینی بیان ایدر . ترکانلر ایسه سلیمان چلبی طرفندن تعیین اولنان مأمورلرک ظلم دیده سی اولدقلرندن اوزرینه هجوم ایدرلر ، قره جه بک ايله قره مقبل بکی تلف ایتدکدن صکره شهزاده نک ده آتی

امرانك اقدمی اولان اورنوس بك حمامه كیدهرك شهزاده یه ،  
 عشرته بودرجه انهما كندن طولای برچوق تعریضاردن صكره  
 دشمنك قویه قدر كلدیكنی ونجات ایچون چاره دوشونه جك  
 زمان اولدیغنی سویلیدی ، شهزاده یی بیك درلو نصایح ایله ایقازمه  
 چالشدی . سلیمان چلبی ایسه بوتشبلری مجرد كندی عشرتدن  
 منع ایچون اختراع اولمش برتدیر عد ایدر و « حاجی لالا !  
 نیچون نم ذوقه مانع اولمق ایسترسك ؟ موسی كبی بر چوجك  
 نه حدیدر كه نم اوزریمه كلكه جسارت ایلسون ! » قول  
 مغرورانه سندن بشقه برشی سویلزدی .

اورنوس بك مرام آكلا تمقدن مایوس اوله رق دیشاری  
 چیقدی ، شهزاده یی انتباهه دعوت وظیفه سنی بولندیغنی مسند  
 جهتیله اقدم امرا اولان یكیچری آغاسی حسن آغایه تمحیل ایلدی .  
 او بیچاره نك حمامه كیردیكى صروده شهزاده نك كندنجبه بر  
 بیوك تعجیز عد ایتدیكى اخطار اتدن صبری توكنمش وعشرت  
 وحدت بر برینه قاریشهرق وهر بری دیکرینك تأثیرینی زیاده -  
 لشدیرهرك عقل وادرا کی بتون بتون زائل اولمش ایدی .

آغا حالك الجا آتته نظراً سوزه مبرمانه بر طرز ایله باشلامش  
 واخطاراتنك مظهر قبول اولدیغنی كوردكجه حدینی تجاوز ایلش  
 اولدیغندن شهزاده كمال تهور ایله او صداقت و حیثیتده بر ذاتی ،  
 مقالنی تراش ایتدیرمك كبی بر حقارت عظما یه اوغراتدقن صكره  
 یندن طرد ایلدی .

اخلاق جهتنه اهمیت ویرلمسه بیه منمغت نقطه نظر نجبه اختیار  
ایدیله جک بر حال اولدینی میدانده در مسئله مبالغه دن، سوء ظندن  
تجربید اولدینی حاده پرنس-ارک برندن ویرکو قبول اولمش و  
یغما ایدیلن یرلرک اکا اطاعت ایتدیکی ایچون اورلمش اولدینی  
کندی کندینی کوستیر .

عسکری بوموقیعتاری احراز ایدوب طورورکن، شهزاده  
سلیمان چلبی ینه مغرورانه بر دور عیش وعشرت کشادایلمشدی ،  
بوزمان ایسه ادوار سفاهتک خاتمه سی اولدی . چونکه ۸۱۴  
سنه سی داخل اولنجه موسی چلبی بقته بولندینی کمین اختفادن  
ظهور ایدهرک طوپلایه بیلدیکی قدر آدم ایله ادرنه اوزرینه ایلغار  
ایلدی . کوسه میخال زاده محمد بک موسی چلبی طرفنه کچمش  
ایدی . آنک وموسی چلبی منسوبلرندن قیون موسی عنوانیه  
مشهور اولان ذاتک زیر اداره لرنده بولنان طلیعه بی کورن بریچاره  
ادرنه یه شتاب ایدهرک حمامده عشرتیه مشغول اولان سلیمان چلبی یه  
مشهوداتی صداقتکارانه بیان ایتدی . اوصره لرده ایسه استانبول  
ایمپراطورلغنه وارنجیه قدر هر طرفدن شهزاده نک عیاشلغنه  
تعریضار چوغالمش اولدیغندن سلیمان چلبی بوخبره کندیسینی  
ذوقندن آلیقویمی ایچون ترتیب اولنان بر یلان نظریه باقدی ،  
مخبر اولان بیچاره بی شدتله تحقیر و تغریب ایلدی . حال بوکه  
بر طرفدن خبرلر تعاقب ایتمکده ایددی . نهایت موسی چلبی طاقنک  
ادرنه باغرینه قدر صوقلدینی تحقق ایتدی . سن و خدمت جهتیله

ایلدیکی کبی شهزاده سلیمانده برادری موسی چلبینک اختفاسی اوزرینه اجدادینک آیین جهادینی احیا ایدرک کوندردیکی بر فرقه عسکرله آوستریا ادارهسنده بولنان تورینول طرفارینی تخریب ایلدی .

وندیک جمهوری عثمانلی عسکرینک کندی حدود ملکنه قدر واصل اولدیغنی کورنجه علی العجابه برسفیر کوندرهک آرناودلقده بولنان یرلرینک جزیه بدلی اوله رق سنوی بیک الی یوز آلتون اعطا ایتک و دولت طرفندن ده جمهورک ملکنه تعرض اولنماق شرطیله برنجی دفعه اوله رق بر معاهده عقد ایلدی که بومعاهدهنک عقدی ۸۱۲ سنه هجریه سنه مصادف اولان ۱۴۰۹ سنه میلادیه سنه ایدی .

هامر دیرکه :

« بونی متعاقب بوسنه قرالنی ایچون بربریله منازعه حالنده بولنان توارقو و اوستویو نامنده ایکی پرنس سلیمان چلبی به مراجعت ایدرک برچوق پازه لر عرضله استمداد ایتدیلر . ساچان پرنس لک تکلیف ایتدیکی اون بیک آلتون جزیه بی قبول ایتدی . فقط ایکی پرنسک حق تصرفی ایچون منازعه حالده بولدقلری مملکتی ددیغما ایتکدن چکنمدی »

هامرک لوسیوس نامنده بر مؤلفدن نقل ایلدیکی بوروایت اسلام علیهنه اتردی سویلک ایچون ترتیب ویا تغییر اولنمش برشی اولدیغنده اشتباه اولنه ماز . چونکه منازعه حالنده ایکی پرنسک ایکسندن ده ویرکو قبول ایتک وهله صکره ملکنی یغما ایلک ایکی طرفکده ویرکوسندن محرومیتی انتاج ایده جکی و بناءً علیه



سلطان محمد ایکی برادری روم ایلیده بر بریله مشغول اولدیغی  
صردهده ، خواص بندکانندن ایکن علی پاشانک مکتوب مزوری  
اوزرینه سلیمان چلبی به اسیر دوشهرك ایستر ایسته مز تابعیتنه  
کیرهش و آناتولی بکیر بکلکیه آنقره محافظه سنه تعیین اولمش  
اولان فیروز پاشا زاده یعقوب بکدن عبودیت خفیه سنک اعلانی  
و کندیسنک اورالره دعوتی مبین اوله رق آلدیغی عریضه اوزرینه  
توقاد طاغرندن چیقارک آنقره به کلش و یعقوب بک ایله شهزاده  
سلیمانک برقدینی سائر امرا یدنده بولنان موافقی حوزه اداره سنه  
ادخال ایلمش ایدی .

شهزاده بو موفقیت اوزرینه سلیمان چلبینک ورودیه انقطاع  
ایتمش اولان ملوک طوائف سفرینی تجدید ایدره ک عیسی چلبی ایله  
کندی علیهنه اتفاق ایتمش اولانلردن آیدین و منتشا و تسکه اوغلرینک  
تکرار اللرینه کچمش اولان یرلری بر بر ضبط ایتدی . فقط  
بکیر سلاح چکمه ک حاجت بر اقمسزین عرض اطاعت ایلدکلرندن  
اورالره اداره داخلیه سی ، پادشاه طرفندن برر والی طرزنده  
بولنق اوزره ، کندیلرینه ترک اولندی .

چلبی سلطان محمد آناتولیده استقلال بولنجه پدرینک ملوک  
طوائف حقنده اختیار ایتمش اولدیغی مسلک سیاستی تجدید



بزم تاریخلرک روایتنه کوره ایسه افلاق بیکی میرجه ، موسی  
چلبی بی طونه دن بری طرفه کچیرنجه روم ایلی بکلری کندیسنه  
عرض اطاعت ایتیش فقط سلیمان چلبی روم ایلی به کلوبده  
برادريله محاربه به طو توشنجه بکلرینه آنک طرفنه کچهرک موسی  
چلبینک انهمزمنه سبب اولمش اولیورلر . حال بوکه سلیمان چلبینک  
یاننده کی اردو روم ایلی بکارندن ، روم ایلی عسکرلرندن مرکب  
ایدی . بو حالده روم ایلیده بک یوق ایدی که موسی چلبی به اول  
اطاعت صکره خیانت ایلسون . برقاج کشی قالمش اولسه آنلردن  
سلیمان چلبی به قارشى براردو تشکل ایتیه جکی درکاردر ، برده  
بو بکلرک سلیمان چلبینک اوضاعندن بیزار اوله رق موسی چلبی  
طرفنه کچمه لری بر سبب معقوله اسناد اولنه ماز ، بو مطالعاته  
کوره ظن اولنورکه بزم تاریخلرده کی روم ایلی بکلری صرب  
امراسندن غلط اوله رق واقعه مطابق اولان هامرک روایتدر .




التزام اولدیغنی کورنجه موسی چلبینک امیدنی قوتده بولدی .  
 بناءً علیه بویولده ایده جکی حرکت کندیسنجه پک بیوک ضرر لر  
 ویانک بیوک فائده لر ویره بیاه جکنی دوشونه رک موسی چلبی بی  
 کوجندیردیکنه اظهار ندامتله میرجه یکک مکتوبنی شهزاده یه  
 کونرددی، کندیسنکده هر خدمته حاضر بولندیغنی بیان ایلدی .  
 بوظهورات اوزرینه موسی چای قرمان اوغلتک رأییه  
 اسفندیار بک نزدینه کیده رک سینوبدن سفینه لرله افلاکه کذار  
 ایتمشدی . شهزاده سلیمان چلبی ایسه موسی چلبینک روم ایلی یه  
 تعرضندن طولای خیلیدن خیلی یه تلاش ایتش و فیروز پاشا  
 زاده یعقوب بکی آناطولی بکار بکلکنه تعیین ایله آنقره و بنک  
 وسلاسل قلعه سنک محافظه سنه مأمور ایده رک کندیسیده روم ایلی  
 طرفنه عزم ایلش ایدی . هانمر دیرکه :

« موسی چای صرب قرالی استپان وافلاق حکمداری میرجه نک  
 ویردیکی صرب وافلاق عسکر یله برادرینه قارشى یوریمکده ایدی .  
 ایکی اردو بربر یله برنجی دفعه اوله رق استانبول جوارنده تقابل  
 ایتدیلر . صرب بیلری استانبول ایمراطوری خفياً جلب ایلش اولدیغندن  
 بونلر محاربه یه باشلار باشلاماز سلیمان چای طرفه کچدیلر . شهزاده ایسه  
 بردیسسه حریبه اولق اوزره استانبول خندقنه قدر چکیله رک موسی  
 چلبی طاقنک آناطولیدن کلن عسکردن فرار ایدنلری تعقیب ایتسنه  
 میدان ویرمش ایدی . او حالدله کندیله برابر خندقده اختفا ایتش اولان  
 بش یوز سواری ایله بردن بره کمیندن ظهور ایده رک دشمنی بر  
 هجومده بوزمش وطوغریجه موسی چلبینک اردو موقعنه کیدرک هیچ  
 بر مقاومت تصادف ایتکسزین ضبط ایلشدر . موسی چلبی بومغلوبیت  
 اوزرینه عسکری کندیسنه صادق قالمش اولان میرجه نک مملکتته  
 فرار ایلدی . »



ينه او سنه ظرفنده ایدی که سلطان محمدک یاننده بولنان  
شهزاده موسی چلبی مدّة العمر برادرینک اطاعتندن آیرلایه جغنی  
یمینلرله تعهد ایدرک روم ایلی یه کچمک و اورانک ضبطیه اوغراشمق  
ایچون استحصال رخصت ایتمش و قره دکزدن کذاره بریول  
بولق ایچون طوغری اسفندیار بک نزدینه عزیمت ایلش ایدی .  
فقط اسفندیار بک طرفندن مطلبینک ترویجیه مسارعت کور-  
مدیکندن و بر روایتیه کوره آندن معاونت امید ایدمه مدیکندن  
اسفندیار بکی ترک ایله چلبی سلطان محمده خلوص ایتمکده اولان  
قرمان اوغلانه مراجعت ایلدی . محمد بک چلبی سلطان محمد ایله  
اولان اتفاقنه خدمت ایدمک بویله بر مقصدک اجراسنه آندن  
کلن غیرته قصور ایتدی و ساحله قریب اولان ممالکنندن  
شهزاده بی آق دکزه چیقاره بیلیمک ایچون چاره تحریراسنه  
باشلادی . او صروده ایسه سلیمان چلبینک تعدیات و تحقیراتندن  
بیزار اولان فلاق بکی میرجه موسی چلبینک نیتنی تحقیق  
ایلدیکندن اسفندیار بکه مکتوب ارسالیله موسی چلبی یه هر نوع  
خدمت و معاونتده قصور ایتیه جکنی وعد ایدرک شهزاده نک  
افلاقه کوندورلمسنى ایستدی . اسفندیار بک ذاتاً سلطان محمدک  
آرزوسنه موافق اولان بومقصد، قرمان اوغلی و میرجه طرفندنده

قدر اوراده تحفظدن بشقه کندیلری ایچون بر چاره نجات  
 قلمدیغنی بیان ایلدی . بورای اوزرینه سلیمان چلبی آنقره یه  
 چکلدی ، عسکرینی طوپلامغه باشلادی . بمض تاریخلرک روایتنه  
 کوره قرمان وقعه سی ۸۰۹ سنه سنده وقوع بولمش ایلدی .



علی الغفله بر ایش کورمکدن امیدى کسه رک و عثمانلیاره قارشى بر تجربه طالع اجراسنه بیاه جسارت ایده میه رک آقسرایه طوغری فرار ایتمش و اورنوس بکده آرقه سنه دوشمش ایدی .

قرمان اوغلی بوتضیق اوزرینه ملکندن کافه سنی غائب ایتمکدن ایسه نصفنی چلبی سلطان محمده عرض ایده رک برادرینه قارشى معاونتی ایستمش و سلطان محمدده بوتکلیفی قبول ایده رک سلیمان چلبی علیه قرمان اوغلی ایله اتفاق ایش ایدی .

بویله برادر علیه بر دشمنه اتفاق محاربات داخلیه ک اک جانکداز اولان فاجه لرندندر . چلبی سلطان محمد ایسه بو حرکتنده مذور ایدی . چونکه سلیمان چلبی عسکره و یردیکی رخصت یغما ایله آناطولی بی قرمان اوغلنک هیچ بروقت ایقاعنه جسارت ایده میه جکی مرتبه مضرتره اوغراتمش و بناءً علیه چلبی سلطان محمده ، زیر لوای عدالتنه صیغمنش اولان اهلینک مدافعه سی امرنده هرکیمکه اولورسه اولسون اتفاق ایتکه حق و یرمش ایدی . بوندن بشقه قرمان اوغلنک ، بویله نصف ملکنی و یره رک عقدینه طالب اولدینی اتفاق حقیقت حالد عثمانلی تابعیتی قیولدن بشقه برشی اولدیغندن رد اولنه جق شیردن دکل ایدی . اورنوس بک شهزاده نک قرمان اوغلی ایله برلشدیکنی خبر آنجه بالطبع مقاومتدن عاجز قاهره ق معیتنده کی عسکرله شهزاده نک بولندینی محله قدر رجعت ایتدی . و آنقره وسلاسل قلعه سنه چیه قهرق اطرافده پراکنده اولان عسکر اجتماع ایدنجه یه

مانع بولنديغى جهته استحصاى مقصدى وقت مرهونه تاويق ايدىدرك ينه آماسيه وتوقادطر فلرينه چكلكمك مناسب اوله جفنى ده علاوه ايتدى . چلبى سلطان محمد ايسه بوصولت اختيارى چاره سزعد ايلدى .

سليمان چلبى برادرى تعقيبى جسارت ايمه ملكه برار حكومته دعواى استحقاق ايلدىكى عثمانلى ملكنه رخصت غارتله عسكر لر تسلط ايتكدن حجاب ايمه مش وبوصولت محاربات داخله نك شدائدى هركون بريولده تزايد ايدىدرك اهالى نى جانندن بيزار ايتكه باشلامش ايدى .

او ائنده سيورى حصار خاقى شهزاده سليمان آدم ارساله اكر او طرفه كليرسه قلعه نى تسليم ايدى جكلرينى بيان ايتديلر . فقط شهزاده اورايه توجه ايدنجه وتدلرنده خلف ايتديلر ، قلعه يه قبانديلر ، مقاومه باشلاديلر . شهزاده سليمان چلبى ده عسكرينك برچوغنى غارت اچون اطرافه سوق ايتدى . برادريله ده سيورى حصارك محاصره واتضييقنه قيام ايلدى .

قلعه اهاليسنك ابتدا اطاعت وعدى صكره او وعددن نكولى قرمان اوغلنك برحيله سى اولق كر كدركه بو آدم بغته براردو ايله عثمانلى ملكنه تجاوز ايدرك سليمان چلبى نى اسير ايدى بيلمك قصديه ايلرلكه باشلادى .

سليمان چلبى قرمان اوغلنك تجاوزى نى استخبار ايلدىكى كى اورنوس بك معييله اوزرينه بفرقه سوق ايلدى . محمد بك ،

علی پاشا اردونک موقعی بر قاعه حائنه قویمش چلبی سلطان  
 محمدده محاصره یولو هر طرفلرینی صارمش اولدیغندن هر کون  
 صباحدن آقشاه، قدر حرب اولنوردی و هیچ بر طرفه آرزو اولدینی  
 کبی ظفر میسر اولماز ایدی . بوضرده علی پاشا چلبی سلطان  
 محمدده بر مکتوب کوندردی . خاندان عثمانی به عبودیت ثابته  
 و موروثه سندن طو تدره زق امراسنک کندی نه خیانت قصدده  
 بولندقلرینی عبودیت و صداقت نامه اوله رق اخطار ایدی .  
 سلطان محمد، یعقوب بکه کوندریلن معهود مکتوب مزور تجربیه سندن  
 طولانی علی پاشانک بو حیاه سنه قطعا اهمیت و یرمدی، او قدر  
 اهمیت و یرمدی که او یله بر مکتوبک و روندن محرملرینه  
 سوز آچمه بیاه لزوم کورمدی . فقط او اثناده بالته صادف کندی  
 بنده لرندن شر ابدار الیاس، سلیمان چلبی طرفنه فرار ایتدیکندن  
 بو وقعه علی پاشان کلن مکتوبک مألنی بردرجه یه قدر مؤیددوشدیکی  
 ایچون بالطبع مراق ایتدی ، یالکز اک زیاده محرمی اولان  
 بایزید پاشایه مکتوبک حکایه منی نقل ایتدی .

بایزید پاشا بوروایتک علی پاشا حیاه سندن عبارت بولندیغنده  
 هیچ شبهه اولمادیغنی و امرا و عسکر شهزاده نک یولنده فدای  
 جانه حاضر اولدینی بیان ایلدی . فقط کندی سوزینه قلباً  
 کندی ده اعتقاد ایدم دیکندن میدر ؟ یوقسه شهزاده یی اندیشه ده  
 کوردیکند نمیدر ؟ هر نه دن ایسه سلیمان چلبی یی طو تدرینی موقعدن  
 قالدیر مق محال اولدینی و یا غمور لرك امتدادی ده حرکات عسکر یه

فرار ایتمک ایستدی . سفالت و عطالت محرک لرندن اولمغله اتمام  
 بدیان صدر اعظم علی پاشا افندیسنک زدیینه کیده رک « نه اولدی ؟  
 همدن مغلوب اولدق ؟ قارشى طرف نزهده غلبه ایتمدی که فراره لزوم  
 کورونسون ؟ بوراده کی عسکرله یکیشهره کیده رز . جوارنده  
 ولان کافر پیکاری قدرندن مستحکم بر محلدر ، اورای طوتارز ؛  
 طرفنده کی عسکری جمع ایدرز . بزم دائما قوتمز تراید ایدر ،  
 آذر ایسه قوه موجوده لر یله کلش اولدقلرندن کوندن کونه بوقوت  
 زایلر . ذخیره لرینه ده تعرض ایده بیلیرز . بعض تدبیرلرله آره -  
 یینه تفرقه دوشورمک ده قابلدر . « یولنده رأیلرله سلیمان چلبی یی  
 نزمندن نکول ایتمدیردی ؛ آلدی یکیشهره کوتوردی .

چلبی سلطان محمدده برادرینک فرقه سنی آرایه رق کیدردی .  
 چلبی اوغلی محمد و خروس اوغلی احمدک معیتلرنده اولان  
 طبعه سی سلیمان چلبینک طبعه سنده بولان اورنوس بک طاقنه  
 سادف ایلدی . او پیر مجاهد ، محاربات داخلیه بلاسی ایچنده  
 نجی دفعه اوله رق تاریخلرده نامی هنوز کورولمکه باشلامش  
 لان ایکی نوظهور عسکر قارشیسنده بوزلدی ! بو صورتله  
 چلبی سلطان محمدک طبعه سی منهزملری ، کندیسى طبعه سنى  
 تمیب ایده رک سلیمان چلبی اردوسنک اوزرینه دوشدیلر . فقط  
 دو او زمانه قدر کافر پیکارینه کلش ومواقع لازمه یی طومتش  
 لدیغندن صدر اعظم علی پاشانک تدابیر حریه سنه غلبه ایدوبده  
 میان چلبی یی یرندن اویناتمغه مقتدر اوله مادیلر .



ایدن بو اقدامات په‌وده‌دن اوصاندى ، ینه بروسه‌یه عودتله ذوق  
وصفایه حصر وجود ایلدی .

چلبی سلطان محمد برادرینک بهم‌حال ینه اولکی عیاشلنی  
اله آله جغن کشف و تخمین ایتمش ایدی . او جهته حالنک تحتبقی  
ایچون مخصوص آدملر کوندردی ؛ آلدینی معلومات ایسه تخمیننی  
تأیید ایلدیکنندن سکنز بیک عسکرله اردوسنی باصمغه عزم ایلدی .

حرکتنده بدرجه سرعت و مهارت کوستردی که قارشی  
طرفک هیج برشیدن خبر اولمق‌سزین سقاریه کنارینه واصل اولمش  
ونهرک طاغینلنی مانع اولماسه مقصدینی فعله چیقارمسی مقرر  
بولمش ایدی .

سلطان محمدک اردوسی بومازه موقتہنک اندفاعنه انتظار  
ایتمکده ایکن سلیمان چلبی توابعندن سلیمان صوباشی نامنده برآدم  
سقاریه جوارنده رعی ایدلمکده اولان حیواناته باقق و برروایتہ  
کوره مملکتی تحریر ایتمک ایچون اورالرده طولاشدینی صیره‌ده  
سلطان محمدک عسکرندن نهرک قازشیسنده براق کشی‌یه راست  
کلیر ، تلاش ایله کیم اولدقارینی صورار . آنلرده نهردن کچهرک  
سلیمان صوباشینی اعدام ایتمکده چالیشیرلر ، نهر کچید ویرمنز .  
بوصورتله سلیمان صوباشی قورتیلور . سرعتله بروسه‌یه کلیر ،  
شهنزاده‌ینی حمامده بولور ، حالی خبر ویرر .

سلیمان چلبی برادرینک سطوت قاهره‌سنی بیلدیکی جهته  
بوخبردن فوق‌العاده تلاش ایدره بروسه‌ینی ترک ایلرؤم ایلی‌یه

کلمک کمزه امکان مساعد دکلدرد . قلعہ فی خراب ایتدیرمکه سبب اولما ، تسلیم ایت . جناب حق معین اولورسه قولایدرد « طرزینہ تحویل ایلدی . اینہ خواجہ ایله بلغار آغایہ ویررکی بو مکتوبی اعطا ایدهرک وچلی سلطان محمدہ صداقت خفیہ سندن بختار ایدهرک کندیلرینی کویا اردودن قاچیردی . بونلر قلعہ یه داخل اولدیلر ، یعقوب بکه نامه یی ویردیلر . او ایسه قلعہ نیک مدافعه سندن بتون بتون عجز حالنده بولندینی جهتله آلدینی امرک اجراسنه مسارعت ایلدی .

چلی سلطان محمد وعدی کبی یرندن حرکت ایتمش و آنقره یه ده یاقلاشمش ایدی ، قلعہ نیک تسلیم اولندیغنی یولده خبر آلدی . ویاننه کله بیلن امرانک افاده سندن نامه سنک تغیر اولندیغنی ده اوکرندی . ذاتا قلعہ یه اختیار ایتدیکی حرکت مخاطردن سالم دکل ایکن قلمه الدن کیتدکن صکره محاربه یه قیامی هیچ مناسب کورمدی ، حزن وغضبله ینه بک پازاری طرفه چکلدی .

حرب ایچون شهزاده یی آنقره صحراسنده بکلمکده اولان علی پاشا او امیدک حصه ولنده مایوس اولنجه سلیمان چلبینک اردوسنی آنقره دن قالدیردرق او جوارده بولنان قلعهلرک ضبطنه عزم ایلدی . بو قلعهلر لایقیله تحکیم ایدلش وهر بری امرادن بر صاحب اقتداره تودیع اولنمش ایدی . سلیمان چلی هانکیسنه تعرض ایتدی ایسه ضبطنه موفق اوله مادی . برقاچ آی امتداد

بکه احاله ایلدی و کندیمی سرحده طوغری چکلدی . او صرده ایسه بر مدت اول شهزاده نك خدمتته کله رک پک چوقا کراملره و احسانلره نائل اولمش اولان تاتار امراسندن طویوران بک، سلیمان چلبی حادثه سندن اغتنام فرصته ملکی یغمایه قالقشدیغنی چلبی سلطان محمد خبر آلمش و بولندیغنی یره ایلغار ایدرک عشیرتی تارومار اتمش در . طویوران بک بر چبلاق آته سوار اوله رق کوزینک کوردیکی جهته فرار ایله بو هنکامه دن تخلیص جان ایده بیلمشدی .

چلبی سلطان محمد او غارتکرلره مشغول ایکن سلیمان چلبی کلدی ، آنقره نی خلقک اطاعت ضروریه سیله ضبط ایتدی . سلاسل قلعه سنی ده محاصره ایدرک یعقوب بکی بر قاچ کره اطاعته دعوت ایله قبول ایتدی ره مدکن صکره عسکرینه هجوم امری و یرمش ایدی . یعقوب بک تعرضات واقعه دن پک زیاده صیقیه رق اینه خواجه و بلغار آغا نامنده ایکی آدمله شهزاده یه فریاد نامه لر کونرددی . چلبی سلطان محمد ایسه احتیاطک بودرجه سنی کافی و بلکه زائد کوردیکندن یعقوب بکه بر استماننامه ارسالیه ، ایکی کون دها صبر ایلمسنی و ایکنجی کون امداد کوره جکدن امین اولمسنی بیان ایلدی . اینه خواجه ایله بلغار آغا عودت ایدرکن شهزاده سلیمان چلبینک آدملرینه اسیر اولدیلر . علی پاشا شهزاده نك یعقوب بکه اولان نامه سنی « ثبات و استقامتکندن ممنون اولدم ، برخوردار اول ! فقط بزم شمدی او طرفلره

اوزرينه مبتنى بولماديني جهته تدقيقات تاريخينه آنك رواياتى  
عثمانلى مؤرخلرينك افاداتندن معتبر طوئلق لازم كلز. فقط بو  
روايتى، چلبى سلطان محمدك بالاده ذكر ايتديكمز نامه سيلاه مؤيد  
بولنديغى ايچون مسلماندن عد اولمقى طبعيدر. جنيد بكك  
بولندن بشقه هيچ بر وقعەسى يوقدر كه چلبى سلطان محمدك  
نامه سنده بحث ايتديكى جانبدارلغه دلالت ايلسون.

بزم تاريخلرك ايسه بو وقعە يى چلبى سلطان محمد عليهنه  
عيسى چلبى وصاروخان و آيدين و منتشا اوغلارى بيننده منعقد  
اولان اتفاق ايله قارشىردقارى آكلاشلمقدهدر.

سليمان چلبى بوصورتله ازمير اوغلى حادە سنى دفع ايتدكن  
صكره آنقره اوزرينه يوریدی. خواجه سەمدالدينك روايتنه  
كوره چلبى سلطان محمد متصف اولديغى مزيات قهرمانى ايله  
برابر دائماً دشمنك او كندن بر طرفه صاوشمى غيرتمه يديرەمدى.  
وسليمان چلبينك مقابله سنى شتاب ايلك ايسدى؛ فقط مستشار  
خاص اولان بايزيد پاشا ايله مقبل صوباشى سايمان چلبينك اكبر  
ولاد اولق اعتبارى وكثرت اقتدارى جهتلريه آچيقدن  
آچيغه اوزرينه وارلق محاطره دن سالم اولمايه جغنى بيان ايله  
سلاسل قلمە سنك محافظه سنى بر يد كفايته تسليم ايدەرك بر طاقم  
جبال منيمه التجا ايتمكدن واورارده فرصته انتظار ايتمكدن  
سالم طريق اولمديغى عرض ايتديلر. سلطان محمدده بو رأى  
بول ايدەرك سلاسل قلمە سنك اداره سنى فيروز پاشازاده يعقوب

بیان ابتدی ، امداد ایستدی . ایدین اوغلی اقرباسندن اولان منته  
 حا کئی الیاس بکه النجا ایدرک التی بیک کشیک بر امداد آلمش  
 آلاشهر اوزرینه یورویهرک و اوچ بیک کشیله اوراده بولان قرد ص  
 باشی بی اوغلی جنید بک طرفندن امداد ورودینه میدان بر اقمسزین اسی  
 ایدرک مملکتی ده استرداد ایلش ایدی . جنید ممالوس نامنده بر قلمه ده بولنا  
 پدرنی تخلیصه موفق اولدقن صکره ینه الاشهر اوزرینه یوریمش ایدی  
 اوراده آیدین اوغلی ایله بر صورت تسویه کیریشه رک خصمک  
 قیزی آلدی و عسکرینه سردار اولدی . او صرده ایسه آیدین  
 اوغلی وفات ایلدیکنن لنده بولنان یرلری کندی حسابنه اوله رق  
 ضبط ایلدی . ایشته شهزاده سلیمان چلبی ، هم برادرینه اولان کینک  
 سوق و همده جنیدی بو خیانتدن طولانی تأدیب ایتمک آرزوسی ایله  
 آما طولی به کچهرک بروسه اوزرینه یورومشدر . بروسه ایسه بلا ترد  
 شهزاده یه فتح باب ایلدی . جنید بو بلایی دفع ایچون کمال مسارعتله  
 قونیه یه و اورادن کوتاهیبه کیدرک قرمان و کرمان اوغلاریله بر اتفاق  
 عقد ایستدی . قرمان اوغلی جنیده کندی قومانداسنده اوله رق او تو  
 بیک و کرمان اوغلی اون بیک عسکرله امداد ایتمش ایدی . جنید بک ایسه  
 بش بیک آدم ایله متفقلرینه التحاق ایلدی . شهزاده سلیمان چلبی  
 یکرمی بش بیک کشیدن عبارت اولان اردوسیله بر غمه و اوراد  
 از میر طرفلرینه یوریدی ، الاشهره آلتی ساعت مسافه سی اولان  
 محلی اردوسنه اس الحركات اتخاذا ایلدی . جنید بک متفقلرینه  
 کندیسنی شهزاده یه تسلیم ایتمک نیتنده اولدقلرینی تحقیق ایدرک همان  
 کیجه کفتنی بو یذنه طاقدی ، کمال ندامله شهزاده سلیمان النجا ایلدی  
 قرمان و کرمان اوغلاری صبا حلین جنید بک چادرینی خالی کورونج  
 تلاش و سرعتله فرار ایلدیلر . سلیمان چلبی بو موفقیت اوزرینه الاشهر  
 کلدی ، معتادی وجهله عیش و عشرته باشلادی . »

هامرک بو روایتده مأخذی اولان دو قاس او زمانه  
 رجالندن اولمادینی و بناءً علیه بیان ایتمدیکی روایت مشهوده

بوصورت ایکی شهزاده نك ده حرکات حربیه ده پدرلرینك مو هو باتندن اولان ییلدیرم سرعتنه وارث اولدقلرینی کوستیرر .

برادرینك هجومی اوزرینه ایدیله جك حرکتی سلطان محمد امراسیله استشاره ایلدی ؛ « سلیمان چلبینك قوه کایه سنه آچیقدن آچیغه مقابله یه چالشمق جالب خطر در ، انقره طرفلرینه چکیله رك عسکری اوراده جمع ایتك و سلیمان چلبی اوزرمزه کلیرسه ذخیره یوللرینی کسمك فرصت دوشدکجه عسکرینك فرقلرینی باصمق کبی تدابیردن بشقه مقابله یه چاره یوقدر . » دیدیلر ، اوده بوتدیری قبول ایدهرك انقره یه عزیمت ایلدی .

هامر روم مؤرخلرندن ( دوقاس ) دن نقل ایله دیرکه : « سلیمان چلبینك اناتولی یه کذارینی ، اهمیتجه عیسی چلبیک زوالندن دون اولیمان بر وقعه تسریع ایلدی که اوده از میر حاکمی جنید بکک خیانتی ایدی .

سلطان بایزید ایدین اوغلنی مملکتندن طرد ایلدیکی صره ده او ولایتک اداره سنی قره صو باشی نامنده برینه تودیع ایله کندیسنی از میره [ ۱ ] اقامه ایلمش ایدی . جنیدکه بوقره صو باشینك اوغلی ایدی ، تیمور طرفندن مملکته اعاده ایدیلین و آلاشهری مرکز حکومت انخاذا ایلین ایدین اوغلنه اعلان حرب ایلدی . و آلاشهری ضبط ایله برابر شهزاده سلیمان چلبی یه صراجعتله ایدین ملکنی انک نامنه فتح ایده جکنی

[ ۱ ] اووقت از میر نامنده بربرینه یقین ایکی شهر موجود اوله رق بیسوکنه کاور از میری کوچکنه یالکزجه از میر دینلوردی . سلطان بایزید زماننده کاور از میری ردوس شوالیه لرینك النده ایدی که صکره دن تیمور ضبط ایلدی . بایزیدک قره صو باشی بی اقامه ایلدیکی بر ایسه دیکر از میر ایدی که آیدین اوغللرندن آلمشدی .

چیقان یرلره کندی ملکی و اوجهته اورالره حکم ایدن بکلره عاصی نظریله باقق امور طبیعیه دن ایدی .

خضر شاه بك وقعه سنی متعاقب چلبی سلطان محمد کرمان اوزرینه یوریدی . کرمان اوغلی یعقوب بك حقیقت بین بر ذات اولدیغندن مقابله دن عجزینی بیهرك شهزاده نك استقبالنه شتاب ایله قلعه لرینك مفتاحنی تسلیم ایلیدی . شهزاده ایسه هیچ بر فلك مكافاتمزل قالماسنی شانسه لایق کورمديكندن یعقوب بكك بو حرکت رضاجویانه سندن حاصل ایلدیکی منویته مقابل ملک نك اداره سنی نه کندیسنه احاله ایتشدی .

چلبی سلطان محمد ایچون الك بیوك مخاطره بوندن صکره باش کوسترمکه باشلادی . چونکه شهزاده لرك اکبری اولان و ادرنده جلوس ایتک جهتیله رجال حربك اکثری زیر اطاعتنده بوانان سلیمان چلبی، سلطان محمدك آناتولیده مستقل و منفرد قلهرق کندیسنه رقابت قبول ایده بیله جك بر موقع اقتداره واصل اولدیغندن طولای فوق العاده تلاش ایدره ك بر مدت موقته ایچون حال صحوه کیش واردوسیله آناتولی طرفنه کچمکه عزم ایتمش ایدی .

کاتب چلبی شهزاده سلیمانك ۸۰۷ تاریخنده آناتولی په کذارینی بیان ایدر . بو حواله و سلطان بایزیدك ۸۰۵ رجبنده وفات ایتمش اولسنه نظر آعیمی چلبی ایله سلطان محمد بیننده کی وقایعك کافه سی بر بوچوق سنه ظرفنده جریان ایتمش اولق لازم کلیورکه

اواسطده از مير اوغلى حمزه بکه يازيلان نامه ده جنيد بکک تا-  
 وفاته قدر کندينه طرفدار اولديغى بيان اولنيور . بو شهادت  
 اتفاقه جنيد بکک بولماديغنه دليل قطعيدر . روم مؤرخلرندن  
 دو قاس ، جنيد بکک شهزاده سايمان چايي علمينه بر اتفاقه داخل  
 اولديغى بيان ايدرکه صره سى کلنجه تفصيل ايده جگر .

شهزاده بومظفرتى اوزرينه اتفاقك رؤساي ارکاندن بولنان  
 خضر شاه بکک اوزرينه يوریدی . وکندینی برحمامده طوته رق  
 اعدام ایلدی . بو حده سبب خضر شاه بکک مظلوم جنکيزانه سياه  
 سفک دم وهتک عرضه شدت انهماکی ایدی . شرعاً قصاصه بيک  
 کره لایق اولديغى کي تيمور ايله کله رک عثمانلی ملکنک بر جزوئينه  
 تسلط ايتمش اولق جهتيله شهزاده کنديسنه عادى دشمندن  
 زياده عاصى وخائن وطن صفتيله باقمده حق سر دکل ایدی .  
 عادى دشمن بيله عد اولنسه او زمانلر حکمنجه دمی هدر اولان  
 حرب اسيرلرندن بولنديغى ايچون اعدامنده سلطان محمدى مؤاخذه  
 قابل اوله ماز . فطرة دنائتيله متصف اولق لازم کلن بو غدار  
 آخردمنده علو همت اظهار ايده رک شهزاده دن اجدادينک تربيه سنه  
 دفن اولمسنى وآنلرک اوقافی يغما ايتديرلمه سنى التماس ایلدی .  
 اعدام اولنور کن جسارت ومثانت کوستردى . علو همتده اويلاه  
 بر آدمدن کيرى قالمق شانندن اولميان چايي سلطان محمدده خضر  
 شاه بکی جانيلر کي اعدام ايتمکله برابر وصيتنى ده حرف بحرف  
 اجرا ایلدی . شهزاده ايچون ، تيمور حادثه سندن طولايى الدن



کتورمک ایچون امید بخش اولان برفرستی مسارعت و ممنونیتله  
 انتهاز ایتدیلر ، وار قوتلرینی بازویه ویردیلر ، عیسی چلبی به  
 امداد ایچون بر یکرمی بیك قدر سواری طوپلادیلر . انلر  
 سلطان محمدك اوزرینه کیتمهکه حاضر لئمقده ایکن سلطان محمد اون  
 بیك آتلی ایله انلرک بولندقاری محله یتیشه رک اردولرینی برهمت  
 جزویه ایله پریشان ایلدی . بویله اجناس مختلفه دن مرکب ،  
 انضباط و اتحاددن عاری بر اردویی ولو کندیلرینک ایکی مثلده  
 اولسه برحله صادقه ایله تارومار ایتک عثمانلی قهرمانلرینه کوره  
 اسهل امور ایدی . عیسی چلبی ، بو انهزام اوزرینه قرمانه کیتمش  
 ایسه ده قرمان اوغلی محمد بك سلطان محمددن احتراز ایله حمایه سنه  
 جسارت ایده مدیکندن روایت مشهوره به کوزه بیچاره طاغاره  
 دوشه رک محو و نابدید اولمشدر . بعض روایته کوره ایسه عیسی  
 چلبینک اسکی شهر جوارنده بولندینی سلطان محمد خبر  
 ویرلدیکندن اوزرینه ایکی یوز آتلی سوقیله کندیسینی برحامده  
 طوتدیره رق اعدام ایتدیرمش ایش .

بزم تاریخلر عیسی چلبینک ، میخالیجندن طوغریجه از میر  
 اوغلی جنید بکه مراجعت ایده رک ملوک طوائف بیننده بو اتفاق  
 آنک و ساطتیه وجوده کتوردیکنی و جنید مغلوب اولدقدن صکره  
 کفنی بوغازینه طاقه رق سلطان محمد التجا ایله مظهر عفو  
 اولدیغنی بیان ایدرلر . فقط بوروایت صحیح ارله ماز . چونسکه  
 چای سلطان محمد طرفندن ۸۱۸ سنه سی ربیع الاخرینک

اسفندیار بکه التجا ایلدی . خواجه سعدالدینک روایتنه کوره اسفندیار بک بیادیرم بایزید زماننده بروسدهه ایکن شهزاده نك والده سندن غرب نوازانه بعض آثار حمیت کوردیکی ایچون کندیسنه منتدار کچندیکنندن و ذاتاً خاندان عثمانی ایچده عثمانلی دشمنلرینه اصل چلبی سلطان محمد دهشت ویرمکده اولسنه نظر آ بر بشقه شهزاده قوتیه آنی ازاله ایده بیلمک اکثر ملوک طوائف ایچون اخص مقاصد اولدیغندن قوه موجوده سیله عیسی چلبی به معاونت ایدهرک سلاسل قلعه سنک محاصره سنه عزم ایتشدی . شهزاده سلطان محمد اوچ بیک آتلیسیله اون کون ایچنده بروسدن سلاسه ایتشدی ، اسفندیارک اردوسنی پریشان ایدهرک هم کندینی هم عیسی چلبی نی قسطمونی به قدر فراره اجبار ایلدی .

بو اثناده قره مان اوغلی ، چلبی سلطان محمدک تعالی اقبالنه صورت قطعیده حکم ایدهرک سفیر و نامه ارسالیله عرض عبودیت ایتش ایلدی . اوصره لرده مرعشه اجرایی حکومت ایدن ذوالقدر سلیمان بک ده کریمه سنی شهزاده یه ترویج ایلدی .

عیسی چلبی بو مغلوبیتله ده فتور کتورمدی ، قسطمونیدن ینه بروسه طرفلرینه ورود ایله اطرافی یغما یه باشلادی . سلطان محمد بو خبری ایشیدنجه کمال شتاب ایله تبعه سنک امدادینه کلشدی . عیسی چلبی برادر یله منفرداً محاربه یه جسارت ایده میهرک غرب جنوبیده بولنان ملوک طوائفه مراجعت ایلدی . صاروخان و آیدین و منتشا و تسکه بککری بویله ، هم سلطان محمدک ظهورینه برمازه پیدا ایتک هم ده تخت عثمانی یه کندی قوتلریله منصوب اولمش برپادشاه

حشرات طوپلادی ، ینه سلطان محمدك ملكنه دخول ایتدی .  
 برادريله مصالحهده بولنديغندن بحث ایدهرك كزديكي يرلری بر  
 طاقم تکالیف شاقهیه اوغراده اوغراده بروسهیه قدر کلدی .  
 اوراسنی ده ینه مصالحه نامه ضبط ایتك ایسته دی . بروسه اهالیسی  
 قلعهیه قیاندیلر ، سلطان محمدك اطاعتنده ثبات ایلدیلر . عیسی چلبی ده  
 حدتی تسکین ایچون قلعه خارچنده کی محلاتی غارت ایتدیردی .  
 بری طرفدن ایسه سلطان محمد برادرینك تجاوزاتی خبر  
 آلدینی کبی طوپلایه بیلدیکی عسکرله بروسه نك امدادینه شتاب  
 ایتشدی . مملکت پیشکاهنده صباحدن ایکندی .یه قدر امتداد  
 ایدن محاربهده کندیسنك بالنسبه اقل اولان عسکرله عیسی  
 چلبینك اردوسنی پریشان ایلدی .

عیسی چلبینك توابعی اون بیک کشیدن متجاوز اولدیغنده  
 وشهزاده نك عسکری ایسه بالنسبه اقل قلیل بولنديغنده عموم  
 تاریخلر متفقدر . فقط سلطان محمدك عسکرینی ، عددیله بیان ایدن  
 یالکزجه ( نخبه التواریخ ) درکه آنك روایتنه کوره بو فرقه  
 اوچ بیک سواریدن عبارت ایدی . اوچ بیک عثمانلی قهرمانی ایله  
 توره دی قیلندن اولان اون بیک عسکری بوزمق ، جوهر شمیرینی  
 تیموره وارنجیه قدر تقدیر ایتدیرمش اولان کورشچی چلبی به  
 کوره پکده مستبعد اولدیغی جهتله ، بیک زرهسز آتلی ایله هیچ  
 تلفات ویرمکسزین اینال اوغلنك اون بیک زرهلی سواریسنی  
 بوزمق کبی افسانه حکمنده طوتیله ماز .

عیسی چلبی بروسه جوارندن چکدکدن صکره طاغ بوللارندن

قره سى يى تسخير ايلدى . اورادنده بروسه يه كيدهره قلعهنك تسليم اولمهنى تكليف ايتدى . بروسه اهاليسى پادشاهزاده لرينه حرمتار ، ضياقتار ايتديلر ؛ فقط قلعهنك تسليمى برادريله اولان نزاعك حلنه تعلق ايلديلر .

عيسى چلبى اندن صكره هانسكى قلعه يه اوغرادى ده تسليمى تكليف ايلدى ايسه ختام منازعه يه تعلق تسليميت جوابندن بشقه بر شى آله مادي .

بوموفقيتدزك اوزرينه برادرينه ممتصدى عصيان اولماديغنه وملكنه مهمان اوله رق كلديكندن قيش ختام بولنجيه قدر اقامتنه رخصت ويرلمى استدعاسنده بولنديغنه دائر نامه لر كوندردى . سلطان محمدده عيسى چلبيده بر اقتدار مضرت كورمديكندن اولسه كر كدر كه بولنديغى يرلرده خانه صاحبندن زياده بى تكلفانه طورانان بو مسافر غريب الاطواره بك پازارنى آرامگاه تعيين ايلدى . هيچ بر شيدن صقندى چكديرمه ملرى ايچون اطرافده كى مأمورلرينه ده امرلر كوندردى .

اويله قاريشقلىق زماننده ذاتا كندينه قارشى قليج چكمش وروم ايليدن ديكر بر مستقل شهزاده نك اعانه سيله كلهره ملكنك بعض جهتارنى ضبط ايتمه كة قالقشمش اولان برادرينه قارشى سلطان محمدك كوسترديكى معامله مروتك ، عاو جنابك حد منتها سيدر .

بهار كلنجه عيسى چلبى قرمان ملكنه كچدى ، بعض قلعهلر ضبط ايتدى . فقط آنكه قناعت ايده ميهره باشنه اون بيك قدر

اما بو مسلك اختيار اولنمايه جقسه بارى عيسى چلبى اوزرينه كوندرلسون ؛ غلبه ايدرسه بو طرفك چراغى اوله جفندن امره مخالفت ايتمز ، ايتسه ده دفعى آسان اولور ؛ اكر مغلوب اولورسه بارى سلطان محمد ايله ايله بالذات مقابله ايله اعلان خصومت ايدلمش اولماز « يولنده رايلىر بيان ايلدكلرندن سليمان چلبى آناطولى يه عيسى چلبينك اعزامنى بالذات عزيمته ترجيح ايلش اوليور .

بو روايت ماقول كورنمز . چونكه عيسى چلبى ده وقتيله اعلان استقلال ايتمش بر شهزاده اولديغندن غلبه دن صكره سليمان چلبى يه اطاعت ايدوب طور مسنه هيچ كيمسه احتمال ويرمزدى . هله بويله بر راي ميدانه قويوب ده عيسى چلبى ايلريده اطاعت ايتزه ظهور ايدمك مشكلاته سببيت ويرمش اولمق مسؤليتنى درعهده ايتمك امرا ايچون بر نوع مجنونلق اولوردى . عيسى چلبى يي استانبوله جلب ايله يانه عسكر ويرمك آناطولى يه كچيردكن صكره مغلوب اولورسه سلطان محمد نظرنده سليمان چلبى يي مخالفتدن برى كوسترمك خصوصى ايسه حتى چوجوقلرى بيله ايسانديرمغه كافي اوله بيله جك كوه زه لكار دن دكلدر . وقوعاتك كيديشنه باقيليرسه عيسى چلبينك آناطولى يه سوقنه ، شهزاده سليمانك سلطان محمد دن احترازيله برابر ذوق وراحتنى ترك ايدمديكى ايچون بر تجربه طالعه اكتفا ايتمندن بشقه بر سبب كوريله مز . عيسى چلبى عسكريله آناطولى يه كچنجه اول امرده

اولان نیش مبارکیه برادری موسی چلبی نی ایستدی. یعقوب بك ایکیسنگده درحال ارسالنه مسارعت ایلدی. امرای دولت، ملتک رایت اقبالنی اوج اعلایه قدر چیقارمش ایکن خضیض اسارنده شهید اولان پادشاه کمطالعارینک تابوت حزن آلودینی یتیمانه کریه لر، غریبانه فریادلرله استقبال ایدهرک کندی ایچون یایدیردینی تر بهیه دفن ایلدیلر. موسی چلبی ایسه برادرندن پک زیاده اتفانلره مظهر اولمشدی .

اوصرده آماسیه وتوقاد طرفارنده بعض قاریشقلقلر ظهور ایدهرک اوجهت ایسه سلطان محمدک اک زیاده کوندیکی نقطه استناد اولدیغندن تشویشات واقعهک دفعنه عزیمت ایتش ایدی . او زمانه قدر آناتولی جهتی بتون بتون خاطر دن چیقارمش کبی کورینن سلیمان چلبی، برادری عیسایی استانبولدن جلب ایله یاننه براز آدم ترفیق ایدهرک چلبی سلطان محمدک النده بولنان یرلره تسلیط ایلدی. خواجه سعیدالدین ایله تابلرینک روایتنه کوره سلیمان چلبی سلطان محمدک دمبدم اعتلا بولمقده اولان شوکت واقندارینی چکمه مه مکه باشلامش وبالذات آناتولی به چکمک ایستمش ایدی . امراسی « سلطان محمد هر نه قدر صغیرالسن ایسه ده طالعی یاور کورینور ، کرک انقره وقعه سنده وکرک صکره لری ابراز ایتدیکی شجاعت فوق العاده اقتدارینه دلیل باهمدر . او یله منصوراللو بر ذات ایله حربه قانقشمق احتیاطه موافق دکلدرد ، رأی سالم کندیسيله خوش چکنمکدر .

شہزادہ نک کمنجلیکندن استفادہ ایتدی ، او قدر سزای نفرت  
بر حرکتی فعاعہ کتیردی . یوقسہ سلطان محمدک احوال عمومیه سندن  
آ کلاشیلان عاو فطرتی بودرلو افعال وحشیانه به قطعاً مساعد  
کورومز .

چلی سلطان محمد بومظفریت اوزرینه بروسه یه عزیمت  
ایده رک اهالی طرفندن فوق العاده تعظیمار ، اجلالر ایله استقبال  
اولندی . چونکہ شہزادہ نک شہرت اقتدار وعدالتی هرکون  
تراید ایتمکده وبوقدر اختلالات داخلیه آرسنده اویله کنج ،  
خلاق ، معدلت پرور ، شفیق برقهرمانک ظهوری ایسه دولتک  
بقاسندن و مملکتہ سعادتک عودتندن هرکسه بالطبع بیوک بیوک  
امیدلر ویرمکده ایدی .


شہزادہ بو شہرت ومقبولیت ایله بروسه دن ازنیقه توجه  
ایدنجه اورانک مستحفظلری ده مطاوعت کامله ایله قلعہ بی تسلیم  
ایلدیلر .

چلی سلطان محمد اورادن ده یکیشهره کیدرک اجرای  
عدالت وتطیب اهالی یه قیام ایلشدی . درکاه عاطفتی اطرافدن  
وخصوصیه صاروخاندن کلن شکایتجیلر ایله مالامال ایدی . بو  
شکایتجیلر ایسه برکره کندیسنه انتساب ایتدکن صکره بردها  
یانندن آیرلق ایستمدیلر . بو صورتله رایت اقبالنک آلتنده  
کشور کشافغه مساعد اوله بیله جک براردو پیدا اولمغه باشلادی .  
شہزادہ اوراده بولندیغی سرده کر میان اوغلی یعقوب  
بکدن ، پدر عالیشانک امانه محمود جیران تر به سنده محفوظ

المش ایدی . او ملعون ایسه مظهر اوله کلدیکی بونجه عنایاتک متممی اولان بویله حیات بخشانه برمرورته قارشی پاشایی آرقه سندن خنچرله اورارق یره دوشوردی ، کندیمی حیوان ایله فرار ایلدی .

عقبگیرلر، حیاتندن بررمق قالدیغی صرهده تیمورطاشی اسیر ایدهرک سلطان محمدک اردوسنه کتوردیلر، هان کلدیکی صرهده اثر جرحدن وفات ایلدی . برشانی غزاده، بر بیوک غلبهده شهید اولغه بیک کره لیاقت کوسترمش اولان تیمورطاش پاشانک بویله بیهوده یره تلف اولسندن زیاده آجینه جق بر حالدرکه وفاتندن صکره باشی کسیرهک اظهار سطوت ایچون شهزاده سلیمان چلبی یره کونزلدی . چلبی سلطان محمد، تجدید دولت اقتداری ذاته منحصر اولدیغی دهانقره محاربه سنده کوسترمش ایکن، تیمورطاش پاشانک عیسی چلبی نی اوصاحب ظهوره ترجیح ایتمی برقباحت اولسه بیله او قدر برقصور ایچون بونجه خدمات عسکریه سندن بشته سپاهیلرک ترتیبی جهتیله دولت عثمانیه نک بر قاج مؤسسندن بری اولقی شرفی احراز ایتمش ؛ پذیردن، جندن موروث اولان عثمانلی قهرملغنی اولادینه نقل ایلمش ؛ غازیلر جکر پاره سی، شهیدلر باباسی برذاتک نیش مبارکنه او یله بر حقارت ، سلطان محمد دورینه یاقیشیر معامله لردن دکل ایدی . حیفا که محاربات داخلیه نک حالی، دائما بویله دشمن غوغالرنده کورلمدک شدتله میدان ویرمکدر . کیم بیلیر ، هانکی بی انصاف نه درلوغیظه بناء







کلیاتِ حکاک

ابنِ نجیب زینب

عماد الدین قاری نجیب

جلد ۲  
جزء ۴

استانبول

محمود بیاضی

۱۳۲۷

# کلیاتِ کتاب

ایکینجی ترتیب

اسامی آثار

برنجی ترتیب

جلد ۷ جلددر

۱۲ کتابدر

اسامی

غروش

اسامی

جلد ۵ جزہ ۲۵ [۱] عثمانی تاریخی  
جلد ۲ جزہ ۱۰ [۲] تاریخ اسلام  
[۳] آثار برا کنندہ . . .  
ہر جرؤک فیثائی (۳) غروشدر

[۱] رونان مدافعہ نامہ سی نشر اولندی  
[۲] قارہ بلا نشر اولندی . . . . .  
[۳] مقالات سیاسیہ و ادبیہ و روایا  
[۴] وطن، کلنہال، عاکف، زواللی {  
جو جق . . . . .  
[۵] اشعار کمال . . . . .  
[۶] جلال الدین خوارزمشاہ . . . . .  
[۷] مکاتیب خصوصیہ دن برنجی جلد  
[۸] اوراق پریشان مجموعہ سی .  
[۹] منتخبات نحررات رسمہ . . . . .  
[۱۰] جزمی و انتباء . . . . .  
[۱۱] مکاتیب خصوصیہ دن ایکنجی جلد  
[۱۲] تعقیب و تخریب خرابات . . . . .  
رسالہ لری و ساثرہ . . . . .

کتاب کتاب اولہری } برنجی ترتیب  
ہر ایک آیدہ بر . }  
جزؤ جزؤ اولہرقہر } ایکنجی ترتیب  
اون بش کوندہ بر نشر } اولنہ جقدر .  
ایکی ترتیبده برابر اولہرق صرہ سیلہ  
منتظماً طبع و نشر اولنور .

## ابونہ شرائطی

مقسطاً تأدیہ ایدلک شرطیلہ ابونہ  
شرائطی

یکونی پیشین اولہرق تأدیہ ایدلک  
اوزرہ ابونہ شرائطی :

غروش

غروش

۲۱۶ آرلر اداره خانہ دن آلفق و پیشین اولہرق مار  
و متعاقباً ہر اراج آیدہ بر بار عشر لیرا تأدیہ  
ایدلک شرطیلہ .  
۲۴۰ پوستہ اجرشدن طولانی تقسطلر ۶۰ غروش  
اولہرق پیشین ۳ مجیدیہ و ہر اراج آیدہ ۳ مجیدیہ  
و یرلک شرطیلہ اقامتکاہہ کوندرلک اوزرہ .

۲۰۰ اداره خانہ دن آلفق شرطیلہ .  
۲۲۵ درسعات و ولایات و ممالک اجنبیہ ایچون  
پوستہ اجرتی دہ داخل اولہرق اقامتکاہہ  
کوندرلک شرطیلہ .

بوجزؤک فیثائی (۳) غروشدر

طشرہ ایچون پوستہ اجرتی ضم اولنور .



اینه بك صوباشی ذاتاً محاربهء داخلیه نك شدتله علیهنده اولدیغی حالده سلطان محمدك تكلیفی عیسی چلبی طرفندن رد اولمسی اوزرینه حربه مجبور اولنجه قارشیده کیلره دشمن مقصد نظرله باقمش و بناء علیه سلاح سطوته هم حمیت فطریه همده خصومت فکریه ایله صارلمش ایدی . بناء علیه میدان جلادنده افسای حیات اینجهیه قدر چالشدی بر روایته کوره اینه بك صوباشی پی محاربه میداننده بالذات عیسی چلبی اعدام ایتشدی . امیر مجاهدك اوصورتله تلف اولمسی سلطان محمدك زیر لوای اجلالنده اولان بیک بلادن قورتلله دلاورلرجه فتوری دکل تشدید غضبی موجب اولدی ، اولکنندن زیاده اقدام ایله مهاجماته باشلادیلر . چلبی سلطان محمدك مزیات قهرمانیسنه ، یعقوب بکک کفایت عسگریه سنه ، عسکرک حرکات فداکارانه سنه ایسه تیمور طاش پاشانك مهارت فوق العاده سی ده مقابل کله مدی . عیسی چلبینك توابعی نحو اولورجه سنه بر انهزام شهیدیه اوغراددی ، کندیمی یالویه قدر قاچهرق اورادنده بر قایق ایله استانبوله کیتمش ایمراطوره التیجا ایتمش در .

تیمور طاش پاشا ایسه آوجیلر فرقه سندن قورتمش غضنفر غضب آلوده کبی خوف صولتی عقبگیرلینه پای بند سرعت اولدیغی حالده بر طرفه چکیلوب کیتمکده ایکن مقبول و محرمی اولان رکابدارینك حیوانی اورلدیغی کورنجه اردونك هجومه بیاه اهمیت ویرمکسزین اوشاغی کندی سوار اولدیغی رهوارك آرقه سنه

جدى اوله رق اشتراك ايتمدى. سيواس وانقره واماسيه طرفلرينه مقابل يالكوزجه قره سى ايله تيمورك هجومندن صكره ذاتا الدن چيقميش اولان يرلك تركنندن وبونكله برابر بروسه نكده طلبندن عبارت اولان بوتكليف حد ذاتنده قبول اولنه جق برشى دكلدى. عيسى چلبى ده بالطبع قبول ايتمدى. حتى سلطان محمدك سفيرينه « ذاتا پاي تحت زير تصرفده اولدينى كى سن جهتيله ده سلطنته استحقاقم معلوم ايكن او چوجنك بنمله بويله معارضه لره قالمشقم وكندى ملكمدن بكا يرلر توزيع واقطاع ايتك نه حديدنر. بويله تكليفك جوانى قليججه ويريلير، سلطنت كيمه عائد اولدينى يقينده بللى اولور » يولو شديد شديد سوزلر سويلىدى .

سفيرك عودتى اوزرينه محاربه ضرورى اولدينى اكلاشلدى. چلبى سلطان محمد عسكرىنى طوپلايه رق بروسه نك اوزرينه يوريدى. دولتك انقسامندن اهون اولقله برابر اك بيوك مصائب سياسيه دن اولان محاربهء داخلينه نك عثمانلى قهرمانلرى بيننده جريانى اهميتنى قات قات تشديد ايتمكه كافي اولدينى كى محاربه ده بولنان امراده او قهرمانلرك اك كزیده لرى اوله رق اينه بك صو باشى ايله يعقوب بك چاي سلطان محمدك ايكي بازوى سطوتى مقامنده اولدقلىرى كى تيمور محبسندن قورتلش اولان تيمور طاش پاشاده عيسى چلبينك عقل فعالى مقامنده ايدى .

ايكى برادر ك عسكرى اولوباد محراسنده بربرينه تقابل ايلديلر. منازعهء ميراث قدر حزين برطرز ايله محاربه يه باشلاديلر .

چیقمش ایدی. صکره قره سیده کیمه تابع اولدینی مجهول برحاله بولنیور، اندن صکره چایی سلطان محمد خدمتته دخول ایتدیکنی کوریورز. بویله عمرینی شان و ظفر میدانلرنده کچیرمش برپریر مجاهدک برسنه ظرفنده برقاچ مسلك دکشدرمی غریب کورینور؛ فقط وقایع اینه بک صوباشینک شهزاده لری بربرندن فرق ایتک ایستمدیکنی و آرلهینه تلیج دوشنجهیه قدر جمله سنه یک وجود نظریله باقدینی اثبات ایتکده در .

حتی چایی سلطان محمد برادرینک کندی اوزرینه کلمک ایچون عسکر تدارکیله مشغول اولدینی خبر آلوبده مقابله عزمنه دوشنجه اینه بک بویله مهورانه برحرکتدن ایسه عیسی چلییه اناطولینک تقسیمنی تکلیف ایتک و رابطه اخوتی قیرماق خاندان عثمانینک شاننه ده لایق اوله جفنی بیان ایله شهزاده نی رأینه اماله ایشیدی. بورای اوزرینه عیسی چلییه برسفیر ایله برنامه کوندریلرک بروسه دن سیواس و توقاده و ارنجهیه قدر جانب شرقی و شمالیده اولان طرفلرکننده و جانب غربی و جنوبیده کی قره سی و صاروخان و آیدین و کرمان و قرمان طرفلری ده عیسی چلییه قالمق اوزره اناطولینک تقسیمنی تکلیف اولندی .

اینه بک صوباشینک بورایی حسن نیتدن منبعث اولمغله برابر بیوک خطا ایدی. چونکه تقسیم ملک محاربات داخلیه نک اوکنی آلسه ده ایلریده دولتک بتون بتون محو و اضمه حلالنی موجب اوله بیلیدی . فقط ظن اولنورکه چایی سلطان محمد بو خطایه

کیتدکن صکره چلی سلطان محمد طاغردن آشغی به اینه رک  
 مدرنی طرفارینه عزیمت ایلدی . اوصرده انقره محاصره سنده  
 تیموره قارشی مزیت قهرمانیسی اثبات ایتمش اولان فیروز پاشا  
 زاده یعقوب بک خدمته کلدیکندن شهزاده امیر صاحب اقتداری  
 کفایت و اطاعتنه حرمة عسکرینک طلیعه سنه سردار تعیین  
 ایتدی ، بروسه اوزرینه توجه ایلدی . تیمورک عودتندن صکره  
 ایسه عیسی چلی برییلدن بری مستور بولندیغی انزو اخانه سندن  
 ظهور ایدرک بروسه یه استیلا ایتمش اولوق جهتیه انک طرفندن  
 مأمور اولانلر چلی سلطان محمدک رهگذارنده بولسان ارمنی  
 دربندی ضبط ایتمشلرایدی . دربندی حرب ایله کچمک پک مشکل  
 اولدیغی ایچون رایات عزیمت طومانسیج یولنه تحویل اولندی .  
 عیسی چلبینک عسکری او طریقده سد ایتمشلرایدی . شهزاده  
 ایکنجی دفعه ینه بویله برمانه یه تصادف ایدنجه بریولده آرامغی  
 غیرتنه یتیره مدی کمال شدته هجوم ایدرک مقاوملری پریشان ایلدی .  
 یعقوب بک ایلغار ایله قره سی یه کیدرک اورانک والیسی  
 وکندیسنک دایسی اولان اینه بک صوباشی یه چلی سلطان محمدک  
 ورودینی خبر ویرمکله اینه بک ولی نعمت زاده سنک استقبالنه  
 شتاب ایدرک شهزاده بی بالیکسری یه کوتوردی آتک رهگذارینه  
 آغر قماشدن پای اندازلر دوشه یه رک بیوک توقیرلر حرمتلر ابراز  
 ایلدی .

بوزات انقره میدان حربندن شهزاده سلیمان چلی ایله برار



اولوردی. چونکہ مجارستانک قاریشقلنی برطرف اولور اولماز  
 خرسٹیائارک ینہ اوزریمزه هجوم ایتمی مقرر ایدی. او یله اوج  
 درت جزؤه منقسم اولان دولتک برجزؤ یله برقوصوه و یانیکبولی  
 محاربه سی قزانیله میه جنی ایسه طبیعی اولدیغندن او اجزادن هیچ  
 بریسنک بقاسنه امکان قالماز ایدی، فی الحقیقه بویله برادری برادرک  
 اقربانی اقربانک حیاتنه قصد ایتدیرن مجادلات داخلیه دنیانک  
 اک فاجع اک منحوس وقایعندن عد اولنق لازم کلیر؛ فقط نه قدر  
 فاجع نه قدر منحوس اولسه دولتک فنا سنندن اهون اولدیغندن ده  
 اشتباه یوقدر. خصوصیا به زوال دولتک ضرری یالکزر خاندان  
 سلطنته منحصر دکل ایدی اعدای دولت اعدای دیندن اولنق  
 جهتیله ملتکده دولته برابر محو اولسی مقرر ایدی.

شہزادہ لر اختلافنک ایلک محاربه سی چلبی سلطان محمد ایله  
 عیسی چلبی آرہ سنندہ ظہور ایتشدہر. شو صورتلہ کہ تیمور عودت  
 ایدرکن یانندہ بولنان عسا کر کلیہ نی اعاشہ دہ مدار سہولت اولنق  
 ایچون برقاچ فرقہ یه تقسیم ایدرک بونک بر فرقہ سی دہ میرانشاہ  
 معیتلہ اماسیہ و توقاد اوزرندن سوق ایتشدی. چلبی سلطان محمد  
 ذاتاً تیمورک دعوتنہ کیدرکن بر برینی متعاقب ظہور ایدن دشمنلردن  
 قوشقولانمش اولدیغندن تانار عسکرینک او طرفہ تقریبی اوزرینہ  
 احتیاطاً توقاد و اماسیہ نی ترک ایله کردہ نواحیسنندہ بولی طاغلرینہ  
 التجا ایتدی. تیمورک ایسہ شہزادہ یه سوء قصدی اولدیغندن  
 التجا کاغنه تسلط ایتکسزین اردوسیله برابر اورالردن کچوب

شانلرينه طوقوندى استقبالرنجه برتأثير حاصل ايدهمدى ايسته  
 بوخاللره بناءً دولت عثمانيه ايجون بر اجل عاجل قياس اولنان  
 تيمور صدمهسى آغر و فقط كچيجى برعلت حكمنده قالمشدر .  
 دولت ايجون يالكز بر بيوك مخاطره وار ايدى كه اوزه  
 شهزاده لر بيننده كى اختلاف ايدى . واقعا امين ايله مأمون ماجرا -  
 سندن برى ملوك اسلاميه ده ايالته متصرف اولمش ده اطاعت  
 حالنده قالمش همان هيچ بر برادر كورلمه مسنه نظراً اخوان  
 آره سنده تقسيم ملك قاعده كلييه حكمنه كيرمش اولسه بدى وسلطان  
 بازيدك يعقوب وقعيسى شهزاده لره بر قانلى عبرت ارايه سيه  
 آره لرنده موجود اولان داعيه استقلالك حاصل ايتديكى امنيت سزلكه  
 برده جان قورقوسى علاوه ايتشه يدي ده سليمان ايله مسلمه كبي  
 كوچكى بيوكنك واليسى سرعسكرى ويا اورخان ايله علاء الدين  
 كبي بيوكى كوچكنك وزيرى ، مستشارى اوله رق دولته خدمت  
 ايده بيلميرينه امكان متصور اولسه يدي تيمور صدمه سنك شهزاده لر دن  
 هر برينى بر طرفه ده بر اقسندن ده ملك ايجون بر بيوك مضرت  
 ترتب ايتزدى . فقط مادام كه بو اتحادك حصولنه امكان يوق ايدى ،  
 بينلرنده ظهورى طبيعى اولان معارضه نك اويله اطرافك ، انتهاز  
 فرصت ايده بيله جك دشمندن خالى بولنديغى بر زمانده وقوع  
 بولمش اولمى ملت ايجون بك بيوك بر بختيارلق صاييلور . حتى  
 شهزاده لر اللرنده كى يرلره قناعت ايتسه لر ايدى ده اختلافه باشلامسهر  
 ايدى دولت ايجون اوغرانيلان اختلال داخليندها مضر

اولندی . او جهته مجارستان بزدن زیاده فترت حالنده ایدی .  
 نیکبولینک جریحه غیظیه مملکتلرینه کیدن فرانسه شوالیه -  
 لری اسلام اوزرینه براهل صلیب اتقاقی دها ترتیب ایتک فکرنده  
 بوانسه لری به فرانسه قرالی آلتنجی شارلک مبتلا اولدینی جنونک  
 اشتدادی ، زادکانک بربریه منازعات و محارباتی وانکلیزلرک  
 تسلطی مناسب تری به فرانسه ملکی باختلال عظیم ایچنده  
 بولندیغندن خارجه تسلط ایچون دکل کندینی محافظه ایچون  
 بیاه عسکر تدارکندن عاجز ایدی . ایشته بو حاللار خرستیان  
 حکومتلرینه روم ایلی بی دوشون دیره مدی . تیمور وقعه سندن یالکیزجه  
 استانبول ایمپراطورلنی بر درجه یه قدر استفاده ایده بیلمش ایدی .  
 شو صورتله که روملر انقره وقعه سنی ایشیدیر ایشتمز استانبولده کی  
 اسلام محله سنی احما ایله جامع یاییلان کلیسای اسکی حالته تحویل  
 ایلدکلری کبی اون سنه اول ایمپراطورانی برادرزاده سی یانی  
 پائولوغه ترک ایتمش اولان مانول پائولوغ سلطان بایزیدک وفاتی  
 اوزرینه تکرار تحت حکومته صعود ایدرک یانی تر حالده  
 قالان یرلرک اداره سنه کوندرمش و اناطولی ایله روم ایلیک  
 طرق موارد سنی قطع ایتدیر مامک ایچون روملرله خوش  
 کچنمکی التزام ایتمش اولان سایمان چلبی ایله براتفاق عقد ایتشدی که  
 سلانیک و اطرافنده کی بعض یرلرله استانبول و وارنه بیننده اولان  
 قره دکز سواحلنک ایمپراطوره ترکی بو اتفاقک شرائطندن ایدی  
 مع مافیله بوضایعات ده جزویاتدن معدود اولدیغندن عثمانلیرک یالکیز

کورلمدی . عجبا اسلام و خرستیان حکومتلرینک بوقدر آسایش  
پرورانه حرکتلرینه سبب نه ایدی ؟

شبهه یوقدرکه ملوک طوائف مملکتلرینک ادارهسنه یکی  
کلدکلرندن واورلریده تیمور عسکرینک بدل امان طلبیله اجرا  
ایتدکلری خسارلرله نهایت درجه لرده زده لشمش برحالده بولدقلرندن  
شهنزاده لرك ولو بریله اولسون اوغراشمغه کندیلرنده اقتدار  
کورمدیلر ، شهنزاده لرك یلکدیگریله اوغراشه اوغراشه قوتلرینی  
افنا ایتدکلری صردهه کندیلری ترید قوت ایتک واندن  
صکره اک ضعیف قاله جق شهنزاده یه مسلط اولق تدبیرنده  
بولندیلر .

جوارده کی خرستیان حکومتلرینک ایسه هیچ بری شهنزاده  
محمد چلبی ایله ده روم ایلی یه تصرف ایدن شهنزاده سایمان ایله ده  
منفرد اوله رق محاربه ایده بیله جک اقتداره مالک دکل ایدی  
بینارنده بر اجتماع عقدی ایچون پیشوای حرکت اوله بیله جک  
قوت یالکمز مجارستان حکومتنده موجود اوله رق مجارستان  
قرالی سیغفرموندده نیکبولی محاربه سندن ردوس شوالیه لرینک  
رئیس یله برابر طونه اوزرنده برقایغه آتیله رق وقایغی اقدندی یه  
صالویره لرك جانی تورناره بیامش ایدی . اولاحاره امنیت ایده -  
مدیکند نمیدر نه در ؟ مملکتته قره دکزدن استانبول و ونیک  
طریق یله عودت ایتمش و غیبو بتندن اون سکز آی صکره واصل  
اولمشیدی . وصولنده ده برطاقم غاصبارک انه دوشه لرك حبس

سوكيلى حفيدي ميرزا محمد ، سلطان بازيددن درت كون صكره .  
 وفات ايدرك حكم قدر او مغرو اقبالده فناى عالم ايچون غايت  
 هائل ، غايت فاجع برمثال ابراز ايلدى .

بوادره اوزرينه تيمور اناطوليده اقامتدن تشأم ايدرك غالب  
 ومغلوبى بربرندن متأثر اولان سفر منحوسنه ختام ويردى .  
 بروسه يي منشور ايله شهزاده موسى چاييه توجيه ايتدى .  
 شهزاده موسى سلطان محمدده اميد بخش اوله جق خبرلر  
 كوندردى . ملوك طوائفدن اسفنديار بكي قسطمونى ، يعقوب  
 بكي گرميازه ، بروسه محسنندن الدينى محمدبكي قرمانه ، وايدىن  
 وصاروخان ومنتشا وتكه وحמיד بكلىرى ده ينه مملكتلرينه تعيين  
 ايلدى . ييه مديكى شكارى پارچه لامقميزن كچميان قپلانلر كچي  
 عثمانلى ملكنى بردها اجتماعنه امكان تصور اولنهميه جق صورته  
 تفريق ايدرك سمرقنده طوغرى چكلدى كيتدى .

ملكك بولنديغى حاله نظرآ تيمور چكيليير چكلمز ملوك  
 طوائفك عثمانليلره كنديلرىنى طويلامق ايچون ميدان ويرماملرى  
 اقتضا ايدردى . هاه قوصويه ، نيكبولى يه ييغلوب كلن خرستيان  
 حكومتلى ايچون عثمانليلرك روم ايليدن اخراجيله اوغراشيله جق  
 برزمان وار ايسه اوده بوزمان ايدى . حال بويله ايكن ملوك  
 طوائف ده تيمور ملكندن چكلمه دن چلي سلطان محمدده مسلط  
 اولان تورديدلر قدر اولسون برتشت اجراسنه جسارت  
 ايدمه مديلر . خرستيان حكومتلرنده ذره قدر بر اثر حركت



شهرزاده نك بو حشرات ايله اوغراشدیغی صرده ایسه  
تیمور مغلوب ایتدیکی عثمانلیارک مدار مفخرتی اولان غزا  
شرفندنه حصه دار اولق ایچون اوزمانلر ردوس شوالیه لرینک  
حکمنده بولنان از میری اون بش کون محاصره ايله ضبط  
ایتدی . بود هشتله جنویز لره تابع اولان فوجهلر وساقز ومدالی  
بکاری جزیه تقدیمیه عرض اطاعت ایلدیلر . استانبول  
ایمپراطور لغنی ایسه ده اول سفیر ارسالیله خراجه کسمش  
یلدی .

تیمور از میر فتحندن عودت ایلدیکی صرده بالذات اکریدیرک  
ضبطنه کیتمش ایدی . اکریدرده فتحی محال بر قلعه موجود  
بولندیغنی ایشندیکنندن و دنیا ده کندی و ارایکن امور حربیه ده  
محال دنیا جهک بر شی بولنسنه قائل اوله مادیغندر اویله کوچک  
بریرک اوزرینه بالذات کیتمه که تنزل ایتمشدر . اکریدر قلعه سی  
ایسه فتح اولنه ماق شویله طورسون هجومه مقاومت بیه  
ایتدی . دروننده تکیمه سی اولان و عالمک حسن ظننه مظهر  
بولنان بر شیخ اردویه کلهرک اهالی نامنه استیمان ایتدی .

تیمورک بویه طالعی کندیسنه خدمتکار ایتمشجه سنه هر  
مطلبی بلا تکلف حاصل اوامه باشلادیغنی صرده ایدی که

ترکان بکلرینک بعضیسنه تیمورک منشور ویرمسی شهزاده بی خیانتله اتلاف ایتمک تصمیمنده بولندیغنه دلالت ایتمز . بوادمراک عثمانلیلره دشمن بولمسی حربدن اولده صکروده الیرینه اوله بر منشور الهیلعلرینه سبب کافی ایدی . یوقسه تیمورک سلطان محمدن ذره قدر اندیشه سی اولسه ییدی کندیسنی دکل بولندیغنی طاغاری برحمله ده زیروزبر ایده جک قوتی وار ایدی . معلوم اولان اخلاقی ده قوجندیغنی ذات علیهنده اوله برشدتی اقتضا ایدردی .

شهزاده نك کوستردیکی سبب نیچون حقیقت حاله موافق عد اولمسون ؟ تیمورکه ذاتاً هم مهارت عسکر به هم شجاعت نظریه جه دنیا نك اک بیوک قهرمانلردن ایدی ، البته شهزاده نك مزیات جلادتی هرکسدن زیاده تقدیر ایدرایدی ، سلطان محمدایسه اوزمان دها اون بش یاشنه کیرماهش اولسنه و برچوجقدن ظهور ایدن معالی بی سننک کوچکلکی برقاچ قات بیوک کوسترمک طبیعی بولمسنه نظراً بویه حقیقه نوادر روزکاردن برشهزاده عالیشانی داماد ایتمکه طالب اولمسی بعید کوریله جک حاللردنمیدر ؟ خصوصیه پادشاهکده شهزاده سنه دعوتنامه سی وار ایدی ؛ سلطان بایزید اجبار ایله اخافه ایله شهزاده بی دشمن پنجه سنه ویره جک ویاخود شهزاده به تیمور ملاقاتندن برضرر ترتب ایدوب ایتیه جکنی دوشنه میه جک ساده دللردنمی ایدی ؟



بعض - و زلزله تودیع ایله برابر تیموری تأمین ایچون خواجه سی اولان صوفی بایزیدی ده یاننه ترفیق ایلدی . کندی ده یینه توقاد و اماسیه طاغرینه عودت ایلدی .

خواجه سعدالدین ، چلبی سلطان محمدک ظهوری و ایران حدودینه یقین بر موقعه استنادی تیموره خدشه ویردیکندن بحث ایدرده ترکان بکارینک شهزاده اوزرینه او طرفدن تسلیط اولندیغنی و حتی تیمورک دعوتندن مرادده شهزاده بی اله کچیرمکدن عبارت بولندیغنی بیان ایدر .

فی الواقع چلبی سلطان محمد انقره محاربه سنده بتون تیمور اردوسنه حیرت ویره جک درجه لره قهرماناق کوستر مش ایدی . حتی کوچکلکندن بری کورشمکی سویدیکی ایچون کندیسنه کوریشچی لقبی ویرلمش اولدیغندن تیمور طاقی بولقبی جنسکار - وریلکدن منبعث ظن ایتمش و بناءً علیه عنوانی صاحبنه پک لایق بولاش اولدقارینه مبنی کتابلرنده بیله کندیسنی کوریشچی چلبی نامیله یاد ایدر و متأثر جلادتتی اوکه اوکه عیوقه چبقاریر لر . شهزاده نك انقره مغلو بیتندن صکره کوستردیکی مؤثر عظیمه ایله دخی شهرتنک برقات دها تزاید ایتمش اولمسی طبیعی ایدی . فقط او یله درت بیك کشیلك برفرقه ایله طاغ گوشه لرینه چکلمش بر ذاتک قهرمانانلی نه درجه یه وارسه اعظم جهانگیران اولان تیموره مدار احتراز اوله جق بر مرتبه یه واصل اوله مایه جنی امور بدیهه دندر .



اولانردن معهود قره یحیی عثمانجق قصبه‌سی جوارنده ده یولنی کسمک ایسته‌مش و فقط ینه برضربه قهرمانی ایله رذیل و مضمحل اولمقدن بشقه برشی قازانماش در .

شهزاده‌نک برازدها ایاریلیه‌رک بولی نواچیسنه واصل اولدینی صرده ایدی که حضورینه تاتار قبائل متفرقه‌سی رؤ‌ساسندن ساوجی اوغلی علی بک طرفندن اخی مصطفی نامنده بری کلدی ، ایلچی اولدینی بیان ایلدی . حال بوکه سوزلرنده ایلچیلکه متعلق برشی یوق ایدی . او جوارده ایسه ساوجی اوغلنک شهزاده‌بی باصق نیتنده اولدینی شایع اولدیغندن شهزاده اخی مصطفی‌نک جاسوسلق ایچون کلدیکنه حکم ایلدی ، عودت ایدر ایتمز آرقه‌سنه دوشدی . کندی عسکرینی باصق تصورنده بولنان ساوجی اوغلنک نیتنه فعل ایله مقابله ایدرک‌کندیسی آنک عسکرینی باصدی ، آز بره‌مته تاتارلری پریشان ایلدی .

فقط ده‌ها ایالتندن آیرلمادن بویله هر مرحله‌ده بردشمنه تصادف ایتمسی قابنده امنیت بر اقمادینی جهته عزمنندن نکول ایدرک تیمورک ایلچیسینی حضورینه جلب ایلدی . « دعوته‌مسارعتاه اجابت‌مزی ده ، یولارده اوغرا دیغمز مه‌ال‌کی‌ده کوردیکز ، امیرک دعوتنه مخالفت ایتمزدک ، خصوصیه سبب حیاءتمز اولان پدرمزی کورمک جائزه منت ایدی . فقط یولارده امنیت یوق ، دشمنمزه کثرت‌لیدر . بیهوده یره تاف اولدیغمزی امیرده آرزو ایتمزلر . لسان مناسب ایله معذرت‌مزی بیان ایدیکز . » یوللو

تیمور بود عوتنامه ده مقصدی شهزاده بی داماد ایتمک اولدیغنی و حقننده برسوء نیتی اولمادیغنی یمینلرله تأمین ایلمش ایدی . سلطان بایزیددن ده تیمورک دعوتنه اجابت ایتمی ایچون برنامۀ هایون وار ایدی .

خواجه سعدالدینک روایتنجه مجلس مشاوره ده امرا شهزاده نك بود عوته کیتمسنی جائز کورمدیلر ، فقط کندیمی بیان ایتمک لری ملحوظاته اهمیت ویرمدی ، متوکلاانه اجابت عزمنده بولندی .

صحائف الاخبار شهزاده نك امرا کبی دعوته اجابتدن اجتناب ایتمش و فقط سفیر اولان خواجه محمد « اکر اطاعت سزک کوستیرسه کز تیمور اوزریکزه مسلط اولور ، سزی راحت سز ایدر . معقول اولان کیتمک و مطلق کیدمک ایستلم سزه یولده بر وسیله بولهرق عودت ایتمک در » یولوو بر رأی بیان ایتمش و شهزاده ده اورائی قبول ایلمش اولدیغنی بیان ایدر . بزه قالیر ایسه تیمور کندینه خیانت ایده بیله جک بر آدمی سفارته تعیین ایده جک درجه لده تقدیر ماهیاتدن عاجز اولسه یدی بولندیغنی مرتبه یه وصول بولسی هیچ بر صورتله قابل اوله مازدی . اوچتهله معقول اولان خواجه سعدالدینک قولیدر . خصوصیه سلطان بایزیددن او یله بر نامه نك و رودی اوزرینه احترازلره ، احتیاطلره دوشمک سلطان محمدک اطوار جوانمردانه سنه یاقشماز .

شهزاده تیمورک اردوسنه کیدر ایکن شمشیر همتندن جریحه دار

سقوطی اولان بایزید پاشایی حرامی مزیدک تنکیلنه سوق ایلدی .  
بومزید سیواس خرابه لرینی کنسینه التجا گاه عدایدزک قطع طریق  
ایله اضرار ناسی التزام ایتشدی .

بایزید پاشا سیواسه واصل اولنجه مزید آچیقدن مقابله  
جسارت ایده مدیکندن باشنده کی حیدودلرله سلطان جامعنه  
صغیندی ، او صورتله مدافعیه باشلادی . بایزید پاشا طرفندن  
هردرلو تاهینات ایله استیمانه دعوت اولندی ، فائده ویرمدی .  
نهایت پاشا مجبوراً جامهک دیوارینی هدم ایدنجه مزید اوراسنک  
دخی کندی ایچون بر جای نجات اولدیغنی بالطبع اکلامش  
ایلدی . معسافیه عناندن دوغمدی ، مناره یه چیقدی ، مایوسانه  
مقابله یه چالشدی . فقط بایزید پاشا مناره یه آتش ویردیکندن مزید  
اسیر دوشمکی یانمغه ترجیح ایتدی ، عرض تسلیمیت ایلدی .

بایزید پاشا مزیدی حیا شهزاده حضورینه کتوره شدی .  
امرا ، سائر یه عبرت اولمق ایچون اعدامی رأینده بولندیلر .  
شهزاده ایسه شجاعتنه حرمة عفوینی التزام ایلدی ، کنسینسی  
سیواسک اعمارینه تعین ایتدی . تیمورک قتل عامارینه ، تخریب  
کلیلرینه قارشى سلطان محمدک اجداد عظامنه تفوق ایدرجه سنه  
اظهار ایتدیکی معاملات رحیمانه اهالی یی کنسینسنه بتون بتون  
مفتون ایش ایلدی .

شهزاده ، بومظفریاتی اکیمال ایلدیکی سرده تیمور طرفندن  
خواجه محمد نامنده برسفر کله رک کنسینسنه بر دعوتنامه کتیردی

قره حصارينه تسلط ايدرك شهرى آلمش و قلعه يي محاصره ايلش اولديغنى قلعه دن كلن فریاد جيلر خبر ویردیلر . شهر ده بوصورتله تعاقب مصائب دن فنا حالده صیقیلیر ، فقط فطرت عالیه سی حکمنجه ذره قدر فتور کتیرمز ایدی . بو حادته اوزرینه طوبلایه بیلدیکی قدر عسکرله قره حصارک امدادینه یتشدی . کوزلر اوغلی ایسه قلعه نك ضبطنه موفق اوله مامش ایدی . کوزلر اوغلی بوصورتله النده صغنه بيله جك بر موقع اولمادینی حالده عثمانلی عسکرینك هدف مهاجماتنده قالنجه نهایت درجه ده یأس و تلاش ایله « بونلرک اوکندن قورتلق ممکن دکلدیر ؛ جانمزی قورتارمق ایسترسهک اولمکی کوزه الهرق غلبه یه چالشملیز » یوللو سوزلرله عسکرینی تحریص ایتدی ، کندی ده ممکن اولدینی قدر ثبات کوستردی ؛ مع مافیله عثمانلی قهرمانلرینک هجومه طاقت کتیره مدی ، چادیرلرینی ، اموالنی ، اشیاسنی خواجه سعدالدینک تعبیرنجه « رهروان دار آخرت کبی » آرقه ده براقه رق فرار ایلدی .

بومظفريتدن عودت اولنور اولتماز یینه ترکان قوجه لرندن کوبک اوغلی نامنده برینک قاز اومسنه قدر کله رک غارتکر لکه نیام ایلدیکی استخبار اولندی و همان اوزرینه کیدیلهرک برکیجه اصقیننده او حشراتده مضمحل و پریشان ایلدی ، اوتهدن ریدن یغما ایتدکلری اشیا اخذ اولندی .

کوبک اوغلی وقعه سنندن صکره شهزاده اک قوتلی معین

همان ياننده اولان بيك قدر آتلي ايله دشمنك مقابله سنه شتاب ايدر . انيال اوغلنك عسكردن بر ازي غارته طاعلمش ايسه ده ياننده اون بيك قدر سواري بولنور ، شهزاده ينه بي پروا محاربه يه آغاز ايدرك دشمني مضمحل و پريشان ايدر . حتى سه عبدالدينك بتليسيدن نقل ايتديكنه نظراً بو محاربه ده انيال اوغلنك عسكري زرهلي ، عثمانلي عسكري ده بالعكس زرهسز اولديني حالده ينه تركمانلردن بر چوق آدم تلف اولور ، عثمانليلردن فرد آفرينده يه بر ضرر ايرشمز . يالكز انيال اوغلي قاچاركن پادشاه بنده لرندن جبل اوغلي ايله زغر جي يعتموبي انسير ايدر . آنلرده صكره دن قورتيلورلر ، خدمت پادشاهي يه كليرلر .

بويله بر ميدان محاربه سنده بيك آتليكن اون بيك زرهلي بي بوزمسي تحقيقات تاريخيه جه مقبول عد اولنه بيله جك روايتلردن دكلدر . خصوصيله زرهليلردن بر چوق تلفات وقوعه كلديكي حالده زرهسزلردن هيچ كيمسه تلف اولماديغنه دائر ايراد اولنان سوز وقعنهك صورت تصويرنده حقيقتدن زياده خيال التزام اولنمش اولديغني پك بديهى بر صورتده كوستر . بوروايتك تاريخجه قبول اولنه بيله جك درجه سي شهزاده نك آز بر عسكركله بالنسبه كثر تلي بر فرقه يه غلبه ايتمش و بوغلبه ده بالنسبه آز تلفات حصوله كلش اولمسندن عبارتدر . نهايت غلبه نك اويله بر افسانه يه موضوع اتخاذا اولنه جق قدر پارلاق اولسنده احتمال و يريله بيلير .

ينه اورالرده بولنسان تركمان بكلرندن كوزلر اوغلي ده شين

ايتدى . وعد ووعيدلر ايله استيمانه ميل ايتديريله مدى . نهايت شهزاده نك كوستردىكى شدت و اقدام اوزرينه عثمانلى دلاورلرى نردبانلرله قلعه نك برجلرينه ، ديوارلرينه چيقديلر ، قهرآ فتحنه موفق اولديلر . مع مافيه شهزاده بر بيوك مرحت اظهار ايدهر ك بويله عنوة تسخير اولنان بر موقعك محافظلرينى ده بهره دار امان ايلشدر . بوقلعه شهزاده نك ايلك ضبط ايتدىكى بر محل اوله رق فتوحاتنه بويله بر اثر مرحتله ابتدا ايتك ايسه او مجدد دولتك شاننه لايق بر استفتاح اقبال ايدى .

ينه او سنه وقايعندن برى ده انيال اوغلى حادثهسى ايدى كه شهزاده نك مبادى ظهورنده كى وقوعاتك جمله سندن مهم عد اولمغه شايبته در . تاج التواريخك روايته كوره بو انيال اوغلى بر بىكرمى بيك قدر توابعيله قاز او واده قرار ايدهر ك شهزاده نك ملكنه تعرض ايتمكه باشلار . سلطان محمد بر اياچى و برنامه ارساليه انيال اوغلندن كندى ملكنه تجاوز ايمه مسنى طلب ايدر . انيال اوغلى اياچى يه موجود اولان عسكرينى كوستره ك اظهار حشمت و شهزاده ايجون « شمدى محمد زهده او طورر ؟ » كى سوزلرله بيان استخفاف و حقارت ايتدكن صكره كيدن نامه يه ده « مراد من سنكله م ربه دكلدر ، الكده كى يرلى استخلاصدر ، دوستانه نصيحت ايدهر ز ، مقابله فكرنده بولما ، كوزيكك كوردىكى طرفه چكىل كيت ! » يوللو بر جواب يازار .

شهزاده بو محقرانه جواب اوزرينه حدتندن آتس كسپلهر ك

حرکت ایلدی، محاربه باشلامدن قره دولتشاه؛ عثمانلی اردوسنک انقره ده کی انهرامی ایچون برطاقم شباتاروشه زاده نك چوجقاغندن طوتدیره رق اطفالک کندی کبی پیران جهاندیده ایله حربه جیسارت ایلمی تحریء اجل قبلندن اولدیفه دائر برچوق مناسبتمزلکر سرد ایتمش و شهزاده طرفندن ده لازم اولان جوابی آلمش ایدی. نهایت ایش سوزدن قلیجه انتقال ایده رک ایکی طرف محاربه یه باشلادیلار. اثنای کیر و وارده شهزاده نك همسنی اولان توابندن برنو جوان قره دولتشاهی بر اوق ایله کوزندن اورارق آتدن آشاغی دوشوردی، بو حال کورن عثمانلی دلاورلری دشمن عسکرنده طبیعی ظهور ایدن تلاشدن استفاده ایده رک مجروحک دوشدیکی طرفه هجوم ایتدیلر، باشی کسدیلر، اطرافنده اولانلاری پریشان ایلدیلر. بو مظفریت ۸۵۰ تاریخنده میسر اولمش ایدی.

ینه بوسنه وقوعاتندیر که تیمورک منشور ویردیکی طاقندن جانیک بکی قباد اوغلی، شهزاده نك تصرفنده بولنان یرلردن نیکسار قلعه سنی محاصره یه قیام ایلدی. اهاالینک فریادی اوزرینه شهزاده قلعه نك معاوتنه شتاب ایده رک دشمنی بر حمله ده پریشان ایتمش و قلعه یی تخلیص ایلشدر. خواجه سعدالدینک روایتنه کوره قباد اوغلی معرکه دن طاشان اوغلی قلعه سنه فرار ایلدی. شهزاده ایسه فتبل و یا خود فتبک نامنده بر قلعه یی محاصره ایتمشدی. او زمانک حالنه کوره قلعه فوق الغایه متین اولدیغندن محافظی مدافعه ده اصرار

آماسیه وطوقاده عزیزیت قرارینی تأکید ایدیلر . بو صروده شهزاده نك تحقیق احوال ایچون اوتیه بری یه کوندردیکی آدملرده ککش و تیمورک ایدینده قشلامق تصورنده بولندیغنی بیان ایتمش ایدیلر که بروسه یه عزیزمتک امکانمزانی بونکه تین ایتمش اولدی .  
 بو قراری متعاقب ایسه شهزاده ترکان رؤساسندن قره دولتشاهک ،  
 تیموردن النه برمنشور آلهرق وباشنه برطاقم حشرات طویلایه رق سایه رایات عدلنده بولنان یرله تسلط ایدیکنی کلن شکایتجیلردن استخبار ایلدی . امراسنک احتیاطنی حداعتالدن خارج کوردیکندن اولسه کرکدرکه برمحاس مشورت عقد ایده رک فقرانک دوچار اولدیغنی بلایایی کریه وتأسفله بیان ایله بونلرک دفعنه مسارعت اولمازسه ملکک بتون بتون خراب اولسی مقرر اولدیغنی سویلدی . امرایسه کندیلرینک کوستردکاری احتراز بروسه یه کیدوبده کوز کوره تهلهکه یه دوشمه مکدن عبارت اولدیغنی فعلاً اثبات ایده رک « مال وجامز شهزاده مزک یولنده فدادر ، دولت دشمنلرینک تنکیلنی صداقت وعبودیت لوازمندن بیلیرز ، فرمان سنک ، عنایت خدانک . »  
 دیدیلر . شهزاده بو مطاوعتکارلقدن فوق العاده ممنون اولهرق قره دولتشاهک بولندیغنی حال وموقعی تحقیقه آدملر سوق ایتدی .  
 بو حیدودک باشنده کی حشراتی یغما ایچون اطرافه طاغیده رق کندیبی لعله نامیاه معروف برمحله بیک قدر آدمی ایله ذوقنه مشغول اولدیغنی خبر آلتجه همان فرصتی اغتنمام ایده رک اوزرینه



طرفندن طوغرىدن طوغرى يه كندى عليهنه تشبث و وقوع بولماش ايدى ، فقط تيموره استناد ايدن بر طاقم نوظهور دشمنار شهزاده نى خيليدن خيلى اوغراشديرديلر . بنساءً عليه انقره محاربه سيلاه تيمورك ممالك عثمانيه دن چكلمسى آره سنده كذار ايدن مدت جزئيه ايچنده شهزاده دائما محاربه حالنده بولموش و بولندينى يرلى قليچ قوتيله محافظه ايتمش در .

شهزاده انقره دن عودت ايلديكى سرده ده ولايتى بولنان طوقاد و اماسيه طرفلرينه وصولنى منع ايچون اورالرك حاكم قديمى اولان اسفنديار بك شهزاده نك همشيره زاده سى قره يحيى بيك قدر سوارى ايله تعيين ايلدى . قره يحيى انقره ايله بولى آره سنده شهزاده يه سدراه اولمق ايستدى ؛ شهزاده نك يورغون عسكرينى او قلى شكار عدايدركن ياره لى آرسلان صولتنده بولدى ، برنجى مصادمه ده هزيمت فاحشه ايله منهزم اوله رق اشياسنى كاملا عثمانليار ك پيشگاه اغتنامنه ترك ايله طوسيه يه قدر فرار ايلدى .

شهزاده بو مظهرتتى اوزرينه بولى يه كمش و ملكك و دشمنك حالنى او كرنمك ايچون اطرافه آدم لركوندرمش ايدى . كنديسنك مقصدى بروسه يه كيدرك اورايى نقطه مدافعه ايتمك ايدى . ياننده بولنان اصحاب تجربه عالمك بو قدر قاريشقلى زماننده ايله جزئى عسكرله بروسه كى اطرافى آچيق برى اس الحركات اتخاذه قالمش مق خاطر دن سالم اوله ميه جغنى بيان ايتديلر ،

تألیفاتی او قونیور « دیدیکی مشهوردر . او مشربده اولان و علمایه رعایتی سلطنتجه مدار مفخرت و بلکه دلیل مشروعیت بیان بر پادشاه قاهره حضورینه زنجیر ایله باغلی علما کوندز یله میه جکی معلومدر .

معتبر اولان تاریخارک روایتنه کوره ایسه تیمور بوذوات کرامه فوق العاده رعایت ایدرک امیر بخاری ایله ملا فناری نی کندی ایله برابر کیمکه بروسه ده قالمق بیننده تخریر و امام جزری نی برابر بولمغه اجبار ایلدی . امیر ایله ملا قالمق اختیار ایتدیلر ، امام ایسه چاره سز تیمور توابعنه التحاق ایتشدر .

تیمور عسکرینک بوغارتلر لکله اشتغال ایلدیکی صروده شهزاده سلیمان چلبی روم ایلیه چکیه رک و تیموردن کلن دعوتی صاومق ایچون خواصندن شیخ رمضان بعض هدایا ایله ارسال ایدرک پدیرینک صالیور یله جکی وعد ایدیلور ایسه کندیسی کلمکه حاضر بولندیغنی بیان ایتمش و شیخ رمضان بر ایکی کره کیدوب کلدکن صکره روم ایلینک شهزاده یه توجیهنی مشعر تیموردن بر منشور استحصال ایتمش اولدینی توران تاریخارینک روایاتندندر .

روم ایل بو صورتله تعرضدن سالم قالدینی کبی چلبی سلطان محمدده آناتولی ده اولان ملکک یالکزجه اماسیه و طوقاد طرفلرینی محافظه ایده بیلمش ایدی . چلبی سلطان محمدک بو موفقیتی یالکز بر سفیر کوندز مکه حاصل اولمادی . واقعا تیمور

مشغول ايکن تيمور بدل امان طوپلامق ناميله احفادنن سلطان  
 حسيني قره مان و تسکه و حميد ؛ خوارزم خانى امير شاه ملکی ده  
 ايدین و صاروخان و منتشا جانبارينه کوندردی ، عسکرلری  
 کندی طرفنه کچمش اولان يرلری ده مبتلاى غارت و تخريب  
 ايتمکده عثمانلى ملککنک سائر جهتلرندن تفریق ايتدی !

تيمور ايسه انقره طرفلرينک حرارتنى پک شدتلى بولديغندن  
 يازى کچيرمک اچون کوتاهيه به ککش ایدی . بروسه نك محافظه سنده  
 بولنان شيخ نورالدين حرم پادشاهی افرادی ايله احمد جلايرينک  
 کریمه سنى و قره مان اوغلارنى و امير بخارى و ملا فنارى  
 و شيخ جزرى نى کوتاهيه به ارسال ایدی . بزم تاريخلردن  
 بعضيلرى امير بخارى و ملا فنارى و امام جزرينک تيمور  
 حضورينه زنجيرلره مقيد اوله رق کوندرلديکنى بيان ايدرلر .  
 حال بوکه تيمور علمایه بلکه سلاطين سلفک هيچ برندن صادر  
 اولماق درجه لرده رعایت ايدر ایدی . يارى آسيابى خون و آتش  
 اچنده براقدينى حالمه برعلملى ذره قدر رنجيده ايتدی . بروقت  
 برايش اچون « يولده راست کلديکک حيوانى آل ، ولوکه  
 اولاديمک اولسون ، قورقه ! » ديه رک سوق ايتديکى بر تانا  
 حضورينه دونوبده يولده آتى چانلاديغندن سعدالدين تفتازانينک  
 حيوانى آلق ايستمش و کندی امرنى ده تبليغ ايلش ايکن  
 مولانادن حيوانى آله مادقن بشقه برده طياق ييديدکنى بيان ايدنجه  
 تيمور « نه يابه لم ؟ حرمين شريفينده نم خطبه م اوقونيمور ، آنک

خزائن پادشاهى نى شهزاده سليمان يتشمه دن اول ضبط ايده بيلمك وبوصورتله شهزاده نكده قاچه بياه جكي يوللرى كسمك ايجون اوقدر شتاب ايله كيتمش ايدى كه اويله دنيايى طولاشمش ومشاق سفر كك شدتلىر ينه آلمش اولان اوتوز بيك سوار يدن بوسر عته يالكوز درت بيك آتلى تحمل ايده بيلمش وقصورى يوللرده دو كيوب قالمش ايدى ، بونكاه برابر ميرزا محمد سلطان ، نه خزينه ده كى نقود ومجوهراته دسترس اولدى ، نه ده سليمان چايى نى طوته بيلدى ؛ فقط شهزاده نك نقل ايده مديكى كوش طاقلىرى ، قاشلىرى ، سائر برطاقم آغرى اشيايى اخذ ايلدى وبروسه شهرى نى ده يغما وتخریب ايتدى . باي تخت عثمانلىك سايه شوكت واجلالنده برمعموره ثروت اولديغندن ، توران تاريخلرينك روايتنجه ميرزا طرفندن يغما وافنا اولنان اموالك يكونى بوزمانك قيمت مسكو-كاتبه تقريباً التى مليون ليرايه بالغ اولور .

بوندن بشقه حرم هايون افراديله احمد جللايرينك شهزاده مصطفىايه نامزد اولان كريمه سى ده تاتار انه دوشمش وبروسه ده محبوس اولان قرمان اوغلى محمد بك ده محبسندن قوتولمش ايدى . ميرزا محمد شاه بروسه نى ضبط ايتدكن صكره ميرزا ابوبكرى سوق ايله ازنيق وطراقلى يكيجه سنى وامير سونجى تعيين ايله كليك جانبارى غارت ايتيرديكى كېي كندىمى ده قره سى ولايتنه كيره ك ميخاليجه قدر كيتمش واوكنه راست كلن معموره لرى زيرو زبر ايتمش ايدى . بونلر شمال طرفلرينك غارت وتخریبيله




## تفرقه حکومت

سلطان بایزیدك اسیر اولمسیله عثمانلی تاریخنده بردور فترت باشلار ، تاریخلرک اعتبارنجه تا چلبی سلطان محمدك حکومتده منفرد قالدینی زمانه قدر امتداد ایدر .

تیمور انقره ملحمه کبراسنی قازانق و عثمانلیلرک پادشاهنی اسیر ایتک کبی کندی موفقیات فوق العاده سنک بیله اک بیوکی عداولتمه لایق اولان بر بختیارلقه اکتفا ایتدی ، جهاد ایله مألوف اولدینی ایچون قوتنه خلل ویرمک ایسته مدیکندن بحث ایلدیکی دولتی ده محو ایتمکه قالقشدی . حال بوکه اوضاعندن مشتکی اولدینی سلطان بایزیدك آرده هیچ حکمی قلامشدی . تیمورک یالکز بومعامله سی ، سلطان بایزید طرفندن وقتیه هر نه یاپیش اولسه ینه تسلطندن تورتلوق قابل اوله مایه جغه دائر بالاده ایراد ایلدیکه ز مطالعاته بر دلیل کافیدر .

تیمور انقره وقعه سنی متعاقب سوکیلی حقیدی محمد سلطانی اوتوز بیك آتلی ایله بروسه نك ضبطنه و شهزاده سلیمانك تعقیبنه مأمور ایتمش واحضادندن ابوبکر میرزا ایله اکابر امراسندن شیخ نورالدینی ده معیتنه ویرمش ایدی . محمد سلطان بروسه ده کی



تفرقة حكومت

حاجى باشا؛ او دورك پرور شياپ عنياتى اولان اعظم علمادن  
 ايديلر . هر برينك تليفاتى تعداد اولنسه آريجه برساله اولور .  
 علم و اتقايى جمع اين اجلاه اسلامدن امير بخارى و مولد اعتباريله  
 قيصرى و مقام مختارى اعتباريله اقسرايى عنوانيله مشهور اولان  
 شيخ حامد و حاجى بيرام ولى ده او عصر ك رجالندندرلر . بو  
 اكابر ايچنده جمله دن زياده پادشاهه معاونت و اسلامه خدمت  
 ايندئر ايسه امير بخارى حضرتترييله ملا فناريدر .

سلطان بايزيد بروسه ده اولو جامع ايله بر مدرسه و عمارت  
 و دارالشفافا بنا ايتدى . آق چغلان صوينى كيتردى . ممالك  
 مفتوحه سندن اولان آلا شهرده ده جامع و مدرسه و حمامى  
 واردر . فقط استانبولى فتح ايمه دن جامعه تحويل ايتديرديكى  
 كليسا، اينيه دينيه سننده اك زياده شايان دقت كورينور .



فیروز پاشا و یعتوب بک سردار لقمده قوللانیشلرایدی. ایکینسنگده ایلریده برطاقم وقایبی کوریله جکدر. فرقه قوماندانلرنده قره مقبلدن بشقه برمقبل صوباشی، تیمور طاش پاشادن بشقه بر تیمور طاش بک و صدر اعظم زاده ابراهیم پاشا و مراد پاشا و منت بک و مصطفی بک و قرمان امراسندن طورخان بک و بشیر بک و طاهر بک و محمد بک و داود بالی والا کوز احمدی و محمدی تاریخلرده ذکر خیر ایله یاد اولنه جق درجهلرده ابراز مآثر ایلشار ایدی. ایچلرندن مصطفی بک و منت بک و داود بالی بک آنقره محاربه سنده شهید اولدی. سائرلریده صکره یه قاله رق کیمی برطاقم افعال عظیمه یه مصدر اولمش و کیمی ده ماضینک اعماق سکوت و خفاسی ایچنده محو اولوب کیتمش در.

بایزید دورینک علماسی اسلافنه قیاس قبول ایتیه جک درجهلرده کثرتلی ایدی.

دوات علیه ده بر بیوک خاندان علم تأسیس ایدن ملا فناری

و فتاوا ای بزازیه صاحبی حافظ الدین محمد کوروری و شیخ جزری

و فنارینک اکبر اولادی محمد شاه ایله علاء الدین اسودک اکبر

اولادی اولان حسن پاشا و قطب الدین ازنیق؛ پدرینک زمانندن

کندی دورینه انتقال ایدیکلری کبی صاحب قاموس مجدالدین

فیروز آبادی، فناری اولادندن یوسف بالی و شیخ جزری

اولادندن محمد اکبر و محمد اصغر و احمد و عبدالواحد ایرانی

و احمدی و شیخ بدرالدین و ابن عربشاه و طیب صاحب معرفت





سلطان مرادك سردارلقده استخدام ايتديكي اعظمدر صدر اعظم تلي پاشا ، بککری بکی تیمور طاش پاشا ، غازی اورنوس ، میخال اوغلی محمد بک ، تیمور طاش پاشا زاده یخشی بک ، اینجه بابان بک وفرقه قوماندانلغی ایدنلردن اینه بک صو باشی وقره متبل و فیروز بک سلطان بایزیدک زمانندهده شان میدانلردن آیرلما مشلر ایدی . کندیسنگ اک محرم مستشاری باغارستان فاتحی اولان علی پاشا واک قوتلی سلاح سطوتی ایسه زماننده صربستانی فتح ایدن تیمور طاش پاشا ایدی . کک بونلر ، کک غازی اورنوس بک ایله سائر امرا حائر اولدقاری مفاخر قهرمانی بی برقات ده ااعلا ایتدیلر . فقط ایچلرندن ودینک فتحی وافلاکک تسخیری خصوصنده کوستردیکی مهارت وشجاعت فوق العاده سایه سنده عادی فرقه ضابطلکندن آرزمان ایچنده روم ایلی بککری بکیله ککنده تیمور طاش پاشایه خلف اولمق کبی بر شرفه نائل اولان ، فیروز بک ایکن فیروز پاشا عنوانی ایله یاد اولنان فیروز بک ایله تیمور طاش پاشا زاده یخشی بک آنقره محاربه سنده اقدامات خدا پسندانهلریله عسکرلکک اقصای مراتبی اولان دولت شهادتی احراز ایتدیلر .

کندی زماننده یتیشن قهرمانلردن یالکیز پاشا یکیت ایله

ایتدی، پارلادی، جهانی انوارینه غرق ایده جک ظن اولنورکن  
 خاک مذلته دوشدی، بدبختانه محو اولدی کیتدی! مع مافیہ  
 اوبدبختلیغیه برابر زمانک اک بیوک پادشاهی اولدینی وعسکرینه  
 کندینه غلبه ایدن تیموری ده متانت اخلاق واشتهار غزوات ایله  
 مغلوب ایلدیکی مسلمدر.



دولت، سلطان سليمان زماننده واصل اولديغى مرتبه جلاله هيچ شمه يوقدرکه آنک زماننده وصول بولوردي . هله تيموره غابه ايتمک ميسر اوله يدي ، آنک باشنده اولان و قلیسج اتمکي ايله کچنمکدن بشقه هيچ بر آرزوسي اولميان بر مليون قدر بهادر اغلب احتمالذکره اوزمانه قدر اقتدا ايتدکلری علم تغلبدن بيک قات شانلی ، بيک قات مبارک اولان رايه اقبال عثمانی آلتنده اجتماع ايدرلردی . سلطان بايزيدک او قوتله استحصال ايده جکی نتیجه لر ايسه سلطان سايمانک دکل حتی تيمورک مآثرينه قياس قبول ايتمه جک قدر عالی اولوردي .

بوحالده دولت عثمانیه طورینی دکيشديرر ، عادی دولت حالندن چيقار ، خاندان عثمانی جهانک قسم اعظمنه انفاذ حکم ايدر ؛ فقط عثمانلی قومیتی اورته دن قالقاردی . دینه جک ايسه واقعا بومطالعه واردر ؛ فقط سلطان بايزيددن صکره محمد ومراد و فاتح و سلیم و سليمان کبی اعظم ، دولتی احیادن باشلايه رق جهانکیرلک درجه سنه ايصال ايتمکه و عثمانلی قومیتنی جزايره ، يمه قدر کتورمکه مقتدر اولدقاری حالده اکر دولتی اویله بر عالم بالای اقباله واصل اولمش بولسه لرايدی ، امويه کبی حکمدار تعدد ايتديرمکسزین دنيا ناک بر اوچندن او بر اوچنه قدر انفاذ حکم ايده جک برشکه قومیتدن عاجز قالمالزردی ظن اولتور . ايشته دولتنه او قدر بيوک بر امید حاضر لاهش اولان سلطان بايزيده فلک مساعد اولمادی . ييلديرم کبی برده شته اوج اعتلاده ظهور

وایمپراطورینی برقات دها تذلیل ایلك ایدی . صرب قرالیله قرابت حاصل ایدهرك غایت وفالی بر متفق پیدا ایلدی . فقط بونتیجه کندی ادارهسندن زیاده قرالك منفعت شناسلغی ، متانت اخلاقی سایهسنده حصوله گلش ایدی .

تیمور مسئلهسنده کی مخبراتنده ، صکره لری واقعا شانی ، حیثیتنی محافظه ایلدی ؛ فقط ابترالرنده قدرینه ، مقامنه یاقیشایه جق صورتده مهورانه طورانمش ایدی .

پدری کی النده کی قوتله متناسب اوله جق صورتله یرلر ضبط ایدهرك دولتنه حدود طبیعیه تعییننده مائل دکل ایدی . بالعکس ملککنک دنیا کی هر درلو حدوددن وارسته اولدیغنی ایستردی که اصل صفت کاشفه سی ده بوجهانکیرك استعدادیدر . آهندلانه برمتانت ، برقانه بر سرعت ، مانعه براندازانه بر اقدام ایله متصف اولان بوخارقه جلادت حقیقه دنیلر قدر واسع برتصوره مالک و او تصوری فعله چیقارمق خصوصنده ایسه نفسنده کی اقتداره اعتنا و اعتماد تام ایله مغرور و معتقد ایدی . تیمورله اولان مخبراتنده ، ایستهسه مصر وشامی ده ضبط ایده - بیله جکنه و تخریب و غارتله یر آلمغه قائل اولسه آز زمان ایچنده جهانی تسخیر ایله جکنه دائر سویلدیکی سوزلر طفره فروشلق دکل ، حکم وجدانی نتایجندن ایدی . اکر بو استعداد جهانکیرانه ایله تیمور کی بردشمنه تصادف ایتمسه و عمری ده مساعد اولسه

ديگر جهتمددهشت اشتهاريني محافظ براقير وفي الحقيقه ييلديرم طوقونه جنی محله صداسی ايشيدلمه دن اصابت ايلديکی کبی بو برق جهان جلادت ده هر زده بر دشمنی ظهور ایدرسه قارشيسنه خبرندن اول کندیسبی يتشير ایدی .

سلطان عثمان کبی مؤسسلک وعدالت پروراک فضائله متصف دکل ایدی . حتی جلوس ایتدیکی کون بیچاره برادرینی اعدام ایله بر بیوک غدارلغک اختیارندن چکنمندی . جمع ماله انهما کلرینی تحقیق ایلدیکی قاضیلره مسلک عدالتدن انحراف ایتدکری ایچون وجودلرینی آتسه یاقمق کبی عدالتله قطعا مناسبتی اولمیان بر معامله ظالمانه ایله مجازات ایتک ایستمش ایدی . ذاتاً تهوری غالب واحترافات نفسانیه سی غایت شدید اولدیغدن جباره دن اولق استعدادینه مالک ایدی ؛ فقط تربیه اسلامیه سی و برده طبیعتنده فطری اولان و علویتنک اک قوتلی سائقلرندن بولنسان قبول حق میلانی قوتیه او استعدادده غلبه ایتمش ایدی . بر صورتده که اک بارد متعصبیلر اک جاحد دشمنار بیاه یعتوبک و تعه سیاه عشرتدن بشقه مدار تعریض بر حالی بوله مامشاردر .

جدی اورخان کبی قانون وضع ایتک و معاملات خارجیه ایله انقاد حکم ایتک جهتلرنده ده اقتدار کوسترمدی . وضع قانونه متعلق بر فعلی اولمادینی کبی معاملات دولیه جه اختیار ایتدیکی حرکتده دلوک طوائفی تلیجنک دهشتیه محوایتک وروم




سلطان بایزیدك ولادتى ۷۶۱ و جلوسى ۷۹۱ و اسارتى ۸۰۴ سنه سنده دركه بوصورتله عمرى قرق بش و سلطتى اون درت سنه ايدر. پادشاهك ولادتى ۷۴۸ و جلوسى ۷۹۲ تاريخنده اولديغنه دائرده برروایت و ارایسه ده جمهور مؤرخینك تحقیقاتنه تامینه مغایر اولدیغی ایچون مقبول دکلدر، قرمزى ایله صارى په مائل دکرمى چهره لى ، ایرى برونلو ، مائى کوزلو ، قمرال صقاللى ، قوی بنیه لى ، هائل باقىشلى ، شمائل حرمتدن زیاده دهشت القا ايدر برقهрман ایدی .

موهوبات فطریه ده ایسه اجدادنن هیچ برینه بکزه مزدى . فوق العاده برحدت نظره مالک اولدیغندن هر حالده سنوحاتى استدلالاته ترجیح ايدر و اکثریت اوزره تخمینى سائرلرک تحقیقندن صحیح چیقاردی . سرعت انتقال ، سرعت عزم ، سرعت اجرا خواص جلیله سندن اوله رق مقصده احاله فکر ايدر ایتمز ده اتحاذ قرار و اجرای ترتیباته لازم اولان وقت حلول ایتمه مش ظن اولنورکن اجرا آتی مقرون ختام اولمش بولنوردی . جرأت تشبثده بر درجه یه واصل اولمشدی که هرکسه محال ظن اولنان معظمات امور نظرنده اک عادی جزؤ یاتدن کورینور ایدی . ملکینک براوجنه کیتدیکی زمان

کونی آق شهرده جهان دیدکلری زندان مصائبدن عالم اطلاقه  
ارتحال ایلدی .

قوصوده اعدای دولتی پنجه سطوتنده محو اولمش  
کوردکن صکره بر عظمتله محاربه میداننده سریر سلطنته جلوس  
ایتدیکی حالد دولتی دشمنک پنجه قهرنده محو اولمش کوردکن  
صکره اسارت کوشه سنده یوز بیک محتله اتمام عمر ایدن بو  
طالعمر قهرمانک فاتحه اقبالیله خاتمه حالی بیننده اولان فرق،  
عالمک بی و فالغنه نه فاجع، نه مددش بر درس عبرتدر! نعش مبارکی  
شیخ محمود جیران تر به سنه امانت طریقیله تودیغ اولمش  
ایدی .



فی قفص [۱] بین وصیف و بعا « بیتندن ده آ کلاشیلیر. آندن صکره شاهلرک، شهزاده لرک از و اخانه لرینه ده قفس اطلاق اولندی .

ایشته برم تاریخلرک روایت ایتدیکی کبی سلطان بایزید وجع مفاصلدن خسته اولدیغندن واسارتی حالنده هرکسه کورنمک ایسته مدیکندن پارمقالی برتخت روان ایله کزردی . پادشاهک برطرفدن قفسده اولدیغنی ایشیدن وبرطرفدن پادشاهی دمیر تخت روان ایچنده کورن عوامک تخت روانی پادشاه ایچون محبس دائمی اولمش بردمیر قفس ظن ایده رک اورته یه بویله یا کلش بر فسانه چیتارمش اولدقلرنده شهه یوقدر .

سلطان بایزید او یله قفسده حبس اولمادی ؛ فقط ملککنک حالنی کوردکجه جهان وجودینه دمیر قفسلردن و بلکه بیلانار ، عقربلرله ملو زندانلردن اشع بر محبس اضطراب ایدی . او یله زنجیره اورلمادی ؛ فقط دوشدیکی قید اسارت آتشین زنجیرلردن هولناک بر بند جانکداز ایدی . عمرینک زمان کالنده مبتلا اولدیغنی عال روحانیه و جسمانیه آلتی آی آنجق طیانه بیلدی . ۸۰۵ سنه سی رجبنک اواسطنده حناق وضیق صدر وبر روایته کوره حمای محرقة و خفقان وینه بر دیگر روایتیه نظراً تولدن خسته لنه رق تیمور کندی اطماسندن جلال الدین عربی و عزالدین و مسعود شیرازی بی تعیین ایلدی . فقط معالجه کار ایتدی ؛ او طالعمر قهرمان ۸۰۵ سنه سی شعباننک اون دردنجی پنچشنبه

[۱] قفص قفس کله فارسیه سنک معربیدر .



زاده ، او زمانلر پادشاهك خدمتمنده بولنان و صكره لرى آماسيه واليسى اولان بر ذاتدن نقل ايله پادشاهك ايكي حيوان آرسنه مربوط قفسلى بر تخت روان ايله كزديرليكنى ونشرى ده تيمور بر قفسلى تخت روان ياپديره رق سلطان بايزيدى آنك ايله طاشيديغنى سويلىش اولديغندن وقفس شهزاده لرك انزو اخانه لرينه و پنجره لرك ستره لرينه ده اطلاق اولنهرق بو قفسدن عادى قفس معناسى آكلاشلديغندن بوياكلشلق ظهور ايتمىدر .

بزه قاليرسه فرازينك روايتنده يالان اولان يالكز قفس مسئلهسى دكلدر : شهزاده سلطان محمدك پادشاهى فرار ايتديرمك تشبثنده بولنديغنه دائر اولان روايته ده اينايلىمق قابل اوله ماز . اويله بروقه اولسه البته بزم تاريخلرك ده برنده بولنوردى . هله هيچ شهبه يوقدر كه تيمور مضبوط اولان اخلاقيه هم سلطان بايزيدى اتلاف ايدر هم ده چلبى سلطان محمدى و بلكه خاندان عثمانى اعضاسنك كافه سنى محو ايتدكجه آناطوليدن چكلمزدى . فرار تشبثى ثابت اولمادىغى حالده ايسه پادشاهك زنجيره اورلمش و يا دمير قفسده حبس ايدلمش اولمىنى تصوره محل قالماز .

بو قفس تعبيرى خلفاى عباسيه نك بر او طه يه چكيله رك ديوانه ، بولندقلرى يرك قفسندن ناظر اولمغه باشلادقلرى زماندن قالمه بر اصطلاحدر . صكره لرى خلفا هر كسندن احتجاب ايتدكجه « قفسده در » دينايلور ايدى . نته كيم بر شاعرك زماننده سويلايدىكي « خليفه

ایکنجی دفعه اوله رق بند اسارته دوچار اولمش وشاهرخ  
 ومیرانشاهه خدمتکارلق ایتمش اولان شیلدیر کر آنقره محاربه سنه  
 وپادشاهک اسارتنه دائر هر درلو تفصیلاتی اعطا ایلمش اولدینی  
 حالدہ او قدر مهم بر وقعه دن صحیح اولدینی حالدہ بحث ایتمه مش  
 اولسنه نعل احتمال ویریله بیلیر؟ بوسیقو نشر ایتمکی محفوظاتناہ  
 سلطان بایزیدک تحمل اولماز مشقتلر ایچنده وفات ایتمدیکنی بیان  
 ایدر . فقط بو افاده دمیر قفس مسئله سنک صحتنه دلالت ایده مز .  
 زنجیر ایچنده وفات ایتمک آریجه بر شدت نتیجه سی اولسه ده  
 مشقتلیدر . سلطان بایزید اسارتنه دائر تفصیلاته کیریشن اوچ  
 روم مؤرخندن شایان اعتماد اولان دو قه وها لقوندیل پادشاهک  
 یالکز زنجیره اورلدینی بیان ایدیورلر . حتی دو قه زنجیرک  
 بیله قاقغه میدان بوله نامسی ایچون یالکز کیجه لره مخصوص  
 اولدینی سویلر . دمیر قفسدن یالکزجه فرازی بحث ایدر که  
 آنک ده شرقده جریان ایدن وقوعاته دائر ویردیکی معلومات  
 پک یا کلسدر . عجم منشی وشاعر لردن کرک شرف الدین وکرک  
 تیموز نامه صاحبی هاتفی دمیر قفسدن بحث ایتمز . لاری ده،  
جنابی ده بویله بر سوز سویلز . معاصر لردن کرک ابن حجر  
وکرک ابن شحنه فرازینک روایتی تأیید ایده جک هسیج بر شی  
 یازمامشاردر . بو آلتی مؤلفک سکوتی هر حقیقتی نثر مسجعنک  
 آهنگ سلاستنه فدا ایدن عرب شاه ایله فرازینک روایتارینی  
 جرحه کافیدر . عثمانلی مؤرخلرینک اک قدیمی اولان عاشق پاشا

فردی ترك دینه اجبار ایتدیکی حالدہ بویله بر جبارانی  
 حرمسرای سلطنت حقنده اجرا ایتمش اولسنه احتمال ویریله مز.  
 بو خرافات آردسنده برده تیمورک سلطان بایزیدی بر دمیر  
 قفسده حبس ایلدیکی شایعدرکه آوروپا مؤرخلری عندنده عادتاً  
 بر مهم بحث عد اولنمشدر . هامر بو بحث ایله بر خیلی  
 اوغراشدیغندن افاداتی زیرده تلخیص ایلدک :

«چلبی سلطان محمد پدیرنی اسارتدن قورتارمغه تشبث ایتمشدی .  
 تیمورک اردوسنه ادخال ایده بیلدیکی لغمجیلار پادشاهک اقامتکاهنه  
 یقین بز چادردن یری قازمغه باشلادیلر . لغمجیلار چادرک  
 اورتسنه قدر کلدیکی صروده بکجیلار وقعینی خبر آلدیلر ،  
 پادشاهک ویاننده بولنان خادم آغاسی فیروز بکک او زمان  
 او یانق بولنمی ده حقارنده کی شبهه یه قوت ویردی . تیمور پادشاهک بو  
 تشبثندن پک زیاده غضبناک اوله رق فیروزبکی اعدام ایتدیرمشدر .  
 پادشاده آندن صکره کیجه لری زنجیره اورلمغه باشلاندى ،  
 بکجیلری تزید اولندی . بو شدت و برده قفس نامنه یا کلش  
 اوله رق ویریان معنالر قفس فسانه سنک ظهورینه سبب اولمش  
 واوروپا مؤرخارندن قزائزافرانزی ایله عرب شاهک قولنه اتباعاً  
 بو افسانه نی نقل و قبول ایلشدر . باویردی شیلدیرکر - که نی کبولی  
 محاربه سنده اسیر اوله رق خرسیتیانارک اعدامی اک جزوی  
 تفصیلاتنه وارنجیه قدر ایراد ایتمشدر - دمیر قفسک وجودندن  
 شبهه ویره جک بر حرف بیله سویلیه مز . آنقره محاربه سنده

شکار لوازمی کوندرمش پادشاهده مقابلهسنده « اوت ، آوجیلق آنک کبی وحشی غاصبلره یاقشماز ، نم کبی پادشاه اوغلی پادشاه اولانلره یاقیشیر » سوزیله مقابله ایتمش ایمش . حال بوکه کرک استهزانک کرک جوابک حاله ، موقعه مناسبتی اولدینی کبی آوجیلغک زادگانه انحصاری اوروپا قواعدندن اولماسنه نظراً بوروایتکده خرستیان اختراعاتندن اولدیغنه اشتباه اولماز .

ینه برروایتیه کوره کویا تیمورپادشاهه «شمدی سزی براقسهم ، اولادکز حکمکنزه اتباع ایدرمی ؟» یوللو برسؤال ایرادایلر . « اوده سز نم زنجیری فک ایتدیریکز ، بن اولنره تحمیل اطاعتدن عاجز قالمام» یوللو جواب ویرر . سؤال نه قدر یاوان ، جواب نه قدر ساده دلانه ! کوریلن مخابره لرده ایسه کرک تیمورک وکرک پادشاهک سوزلری هپ ملزمانه ، حال شناسانه در .

شرف الدین ارزی ، تاریخنده عثمانلیلرک جهاده ، صلابت دینهده حاصل ایتدکلری شهرتی قیرمق ایچون پادشاهک حرمی وصرپ قرالذک همشیره سی بروسه دن کوندرلدیکی صرهده خرستیان مذهبنده بولنه رق تیمورک اجباریله اسلامیتی قبول ایلدیکنی بیان ایدر . بو افاده سیله تیموری بر دیانت پرور کوسترمک ایسترکن دیاتتی ده جبارلغه واسطه ایده جک خونهدن اولدیغنی کوسترمشدر . کیمسه یه صورت جبریهده قبول دین ایتدیرمکه ذاتاً جواز شرعی وارمیدرکه تیمورک بویه بر معامله یه حتی اوله بیلسین ؟ تیمور ایسه بورالرده بولندینی زمان هیچ بر

کور ایله بزم کبی طوپاله ویرمزدی « دییه رک سلطان بایزیدک  
فقدان بصیرتنه تعریض ایتمش اولیور . حال بوکه تیمورک عمرنده  
جدیتدن آیرلمادیغی وهیچ بروقت کیمسه ایله لطیفه ایتدیکی  
مسلمت تاریخیه دندر . او مزاجده بر آدمک بویله کنسینی ده  
مسخره ایده جک برسوز سویلسنه نصل احتمال ویر یله بیلیر ؟

ینه بر دیگر روایته کوره سلطان بایزید تیمورک یاننه کیتدیکی  
صره ده حضورینه یمک ایچون یوغورت کتور مشار . پادشاه  
تعجب ایتمش ، تیمور سببنی سؤال ایدنجه « غیب آشناقله مشهور  
اولان احمد جلائییدن برکون سزکله ملاقات میسر اولوب  
اولمایه جغنی صور مشدم . اوله جقدر و ایلبک کورشدیککز زمان  
مجلسک زده یوغورت بولنور دیمش ایدی . « جوابی ویرنجه  
تیمورده « احمد جلایری پک عاقل برذاتدر ، بنده درایتنک منتداری یم .  
چونکه اوسزک یانکزه کلمسه ایدی ، سزده بوراده بولماز ایدیکز .  
دیمش اولیور . بویوله حاضر جوابلق ده تیمورک مشربنه مغایر  
اولدقن بشقه اوزمانه قدر کوستردیکی افکار و اوضاعه ده مخالفدر .  
چونکه تیمور هیچ بروقت بایزید ایله محاربه کنسندی آرزوسنه  
مغایر اولدیغی بیاندن خالی دکلدی . بو حالدده احمد جلایرینک  
پادشاه ایله حربه سبب اولدیغندن طولایی منتداری اولدیغندن  
بحث ایله نصل ممنونیت بیان ایده بیلیر ؟ بز تکرار ایدر زکه تیمور  
لطیفه کولقدن ، نکته دار پردازلقدن متنفر ایدی .

ینه بر روایته کوره تیمور استهزا ایچون پادشاه کلب وشاهین کبی

یانه او طرتمش و تعریضدن تلطیفه تحویل مقال ایدرک بویله شیلر  
 حکم قدر مقتضیاتندن و هرکسک باشنه کله بیلیر حالردن اولدیغنه  
 دائر برطاقم تسلیلر و یرمش و پادشاده زمین اعتذارده برقاچ کله  
 سویلش ایدی . تیمورک معامله سنه متعاق اولان روایت مشربنه  
 تمامیه موافق کورینور . چونکه تیمورده جهانگیرلکه ،  
 جهاندارلغه نه قدر مزیت فوق العاده لازم ایسه جمله سی مع زیاده  
 موجود ایدی ، فقط بدرجه ده غیظ و غلظتی وار ایدی که  
 کندیسنی هیچ بر وقت زبونکشلکدن ، خونخوارلقدن  
 قورتاره مادی . تیمورک نامنی ، عالم انسانیتک اولیای نعمی صره سنه  
 ادخال ایتک استعدادیه یارادلمش ایکن جنکیزلر هلاکولرله برابر  
 یاد ایتدیرن بوقوت حکمنجه مثلا سیواسی تخریب ایتکدن نصل  
 متأثر اولمادی ایسه او حالنده پادشاهک قلبنی قیرمتمدن ده اویله جه  
 متأثر اولمادی . فقط بوشدت برقاچ دقیقه دن عبارت ایدی .  
 آندن صکره معامله سنی یالکنز منفعتک الجا آتته توفیق ایلدی ،  
 قطعاً غلظت ایتدی . برقاچ کونده برکره اکلنجه مجالسری عقد  
 ایدر ، پادشاهی دعوتله تلطیف ایلردی . حتی خاندانه قصدی  
 اولدیغنی کوسترمک ایچون پادشاهک کریمه لرندن برینی احفادنندن  
 ابوبکر میرزایه تزویج ایتمشدی . مع مافیله بوشدته دائر تاریخلرک  
 بیان ایتدکری روایاتی برکره تدقیق ایدلم :

برروایتیه کوره کویا تیمور سلطان بایزیدی کورنجه « اسف

ایته ! دنیاک جناب حق عنندنه بردکری اوله ایدی سنک کبی



محمود خان جنکیزی پادشاهی اسیر ایلدیکئی زمان اللرینی  
باغلامش اولدینی توران تاریخارنده کوریلپور . محمود خاندن  
بو اوبسزلك مستبعد دکلدر . چونکه آچق ایدی . اودرجه  
آچق ایدی که جنکیز اولادن اولق جهتیه چغتای خانلغی  
رسماً انک عهده سنده اوله رق تیمورده کویا انک توابعدن  
بولنیوردی . کندی ایسه هم تیمورک خدمتکارلغنده ، جلا دلغنده  
بولنوردی ، همده تیاترو پادشاهلری کبی خانلق دعواسیله طفره  
فروشلقدن اوتانمازدی . اودناتنده بر آدم ، هم عالیه اصحابنک  
بدبخت اولدقجه تعظیمه استحقاقی آرتیه جغنی هانکی قلب ایله  
حس ایده بیلسین ؟

وقتا که اوزمانه قدر فلکک پنجه سنی بوکمه که اوغراشان  
پادشاهی اوحال اسارت و سفالتله اصدقای بندکانک جنازه لری  
اوزندن کچیره رک تیمورک حضورینه کوتوردیلر ، روضه الصفانک  
پدرندن و آنکده اوزمان تیمورک چادری کنارنده بولنان سید  
احمد ترخان دن نقل ایلدیکنه کوره تیمور مجاهدلکنه حرمة  
بو قدر مساعده کورمش ایکن کبروغروردن کندیسینی آله ماداغنه  
و اوضاعیله بوبالاری کندیمی دعوت ایلدیکنه دائر برطاقم  
سرزنشاره تشفی صدر ایتدکن صکره پادشاهک بندینی جوزدیره رک

مراق اولندیسه ، حکمت نهدرکه یعتوبک بغیر حق اعتدای دوشونلییورده پادشاهک عشرتنه حصر اعتراض ایدیلیور؟ . بویله « قان ایچده جهانده باده ایچمه » قاعدهسنه مبتنی اولان سوزلر تعصب و بلسکه ریا نتیجهسی دکلدرده نهدر ؟ برپادشاهک اعضاء خاندانی طوروب طورورکن اعدام ایتسی جداً معاف طوتیور وعشرت ایتسی صحیحاً بر ملکک تخریبی موجب اوله جق شنایعدن عد ایدیلیر ایسه اوفکرده اولان ذواتک تصورایتدکلری مدنیه جمعیت بشریه دنیلیمک نصل لایق اوله بیلیر ؟

مؤرخلر مز ، پادشاه عشرت ایتدیکی ایچون ملکک من عنداه خراب اولغه لیاقت حاصل ایتدیکنی بیان ایله ده قانع اولیورلر ، تیمورک مؤید و طرف آسانیدن مأمور اولدیغنی و حتی زمانک قطبی حیوانک عنانی چکدیکنی ده سویلرلر . معلومدرکه اراده الهیه صادر اولدقجه تیمور دکل ماسو الله بریره کلسه بر سینک قنادینی تخریبک مقتدر اوله ماز ؛ فقط تیمورک تغلبی تحویل قضا دیمک اولمادیغنی کوسترمک بشقه بر مسئله ، کندیسنک جناب حق طرفندن بر اسلام مملکتک ، بر مجاهد ماتک تخریبنه مأمور اولدیغندن و هدم بناء الله وهتک اعراض مسلمین ایدن برسفاک بیرجه اولیاء اللهک رهبرلک ایلدیکندن بحث ایلک ینه بشقه مسئله در . ایکنجی اعتقاد حاشا جناب حقه ظلم ؛ عظماهی مسلمینه جلاداق اسنادندن بشقه برشی عد اولنه ماز .



فکر حکمت بویله ایکی بیوک مظهریتک هانکیسنی موآخذدن  
حجاب ایتمز .

بازیده اسناد اولنان اسباب مغلوبیت احوال ظ-اھریه یه ده  
منحصر قالمیور: اکثر مؤرخار من بوانمز اھی پادشاهک برمدتجک  
عشرته انھماک ایتمش اولسنه بر مجازات مغنویه شکننده کوسترمک  
ایستمشاردر . عالم اسبابک فوقنده بر حکم قضا جاری اولدیغنه  
معتقد اولانلرک بویله وقایع کلیه ده برده تأثیرات مغنویه آرا ملری  
یک طبیعیدر ؟ فقط بو تأثیرات ، قواعد شرعیه یه قطعاً توافق  
ایده میه جک بر طرز استدلال ایله تحری ایلمک ایسته نیلیر ایسه  
غریب اولمازمی ؟ فرض اولنسون که سلطان بازید عشرته ابتلاسی  
ایچون من قبل الرحمن شایان مجازاة اولسون . یازیر لوای سلطنتده  
مجتمع اولان طقسان بیک مجاهدک نه قباحتلری وار ایدی ؟ تاتار  
آتلرینک آیغی آلتنده قالان یوز بیکلرجه نسوانک جرملری  
نه ایدی که آنلرده بو مجازاته تشریک اولندیلر ؟

( بسم الله الرحمن الرحيم ولاتزر وازرة وزر اخرى ) آیت

کریمه سی میدانده ایکن بر آدمک عشرت ایتمی قوجه بر ملک  
اوزرینه دعوت غضب ایلمکه سبب عد اولنمق شرعه مطابق اوله  
بیله جک اعتقاد لر دئمیدر ؟ دنیا ده هر مصیبت بر قباحتک جزای  
مغنویسی عد اولنه جق ایسه « اشد البلاء علی الانبیاء ثم الاولیاء  
ثم الامثل فالامثل » حدیث شریفنه نه معنی ویرملک ، احد و کربلا  
وقعه لرینه نه دینلمک لازم کلیر ؟ یالکزجه سلطان بازیدک  
اوغرا دینی فلاکت ، همه حال بر کنه نتیجه می اولدیغنی کوسترمک

اسلام حکومتی براقمامق ایچون امکان دائره‌سندده اولان غیرتک صرفنده قصور ایتیمه جکلیری ملوک طوائفه ده معلوم ایدی . حال بوکه تیمورک غلبه‌سندن، ملوک طوائف ایچون عثمانلی ملکینک برر جزوئینه نائل اوله بیلیمکدن وهیسیچ اولمازسه بقالرینی مخاطره‌یه براقمه مقتدر بر قومشوی دفع ایدیه بیلیمکدن بشقه بر نتیجه حاصل اوله‌مازدی . بوفوائد میدانده ایکن دنیا ده نه درلو مطالعه خاطره کله بیلیرکه ملوک طوائفی عثمانلیلره قارشى تیموره معین اولایوبده عکسنی التزام ایتیمکه سوق ایلسون ؟

بعض تاریخارده امرانک شهزاده‌لری آلهرق برر طرفه چکلمش اولماری ده سبب هزیمت و بناء عاییه بیوک برقباحت اولدیغنه دائر سوزلر کورینور . حال بوکه شهزاده‌لرده، یانارنده بولنان امراده ثبات واقدامی حد اقتدارک فوقه چیقارمش ایدییر ، بو حقلرینی دشمنلره بیله تسلیم ایتدیردییر . نهایت غلبه‌دن تمامیه‌مایوس اولنجه ماییت، وجودیله قائم اولان خاندان سلطنت افرادندن ملکی بتون بتون محروم براقمامی دوشوندیلر، مهله‌کدن چکلدیلر . بواجتهاد سلطنت سنیه‌نک بقاسنه حقیقه خدمت ایتمش اولدی . محاربه‌ده محو اولنجه‌یه قدر ثبات ایتمش اولسه ایدییر دولت ده آنارله برابر محو اولور ، یرینه صحیفه‌لری شان ایله، ذکر جمیل ایله مالامال اولمش بر تاریخ‌قالیر ایدی . اوشانی میدان امتحانده قالان پادشاه ایله یکیکچرییر اکمال ایتدییر ، بو دولتی ده میدان حریدن چکیکن شهزاده‌لرک بریله امراقور تاردی .



محاربه نك اسباب ظهورينه دائر اولان مطالعه مزى بالاده  
بيان ايتمش ايدك . انهمامه كلنججه بونك سببى مؤرخار يالكزجه  
تاتار وماللك مفتوحه عسكرينك دشمن طرفنه كيشنه حمل ايدرلر .  
بعض اصحاب مطالعه ده ؛ اكر بازيد وقتيله ملوك طوائفك دولترينى  
الارندن آنامش اولسه ايدى ، عسكرنده خيانت ظهور ايتزدى ؛  
بلسكه تو صوده سلطان مراده ايتدكارى كې بووقعه ده كنديسنه  
ياردم ايدرلردى ، ديرلر . واقعا انهمام بو عسكرك خيانتيله باشلادى ،  
فقط اسباب ظاهره يه باقيه جق ايسه ، آنلرده ثبات ايتمش اولسه لر  
ايدى ، ينه يوزيكرمى ، يوزاوتوز بيك كشى ايله تيورك سكرز يوز  
بيك عسكر خونخوارينه غلبه امكانك خارجنده ايدى . هيچ  
شبهه يوقدركه سلطان بازيدم ايتدكارى دكل ، عسكرلرينك  
خيانتنه بالذات پيشوا اولورلر ايدى ، اعداى دين ايله محاربه  
بشقه ، باى تختى دنيانك او بر اوجنده اولان تيمور ايله محاربه  
ينه بشقه در . خرس تيانلره قارشى سلطان مراد ايله اتفاقه ملوك  
طوائفى افكار عموميه اجبار ايدردي . بويله ايكن ايجلرنده انلره  
قارشى بيله عثمانليلرله اتفاق ايتينلر وبلسكه عثمانليلره قارشى آنلره  
اتفاق ايدنلر بولندي . بر طرفندن ده خرس تيانلر عثمانليلره غلبه  
ايدرسه كوردكارى صوك تجربه اوزرينه آناطولىده هيچ بر

ھیئات ! اعدای دینه قارشى بر تهديد السهى حکمنده اولان  
 عثمانلیلرک، اردوسی برکونک ایچنده محو اولدی ، پادشاهی اسیر  
 دوشدی . یوز سنهک شوکتارندن ، اجلالرندن ظاهرده چبوق  
 اووهسندهکی قبرستان هول انکیزدن بشقه بر اثر قلمادی!



اخذ انتقامه ، ترغيم دشمنه ذهننجه آز چوق بر امید بولمق  
 و اويله بر امید ايله سلامت ياقه‌سنه چيقمني ايستمك بك طبيعي  
 بر حالدر ؛ فقط وقعه‌نك صورت جرياني او طرزه بكنزه مز .  
 چونكه بازييد ، عسكرندن بر طاقنك دشمن طرفنه كچديكني ،  
 ايكي جناحك محو و پريشان اولديغني كوردكدن صكره يالكزجه  
 يكيچيري و قبوقوليله ، تيمورك دنيا ايله اوغراشمغه كافي اولان  
 عسكرينه غلبه ايتك فكنرنده بولنه‌مازدي . بالفرض بولنمش  
 اولسه صرب قرالنه نزيينه كلديكي وقت عودت ايچون رخصت  
 و يرمزدي . كوندوزين الك صادق بندكاتي تلف ايتديروبده  
 معركدن چكلمك ايچون كيجه‌ني بكامسنه‌ده هيچ بر لزوم يوق  
 ايدى . مقصد سلامتني تأمين ايسه منت بك ايله يكيچريلرك  
 دها بش آلتى ساعت دشمنه قارشى طوره جقلريني و اووش ساعت  
 ايسه كنديسني تيمورك دكل بتون جهانك شرنندن مصون ايدنه جك  
 بر موقعه ايصاله كافي اوله جغني ده بك اعلا بيليردى . بو حالده  
 محاربه ميداننده آقشامه قدر طوروبده آندن صكره چكلمسنه  
 دنياده هيچ برسبب معقول بولنه‌ماز .

خير ! پادشاه فرار عزمنده ايكن دكل ، تيمورك بولنديغني  
 يره واصل اوله‌رق دشمنى ايله بالذات چارپشمق سعينده ايكن  
 طوتلدى . نه هاممرك قولى ، نه سعدالدين ايله تابعلرينك سكوتى  
 بو حقيقتى انكاره مدار اوله‌ماز . اوت ! پادشاه اويله بر سعى  
 قهرمانى آره‌سنده طوتلدى ، بيليرم اوصورتله يره دوشدى ،  
 سيف عثمانى اوصورتله قيرلدى ، بر طرفه آتلدى .

ایدی . تانارلر درت طرفنی احاطه ایتدیلر ، ییلدیرم بایزید بلنده کی خنچرینی چکهرک بر مدت ده بوسلا حجنیه براردویه قارشی طورمقدن چکنمدی ! حتی بر قاچ دشمن بیله تپهدی . نهایت مهاجر اولمکه ، یاره لیمغه باقادیلر ، اونی ، اون بشی بردن اوزرینه یوریدیلر ؛ قولرینه ، آیاقلرینه صارلدیلر ؛ انسان ایچون مقاومت قابل اولمیان بر کثرت قوتیه او طاعسز قهرمانی اسیر ایلدیلر .

اسارتک صورت وقوعه دائر اولان بو تفصیلات ایران تاریخلرندن مأخوذدر . بزم تاریخلر ، پادشاه دشمنله محاربه ایتمکه ایکن محمود خانک کلوب کندیسینی اسیر ایتدیکنی بیان ایله اکتفا ایدرلر . ایچلرندن یالکز صولاق زاده ، ( هاتفی ) نک تیمورنامه سندن بالاده کی روایته یقین بعض تفصیلات ایراد ایدر . حال بویله ایکن ینه ایران تاریخلرینک بر ایکسی سلطان بایزیدک بولندینی تپهدن اقشام اوستی قاچق اوزره آشانی ایندیکی صروده طوتلدیغنی بیان ایدرلر . هاممده پادشاهک منت بکک الحاحی اوزرینه فراره قرار ویرمش اولدیغندن بحث ایدر . بو ایکی روایت پادشاهک فعلنه دکل ، نیتنه متعلقدر ؛ نیته متعلق اولان روایات ایسه مسائل تاریخیه دن معدود اوله ماز . چونکه پادشاهک بولندینی تپهدن آشانی نه نیتله ایندیکنه حکم ایتمک کرامته متوقفدر .

واقعا بایزیده کوره دشمنه غلبه دن بتون بتون مایوس اولنجه

کوره گاه ششپریله، گاه قلیجیه اوکنه راست کلنلری قهرایدرك کال شدتله تیمورک بایراغی مرکوز اولان محله هجوم ایتدی . او شدته قارشى طورمق کیمسه یه نصیب اوله جق سعادتلردن اولدینی ایچون اوکنه تصادف ایدن حائللری یاره یاره تیمورک کوره ییله جکی بر محله قدر صوقلدی .

تیمور بر آوج قهرماندن مرکب او ییله بر فرقه جفک او قدر کثرته ، او قدر از دخامه قارشى کوستردیکی صولتی خوارق پسندانہ تماشا ایدرکن یاننده بولنان کر میان اوغلی بو درجه شعشعلی بر صولته ییلدیرمدن بشقه کیمسه مقتدر اوله میه جفنی بیان ایله کورینن داهیة جلال و عظمتک بالذات پادشاه اولدیغنی سویدلدی . تیمور غلبه دن زیاده پادشاهی اله کچر مکه حریص اولدیغندن جنکیز اولادندن چغتای خانلغی عنوانیه اردوسنده خدمتکارلق ایدن محمود خانی کلیتی بر فرقه ایله پادشاهی طویمغه مأمور ایلدی . بو دشمن ناکهظهور پادشاهک یاننده کی قبو خلقنک اکثریتنی منت بک ایله برابر شهید ایتمش وبالذات پادشاهه کند آته جق قدر یاقلاشمش ایدی . سلطان بایزید یاننده بر قاق کشی قالدینی حالدیه ینه دشمنله اوغراشمقدن فتورکتورمدی :

کال شدتله هر طرفه صارلمقده و تاتار آلایلرینی یارمغه چالشمقده ایکن سوار اولدینی یاغز کحیلانک آیاغی طاشه ایرشدی، حیوان بیقلدی ، پادشاهده اکر قاشندن آیرلدی . حیوانک صدمه سقو طیله یره آتلدیغنی صروده الندن قلیجی ده بر جنبه فیرلامش

وقهرمانیدن بر آدیم کیری کیتمدیلر . کافهسی یا شهید ویا مجروح اولدیلرده ید اقتدارلرینه مودوع اولان سلاح قهرمانی بی آندن صکره یره دوشوردیلر .

عثمانلی دلاورلری ده هیچ بر محاربهده ثباتی، فداکارلنی بودرجهیه کتورمه مشلر ایدی یالکیز عثمانلیلر دکل، دنیاده جد عالیشانک رایت حریتنه صاریلهرق کربلاده حق یولنه فدای جان ایدن جناب حسینک رفیق سعادت وعلوتی اولان بی هاشم ارسلانلرندن بشقه هیچ بر فرقه حمیت، بویله ایچلرندن فرد متنفس قالماینجیه قدر شان موقعنده ثبات ائمه مشدر .

او فداکارلقده، اوحمیتده اولان قهرمانلره شهبه یوقدرکه دولت شهادت لایق ایدی؛ فقط او شهادتی غلبه کندی دولتلرنده قالان بر محاربهده احراز ایتیش اولسهلر ایدی دها لایق اولمازمی ایدی؛ آنک ده حکمی یوق! دولت مغلوب اولدی ایسه یکیچریلر او مغلوبیتی کورمدیلر؛ مغلوبیتی کورمک زرده قالیر، عثمانلیلرک اردوسنی مغلوب ایدن دشمنه شاتنی مغلوب ایتدیرمدیلر . وجودلرینی طوپراقلره سردیلر، فقط هم کندیلرینک هم ملتلرینک نام حمیتی الی الابد بتون جهانک السنه تحسین و تحیرنده یادکار براقدیلر .

یکیچریلر حیات بشرک اعز مکسوباتی اولان جاودانی شهرتلرینی جان بدلنده استحصاله چالیشیرکن پادشاهده اطرافنی صاران دشمن صفلرینی یاره یاره تیمور اردوسنه ایرشمکه اقدامدن خالی دکلدی . تیمور نامه صاحبیه آکا تابع اولانلرک حکایهسنه



ایسه بی براقیکز، عسکرله برابر یولکزه فدای جان ایدیم؛ همان سزوجود هایونکزی مخاطره دن تخلیص بیورکز « یولوسوزلرله پادشاهی رجعت ایتدیرمکه چالشدی، بردرلو مقتدر اولامادی.

اردو بتون بتون طاغلدینی حالده برفرقه نك هیسچ طورینی بوزمق سزین سالمه السلام موقع شجاعته ثبات ایدوب طورمسی، تیمور طاقنك فوق العاده رعوتنه طوقوندی، بر حمله ده عمومینی یامحو ویاسیر ایتك ایچون طوپدن هجومه باشلادیلر؛ فقط یکچریلرک قورشوننه قلیج ایله، زرهنه اوق ایله غلبه ایدمهیه - جکارینی آکلادیلر. حربی نهایت بولمش ظن ایدن تیموره بومانعه غیر مترقبه بی خبر ویردیلر. بومقاومت ایسه هرکسدن زیاده تیمورک عظمتنه طوقوندی، احتیاطده طوتدینی عساکر خاصه سنی، که قرق بیك زرهلی سواریدن مرکب ایدی، امراسنك الك ممتازلرینه تودیع ایدهرک او بقیه شهدانک استیصاللری ایچون میدان حربه کیرمش اولان عسکرلرینک امدادینه سوق ایلدی.

صباحدن بری آچلقدن، صوسزلقدن، حرارتدن بایسلمق، هلاک اولمق درجه سنه ککش؛ زرهلرینک، سلاحلرینک آلتنده ازلش، محاربه نك اک شدتلی صدمه لرینه قارشلی طورمش اولان یکیچریلر انسانلغک فوقه چیقدیئر: پادشاهلرینک فلاکتندن، ماتلرینک خرابیتندن صکره یاشامق ایستمدیلر. عسکرلکک انتظامنه شان، عثمانلیلغک شاننه جان ویردیلر! او قرق بیك سواری ایله آلتی ساعت اوغراشدیئر. بولندقلری مرکز ثبات

مخاربه‌دن برجهت سلامته چیقار دیلر . شهزاده لردن مصطفی چلبی  
غائب اولمش عیسی چلبی قارغشهلوق آره‌سنده جاننی قور تاره بیلشم ،  
موسی چلبی ده اسیر دوششمش ایدی .

فارسی تاریخار شهزاده سلیمان ایله صرپ قرالی طرفندن  
ابراز اولنان شجاعتی کمال تقدیر ایله یاد ایدرلر ؛ فقط چلبی  
سلطان محمد فرقه‌سنک قهرمانلغنی حقننده بیان ایتدکلری ستایشلر  
تیمور شهزاده لرینه دائر ایراد ایلدکلری اطرای عجمانه‌نک بیاہ  
فوقننده در . بیاغنی بوفصل حربک شان عسکریمی هرکسدن زیاده  
سلطان محمد راجع اولدیغنی بدرجه‌یه قدر اعتراف ایدرلر .

ساعت اوندن ساعت آلتی‌یه قدر دوام ایدن بوکشاکش  
جانکداز اوزرینه اورته‌ده قالان صحرالر طولوسی اولولر ،  
مجر و حلد نیانک اک بیوک برملحمه‌سی نهایت بولدیغنی کوستیردی .  
فی الحقیقه تیمور غلبه مطلقه‌سنی قازانمش ، عثمانی اردوسی محو  
وپریشان اولمش ایدی ؛ فقط بونکله قان منبعلری قورومادی .  
مخاصمه قلیجی غلافنه کیرمدی ؛ مردلک میدانی قهرماندن خالی  
قالمادی ؛ عثمانیلر ده زخم شهادتدن عاری سینه ، زنجیر اسارتدن  
آزاده پازو قالیمه جوق زمان کلمدی ؛ ییلدیرم اون بیک یکچیری ،  
برقاج بیک قپو خلقیمه او جنازه تپه لرینک ، او قان سیلاب لرینک  
آره‌سنده قلیجنه طیانش ظهور قضایه منتظر طور مقده ایدی .  
امراسندن منفرد اوله‌رق یاننده قالمش اولان منت بک دشمنک  
کثرتنه ، حرارتک شدتنه نظر آعسکرک اولمکدن بشقه‌هیچ برشیئه  
مقتدر اوله‌میه جنی بدیمی بولندیغندن نظر آ « یهودیه یره تلف اولمقن

ایده مدیکندن تاتار قلیچندن قورتلمش اولان عسکرینه شهزاده سلیمانہ دمدار اوله رق عودت ایلدی .

صول جناحی محو ایتمش اولان میرانشاه فرقه سنک برازی قلبه مسلط اولدینی کبی برطاقی ده شاهرخک امدادینه یتیشدیکندن او جهته ده بلایای حرب برقات دها اشتداد ایتشدی . شهزاده سلطان محمد ، پدیرینک خلف صدقی ، عثمانلی امراسی مرادک ، یازیدک رفقای سلاحی اولدققرینی حقیقه اثبات ایلدیلر : حالری محاربه دکل ، موته عرض اشتیاق ایدی . اون اون بش دشمنه قارشوی بر آدم قانجه یه قدر دونمکی خاطر لرینه بیاه کتورمدیلر . نهایت اولودن ، یاره لیدن عسکری اداره ایده جک امرا ، امرایه اطاعت ایده جک عسکر قالمادی .

غضنفر جلادت تیمورطاش پاشا زاده . یحشی بک و آنی متعاقب فیروز پاشا و مصطفی بک و داود بک شهید و تیمور طاش پاشا ایله دیگر اوغلی علی بک مجروحاً اسیر اولدیلر . اورنوس بک و پاشا یکیت و بلبان بک اعدانک مهاجمانه مقاومتله اوغراشورکن منسوب اولدققری فرقه دن آیرلمش و کثرتلیجه برفرقه ایله برلشمکه امکان بوله مدققرندن یانلرنده قالان قرقر الیشر آتلی ایله اردونک بتون بتون پریشان اولدینی کوردکدن صکره معرکه دن برر طرفه چکلمشدر ایدی .

میدان مقاومتده امرانک جمله سنندن صکره یه قالان چلبی سلطان محمدی ده پادشاهک وسائر شهزاده لرک حیاتندن مایوس اولان بعض امرا ، آتنک دیزکننه صاریله رق زور ایله

عثمانی اردوسنی بربرینه معاونت ایده میه جک صورتده برقاچ  
جزئه تقسیم ایتدیلهر . هؤتفرقه بی حاصل ایدنجه یه قدر تاتارک  
کوستردیکی هجوم ، عثمانلیلرک ابراز ایتدیکی جلادت تعریفی قابل  
بردزجده دکل ایدی . صدراعظم علی پاشا تاتارک حیولتیه  
چلبی سلطان محمد فرقه سنندن آریله رق دشمن ایله یاقه یاقه  
اوغراشه اوغراشه اردونک صاغ جناخندن صول جناخنه قدر  
کلمش و اوراده سلیمان پاشا فرقه سنک آرسنه صوقولمغه موفق  
اولمشیدی . کذلک تاتارک حیولتیه صاغ جناخندن آریلان صرپ  
قرالی ده اردونک آرقه سنندن طولانهرق پادشاهک بولندیغی  
مرکزه ورود ایلدی .

بومصادمات مأیوسانده روم ایلی عسکرینک ایکی ثانی تلف  
اولمش ، صول جناحی ایله قلیک آرسنده بر بیوک تاتار فرقه سی  
کیرمش ایدی . محاربه ده ظفر بولمغه امید حتی پادشاهدن خبر  
آلمغه چاره قالمادی . صدر اعظم علی پاشا و آنکله برابر کلن مراد  
پاشا و اینه بک صوباشی و - پادشاهک اوکنده عسکرینک باشنده  
بولمق لازم کلیرکن تاریخجه مجهول اولان برسیدن طولانی شهزاده  
سلیمانک فرقه سننده بولنان - یکیکچری اغاسی حسن انا ؛ پادشاه  
الذن کیدرسه ملکی و خاندان سلطنتی ضایع ایتمه مک فریضه دن  
اولدیغنه حکم ایده رک شهزاده سلیمانی یانارنده کی بقیه شهدا ایله برابر  
خطرگاه مماندن چکیرک بروسه یه طوغری یوریدیلهر . صرپ  
قرالی ده برچوق اوغراشمش ایسه ده پادشاهی رجعتیه اقناع

بوصردده برقاچ فرقه دها سوقیه میرانشاهک عسکرینی تأیید ایلدی .

بربرینی متعاقب میدان حربه کیرن دشمنک کثرتی قارشیلرنده بولنان عثمانلیلرده اقتدار مقاومت بر اقیه جق درجه لره کلنجه سلطان بایزید اوچ شهزاده معیتیه احتیاطده طوتدینی فرقه لری جناح لک امدادینه سوق ایتمش ایدی . بو صورتله ایکی اردو بربرینه قاریشهرق محاربه نک نوبت بحرانی حرارت نمای ظهور اولغه باشلادینی صروده ایدی که اولا تاتار سوارسی و آنلری متعاقب کر میان و آیدین و صاروخان و منتشا عسکرلری دشمن طرفنه کچدیلر ، عثمانلیلره اوق آتمغه باشلادیلر .

بویله برخیاقت ، مقداری متناسب و امید غالبیتی یرنده اولان بر اردوی بیله طاغمغه کفایت ایدر . عثمانلی اردوسی کبی ییلمامش ایسه ده زده لشمش اولان و مقدارجه احراز غلبه قابلیتندن محروم بولنان بر اردونک اولویت طریقیه محوینه مدار اولق طبیعی ایدی . مع مافیه ذاتاً امید ظفردن زیاده حفظ ناموس ایچون حرب ایتمکده اولان عثمانلی دلورلری بو حادثه ایله فتور کتورمدیلر ، مثالی کورلمه مش بر سکینتله اوغرادقلری خیانته هیچ اهمیت ویرمکسزین موقع مقاومتده ثبات ایلدیلر .

فقط خانلرک دشمن طرفنه کچمسندن ؛ اردوجه غیزتله ، قهرمانقله دفعی قابل اوله میه جق بر فئالق ظهور ایتدی . اوده فرقه لرک آردسندده برقاچ موقعک عسکردن خالی قالمسی ایدی . تیمور طاقمی فرصتی فوت ایتدیلر ، او آچیق محللره صوقولدیلر ،

قوله کی دلاورلره بحق مسابقه لره قالمشديلر . مؤخرأ میران شاهده  
 عسکرینک امدادینه شتاب ایلدیکندن ایکی جناحده بولانان  
 عثمانلی دلاورلری اوزرینه لاینقطع وقوع بولان مهاجمته قارشی  
 قیلجاری زرهاریله اهنین سدر چککرك دفع صائله اقدام ایتمش  
 وایکی طرف نوبت بنوبت دیکرینی کریلدهرك غلبه وظفرکاه  
 برجهته، کاه دیکر جهته تمایل ایتمکده بولمش ایدی . تیمور ایسه  
 بویله مهاجمتک نتیجه غالبیتندن محروم قالدیغنی کوردکجه  
 عسکرینک امدادینه یکی یکی فرقهلر سوقیله تشبثات حربیهلرینی  
 تأیید ایدردی . بوکیرودار آلتی ساعت قدر سورمش و تیمور  
 عسکرندن اوزمانه دک بولندقلری یوز قدر محاربه نک جمله سندن  
 زیاده تلفات وقوع بولمش ایدی . بزم تلفاتک کثرتی ده بالطبع  
 عثمانلیلرجه کورلمک مرتبه لرده ایدی .

جناحارک مصادماتیه بر نتیجه قطعیه استحصالنندن مأیوسیت  
 حاصل اولنججه تیمور اردوسنک قلبنده کی عسکره قوماندا ایدن  
پیرزا محمد شاه بیوک پدرندن استیدان ایدرهک معیتنده اولان  
 رق فرقه ایله میدانه کیرمش و طوغریجه عثمانلی اردوسنک اداره  
 دشاھیده بولنان قابکاهی اوزرینه هجوم ایتک ایستمش ایسه ده  
 کیچلرک یاغدیردیغنی قورشون ایلك صفلرینی محو اولوق  
 رجه سنه کتوردیکندن وبری طرفدن ایسه چلبی سلطان محمد  
 ساھرک فرقه سنی یرندن قوپاردیغندن محمد میرزا عسکرینک  
 ازینی یکیچریلرک قارشیسنده و فقط مدافعه حالنده براقه رق  
 سوریه شاهرک امدادینه تحویل عنان ایتدی . تیمور ایسه .

جانبه کچيرمدى . انجق تاتار فرقه لرینک کثرتی یالکز طلیعه ایله منع صوتلاری قابل اوله بیله جک درجه ده دکلدی . تیمور اردوسنک صوک جناحندن میرزا شاهرخ عسکرینک بر طاقیه صربیلرک قوه معاونه سنه قارشى تعیین اولنان قره عثمان تابیدری فرقه سی عثمانلی اردوسنک صاغ جناحنه هجوم ایتدیلر . کرک آناطولی عسکری و کرک صربیلر خارق العاده برشجاعته دشمنی استقبال ایدرک بر ساعت قدر قلیج قلیجه ، خنجر خنجره اوغراشدقن صکره کندیلرینک ایکی مثلنه یقین اولان دشمنک هجومی رد ایلدیلر .

صربیلرک البسه سنه باقرق فقرادن اولدق لرینه ذاهب اولان تیمورک بو مصادمه ده « شو درویشار ارسلان کبی دوکشور » دیدیکی تاریخلرده مذکوردر .

شاهرخ فرقه سنک بو موفقیت سزلیکی اوزرینه میرزا بالذات فرقه لرینک معاوتنه شتاب ایتمک جهتیله او طرفدن نأره بلا اشتداد ایتمک و بزمکیلر لرزه دار اولغه باشلادی : طلیعه ده بولنان چلبی سلطان محمد صاغ جناحک امدادینه یتشدی وقهرمانی حمله لرله دشمنک سطوتی کسر ایلدی .

بری طرفدن ایسه میران شاه قوه موجوده سنک قسم اعظمی شهزاده سلیمان معیتده اولان روم ایلی عسکرینه تسلیط ایتمش ایدی . روم ایلی دلورلری مقابله ده شهرت قهرمانیلرینه لایق اوله جق صورته طوراندیلر ، مبارزات بهادرانه ده صاغ

وقف ایلدکری حیاتلرینی بهوده یره هدر ایتمه مک ایچون اوقه لرله دمیردن دوکمش زره لرینی کیدیلر ، میدان امتحانه آتدیلر .

تیور عسکری ده صباحک انفلاقه برابر حربه حاضر لشمش ایدی . طاغری ، دره لری ، صحرالی اورمانلری قاپلامش اولان دشمن عسکرینک رنگا رنگ لبسه لری ، یاراق لری ، کونا کون آت لری ، سلاح لری ایله دنیا خلقنی بر موعده تلاقیده اجتماع ایتمش طن اولنه جق قدر بر تحشد حاصل اولمش ایدی . بو غلبه ک یرندن قوپوبده عثمانیلر طرفندن « الله الله » تیوریلر جانبدن « سورک سورک » [۱] نرملری وطبل وکوس ونقاره وکره نای آوازملری عیوقه چیقارق چرخه جیلر میدانه آتیلنجه زمیندن حاصل اولان توزلر ، دومانلر هوادن عکس ایدن ایکلیدیلر ، طراقه لرله بردغغه ، بردهشت پیدا اولمشدی که دنیا یرندن اوینامش واهوال قیامت میدانه کلش ظن اولوردی !

جهانک اک بیوک محارباتندن اولان بو وقعه چلبی سلطان محمدک دها برنجی حربی ایدی ؛ فقط اوکوچک وجودک ایچنده فیاض قدرت اوقدر بیوک بر وقعه یه علویتیه صاحب اوله بیله جک برکوکل صاقلامش ایدی : طلیعه ده بولنان شهزاده اوله برکشور خلقی قدر کثرتلی اولان دشمن اردوسنک صولتنه ساعتلرجه مقاومت ایلدی ، دشمنی مدافعه سنه مأمور اولدیغی خطدن بری

[۱] سورمک فعلندن امر حاضر در .



فرقه‌ری ایسه شهراده مصطفی و عیسی و موسی چلبیلرک  
قومانداسنه ویرلمش ایدی .

فارسی تاریخلرک بزم تاریخارده کی روایته مخالف و مع مافیہ  
وقعه کندولرینه عائد اولمق جهتیله بزم تاریخاردن زیاده شایان  
اعتماد اولان روایتلرینه نظراً تیمور اردوسنکده صاغ جناحی  
حیاتده کی اولادینک اکبری اولان میران شاهه وصول جناحی  
میرزا شاهرخ ایله میرزا خایله مودوع اوله رق ابوبکر میرزا  
پدری میران شاهک وینه تیمور احقادندن شاه حسین میرزا شاهرخک  
معیتنه مأمور ایدیلر . قلبده قرق فرقه عسکرله اکبر اولادی  
اولدینگی حالده برقاچ سنه اول وفات ایدن میرزا جهانگیرک اوغلی  
میرزا محمد سلطان تقریر ایدلمش و عمی عمر شیخ ایله اوغلاری  
میرزا پیر محمد، میرزا اسکندرده آنک معیتنه ویرلمش ایدی .  
تیمور ایسه احتیاط اردوسنک اداره سنی درعهده ایلدی که  
بو احتیاط اردوسنده ۳۲ فیل ایله قرق بیک زرهلی سواری  
وار ایدی .

محاربه کوننک صباحی اولنجه کونش ، صوسزلقدن  
فوق الغایه مضطرب اولان عثمانلیلرک طالعه سزلکنه ، خیط شعاعنی  
سیسلی و روزکارسز بر هوا ایچندن کرمی بلانک تشدیدینه  
حواله ایلدی . نفوسک تراحمی وهوانک رکودیه نفسلر طوتاق  
قلبلر چانلامق درجه سنه کلمکه باشلادی . مع مافیہ وجودلرینه  
کوملکاری بازکران اولان عثمانلیلر ناموس ملنک محافظه سنه

بيك قدرده سكبان علاوه ايدلمش ایدی . سكبان او کوپکی محافظی دیمکدی . سلطان بایزیدک بیوک سورکون اولرینه زیاده مراقی اوله رق کلاب و طیور صیدک محافظه سی ایچون دوشیرمه واسیرلردن سکز بیک قدر آدم آیره رق مخصوص بر فرقه تشکیل ایتمش ایدی که بونلر محاربه لرده یکچیری وسائر قپو قولی ایله برابر اردونک قلبنده بولنور . و آسایش زمانلرنده او اکلنجه سنه خدمت ایدر ایدیلر .

موقعک حالی طلیعه نك قوتلی بولماسنی ایجاب ایلدیکندن سلطان بایزید عسکرندن برصنف ممتاز تفریق ایدره ک چلبی سلطان محمدک اداره سی تحتنده اولمق اوزره شان موقعنه ارسال ایلدی که صدر اعظم علی پاشا ، اوغلی خلیل پاشا ، تیمور طاش پاشا ، وروم ایلی بکلر بیکی فیروز پاشا ، غازی اورنوس بک ، مالقوج بک ، عیسی بک ، بعقوب بک ، بلبان بک . یاشا یکیت ، بشیر بک ، طاهر بک ، مقبل بک واسملری بومحاربه ده ایشیدیلن حسین پاشا ، مراد پاشا ، داود بالی ، الاکوز ، احمدی و محمدی بوصنف ممتازک فرقه قوماندانلری ایدی . رؤسای عثمانلی قهرمانلرینک همان اک بیوکلرندن اولان بویله بر فرقه نك ترتیبی طلیعه ده کی درجه اهمیتی کوستیرر . چلبی سلطان محمد اون درت باشنه دهایی کیرمش ایکن پادشاهک دهایی بیوک شهزاده لره نرجیحاً سلطان محمدی او قدر مهم برخدمته نصب ایتسی ایسه و مجدد صاحب ظهورک قابلیات فوق العاده سی دهایی چو جو قلقده طاهر اولدیغنه دلیلدر . آرقه طرفنه تعیین اولنان احتیاط


پادشاه معتادی وجهله اردوسنك موقعی قرارلشدیرهرق  
 وتعبیهسنه بالذات مباشرت ایدهرک صاغ جناحه آناطولی عسکری  
 تعیین ایلدی. صرب قرانی ده، بزم تاریخلرک روایتنه کوره یکرمی  
 بیک واجنبی تاریخلرینک دهامعقول اولان قوللرینه نظراً اون  
 بیک صرب عسکريله صاغ جناحك معاونتنه مأمور ایتدی.  
 تاریخلرده بو جناحك قومانداسی کیمه مودوع اولدیغنه دائر  
 برصراحت یوقدره. هامر بو فقدانه باقهرق قوماندانلغك صرب  
 قرالنه محول اولدیغنی یازار. حقیقت حال او یله اولسهیدی قرالك  
 حمیت ووفاسنی فوق الغایه تقدیر ایدن عثمانلی مؤرخلری البته آنی  
 فرقهٔ معاونه رئیس صورتنده کوسترمزلر ایدی. صول جناح  
 ایسه روم ایلی دلاورلری ایله شهزاده سلیمان شاهه مودوع ایدی؛  
 سلطان بایزید یکیکچری وعزبلرله قپوقوللرینی معیتنه آلهرق قلبده  
 قرار ایلدی.

پادشاه بر یاغز کیلانه بینهرک آرقهسنه خفیف براورمه زره  
 کیمش ایدی. بو زره تیمور احفادنن اولان هند پادشاهلرینک  
 خزینهسندن انکلتره دولتته کچمش حالا لوندرده اسلحه نمونه  
 خانهسی اولان لوندون قورده بر جاملی دولاب ایچنده تماشایه  
 معروضدر.

عثمانلی اردوسنده قپوقولی دنیلن طاقم سپاه وسلحدار  
 وپیک وصولاق وعلوفهچی وغربای یمین ویسار عنوانلريله  
 آلتی بیک قدر عساكر خاصه دن عبارت اولهرق بونلره سکنز



بری جهانگیر لکه نائل اولمش، بری ده استعداد کسب ایتمش  
بوایکی داهیة سطوت ۸۰۴ سنه سی ذی الحجه سنک اون طقوزنجی  
و تموزینک اون دردنچی جمعه کونی چبیق او واسنده تقابل ایلدی.  
او اقتدارده ایکی سردارک بربریه امتحان اقبال میداننده  
مبارزه سی عالم انسانیتک مبادی اعصار تاریخیه سندن تا اوزمانه  
قدر بش آلتی کره آنجق کورلمش وهله بویله طقوز یوز بیك  
کشینک بر صحراده مصادمه سی ایسه همان هیج کورلمه مش ایدی.  
بو جیش عمر می تشکیل ایدن افراد آره سنده دنیا ده کی اقوامک  
همان یاری سندن آدم بولندیغی کبی او زمان استعمال اولنان  
سلاحلرک همان هر نوعی موجود ایدی. ایکی اردونک فرقه لرینه ده،  
خاندان عثمانی و آل تیمور اعضا سندن و سرقران و کیلان  
و ذیار بکر و کردستان و سبستان و بدخشان و تاتار و ترکستان  
و صربستان حکمدار لرندن یکر می قدر پادشاه و پادشاهزاده ایله  
زمانک اک مشهور و مقتدر اولان رجال حربی ریاست ایتمکده  
اولدیغندن محاربه بو جهته ده مثالی کورلمه مش بر وقعه عظیمه  
ایدی. فقط شبهه یوقدرکه حربک بو قدر مخصوصا سندن اک  
خارق العاده سی ایکی اردو بیننده کی نسبت سزلکدر .





کتابنامق

بمنجی رقیب

عقباتی تاریخی

جلد ۲  
کتاب  
جزو ۲

استانبول

مجموعه کتب خطی

۱۳۲۷

# کلیاتِ کتاب

ایکینجی ترتیب

اسمی آناہ

برنجی ترتیب

جلددر ۷

کتابدر ۱۲

اسمی

غروش

اسمی

جلد	جزؤ	
۵	۲۵	[۱] عثمانی تاریخی
۲	۱۰	[۲] تاریخ اسلام
۰	۰	[۳] آثار پراکنده
هر جزؤك فیثائی (۳) غروشدر		
—		
کتاب کتاب اولرق برنجی ترتیب } هر ایکی آیدہ بر .		
جزؤ جزؤ اولرق هر ایکینجی ترتیب } اون بش کونده برلشر اولنه حمدر .		
ایکی ترتیبده برابر اولدرق صرہ سیلہ منتظماً طبع و نشر اولنور .		

۳	[ ۱ ] رونان مدافعه نامه سی نشر اولندی
۵	[ ۲ ] قاره بلا نشر اولندی . . . . .
۲۰	[ ۳ ] مقالات سیاسیہ و ادبیہ و رؤیا
۱۰	[ ۴ ] وطن، کلنہال، عاکف، زواللی } چو جق . . . . .
۲۵	[ ۵ ] اشعار کمال . . . . .
۱۲	[ ۶ ] جلال الدین خوارزمشاه . . . . .
۲۰	[ ۷ ] مکاتیب خصوصیه دن برنجی جلد
۷,۵	[ ۸ ] اوراق پریشان مجموعہ سی .
۲۰	[ ۹ ] منتخبات محرات رسمیه . . . . .
۷,۵	[ ۱۰ ] جزئی و انتباه . . . . .
۲۰	[ ۱۱ ] مکاتیب خصوصیه دن ایکنجی جلد
۵	[ ۱۲ ] تعقیب و تخریب خرات . . . . . رسالہ لری و ساثرہ . . . . .

## ابونہ شرائطی

مقسطاً تأدیہ ایدلک شرطیلہ ابونہ  
شرائطی

یکونی بشین اولدرق تأدیہ ایدلک  
اوزره ابونہ شرائطی :


غروش

غروش

۲۱۶ اثرلر اداره خانہ دن آلفق و بشین اولدرق یار  
ومتہ قیبا هر اراج آیدہ بر یاریمشر لیرا تأدیہ  
ایدلک شرطیلہ .  
۲۲۰ بسته احراشدن طولایی تقسیطلر ۶۰ غروش  
اولدرق بشین ۳ معیدیه و هر اوج آیدہ ۳ معیدیه  
و برلک شرطیلہ اقامتکاهه کوندرلک اورده .

۲۰۰ اداره خانہ دن آلفق شرطیلہ .  
۲۲۵ درسعات و ولایات و مالک اجنبیه ایچون  
پوسته اجر قنده داخل اولدرق اقامتکاهه  
کوندرلک شرطیلہ .

بوجزؤك فیثائی ( ۳ ) غروشدر





اكتنا ايتمش اولمى بتون بتون احتمالك خارجنده كورينور .  
 بزم تاريخلرده تيمورك منبعلى دهها عثماني عسكرى انقره يه  
 كلهدن اول تخريب ايلديكى وحتى اردو جوارنده قلمش اولان  
 بر چشمه يه اردونك كلديكى كبي قازورات القا ايتديردىكى  
 مندرجدر .



برقاج کون صکره سلطان بايزيدک طليعه سی جوارده کورونمکه باشلادیغنی خبر آلان تیمور محاصره نی رفع ایده رک چبوق آباد اوواسنده کی چایک بری ظرفنه کذار ایله برطرفی چای وبرطرفی یاپدیغنی خندق لره محفوظ اولان موقعه اردوسنی قوردی ، پادشاهک ورودینه انتظار ایلدی .

سلطان بايزيدک دشمن اردوسنک قارشيسنه کله رک جهت شاليه سنده برموقع اتخاذايتدکن صکره دشمنه هيچ اهميت ویرمديکني کوسترمک ایچون اردوسيله بر سورکون آوینه چيقيمش و اوچ کون طولاشه رق شکار موقعلرنده صوبولناماق جهتيله حرارتدن بش بيک قدر تلفات ویردکن صکره عودت ایلمش اولدیغنی ، کلدیکی زمان ایسه موقعی دشمن طرفندن ضبط اولنمش و او جوارده بولنان منبعلرينک جمله سی تخریب ویا قازورات القاسیله ابطال ایلمش بولندیغنی بعض اجنبی تاریخلری بیان ایدرلر .

بویله ایکی طرفک مقدار قوتی کوز اوکنده طوررکن سلطان بايزيدک اظهار تجلد ایچون قوه حیاتیه سی مقامنده اولان اردوسنی صیجاقدن ، حرارتدن بش بيک کشی تلف ایتدیرنجه یه قدر آو آرقه سنده طولاشدیرمش اولسنی بر درلو عقل قبول ایتمک ایستمز . هله تیمورک شکار آردنده و صوسزلق ایله هلاک درجه سنده اولان عثمانلی اردوسنک یورغونلغندن ، پریشانلغندن استفاده ایله محوینه چالشمیوبده اوچ کون اوزاقدن تماشا ایله

اتباعاً بونلرك اون بيك كشي اولمسنى قبول ايدرکه بومقدار صحیح اولنجه اردونك يکونی ده هامرک افاده سی کبی یوز یکر می بیك كشي به اینز .

هانکی روایت صحیح اولسه تیمور عسکرینه نسبت اقل قایل اولان بو اردونك آره سنده كرك تیمورك و كرك تیمور زندنده اولان اسکی بکلرینك سوق ایتدکلری جاسوسارک مجلوبی اولمش بر چوق خائلرده وار ایدی .

سلطان بایزید ، تیمورك سیواسه کلهرک اورادنده توقاده طریقیه پای تختنه طوغری یوریمک عزمنده بولندیغنی خبر آلنجی کال مسارعتله توقاده یتشدی ، کذرکاهلری ضبط ایلدی . تیمور ایسه آناتولینک واسع واسع صحرائی طوررکن عثمانلی قهرمانلریله اوله طبیعی مستحکم موقعا رده حربه طوتوشوبده بهوده یر آدم تاف ایتدیره جک مهارتسزلردن دکل ایدی . پادشاهک او کذرکاهلری طوتدیغنی خبر آلدیغنی کبی درحال توجهنی شمالدن جنوبه تحویل ایتدی ، سیواسدن آلتی کونده قیصریه یه واورادن اوچ کونده قیر شهره ، اورادنده اوچ کونده یعنی سیواسدن حرکتک اون ایکنجی کونی آنقریه واصل اولدی . آنقره نك محافظه سنده یولنان فیروز پاشا زاده یعقوب بکه قلعه نك تسلیمنی تکلیف ایله جواب رد آلدقن صکر محاصره یه قیام ایلدی .

طولاشه رق روم ایلییه کلن اقطای خانک معینده کی قبچاق  
تاتارلری ایدی . سلطان بایزید ذاتاً غارتگر لکله متصف اولان  
بوتاتارلرک بعض نظامات ایله خلق اوزرندن تسلطلرینی دفع  
ایتدیکی صرهده نفوسازینی ده تعداد ایتدیرمش وهر خانه بی حین  
حاجتده معسکر هایونه برسواری ارسالیله مکلف طوتمشدی که  
بخت ایتدی کمز یکر می بیک سواری آنلردر .

شمدی بوقرق بیک کشی بی طقسان بیک کشی به داخل عدایدر سهک  
اصل عثمانلیرک مقداری الی بیک کشی به تنزل ایدیور . بومقدار  
ایسه قوصوه محاربه سنده بولنان عسکر دن دون اوله رق حال بوکه سلطان  
بایزید اسلام ایله مسکون برخیلی یر لر ضبط ایله عسکرینک مقداری  
تزیید ایتش وحتی نیکولی محاربه سنه یتش بش بیک کشیلک  
بر اردو ایله کیتمش اولدینی حالده تیمور محاربه سنه بویله امکان  
درجه سندن آز عسکرله کتمیه جکی جای اشتباه دکادرز .

بو حالده خواجه سعدالدینک تعداد اولندیغندن بخت ایتدیکی  
طقسان بیک عسکر یالکیزجه ترک عسکر ی ایدی، دیمک لازم  
کلپور و بونلره یکر می بیک تاتار ایله یکر می بیک ضرب علاوه  
اولندیغنی حالده اردونک پکونی سائر مؤرخلرک روایتی کبی  
یوز اوتوز بیک کشی به بالغ اولنور .  
هامر ، حاشیه لریزک برنده ضرب لیرک یکر می بیک کشی  
اولدق لرینه دائر اولان قولی رد ایدرده حلقون دیکلک روایتنه

وار ایسه اونودلق ونه قدر قبایحی وار ایسه میدانه چیقماق لازم کلیردی . بویله برحاله کنسینک بتون بتون زوالنی موجب اوله بیاوردی . خصوصیه سلطان بایزید تیمور کی برجهانگیره غلبه ایدنجه جهانگیرلردن ده بیوک برشی اوله جفندن تیمورک علم تسلطی آلتنده ممالک اسلامییه غارت ایدن عسکرک خرستیان مملکتلرینی ده طولاشماق ایچون سلطان بایزیدک علم اقبالی آلتنه کچملری ده اغلب احتمال ایدی .

تیمورک بودهشتلی اردوسپنه تقابل ایدن عثمانلی عسکرینک مقدراری ایسه تعداد رسمی ایله طقسان بیکه بالغ اولدیغنی خواجه سعدالدین ایله تابواری بیان ایدر . معتبرانندن برطاقم تاریخلرده بومقداری یوز او توز بیکه چیقاریر ، هاسم بزم اردونک یوز یکریمی بیک کشی اولسنی قبول ایتشدر .

عثمانلی اردوسنده خارجدن ایکی نوع عسکر وار ایدی : بری صربستان قرالی اولان وهمشیره سی نکاح پادشاهیده بولنان اسپانک کتیردیکی یکریمی بیک صرب عسکری ، دیکری ده یکریمی بیک تاتار سواریمی ایدی . بوتاتارلر ایکی نوع اولوب بری سلچوقیار زمانده آناطولیده محافظ و آلت تهدید اولمق اوزره ایلخانیار طرفندن کوندریلن وبر جزوی قیصریه ایله سیواس آرلرلنده خیمه نشین اولان قره تاتار طاقی ، ایکنجیمی ده تیمور قیجاق طرفارینی اوردینی زمان خشمندن فرار ایله طونه دن

يك معقولدر ، تیمورك النده اولان ملكده كى وسعته نظر آسكيزيوز  
بيكدن زياده عسكر طوپلامنه مقدر اولدينى شهه سزدر . دولت عليه  
اوزرينه ايسه چيقار بيله چكى قوتك عمومى سوق ايتمش ايدى .  
حتى بالذات برابر كتيديكى عسكرله قناعت ايتدى ، حفيدى  
محمد شاه ايله سمرقند طرفلرنده براقدينى عسكرك مجموعنى ده  
سكره دن معيتمه جلب ايلدى .

بو قدر اعتنايه بر بيوك سبب عثمانلى عسكرينك كثرتمه ،  
انتظامنه دائر آلدينى دهشتلى دهشتلى خبرلر ايدى . سيوامى  
ضبط ايتدكن صكره سلطان بازيده كوندرديكى نامه ده عسكرك  
مقدارينه دائر آلدينى تحقيقاتدن ممنون اولدينى وملاطيه وسينوب  
محاصره لرنده كى موفقيتد سزلكلردن دولت عليه نك قوتى كندى  
قوتندن آشاغى اولدينى استدلال ايلديكىنى اياما ايدر يوللو مندرج  
اولان سوزلر ، اوللرى عثمانليرك قوتندن كوكلنده مضمهر اولان  
خوف و خلجانك درجه سنى كوستير . بوندن بشقه تیمور ايچون  
عثمانلى محاربه سنده اميد ظفرى ممكن اولدينى قدر تزويد ايتمه  
چالشمق ضرورى ايدى . چونكه حربى غائب ايدرسه برنجى  
مغلوبيتى اوله جفندن مالك اولدينى منصوريت دائمه شهرتى  
اوزردن زائل اوله جنى كې تسلط ايتديكى عثمانليرك ، اوزمانلر  
حائى دين اوللارينه نظر آ كندى توابى عننده ده بو مغلوبيت  
من طرف الله بر جزا عد اولنه جفندن تیمورك نه قدر مزياتى

ملکی خراب ایده جکندن غیرت پادشاهی هرچه باد آباد یولنده میدان محاربه سنی اختیاره سبب اولدی کبی سوزلرایراد اولنیورکه بوده معقولاتدن کورنمز . دشمنك مقابله سنه کیدلن ايسه ملڪك خراب اوله جنی اوزمانك رجال حربنه خفی قله بيله جك شيلردن دکلدی که اوله بررأیده بولنمش اوللرینه احتمال ویرلسون ویا پادشاهك حرکتی هرچه باد آباد یولنده برجسارت عد اولنسون . تیمور قیصریه اوزرینه توقاد طریقیه حرکت ایتك ایستینجه اورانك کذرکاهلری مدافعیه مساعد کورلدی ، طاغ محاربه سنی اختیارده تردد اولنمیه جقدی ؛ فقط طاعی ، اورمانی اولمیان صحراالده میدان محاربه سندن باشقه دشمنك نه طریق ایله دفعی قابل اوله بیلیر ؛ ذاتاً هانکی طرف کشرته و مهاجمه حالنده بولنور ايسه طرز حربی تعیین ایتك اقتداری او طرفه عا ئددر . قلت و مدافعه حالنده اولان طرف ایچون ، دشمنك حرکاتیه لزوم ترتب ایده جك طرزه اتباعدن بشقه چاره بولنه ماز .

اکثر تاریخلرک اتفاقجه تیمورک ممالک عثمانیه اوزرینه سوق ایتدیکی عسکر سکزیوز بیک کشی ایدی . هامر تیمور عسکرینک او مقدارده اولدیغنی هم عرب هم روم مورخلری بیان ایتکده اولدیغنی سویلرده بربرندن بی خبر ایکی آری قوم مؤلفلرینک یالان بروایتده اتفاق ایده میه جکلرندن استدلال ایله عسکرک سکزیوز بیک کشی اولدیغنی ثابت عدایدرکه ویردیکی حکم

اورمانلره منحصر طوتيله جق اولور ايسه نهدن بويله برتدير ايله  
 عسكرك تحريك حमितنه ، تأمين اطاعتنده لزوم كورنمئورده ميدان  
 محاربه سنه چيقيه جنجى زمان كوريلينور ؟ برده اناطوليدنه اوزمان  
 برحدود طبييعه وارمى ايدى ؟ وبونجه بيوك صحرالره مالا مال  
 اولان برملكى طاغلره واورمانلره چكلمكاه سكرز يوز بيك  
 كشينك تسلطندن محافظه قابلميدركه اقتدار عسكريسي معلوم  
 اولان صدراعظمك بويله بررايدنه بولنمسنه احتمال ويرييه بيلسين ؟  
 استدلالت تاريخيه نك بزه ويرديكى معلومات ايسه افسانه لرك بتون  
 بتون خلافته اوله زق عثمانلى امرا وعسكركينك تيمور اوزرينه ،  
 ياخو اولوق ويا محو ايتك عزم قطعيسنده ونهايت درجه لرده  
 غيظ وانفعال حالنده بولندقلرى حالده كيتدكارينى كوستريور .  
 پادشاهه منكسر اولدقلرينه دلالت ايدنه جك هيچ برفعله بولنماديلر .  
 واقعا عسكرا ايجنده برفته ، برخيانت وار ايدى ، فقط اصل  
 عثمانلىلرده دكل ، بلكه يكي كلن عشيرتلردن ويايكي الحاق ايديلن  
 يرلك اهاليسندن اولان طاقدنه ايدى . ترتيب حرب خصوصنده  
 ايسه مدافعه سى قابل مواقعه طور مق وياخود ميدان محاربه سنه  
 چيقمق جهتلرندن هيچ برى قرارلشماش ايدى ، قرارلشمنكده  
 احتمالى يوق ايدى .

تاج التوارينجده هامرك على پاشايه اسناد ايتديكى راي ، عموم  
 وكلايه اسناد اولنيور وهرنه قدر قارشى طرفده كي كشرت ميدان  
 محاربه سنه مساعد دكلسنده مقابله اولنمدينى صورتده دشمن



وعمومی بر میدان محاربه سیله ختام ویریه میه جک بر صورتده چته غوغالریته کیریشمکدها خیرلی اولدیغنی بیان ایتدیلر . ا کر عزمنده اصرار ایده جک اولورسه باری حال انفعالده بولنان عسکرک غیرتی تحریکه واطاعتلرینی تأمینه چاره منفرد اولمق اوزره خزینهده موجود اولان آقجه نك عسکره طاغیدلسنی اخطار ایلدیلر . سوزلرینک اصلا فائده سی اولمادی بایزید هم محاربه یه کیتمکده ، هم خزینه محافظه ایتمکده ایدی . . . » بور وایتلرده هیچ عقلک قبول ایده جکی شیلردن دکلدز . معلومارکه دولتک موظف عسکری سپاهیلرله یکیچریلردن عبارت اوله رق سپاهیلرک وظیفه سی تیمارلرینک محصولندن اولمق جهتیه خزینه ایله آلتش ویریشلری یوق ایدی ، یکیچریلر ایه محاربه یه نه حس ایله کیتدکلرینی ، میدان حمیتده اوقدر پارلاق صورتده اظهار ایتیشلردرکه بویله افسانه کولرک اختراعاتیه شانلرینی لکه دار ایتمکه امکان قالمامشدر . حکایه نك پک عامیانه بریلان اولدیغنه کندنن باشقه دلیل آراقده اقتضایتمز . هیچ بر صدر اعظم پادشاهنه ، حربک ترتیب عمومیسنی دکیشدیرمک خزینه یی طاغیدارق عسکری تطیب ایتک کبی اساسنده کی اجمیتک وشیوعنده کی مخاطراتک درجه سی ادنی ملاحظه ایله معلوم اوله جق تدبیرلری علی ملاءالناس قوریلان آیاق دیواننده می بیان ایدر ؟ دولت اوزمانه قدر عسکری هانکی محاربه یه پاره ایله ، احسان ایله کوتورمش ایدی که اوزمانده خزینه یی طاغتمغه احتیاج کورنسون ؟ بوندن بشقه محاربه طاغله ،



تیمور بوضورتله ممالک پادشاهی اوزرینه هجوم ایدنجه رجال  
حرب آره سنده محاربه دن تنفر داعیه لری بتون بتون برطرف  
اولغه باشلادی ، هرکس پادشاه کبی هر نه یاپلسه حربدن توقی  
مکن اوله میه جغه حکم ایدی . بعض تاریخلر امرانک ، عسکرک  
محاربه ده کوکلر طورانقلرندن بحث ایدر ، حال بوکه رؤسای  
عسکرک تیمور محاربه سنده کوستردکلری قهرمانی قدا کارلقلر  
هیچ برزمانده وبلکه هیچ برملته کورلمه مش درجه لده ایدی .  
چونکه تیموره آنلرده پادشاه درجه سنده برغیظ حاصل ایتمه  
باشلامش ایدی . بوندن باشقه ولو محاربه رایلرینه مغایر اولسه  
بیاه عثمانلی عسکرینی اداره ایدن عظمای مجاهدینک قدرحیتی ،  
خودپسندانه برعناد ایله پادشاهه ، ماتنه خیانت ایده جک  
درجه لردن بیک قات عالی ایدی .

بعض مورخلرده ، کویا پادشاهک افراط شدتی وعلوفه لری  
منتظم ویرمیه جک درجه لده بخل مفرطی عسکری طائفه سنجه  
باعث انفعال اولدیغندن بحث ایدرلر . هامر بومورخارک مقالاتی  
خلاصه ایده رک دیرکه « صدر اعظم علی پاشا ایله اوغلی ابراهیم  
پاشا ، پادشاهک نتایج بخلندن قورقارق ترتیب اولنان آباق دیواننده  
دشمنک کثرتندن بخله طاغارده ، بوغازلرده ، اورمانلرده قطعی

مطالعات مشروحہ دن شو حقیقت میدانہ چیقور کہ سلطان  
 بایزید تیمور ایلہ بر مسئلہ چیقار مقدر صافنادی؛ فقط صافنمتی  
 ایستہ سہدہ تاملتک ناموسنی پامال ایتمکہ رضا کو سترمدجکہ موفق  
 اولہ بیلمسنہ امکان یوق ایدی . بناءً علیہ محاکمات تاریخیہ جہ بو  
 محاربہ منحوسہ نک ظہورینہ اصل سبب اولہ جق مادہ پادشاہک  
 استکبارندن زیادہ، تیمورک بر کرہ پادشاہی استرقاب ایتمی و خصوصیاہ  
 ملتجیارک دفعنی ایستمش بولنمسیدر . استرقاب داعیہ سی اطاعتہ  
 دفع اولنہ بیلسہدہ ملتجیارک دفعی خصوصی ینہ میدانہ قالمق  
 ضروری ایدی . تیمورک مرتبہ جبروتنہ واصل اولانلردن بر  
 سوز صادر اولنجه ہمہ حال نافذ اولسی قانون طبیعتدن علی بر  
 ضرورت واو سوزک تأثیراتنہ هدف اولان ملتیرہ قارشی عالم  
 امکانہ کی اسبابک حملہ سنہ غالبیت بر قضای مبرم حکمنی بولیورا  
 شہہ یوقدرکہ تیمورک اطرافندہ بولنان سکنز یوز بیک کشی بہ  
 « بر مجاہدہ ملتک ناموسیمی پامال اولسون؟ » دینیلسہ، بیکدہ  
 طقوز یوز طقسان طقوزی « یا تیمورک امری نافذمی اولسون! »  
 یوللو مقابلہ ایدر و بوجوابی دہ سؤالدن بیک قات زیادہ منطقہ ،  
 اخلاقہ ، حکمتہ موافق ظن ایلردی .



واجالنى كندى. اليه هدم ايتك ديمك اولوردى . بناءً عليه هر نه ياپيلسه احمد جلايرى ايله قره يوسفك عثمانلى ملكنه عدم قبولى مسئلهسنده تيموزك اصرار ايتمى طبعى ايدى .

بوظلله قارشى سلطان بايزيد ايجون نه يايىق لازم كليردى ؟ ملتجىلىرى دشمنه تسليم وياخود كندى تعبير حميت پرورانمى كى قاعده آل عثمانه وبلهك شريطه امان و ايمانه مخائف اولهزق ملكندن طرد و تحقير ايله منفعت ملتى محافظه يولنه ناموس ملتى مى فدا ايتك اقتضا ايدردى ؟ ايشته اصل بحث و تحقيق لازم اولان مسئله بودر . تيمور احتمال كه اوسوزى نيه ده اجرا ايتدكن صكره حربيه وسيله بوله ماز وبلهك ييلديرم كى فلكه سرفرو ايتيمن بر باد شاهى ، ملتجىلىرى نى دفع ايله جك ويا قبول ايتيه جك درجده تذلله ، اطاعته مجبور ايتدكن صكره وسيله ده آرامز ايدى . فقط ملتى مخاطره دن قور تارمق ايجون ارتكاب اولنه جق ذلت او مخاطره دن ده اهورن برحالى ايدى ؟ خير : ناموس سز ياشامقن ناموسى ايله اولك خير ليدر ، سوزى بقاعده اخلاقدر كه يالكز افراده دكل ، اقوامه ده شاملدر . ملتجىلىرى محافظه كى هر زمانده دلتلك ناموسنه تعلق ايتمش بر مسئله ده عثمانلىلر بر جبارك امرينه اطاعت ايتمش اولسه لى ايدى صحيحاً ناموسلىرى نى اخلال ايتمش اولور لى ايدى . بر كرده ناموس خال بولنجه اوليه بر ملتده اعتماد نفس قليه جغندن دولتك بقاسنه تيمور صدمه سندن مضر بر مخاطره وجوده كليردى . ذاتاً بر قومك زمان ظهورنده اختياريات مغلوبيتدن بيك قات مهلكدر .

هندلیاره، تاتارلره قیاس اولنمامسنه دأر مغرورانہ اخطارلر وانظامدن طولایی مفاخره لر ایتمش ایکن تیمور حدود ملکه کلدکن وعسکرنده کی کثرت ودهشت آ کلاشدقن صکره آنک اقتدارینی استخفاف وکندی قوتنه اعتنا خصوصنده اولنی درجه سندن خیلی تنزل ایتمش ایدی . معافیہ ینه کندینک اقتداری، عسکرینک انتظامی سایه سنده تیموره غلبه قابل اوله بیاہ جکنه امکان ویرردی که بوزهابی عمومک اعتقادینه مخالف اولماقه برابر عین صواب ایدی .

چونکه یوقاریدهده بیان اولندیغی اوزره تیمورک بولندیغی موقعه ککش برجبار ایچون کندیه مساوات داعیه سنه جرأت ایدنلرک اقبالنی وبلکه حیاتی چکه بیامک طبیعتک خارجنده در. بوندن بشقه فرض ایدلم که تیمور سوابقنی اونوتمش ویا یزیده نفسی ملتک منفعتنه فدا ایدرک تیموره اطاعت وحتى کاکک وبلکه ملکه دها برچوق جهتارینک ترکنه موافقت ایتمش اولسون ، آنکدهده محاربه نک اوکنی آلمق قابل اوله مازدی : زیرا تیمور ایله اختلافک اساسی ینه باقی ایدی . مخبراتنه دقت اولننجه لایقیه آ کلاشیلیرکه عثمانلیلرک مجاهدلکنه حرمة کوستردیکی مساعدلر هپ زعمنجه آزشی طلبدن عبارت ایدی ، مطالبنک هیچ بروقت اک کوچک برجزؤنی تنقیص ایتمدی . ذاتاً او طرزده یتیشمش ، او قدر بیوک بر مرتبه یه واصل اولمش بر آدم ایچون برسوزینک نافذ اولمامسنه راضی اولمق، بنیان شوکت

بو حالدہ بایزیدک حرکتی امید غالبیتہ دکل ، صرف تیمورہ  
 اطاعتدن استکبارہ مستند کورینور و حقیقت بومرکزده اولمق  
 لازم کلسہ بو حرکت محق اولہ ماز . چونکہ بو حرکتک نتیجہ سی  
 یالکز پادشاهک نفسنہ عاند اولسہ کوستردیکی عظمتی حیرتارلہ  
 آلقشلامق اقتضا ایدردی . شو قدر وارکہ مسئلہ دولتک منفعتنہ ،  
 بلکه حیاتنہ عاند ایدی . واقعا برہمت پادشاهنک حفظ ناموسی  
 ایچون ہر فدا کارلنی اختیار ایتلیدر ؛ فقط بر پادشاه مجرد جلال  
 و عظمتی یولندہ بر ملتک حیاتی مخاطرہ یہ قومعقدہ ہیج بروقت  
 حقلی اولہ ماز . بونکہ برابر تدقیقات تاریخیہ ایلہ تماماً ثابت  
 اولمقدہ درکہ او طالعمر قہرمانک حرب ایستہمی یالکز  
 غرورندن ، عظمتندن دکل ایدی : کندینک او آرزودن فارغ  
 اولمسیہدہ حربک اوکی آئنہ میہ جغنی بیلیر و اوجہتہ ظہوری  
 محقق اولان بر بلانک بردہ انتظاریلہ معذب اولوب طورمغہ ، نہ  
 اولہ جق ایسہ بر ساعت اول اولسنی ترجیح ایدر ایدی . او  
 زماندہ سلطان بایزید درجہ سندنہ جرأت فوق العادہ یہ مالک بر فرد  
 اولدیغندن جزویاتدن کورونن شیر ایچون تیمور ایلہ حربی  
 ایستہجک کیمسہ بولنمادیغنی کبی تیموردہ کی جلال و جبروتک  
 درجہ سنی آ کلامق سلطان بایزید قدر کبر نفسہ مالک اولمغہ  
 محتاج اولمق جہتیلہ تیمورک ہر ایستدیکنی یامادقجہ صلحہ میل  
 ایتیمہ جکنہ حکم ایدن یالکز بایزید ایدی .  
 پادشاه تیمورہ یازدیغنی برنجی نامہ سندنہ ، کندی عسکرینک

كسب ايلدى. آسياده موجود اولان بوقدر اقوامك هر بيله محاربه لر ايتمش، هر برنده موجود اولان دسايس و ترتيبات حربيه بر تدبير اختراع ايله غلبه ايتش، يالچين قبالردن، صالنجقار، ايلرله آدم. صارقيدارق مغاره لره طاغ دشيكارينه صاللانان وحشيلره بيله سلاح اقتداريني ايريشديره بيامش، مظفرياتنك كشتي، فتوحاتنك وسعتيله يالكوز زماننده اولان اصحاب سيفك دكل، كندندن اول كلن جهانكيدرلك بيله جمله سنه تفوقنى اثبات ايتش ايدى! ياننده كى سكز يوز بيك خونخوار ايسه ولو يكيچو يلر، سپاهيلر قدر منتظم اولماسلر بيله عادى يغما كرللكه اشهار ايدن حكمدارلرك عسكرى كبي دربندى طاقندن دكل ايدى. اك ايصرز چوللرده يوريمكه اك يوكسك طاغلره چيقمغه، سبريانك صوقوغيله، هندك صيجاغنى مساوى كورمكه، هر ملتله اوغراشمغه، هر سلاحه قارشى طورمغه آلمش، يكر ميشر او توزر ييلدن برى محاربه ميدانلرنده امرار عمر ايتمش بر طاقم بهادرلر ايدى. بناءً عليه طوپ يكونى تيمور عسكرينك سكزده برى مرتبه سنه بالغ اوله ميان عثمانلى عسكرينك انتظامى، نه درجه يه بالغ اولورسه اولسون ينه بو دشمنه قارشى تايمين ظفر ايدم بيله جك بر مريت فوق العاده عد اولنه مازدى. پادشاهك موهوبات جهانكيرانه سى ده نه قدر بيوك اولسه تيمورك اقتدارينه تفوق و بلكه مساوى ايدميه جكندن سلطان بايزيد ايچون ولو جزوى اولسون براميد غالبيت ده مقفود ايدى.

عموم مؤرخلر تیموری اداره ممکن ایکن پادشاهک خشوتی مجاربه یه باعث اولدیغنه ذاهب کورینورلر. حتی خواجه سعدالدین تیمورک صاحب ظهور اولدیغنی سلطان بایزک معلومی اوله رق احتیاط ایسه مدارایی ایجاب ایدرکن سلطان بایزیدک غیرت پادشاهی ایله جنک طرفنی التزام ایلدیکنی بیان ایدرده یالکنز اون ایکی بیک سکبانی اولان بر پادشاهک تیموره اطاعت مذلتندن عار ایدرک نفسنی تهلمک یه القا ایتسی شایان تعجب اولدیغنی سویلر .

اوت ا عثمانیلر کی یوز سنه دن بری قایجینک آغزی دوئمەش بر ماتک پادشاهی بر متغابه اطاعتدن نه قدر استکبار ایتسه شایندر . خصوصیه او پادشاه سلطان بایزید کی جهانگیر فطرتنده یارادلمش اولور و او مظهریتنی محاربات و فتوحاتیه بالفعل انبات ایتمش بولنور ایسه او استکباره ولو جزوی اولسون برده امید غلبه منضم اوله جنی جهته حرکتنده دهه زیاده حتمی کورینور . هله او یله بر پادشاهک کوندیکی دلورلرده یکچیری و سپاهی کی دنیاده انتظامجه منفرد بر عسکر اولورسه استحصال ظفر، عادی امیددن احتمال غالب حالنه کله جکی ایچون بر متغلبه قارشی استکبارده دکل او یله متغلباری استحقارده بیاه حتمی اوله بیلیر . شو قدر وارکه تیمور او یله یالکنز طالع سایه سنده یتشمش بیوجک بر قوته نائل اولمش عادی متغلبه دن بر شی دکلدی . جهانگیر اولدی آتی آی قبحاق چولرنده درت یوز بیک عسکر بنه مک کی آثار عظیمه اظهار یله او جهانگیر لکه استحقاق



عسکریټک کثرتی ارانه ایتدکن صکره « بایزیده سویلیکز امور جزئیده بیلہ التماسر مزہ مساعدہ ایتدی ، دائما تندوتیز جوابلر کوندردی ، کندیمی اعدای دینه قارشى اقامه غزا ایله مشغول اولدینی ایچون اوزرینه واروبده سطوتنی کسر ایتک ایسته مدک . نهایت اوج مسئله التماس ایتدک : بری کماخک بزه ترکی ایدی . اومقصدی قوه قاهرانه مزله استحصال ایلدک . دیگر التماسر مزى قبول ایدر و اولادلرندن برینی حضور مزه کوندرر ایسه بونجه فناالقریلہ برابدینه عفو و محبت طریقه کیدرز « یولو تبلیغات ایله ایلچیلری اعادی ایتدی ، کندیمی ده اردوسیلہ قیصریه اوزرینه یوریدی .

سلطنت عثمانیهټک ، ظهورندن بری اوغرادینی بلالردن اک بیوکی تیمور محاربه سی ایدی . چونکه ده بر عصر اول ظهور ایتمش و بناءً علیه افرادی آره سنده منافع و روابط مخصوصه حدوث و تقرر ایدوبده ملت عثمانیه آریجه بر هیأت اجتماعیه شکلنی آله حق قدر وقت اولامش اولدیفندن بر کره جامعیت سیاسیهټک مدار قوامی اولان دولت علیه اورته دن قالقوبده ملک هر پارچه سنده بر حکومت پیدا اولورسه آره ده بر ملیت رابطه سی قلامق و بناءً علیه حکومتله برابر ملت ده محو اولمق طبیعی ایدی .

ایشته بوندن طولاییدرکه حادثه صورت مخصوصه ده اشغال فکره محتاج کورینور . هر شیدن اول آرانیه حق مسئله ده دولتجه بو بلانک دفعنه بر چاره اولوب اولمادیغک تدقیقیدر .

کندیستی ممنون ایلدی کینده شهره یوقدر . یزده مرضی به موافق  
 بر سوزه یلان اولدیغی بیلنمکه برابر اینامتی دهاتکده تخلیج  
 نفس ائده مدکاری عجز بشر مقتضیانتدن اولمسنه گوره تیمور  
 احتمال که بو تأمینان کسندجهده بر حجه اطمینان آلمش ایلدی  
 تیمور بو صورتله حربی قرازلشدیرنجده کندیبه عائد نیلدیکی  
 کاخ قلعه سنک محاصره و ضبطی سمرقند عسکرینه کن حقیقی  
 محمد میرزایه حواله ایلدی . میرزا کاخی آلمش و تیمورده منانت  
 فوق العاده ایله شهسور اولان قلعه سنی تماشایه کلمش ایلدی که سلطان  
 یازیده کوندردیکی ایلیچیلر عودت ایتدیار و خشونتلی جوابلارله  
 برده نامه کتیردیلر .

نامه ک خلاصه مؤداسی، تیمورک جواب آله مدیغندن شکایت  
 ایتدیکی نامه وقتیه وصول بولدیغندن، خشونت کلام بهانه محاربه  
 عد اولنه جق ایسه آکاده تیمور باشلادیغندن، تلمقه انتظار اولنورسه  
 سلاطین عثمانیه ک الیهدن بشقه بر طرفه یضرع اتمک عادتلی  
 اولدیغندن عبارت ایدی . سلطان یازیدک بونامه سینندن ده محاربه  
 قطعاً قرار ویردیکی و یازدیغی سوزلر ایسه اقامه حجتده مغلوب  
 و هر کس عنندن معانده و عظمتله مستصف عد اولمامتی مقصدین  
 بشته بر شی ایچون اولدیغی آکلاشلمقه ایدی .

تیمورده ممالک عثمانیه ک ضبط و تحریکینه عنیم اتمکله بار  
 ینه ایزرای تهزید و اقامه حجت مساکرینده کیری خط اولدی  
 بر بیولدی تیمور کون آوی تر تیل ایتدی ، سلطان یازیدک بهضریه

ایران تاریخارینک روایتنه کوره تیمورک امراسی عثمانلیر اوزرینه قلیج چکمکن تنفر خصوصنده ثابت قدم ایدیلر . او متحکم صاحب استبداده طوغریدن طوغریه بیان رای ایتمکک جسارت ایده مدیلر ایسهده تیمورک بلا احتراز هر بیلدیکنی حضورنده سویلکه مقتدر اوله جق قدر محرمیتنه مظهر اولان و مشکلات امورده عمومک صووک مرجی بولنان ( شمس الدین مالینی ) دن مددخواه اولدیلر . بوذات او ائشاده کورنه کده اولان بر قویرقلی ییلدیزدن طوتدیره رق «منجمارک اقوالی بر برینه توافق ایتیمور ، کیمی بزم طرفک قوتنه استدلال ایدیورسهده کیمی بو رایک خلافتی سویلیور ، آتش فتنه بر کره بالا کیر اولورسه ، احتمال که اطفاسنده عمرت چکیلیر . ییلدیرم کبی جاه و جلال صاحبی و باخه و ص اعدای دین ایله غزا و حدود اسلامیه بی محافظه ایله مشغول بر پادشاهک اوزرینه وارمق دولتکیزده لایق دکدر ، عقیده ملایم کلز . او طرف غالب اولورسه حال معلوم ، بو طرف غالب اولدینی تقدیرده اعدای دینی کولدیرمش اولورز .» یولو نصیحتلر ایتدی .

تیمور بو قدر سوزلردن یالکیز قویروقلی ییلدیرم مسئله سینی

اعتباره شایان کوردی ، منجملره مراجعت ایتدی . جمله سنی کندی اقبالنه ، سلطان بایریدک اذتارینه دلیل اولدینی بیان ایلدیلر . تیمور خجیحان او خرافیه ایتدیرمیدنی ؟ بیائنه من ، فقط منجملرک تأمیناتی ، اردوسنده کی خلقه مدار قوت اوله بیئنه چکی ایچون

اوطرفه متعلق اولان يرلرده ينه اوطرفه عائد اولسون . ياييله جق  
معاهده نامه كجه مكرمه نك ديوارينه تعليق اولنسون هر كيم  
نقض عهد ايدرسه عقاب ابدى يه مظهر اولسون . . . . »

بو نامه ده كي سوزلرك سلطان بايزيدى محاربه يه دعوتدن بشقه  
بر معناسنى يوق ايدى . تيموره مادام كه طهرتن طرفندن سلطان  
بايزيد نامه بر طاقم آسايش جويانه سوزلر بيان اولنمش ، پادشاهك كاخه  
عسكر اقامه ايتسيلاه اوسوزلرك صادق اولديغنه حكيم ايتك نه دن  
اقتضا ايدردى ؟ سلطان بايزيدك ارزنجانه قدر كلديكىنى  
بر اعتذار ايله قابل عفو كوروبده كاخه عسكر سوق ايتديكىنى  
عفوئى ناقابل بر حركت عد ايتك عتلاً قبول اولنه بيله جك  
مسئله لر ديميدر ؟ مقصد صلح اولنجه كاخه عسكر سوق ايتسندن  
طولايى پادشاهدن استيضاح مرام ايتك ونهايت قلعه سنك  
تخايه سنى ايتسك كافي ايكن اره يه قره يوسفك طرفدى كبي  
سلطان بايزيدك هيچ بر وقت قبول ايتيه جكي معلوم اولان  
بر مسئله يي ده قارشديره سى تيمورك بومطالبي ، رد اولنق ايچون  
ميدانه قويداغنه دليل كافي دكليدر ؟

بوندن اكلاشلديغنه كوزه تيمور بو دفعه انه چكن وسائلى  
كندينى محاربه ده حقلى كوسترمكه كافي عد ايش و محاربه يه ده  
قطعيآ عزم ايتمش ايدى . حتى بايزيدك يالكزجه بر مکتوب ايله  
اوزرينه كله جكندن پكده امين اولديغنه مبنى اولسه كر كدر كه  
مكتوبنك جوابنه انتظار صورتنده آغر آغر عثمانلى حدودينه  
طوغرى ايلر يلكه باشلادى .

وافرادی ارزنجانه سوق ایدهرك بزده ارقه دن نحجوان و خوی  
 طرفلرینه واصل اولدیغمز صروده عودت ایتدیككزه دائر  
 خبرلر آلمغه باشلادی . طهرتن بهادرده کندی اولاد و متعلقاتی  
 اعاده ایتدیككزه و حرکتکزدن پشیمان اولهرق مقام اعتذارده  
 بولندیغكزه و مهیج فتنه اولانلردن احمد جلاثری بی یانکزدن  
 دفع ایلدیككز کبی قره یوسفک آدملرینی ده پریشان ایتدیككزه  
 دائر خبرلر ارسال ایتشدی . بزده او طرفلرده حرکتده توقف  
 ایلدك . بوسروده ایسه فرزند اغز واکرم محمد سلطان بهادر  
 سمرقنددن، اورانک امر او عسا کر یله وصول بولدی . اه بیلورکه  
 نقماق و قریم و کفه طرفلرینه کتمک عزمنده ایلك، حتی امرا  
 و عسکر دن بعضیاری دربند شروانه قدر و ارهش ایدی . نته کیم  
 بندکانکزدن بوراده بولنان احمد و سنغورده بو حقیقته واقفدر .  
 بو حال اثناسنده کاخ قلعه سنه عسکر قویهرق فتنه خوابیده بی  
 ینه بیدار ایتدیككزه دائر خبرلر ورود ایتمهک باشلادی .  
 بو معنی تحقق ایدنجه حرکانکزدن پشیمان اولدیغكزه دائر طهرتن  
 بهادرک اشعاراتی صحیح اولدیغی اکلشلدی . بزده ارزنجان  
 اوزرینه حرکت ایلدك . اکر صلح و صلاح ایسترسه کز  
 افعالکزه اظهار ندامتله بورایه بر مأمور کوندرکز . احمد  
 جلایری ایله قره یوسفی ده دفع ایدیکز . بزده بو طرفده سزه  
 غرضی او لانارک سوزلرینی استماع ایتیم . مقدا طهرتن بهادر  
 و جرجیس بهادر و سلیمان بهادر و حاجی پاشا ایله اولادینک مالک  
 اولدقاری یرلر بو طرفه و سیواس کبی ملاطیه کبی البستان کبی

عسکرینہ قارشى ایکی یوز بیک کشینک ینہ بالطبع هیج بر  
تأثیری . کورلمزدی . بو سرده تیمور حلب و شام و بغداد  
طرفلرینی آتیش و خونہ غرق ایلدکن صکره ارزنجان و قومه سی  
اوزرینه پادشاهه مهم جهتلری زیرده تلخیص ایدیان نامه یی  
کوندردی :

« اولدن بری سزکله ینمزده دوستلقتی تقرر ایتسنی ایستمشدک  
وبوکا بناء ملوک سالفه نك معامله سنه توفیقاً برقاچ دفعه مکتوبلر  
کوندردک ، التفات کورمدک . آرده تعرض زیاده لشدی . ایش  
بردزجه کلدی که نهایت سیواس اوزرینه یوریدک ، معلوم اولان  
قضیه لرده وقوع بولدی . مع مافیه احوال کزه نقصان عارض  
اولوبده اعدای دین اهل اسلام اوزرینه اطاله دست تغلب  
ایتمه ک ایچون دها ایلری حرکتدن ومملکتکیزک تخریبیه  
اشتغالدن چکندک . بناء علیه بو ولایتی حالی اوزره ترک ایدهرک  
شامه توجه ایتدک . حال بوکه سزک خسته لگیز شایع اولمشدی  
ومملکتکزه کلک ده شامه کیتمکدن آسان ایدی . سز ایسه  
ایتدی کمز ایولکی بیلمدیکز ، عودتمز خبرینی ایشیدیر ایشتمز  
فرصت عد ایلایکیز ، درحال ارزنجانه کلدی کمز وینه هر طرفه  
مکتوبلر یازارق بزه کفر اسناد ایلایکیز . مسلمان اولانلری  
کفره نسبت ایتک غایت مستغربدر . علما کزه صورکیزکه  
مسلمانلری کافر بیلنلرک حالی نه در ؟ ارزنجانه ورودکنز واوراده  
صادر اولان افعال واقوال کیز تحقق ایدنجه عسکر مزک امرا

قوتیه تیموری جناحندن صقشیدیرسه دها خیرلی دها مدبرانیه بر حرکت اجرا ایدلمش اولمازمی ایدی؟ بزه قالیرسه بوتدیرک نه اجرایی قابل ایدی، نه ده قابل اولسه فائدهسی کورلمک ملحوظ ایدی. چونکه اولادشمنک آرقه سندن کیمتک ایچون افکار عمومییه تیمور ایله حربه اماله ایتک لازم ایدی. واقعا افکار عمومییه نیک بو محاربه دن اجتنابنه سبب اکر خوف واحتراز اولسه ایدی، مصر و بغداد عسکر ایله دشمنی اوچ سلاح اورته سنه آلق تدبیر ایله هرکسه بر طاقم امیدلر ویریلرک او خوفی ازاله ایتک قابل اولوردی. فقط ماتک حربدن نفرتی قورقودن دکل، تیمور ایله اوغراشمنغه لزوم کورمیدیکندن و محاربه آرزوسنی بتون بتون پادشاهک عظمت وحدتنه حمل ایتدیکندن ایدی. بناء علیه کونستانتینیه چک موفقیت امیدلرینک میلان عمومی نی تحویلده هیج دخل و تأثیری اوله مازدی.

ثانیا فرض ایدلم که افکار عمومیه میل ایتسون، تیمور بروسه دن، بغداد دن، مصر دن قالقه جق اوچ اردونک برلشمسنه، نه زمان ایتیرسه مانع اوله بیله چک، دیکرینک یتشمسنه میدان ویرمکسزین هر بریله آیری آیری اوغراشه جق بر موقعه ایدی. ثالثا فرضیاتی براز دها ایلری کتوره لمده اوچ اردونک برلشمسنه امیکان ویره لم او حالده ینه بونلرک طوپ یکونی ایکی یوز بیک کشتی یه بالغ اولمازدی. تیمور ایله کثرت سایه سنده حرب ایدیلرک اولدینی صوزنده ایسه آنک سکنز یوز بیک

ايستردى ، نده تيمور ايله حرب آچيلير قورقوسيله پادشاهك هر تشبثدن ال چكمنى آرزو ايدردى . پادشاه طهرتنك اوزرينه وارمق ايجون بشقه بهانه آرامغه حاجت كورمدى ، سيواسك تخريبنه دلالت اينديكى ايجون ازاله سنه عزم ايندى . ارزنجاني حوالينى ايله برابر ضبط ايدهر ك تيمورك دها زياده اغضابنه مدار اولمق وملاطيه طرفلرينك دولت عثمانيه دشمنارى صره سنه كيرمش اولان قره عثمانه ويرلمسنه معادل كلك ايجون قره يوسفه اعطا ايلدى . بعض تاريخلرك روايته كوره پادشاه بوسفرنده ملاطيه طرفلرينى استرداد ايتمشدى . قره عثمان ارزنجان خلقيله امتزاج ايدهمدى ، اوراسنك ينه طهرتنه توجه اولمىنى سلطان بايزيددن التماس ايلدي . پادشاه بوجاي قبول ايتمش فقط طهرتنك اولاد وعيالى رهن مقامنده بروسه يه نقل ايلش ايدى .

سلطان بايزيدك بو صورته حرب ايجون بر بهانه پيدا ايتمى ابي برشى مى اولدى ؟ خير ! فقط پادشاه هر نه ياپسه وحتى هينچ برشى ياپسه ينه ابي اولمازدى . چونكه بهانه حربى سلطان پيدا ايتممش اولسه تيمورك پيدا ايده چكى بي اشتباه ايندى ، ناصل كه آشاغنده ويره جكمز تفصيلاتدن آكلاشيلير .

عجبا تيمور حلب وشام اوزرينه يوريدىكى صره ده طهرتن ايله اوغراشيله جفنه قوه موجوده ايله مقصود بالذات اولان دشمنك ارقه سندن كيدلسه واحمد جلايرى ده بر طرفدن بغدادك



ایلری کلمکه چاره بوله‌مادی . چونکه آنک باشنده اولانلارده عثمانلی ملتک شرف و شانی اولان مجاهدک مزیتنه محبت و تحیردن کندیلرینی آله‌مادیلر . تیمورک عظمتی و بایزیدک خطاسی ایچون اولیه غزا ایله مشهر بر ملتی ازوبده اعدای دینی ممنون ایتمکه بر درلو رضا و یره‌مدیلر . بایزیدک تشذیعاتندن اخذ انتقام ایچون سیواسک تخربینی کافی و بلسکه‌ده زائد کوردیلر . ایکی طرفده بو فکره اشتراک ایتمین یالکز تیمورله بایزید ایدی؛ آنلرده اشتراک ایتمدیلر اینسه مجبوراً اتباع ایلدیلر . بینلرنده بر نوع ائتلاف حاصل اولدی، فقط بو ائتلافک حقیقی آرزوی اصلینک اضاارندن عبارت ایدی بایزید تیمور ایله محاربه‌ی حقلی کویستره‌جک و تیمور بایزید علیه‌نده حربی سزای نفرین کویسترمیه‌جک بهانه‌لر تحریسندن دوام ایتمکه ایدی . ایکیسی ایچون‌ده وصول مقصده بر چاره قالمش ایدی که اوده خصمنی تعرضه ابتدا ایتدیرمک ایدی .

بایزید بوکا موفق اولمق ایچون تیموری تحریک ایده‌جک اسبابه مراجعتدن خالی قالمادی؛ تیمور سیواسدن آریلیر آریلماز منسوبینندن ارزنجان حکومتنده بولنان ( طهرتن ) بکه تعرض ایلدی . بو حرکتک نتیجه‌سی تیمور ایله حرب اولمق اقوای ملحوظاتدن ایدی . مع مافیله پادشاه اولیه بر حرکتی اختیار ایتدیکی ایچون هیج بر طرفدن تعریض اولنمادی . چونکه سیواس حادته‌سی ایچون تیمور ایله حرب آچمه قائل اولمیان افکار عمومییه نه او حادته‌نک بتون بتون انتقام‌سز قالمسینی

ایدر؟ یوقسه محاربه یه حاضر می دکلدی؟ بوکاده احتمال و پر یله من.  
چونکه تیمور ایله مجادله ایکی سنه اول باشلامش ایدی، بایزید  
ایسنه هیچ بر وقت تدارکنی اکل ایچون آیلره، ییلره محتاج  
اولمادی.

وقایعک سنیاق و سنیاق نظر امعانه آلتنیجه پک قولای  
کوزینورکه ایکی طرفی ده بو صبر و سکونت و صلح جو یانه حرکته  
سوق ایدن افکار عمومییه مغلوبیت ایدی. دنیا یه غلبه ایتمکله  
اوغراشان اک مستبد ایکی پادشاهک بر مسئله ده کیندی  
خدمتکارلرینک، کیندی تابدارینک فکرینه تابع اولمق، رأینه  
خدمت ایتمک مجبوریتنده بولمیشی صحنه تاریخک اک غریب  
تماشالردن عد اولنور.

بایزید سیواس وقعه سی اوزرینه تیمورک اوستنه کیتمه کیمتدر  
اوله مادی، چونکه اهالی سیواسک اوغرا دینی مصیبت پادشاهک  
تهورینی سبب عد ایتمش ایدی. عموم اصحاب حل و عثمند  
حرکت واقعه نک جزاسی حکمنده اولان سیواس حادثه سی ایچون  
تیمور کبی سکنز یوز بیک عسکرلی بر بلاپی ملکه مسلط ایتمکی  
عقل و حکمته دکل، حمیته بیله موافق کورمدیلر. تیمور سیواسی  
ترک ایدرسه او معامله بیله قناعت اولمیشی استدیلر. پادشاهک  
ایکنجی جوابنامه سی کیندی اعترافیه ثابت اولدینی و جهله  
اصحاب حل و عقدک مشورت و رأییه یازلمشدی.

تیمورده، نامه لرده کی بارزه جو یانه تعریضات اوزرینه سیواسدن

آنک ایچون می بو صورت تسویه بی قبول ایلدی ؟ آ کاده نصل  
 امکان ویزیلیرکه باشنده کی حشراتی طویورمق ایچون او زمانلر  
 دنیانک ال بیوک غنیمتکاه ثروتی اولان ممالک عثمانیه نک غارتی  
 کیندیسنجه اخص مقصد اولق لازم کله جکندن قطع نظر، ذاتاً  
 تیمور درجه سنه ککش بر آدم ایچون بایزید کبی کندیله مساوات  
 دعواسنه قیام ایتمش و بلکه تفوق ادعاسنده بولنمش ، سطوتندن  
 قورقما دیغنی ، اوزرینه کلیرسه مقابله به حاضر بولندیغنی اعلاندن  
 چکنمه مش حتی بولاردن بشقه کندیسنه تحقیرلر ایتمش ، مقابله سنه  
 کلرزه زوجاتی طلاق ثلثه به حواله ایلش برذاتک دکل، عمرنده  
 بر کره بر امرینه بر سوزینه مخالفت کوسترن بر آدمک بیه  
 اقبالی حتی وجودینی استثقال ایتمه مک طبعاً محالاتندر .

یا هله مبادئ مصالحته تیمور ایله حربی حفظ ناموس  
 وبقای دولتی ایچون شرائط قطعیه دن عد ایلین سلطان بایزیده  
 سیواس وقعه سندن صکره نه اولدی ؟ روضه الصفانک ظنی کبی  
 قورقدیمی ؟ ممکن دکل: بایزیدک ده نفسنی بتون دنیا دن بیسوک  
 کورمکده تیموردن فرقی یوق ایدی . اوده موت تجسم ایتسه ده  
 قارشینسه چیمسه کوزینی قیرپاجق طاقمدن دکلمدی . قورقان آدم  
 ایکی مسافری یرندن دفع ایتک ایچون وقوع بولان التماسه  
 او قدر شدتلی جوامی ویرر ؟ احتمال حربک اندفاعنی ، تیمورک  
 بویه دعوالردن واز کچمسنه و سیواسی ترک ایتسنه موقوفی  
 کوستیرر ؟ آلدیغنی نامه لره او قدر تعریضلی جوابلاره می مقابله

مصره التجایدناری طلب ایتمه مش ایکن، کندیسیه اوغراشمالری امکانک خارجنده بولنان ایکی عاجزک التجا کاهلرندن دفعنه چالشمق تیمورک شاننه یاقشمیه جغنی ده تفصیل ایتدکن صکره احمد جلایری ایله قره یوسف اکر تکرار کلیرسه یاپه بیله جکی شی کندیارینه امداد ایتمه مکدن عبارت اولدیغنی و خاطر لرینی قیرمق النیدن کلیه جکنی بیان ایله اصلاح ذات البین ایله اراحه عباد، تیمورک بویله جزویاتدن وازچکمنه ووعدی وجهله سیواسی براقوب کیتمنه متوقف اولدیغنی علاوه ایله ختم کلام ایلدی .

بونامه سنده پادشاه تیمور ایله مساواتدن برر درجه دهایلری کیده رک بیاغی مرجعتی کندی آلمش وشرائط صلحی او تعینه باشلامش ایدی که تیمور ایچون بویله مامله لرک، او یولده مخاطبه لرک بیکده برینه تحمل قابل دکلدی ، مع مافیه تحمل ایتدی . حتی سیواسی براقدی ، اردوسنی باشنه طوبلادی ، مقدا سفیرلرینی اعدام ایتمش اولان مصر ملکندن اخذ انتقام ایچون حلب و سوریه اوزرینه یوریدی .

عجبا تیمور ، خواجه سعدالدینک ظنی کبی عثمانیلرک سظوتندن احتراز ایتدیکی جهته شو قدر بر صورت صاحیه بی غنیمت بیلدی ده آنک ایچونمی سوریه اوزرینه چکلدی ؟ بوکا ناصل احتمال ویریه بیلیرکه یاننده اوزمانلر حکمنجه بتون جهانی ضبطه کافی اوله جق قدر عسکر موجود ایدی . کنایه ایسه دنیا اوزرینه ییقلسه قارشى طور مقدن چکینیر داهیه لردن دکل ایدی . یاخود حقیقهً بازید ایله حرب ایتک مرضیسی دکلدی ده

مساعد ايدى . تيموره قارشى بايزيد اولوق نه عالي بر موقعدر ! « نم  
 عسكرم چوقدر سنى ازرم » تهديدينه قارشى « نم عسكرم آزدرد  
 فقط اوزريمه كليرسهك بنى حربه حاضر بولورسك » سوزينى  
 سويليه بيلمك نه قهرمانى بر مظهر يتدر !

تيموردن ملحوظ اولان حركت ايسه بو جوابى آلير آلاماز  
 بتون ممالك عثمانيه نك تخرينه يوريمك ايدى . فقط اوده مأمولك  
 خلافته اوله رق مقابله لرى ، كنايه لرى ، تعرض لرى تماما هضم  
 ايتدى . پادشاهه دوستانه بر نامه دها كوندردى . آردهه حاصل  
 اولان منافرتك دفعنه اظهار مسرتله برابر مصر ملكيه آرده لرينه  
 سلطان بايزيدك توسط ايمسنه بيله قائل اولدى . مصر ملكندن  
 اوزون شكيتلر و آرده لرنده كى دعوا ده پادشاهى حكم ايلش كچى ،  
 كندينك حتملى اولديغنه حجتلر ايراد ايلدى . يالكز احمد جلايلى  
 ايله قره يوسفك ممالك عثمانيه يه قبول اولنمامسنى طلب ايتدى .

سلطان بايزيده بوكا كوندرديكى جوابده مصر ايشنه قارشى  
 مجرد اسلامك و خصوصيه حرمين اهاليسنك استراحتى ايچون  
 اولديغنى قره يوسف ايله احمد جلايرينك بونجه زماندن برى  
 كنديسنه مناسبتلرى بولندينى حالده تكرر املكنه التجا ايدر لرسه  
 قبول ايمه مك قاعده آل عثمانه و بلكه شرائط امان و ايمانه مغاير  
 اولديغندن بو دعوا ده اصرار ايتك محاربه يه بهانه آرا مقندن بشقه  
 بر شيئه محمول اوله ميه جغنى بيان ايتدى . هلاكو بغدادى ضبط  
 ايدوبده خلافت عباسيه يى محو ايتدكندن صكره آل عباسدن

تعرض ایله ناموس اسلامی هتک ایتمک ککز اوزرینه بز نه سوپلیهلم؛  
 غیرت جناب حتمنددر . بو حجتلرک ایراندن متمسود ککز ایسه  
 کندکزی طعن و تعریضدن قورتارمقدر . یوقسه عربی و فارسی  
 سزدن نه قدر مکتوب کلدیسه هیچ بری عظمت فروشلمدن . بشقه  
 بر معنایی مفید دکل ایدی . صفت جالات هر پادشاهده موجوددر .  
 بو قدر تکبر ای بر شی دکلدر . و اظهار جبروتدن ضکره تواضع  
 و نصیحت یوزندن کور نمکده لطافت بولنماز . شممدی ته قدر آل  
 عثماندن هیچ بری دشمنی تملق ایله دفع ایتمه مش و حیله بی اختیار  
 ایله مشدر . آفتاب کبی مستقیم السیردر لر . هر کسک ایسلکی کوتیلکی  
 ایسه خلقتنه راجعدر . بو مراسلاتک جمله سی اصحاب فراست  
 و درایتک رأیله در . بز هیچ بر وقت کندی کند مزه بر شی  
 یامدق و یایماز . هر نه وقت ایاری کلیر و محاربه یه عزم ایدرسه کز  
 بزده متوکلا علی الله مقاتله یه حاضرز .

پادشاهک بو نامه سنده اولان سکینت پرورانه معارضه لر ،  
 ملزمانه جواب لر ، عارفانه کنایه لر تیموره ، اولکی جوابده کی شتملردن  
 البته بیک قات زیاده تأثیر ایتمشدر . اکر ملاطیه و سینوب مسئله سنه  
 قارشی یالکوز ضبط اولنان قاعه لره نسبت بوزلرک هیچ حکمی  
 اولدیغنی بیان ایله اکتفا اولسه ایدی ، بز انلری حسب الايجاب  
 ترک ایتمشدر ، سوزی کبی ضعیف برسبیه توسل ایتمه مش اولسه ایدی  
 نامه هایون او وقتک محابرات رسمیه می آره سنده اک کزیده بر  
 اثر عد اولنور ایدی .

پادشاهک حالی ده بویله معارضه کس بر جواب اعطائنه فوق العاده

آدلىسنه آلتى يوز سـ وارى ايله هجوم ايدهرك مظنر اولمشدى .  
 اوغلى سلطان عثمان غازى ده ايكي يوزدن بيكه قدر عتمكوله غزايي  
 كندينه شمار دنيوي واخروي كسرب و كار انخاذا ايندى له  
 بحمدالله تعالى زمانمزه كلنجيه قدر دولتمز دائما ترقيده در . اديان  
 ساژه حكامندن آلدیغمز قلعه لرى سلاطين ماضيه و موجوده خواب  
 و خياللر نده بياه كورمه مشدر . نه سـ ينوبلر نه ملاظيه لر آنلرك بر  
 برجه نخر دلك ايده مز . قسطمونى و قرمان و امثالى يرك حكاميه  
 ايشـ تدىككنز ماجرالر هپ آنلرك اتفاقسزلغندن واعدای دين  
 اوژرينه غزايه كيدر كن ممالك اسلاميه تعرضلر نندر . يوقسه  
 دنيا و مافهانك نظر همتمزده ذره قدر دكرى يوقدر . اكر  
 تحزيب بلاد و تعذيب عباد ايله جهانكبر اولتى ايسته سـ يدك  
 شرفدن غربه قدر تصرف آسان ايدى . فقط اهمى تقديم ايله  
 دائما اعداي دينى دفعه چالشيدق . سلاطين اسلام عن صميم  
 خيرخواهاغمزى التزام ايتديلر . كويا كه آنلرك ملكى يزم ملكمز  
 حكمنده در . عسكركك كرتلى بولمى و بزم عسكركك اكثرى  
 كافر زاده اولمى بحثنه كلنجيه آنده عيب يوقدر : اصحاب و انصارك  
 جله سـى اوبله ايتديلر . نامسـ اولادىك انصافدارى منم اولادىك  
 انصافسزلر نندن خيرليدر . غلبه ايسه عسكركك كرت و قلميه دكلدر .  
 تايدىك سـ يه توقف ايتدر . غلبه و مغلوبتك ايكي سـ ده سـ ين  
 اولياد ندر . پدر بزرگوارم دشمن اردوسنه ظنر بولقدن  
 صكره اسرادن بر عاجزك على الغفاه غدريله شهيد اولدى . سيواسه

اولنور ایسه غلبه کندی طرفنده قاله جغه، الهام ایله بیلمش  
 قدر اعتماد کوستره رک پادشاهه قارشی برچوق تهیدیلرده بولندی.  
 واقعا نامه نك یازیلشی اولکی قدر غلیظ دکلدی . فقط سیواسی  
 ضبط و تخریب ایله اکمال ناموس ایلدیکنه دائر اولان بر نامه ده  
 اولکی نامه سندن ملایم لسان قوللامسی، حقارتیه مرحمتکارانه برده  
 استصغار قارشیدیردیغندن دهها زیاده محرك غضب اولسی لازم  
 کلیردی . بناء علیه سلطان یازیددن ملحوظ اولان حال بونامه یی  
 آلنجه ییلدیرم کبی سراپا آتش کسپاهرک یا محو ایتک و یا محو  
 اولق غرضیه تیمورک اوزرینه آتاق ایدی . پادشاهک حرکتی  
 ایسه بتون بتون بو ملاحظه نك عکسنه ظهور ایدی . تیمورک  
 تهیدینامه سنه قلیج یرینه بر نامه ایله مقابله ایدی . نامه نك مالی  
 شودر :

« نامه کز آلدی و سیواسده تمکنکیز معلوم اولدی . بزم  
 تبریزه کیده رک اوراده محاربه ایتک ایستدیکمزی عجیب کورمشسکز  
 اگر کفه و شروان طریقیه کیتمک عزمنده بولنسه ق کیم مانع  
 اولورکه قیجاقلیلر سزدن آزرده و بزمله متفقدرلر . برده ملاطیه  
 و سینوب خصوصنده ملاطفه بیورمشسکز . بزم آنلردن  
 اغراضمز بعض مصلحته مبنی ایدی . عسکرک مقدارینه ده طعن  
 ایتمش و کندی عسکرلری کزک کثرتیه تساخیر ایشسکز .  
 ایشتمشسکز درکه جد عالیتبارم ارطغرول رحمة الله علیه  
 علاءالدین سلجوقی به غابه ایتمش اولان اون بیکنن زیاده تاتار



زمره سندن اولديغىمزه اشتباه قالماز . كوچكك بيوكه اطاعتى ايسه واجب و لازمدر ، خصوصيله بزده خاندان ايلخانيدنز . علما و عقلاى مملكتله مشاوره ايديكزده مکتوب بمزك ارسال جوانبه مسارعت ايليكز . »

سلطان بايزيده تيمورك بويله برمکتوب كوندرمى استبعاد اولماز . چونكه مالى بتون بتون اقامه حجتله حقنى ، رجحانيتنى اثباتدن پادشاهى تهديد ايله اطاعته دعوتدن عبارتدر . واقعا جهانكيرك دعواسنده حتملى كورنمك ايچون تابعيتنده اولانلارى بيعت يرينه قليجنه باش اكديرهش بر توريدى ، ميدان غزاده شهيد پديرينك جنازه سى اوكنده بقايى شهيدان مركب براردونك بيعتيله تخت سلطنته جاوس ايلش اولان بر پادشاهه قارشى اولوالامر اولمقدن بحث ايدرسه مقبول اوله جق بر قاعديه تمسك ايتش اولماز . زمانلرنده اجل مجاهدين اولان آل عثمان پادشاهلرينه قارشى ، جنكيز كې برمعاونك نسلندن كلش اولمق بيوكلكه برهان اوله زق كوسترلمز . فقط تيمورده حقنى اثبات آرزوسى غالب و مقصدينى استحصال ايچون بونلردن اهون دليل مفقود ايدى .

تيمور ، نامه سنده يالكيز بو مقصدلرله اوغراشمادى ، عسكر مزك قلتنه واقف اولديغنى آكلامغه ، ملاطيه ، سينوب محاصره ليله عثمانليرك شهرت سسطوتى صحيح اولماديغنه دليلار كوسترمكه چالشدى . كندى قوت و غلبه سنى ، سائر طرفلارده اولان مظفرياتى برر صورتله ايراد ايليهرك وحتى اكر محاربه

مسلمانان را که خرابیتی ایستمدیکمزدن خوف الله سائقه سیله بو  
 مثال فرخنده عالی کوندردک . اکر سزده خرابیت مملکتته سبب  
 اولوق ایستمز ایسه کنز ایکی طرفک ده ناموسنه لایق اوله جق  
 صورتده عذر خواهانه بر نامه ایله بر سفیر ارسال ایدیکنز  
 آرده دوستلق تأ کد ایتدیکنه بزجه یقین حاصل اولسون .  
 بزده سیواسی ترک ایله عودت ایدلم . تا که اعدای دینه فرصت  
 ویرلمش اولسون . ا کر بوندن صکره ایتدیکنمز عهد خلافتنه اوله رق  
 بزم طرفدن ملکه کنزه بر ضرر ایراث اولنور ایسه بی تکلف  
 اعانت اعدای دینه میل ایتمش اولورز . حاشا ثم حاشا که او ایله  
 بر حالی روا کورلم . بو قدر مساعد طور اندیغمز ، اسلامک  
 بر برینه دوشمسیله اعدای دینک دست درازلغنه میدان ویرمه مک  
 ایچوندز . ایشتمش سکره در که بز سائر بعض ملو که ده شفقت ونصیحت  
 ایتدیکنمز حالده آنلرک غروری تزاید ایتمشدی . جناب حق  
 خلوص نیت جهتیله فتح وظفری بو جانبه نصیب ایلدی . ا کر  
 سزده متنصح اولمازسه کنز اغلب اعتقاد مزینه فتح ونصرتک بز  
 نصیب اولماسی در . دائماً بزم عسکر مزه اعدای بی دین وبد مذهب  
 دیورسکنز . العیاذ بالله تعالی ! حال بوکه بزم تشبتمز اذیال لطف  
 صمدانیه در . سزک لشکرک اکثری اعدای خر جکذار ایکن هدایت  
 ممکن اولنجه ، بزم عسکر مز که فطرة مسلمان ومسلمان زاده لردر ،  
 بوناره نیچون میسر اولم . ون ؟ ا کر عیمنز جهانکیرک ایسه تخته  
 جلوسمزدن وشرفزه ضرب سکه وقرائت خطبه دن صکره اولوالامر

بیلیمکده در لر . سز نیچون بو قدر توحش ای دیورسکنز ؟  
 خصوصیه سن وسال جهتیله ده پدرکنز مقامندیم . بو حالارله  
 برابر مکتوبارکنزه بر چوق تمیدیلر درج ای دیورسکنز و بر  
 قاچ کره در کوندر دیککنز کاغذلرده ، تیموری طلب ایچون تبریزه  
 کیده جکم ، یولوشیلر یازیورسکنز . سزنی بیلیمزسه کنز بن کندیمه  
 غیرک شیرینی دفع ایله ناموسمک وقایه سنی واجب بیلیرم . « بکا  
 بر قارش یاقلاشانه بر آرشون تقرب ایدرم » مثلنجه سزه یقین  
 کلدیم . بوسبدن طولایی لشکر کشور کشامزله سیواس اوزرینه  
 حرکت ایتمشدک . عنایت ربانی ایله اوراده تمکنمزده میسر اولدی .  
 معلوم و محققدرکه سز ملاطیه قاعه سیله کیجه کوندوز درت ماه  
 اوغراشدیکنز ، قاعه محافظلرینی راضی ایدوب طیشاری چیقارمه ادیکنز ،  
 نه کندیکنز ونه ده بندکانکنز ایچون ملاطیه یه ظفر میسر اولمادی .  
 مدت مدیده دن بری سینوبی ده آلمق ایستیورسکنز ، موفق  
 اوله میورسکنز . بز ایسه الحمد لله تعالی سیواسی آز مدتده ضبط  
 ایتدک . شمدی یه قدر هانکی حصارده هجوم ایتدک ایسه استخلاص  
 ایلدک . غرور اینی بر شی دکلدرد . مکتوبارده لاف و کذاف  
 طریق عقلدن بیدردر . عسکر مزک مقدراری سزه معلوم اولدی ؛  
 سزک عسکرک حالی ده بزجه معلوم ایدی . هله سیواسک فتحنده  
 بولدیغمز عسکر طاقندن وسائر اصحاب وقوفدن مکرراً  
 عسکرکک مقدراینی صورددق ؛ تحقیقاتمز اولکی معلوما تمزی  
 تأیید ایلدی . مادامکه بزم بو حرکتدن . غرضمز ناموسمزی  
 محافظه دن عبارتدر ؛ بعون الله تعالی بو مقصدده حاصل اولدی .

کوردیکندن آنک صفای فارغاسنه غبطه ایدرک « چال چوبان  
چال ! ارطغرل کبی اوغلمکی اولدی ؟ سیواس کبی ملککمکی  
خراب اولدی ؟ » دیمش اولدیغی تاریخلرده کوریلور .

تیمور، سیواسی تخریب ایتدکن صکره ملاطیه نك محافظی  
اولان و سیواس محافظی مصطفی بکک اوغلی بولنان ذاته بر  
مکتوب ارسالیله قلعه نك تسلیمی تکلیف ایلدیکی حالدده موافقت  
کورمدیکندن اردوسیه قلعه نك اوزرینه یوریمش و محافظ تاتارک  
جومنی خبر آنجه متماومتدن عجزی جهتیله کیجه وقتی فرار  
ایتمش و تیمور اوراسنی ضبط ایله آق قیونلی بکی ( قره عثمان  
بایسیدری ) یه ویرمش اولدیغی تاج التواریخ روایت ایدر .  
روضة الصفا نك افاده سی ده عینیه بونی مؤیددر .

غریب کورونور حالردندرکه تیمورک بر مکتوبنه قارشى  
هر درلو حدودک خارجه چیقاجق قدر اظهار حدت ایدن  
پشاه سیواسک تخریبندن فوق العاده متأثر اولقله برابر قطعا  
تهور ایتمدی . حتی تیموردن آلدیغی مکتوبه بر درجهیه قدر  
ملایمت و فوق العاده مهارتله مقابله ایلدی . تیموردن کلن نامه نك  
خلاصه سی شودر :

« قرق سنه در جهان کیرلکله مشغولز . ملوک و سلاطین  
بنصره الله تعالی ربقة عبودیتمه داخل اولدیلر . شمدی بعضیلری  
کمال مطاوعتله خدمتمزده بولنتمده و بلکه بر چوغنی رفعت جاه  
وحشمت مملکتلریله برابر یولزده جانسپارانغی مدار مفخرت

بیان ایدرلر؛ فذلکة تاریخ عثمانیده ده، بوروایتلره باقیله رق شهزاده ارطغرلک سیواسده شهید ایدلدیکی قبول اولمشدر . حال بوکه شهزاده ارطغرلک سیواس حادثه سندن اول وفات ایتدیکی ثابتدر . روضه الصفاده ارطغرل ایله تیمور طاش پاشا سلطان بایزید طرفندن مأموراً سیواس وملاطیه طرفلرینه کلدکاری صرده تیمورک اوراده برجهوهنی ایشیده رک عودت ایدلکاری وسیواسک محافظی مصطفی پاشا نامنده بر ذات اولدیغی ممرح اولدیغی کبی اورانک محافظه سی مصطفی بکه مودوع بولندیغی بزم تاریخاردده متفق علیه 'ولان قوللردندر . سیواسده بر شهزاده موجود اولسه محافظه سی البته بشقه سنه تودیع اولمازدی .

بعض تاریخلرک روایتنه کوره سیواسده بولنانلردن یالکز مالیقوج بک اعدام اولندی . وروایت اخرایه نظراً تیمور مالیقوج بکی مخصوص اعدام ایتیه رک کوردیکی سویلک اوزره ، پادشاهه کوندرمش ایدی . پادشاه ایسه ارطغرلک وفاتیه پک فنا متأثر اولدیغی بر زمانده سیواسک تخریب اولندیغنی استخبار ایدی . او درجه متأثر ایدی که اکر تیموردن احترازینه حمل اولماسه سلطنتی بیوک اوغلی سلیمان ترک ایده رک عالم ازوایه چکلک ایستردی . بر کون انکسار قلب ایله یالکزجه بروسه نک اطرافنده کزرکن غم دنیادن نفسنی قورتارمش ، بر کوزل صو باشنه ، بر روح پرور آغاچ کولکه سنه اوطورمش قوال چالار برچوبان

صکره اتلاف ایتمش اولسی خلاف واقع کورینور ، حد ذاتنده تیمورک مشربنده ، بر کشور خاقنی اتلاف ایده جک قدر غداراق موجود ایدی ، بتون جهانه انناذ حکم ایتمک ایچون اولسون ، ویردیکی سوزی نقض ایده جک قدر آچماق موجود دکل ایدی . بو مسئلهده تیموری مؤاخذه ایده جک بر جهت واریسه سیواسده ویردیکی امانی یالکز مسلمان اولان اهلینک حیاته حصر ایتمسیدر ، نقض ایلسی دکل .

دیری کوملمش اولان درت بیک سوارینک یالکز ارمنی آتیلرندن مرکب اولمادینی سیواس محافظلرینک درت بیک کشی یه منحصر اولمسیه ثابتدر . حتی خواجه سعدالدینک بونلره ویردیکی مجاهد عنوانه باقیلیرسه ایچلرنده هیچ ارمنی بولمامق اقتضایدیر . روضه الصفا نک سیواس محافظلری ایچون « اکثر بیکانه ملت ایدیله » دیمسی ده دولت علیه عسکرینک اکثری خرسیان اولاندن اولدینی ایچون تیمور طرفدارلری عندنده بونلره تام مسلمان نظریله باقلمدیغندیر . بناءً علیه او سوزده ایچلرنده ارمنی بولندیغنه دلالت ایتمز . بو جهتله اگر ایچلرنده ارمنی وار ایسه شبهه یوقدرکه عددلری درت بیک کشی اولمق شویله طورسون ، تاریخلرده مذکور اوله جق قدر اهمیتی بر مقدره بیه بالغ دکل ایدی .

روم تاریخلری سیواسده تیمورک ، سلطان بایزید اولاندن شهزاده ارطغرل ویاخود مصطفایی طوتهرق اعدام ایلدیکنی

دوامندن صکره اهالی مقاومتک بر فائدهسی اولمایه جغنی ادراک  
ایده رک استیمان ایتدیلر . تیمور یالکز مسلماناره امان ویرمش  
وخرستیانلرک وخصوصیله کندی عسکرینه خیلیدن خیلی شدتله  
مقاومت ایلمش اولان درت بیک ارمنی آتلیسنک اسیر اولمق  
اوزره اعدامدن عفورلینی وعدایلدیکی حالدده فتحندن صکره جمله سنی  
دیری دیری دفن ایتدیرمشدر . تیمور بونکله ده قناعت ایتیه رک  
غیرت واقدامک سائر لرینه سرایتنی منع ایچون مملکت اها لیسنده  
نه قدر اصحاب شجاعت وار ایسه آنلری ده اعدام ایتدیردی .  
حتی قادیناره چوجقاره بیله رحم ایتدی .

ایرانده تیمور وقایعنه دائر نه قدر تاریخ یازلمش ایسه جمله سنی  
جمع وتلخیص ایتمش اولان روضه الصفا ده ایسه « مصطفی ( قلعه نك  
محافظة اولان مصطفی بك ) سادات وعلما ایله برابرکال مسکنت  
وانکسار ایله درگاه کیتی پناهه عرض نیاز ایتدیار . مسلمانارک  
یالکز اموالنه قناعت وادیان سائر اصحابی هم اسیر وهم غارت  
ایدیلرک بیلیریم بازید عسکرندن جنکه جسارت ایدن وا کثر  
بیکانه مات بولنان درت بیک کشینک ، سائر معاندلره عبرت اولمق  
ارزره دیری دفن اولنمی حقه ده فرمان قضا جریان صدور  
ایدی « دینلمشدر .

بزم تاریخدرده یالکزجه سیواسک ضبط وتخریب ایدلدیکنی  
ودرت بیک مجاهدک حیا دفن اولندیغنی بیان ایدرلر .  
بوفادهلره نظراً تیمورک سیواس خرستیانلرینی ، امان ویردکن

طوردیغنی دلیل کوسترہ ریک سطوت عثمانیہ نیک اہمیتی آزالتمغہ  
چالشمقده ایدیلر .

ایکی طرفکده بربریلہ اوغراشمق آرزوسبنده خارجدن  
تحریرکہ احتیاجلری یوق ایکن سلطان بایزیدک جوابی ظہور  
ایدلی . تیمورہ کورہ ایسہ بو جوابک بیکدہ بری درجہسندہ  
بر حقارت، دنیانک آلتنی اوستنه کتورمک ایچونکافی ایدی .  
مکتوبی آلیر آلماز قوۂ موجودہسیاہ : مالک عثمانیہ یہ تجاوز  
ایدرک سیواسی محاصرہ ایدلی .

سیواس رومدہ کی سلچوقیارک اعظمی اولان علاءالدین اول  
طرفندن اعمار ایدلمش یوز بیک نفوسلی بر مملکت اولہرق  
استحکاماتی متین و خندقده واسع ایدی . قلعه نیک شمال و جنوب  
وغرب جہتلرندن برر آرشون قازیلیر قازلماز صوچیمغہ باشلادیغنی  
ایچون تیمور یالکز شرق جہتندن لغمار قازدیرمغہ مقتدر  
اولہ بیلدی . سکز بیک لغمچی دیوارلرک آلتنه صوقینہرق یری  
حفر ایدر و دیوارلری دیرکلر وقوتلی کراسستہ لرلہ طوتدیرہرق  
دوشمکدن محافظہ ایلر ایدی . لغمک درینلکی ایستینان درجہ یہ  
کلدکدن صکرہ دیوارلری طوتان کرستہ یہ آتش ویریلر و بوضورتلہ  
دهشتلی طراقلرلہ دیوارلرک بر بیوک پارچہ سی یرہ چکر خراب  
اولوردی . بر طرفندن دہ قلعه یہ طوغری سپرلر یوریدیلور  
ومینجینقلرلہ حصارک تخریبنہ چالیشیلردی . بوضورتلہ سیواسک  
برجلری ، استحکاملری برر برر محو اولوب کیتمکہ باشلادی .  
فرنک تاریخلرینک روایتنہ کورہ محاصرہ نیک اون سکز کون



انتقام المش اولمادی ، بالعکس تیموره برغلبه مغنویه قازاندردی :  
جهانگیرلرک عمومندن زیاده محاربهلر قازانمش ، یلر فتح ایش  
اولان تیمور ایچون ، ولو عثمانلی پادشاهنه اولسون ، او یله آمرانه  
وتهدید آمیز مکتوب کوندرمکی کیمسه چوق کورمز ایدی .  
فقط سلطان بایزیدک قولاندینی شتوم بیوکلرک هیچ برینه  
یا قشایه جنی ایچون اولسان تهوری معذور کوره جک کیمسه  
بولمازدی .

سلطان بایزید بو شتوم ایله ده حدتنه غلبه ایله مدی ،  
تیمورک کوندردیکی سفیرلری اعدام ایتک ایستدی . لکن  
هر نه حالده ، هر نه زمانده اولورسه اولسون نام السهی یه اوله رق  
پادشاهی ارشاده چالشمقدن کری طور میان اعظم امتدن  
امیر بخاری ایله ملافناری او یله برغدرک اجراسنه مانع اولدیلر .  
ذانا تیموره مغلوب اولانلردن احمد جلایری ایله قره یوسف  
سلطان بایزیده التجا ایلدکلری کبی سلطان بایزیدک سلطنتلرندن ،  
ملکلرندن محروم ایتدیکی ملوک طوائفدن صاروخان و آیدین  
و منتشا و تکه بکلریله ایصاله دن فرار ایدن کر میان اوغلی تیموره  
التجا ایش و اسفندیار بکده بر خیلی زماندن بری عثمانلیلره  
قارشى مدافعه ایتکده اولدینی سینوب قلعه سندن چیقارک تیمورک  
اردوسنه کیتمش ایدی . بوزار تیموری سلطان بایزید علیه  
تشویق ایتکده و اسفندیار ، بوقدر مدتدن بری سینوبی مدافعه یه  
مقدر اولدینی و کندی بولمیدینی حالده ینه قاهنک طیانوب

اولدیغندن وکافه امراه ظفر بوله رق جهاه خلایقی عبد مشتری مرتبه سنه تنزیل ایلدیکندن طوتدیره رق سیف سطوتندن فرار ایده رک ممالک پادشاهی به صیغتمش اولان احمد جلایری ایله قره یوسفک طرد و بلکه قتل اولمارینی، بر پادشاهک اک کوچک بنده سنه خطاب ایده بیله جکی بر طرز ایله امر ایتدکن صکره بر چوق اخافات و تهدیدات ایله ختم کلام ایشدر .


معلوم درکه قهرمانلره حقارت اولماز، ارسلانلره سلاح کوسترلمز. اوزمانه قدر کندینه اعظم پادشاهان نظریله باقان و خاندانک علویت و نجابتنه و دولتک قدرت و شوکتنه بحق مغرور اولان سلطان بایزید، اسلام اوزرینه مسلط اولمش واجب الازاله بر قاطع طریق حکمنده بیایدیکی تیموردن بولسانده بر مکتوب آلتجه کمال غضبندن بتون بتون اختیارینی غائب ایلدی. حقارته حقارته مقابله ایچون یازدیغی جوابه کلب عتور کبی لسان خصومتده یاقشایه جق بر طاقم تشنیعات ایله باشلادی. و «اگر اوزریمه کلزسه زوجه لک اوچ طلاق ایله بوش اولسون و اگر مملکتیه کلدیکک حالد بن محاربه دن فرار ایدرسه م طلاق ثلاثه نیم زوجاتم حقنده جاری اولسون» کبی تشنیعدن بدتر بر طاقم سوزلر درج ایتدکن صکره نامه سنه لغنتله خاتمه یردی !

شبهه یوقدرکه تیمورک مکتوبی سلطان بایزید ایچون چکیایر شیردن دکل ایدی؛ فقط سلطان بایزیده او یولده کی مقابله سیله اندن

( خوارزم ) حکومتی بش سفرده ؛ و شرقاً ماغور طاغلری ، غرباً توران ، شمالاً سبیریا ، جنوباً تبت ایله محدود اولان و کاشغر و ختن و چته و جنکار و ترکستان و مغولستاندن مرکب بولان ( چته ) حکومتی یدی سفرده محو ایتدی ؛ سبیریانک جهت شرقیه سیله همان عموم روسیه ملکینی و لهستانک برپارچه سنی شامل اولان ( دشت ) خانلغنی ایکی سفرده ضبط ایلدی . بوسفرلرک برنده آرال اوزرندن کیده رک درت یوز بیک عسکرله آلتی آی چول ایچنده کزمش و دیکرنده قفقاسدن دخول ایدرک سواریلرینی ، بزم تاریخلرده دیارظلمات دینیلن بحرمنجمد شمالی ساحلرینه قدر ایصال ایتمش ایدی . بونلردن بشقه افغان و هندستان و عموم ایرانی و بغداد و کردستان و کرجستانی برچوق حکومتلر لندن اقدامات قاهرانه سیله نزع ایلدی .

تیمورک هجومیه ملکینی ضایع ایدن حکمدارلردن بغداد پادشاهی احمد جلایری و قره قیونلردن قره یوسف ایله نوبت کندیسنه کلکسندن احتراز ایدن مصر پادشاهی اوزون اوزادی مراجعتلرله تیمور ایله امتحان اقبال میداننه کیرمک ایچون سلطان بایزیدی تحریکدن خالی دکالر ایدی . پادشاهک ایسه تیمور ایله اوغراشماق ایچون تحریکه احتیاجی یوق ایدی .

دنیانک اک بیوک اک مغرور ایکی صاحب جلادتی ارسنده برنجی مناسبت تیمورک پادشاهه کوندردیکی مکتوب ایله ابتدار ایلدی . تیمور بو مکتوبنده ، اللهم ملک اوزرینه سلطان



دنياه نه قدر اصحاب سيف كشم ايسه جهه سندن زياده ير  
ضبطنه موفق اولان و اوجهته اعظم جهانكيران عدينه بحق  
شايان بولنان تيمور، كه جنكيزك جمله المللكي اولان ( قراچار توبان )  
احفادنن ( طفاچار ) ك اوغليدر ، ۷۳۶ تاريخنده تولد ايتمش  
و ۷۶۰ تاريخنده عمجه سذك يرينه منسوب اولديني يرلاس  
عشیرتلك رياسته و كش شهرينك بلكلكنه نائل اولمش ایدی .  
تورانده اجراي حكم ايدن ( جغتای ) خانلغتك الك زياده اختلال  
واغتشاش زماني اولديغندن كنديني نوع بشرك خارجنده عد  
ايتديره جك قدر بر شجاعت و كفايته ۷۶۰ سنه سندن ۷۷۱ سنه سنه  
قدر ظهور ايدن فتن و محارباتك كافه سنه قاريشه رق الهی آدمله درت  
بيك كشي يه قارشى طور مق و فلاكت و مغلوبيتك هيچ بر نوعندن  
ييلما مق كبي محير عقول اوله جق ائرلر كوستره كوستره ۷۷۱ سنه سنده  
قائم برادري اولان حسين خانك الندن توران حكومتنى اخذ ايتدى .  
پادشاه اولور اولماز جهانكيرلكه عزم ايله دنيايى كندى ملكي  
اولمق ايجون يارادلمش قياس ايله رك سلاح تغلبنى اطرافه حواله  
ايتمكه باشلادى . سلطنتندن ۸۰۱ تاريخنه كلنجيه قدر كذران  
ايدن اوتور سنه ظرفنده شرقاً جيحون ، غرباً خزر ، جنوباً  
خراسان ، شمالاً آرال كونك اوستنده كى صحرا لره محدود اولان

سلطان بایزید مورەك ا كمال فتوحاتی اورنوس بك ایله فیروز  
باشزاده یعقوب بکه احاله ایلشدر . برنجی دفعه اوله رق سردارلغه  
مأمور اولان یعقوب بك سمند اقدامنه مورەك جهت غریبه سنی  
پامل ایتدیزهرك نامدون و قرون طرفلرینه وارنجه اورالری  
كاملآ سیف عثمانییه سرفرو برده انقیاد ایلدی . اورنوس بك  
ایسه اناپولی جوارنده بولنان ومدنیتله مشهور اولان اوغوس  
قلعه سنی محاصره ایتدی .

هامرك نقلنه كوره اورنوس بك قلعه یه ایکی جهتدن هجوم  
ترتیب ایتش و محصورلر بیننده قلمه نك صاغ جهتدن آلدیغنه  
داڑ بر سوز چیقدینی جهتله صول جهتده کی محافظلر او نقطه یه  
توجه ایلدكلی صرده عثمانلی دلاورلری صول جهتدن برجاره ،  
دیوارلره صاریله رق مملکتی فتح ایلشدر . آتیه شهرینی ده امرای  
عثمانیه بو سفر اثناسنده ضبط ایلدیلر .

۷۹۹ و ۸۰۰ سنه لرنده روم ایلدیجه وقوع بولان موفقیته رده  
بولنر ایدی . ۸۰۱ سنه سی داخل اولنجه پادشاه استانبولك فتحی  
ایچون تدارکاته بانلایه رق اسباب محاصره یی ا كمال ایتش و روم  
ایمراطورینه قاعه نك تسامی ایچون صورت قطعی ده خبر كوندره ش  
ایدی . آلدینی جواب رد اوزرینه محاصره یه عزیمت ایتك  
اوزره ایدی كه دولت علیه نك اك بیوك مصائبندن معدود اولان  
تیور وقعه سنك مقدماتی كورمكه باشلادی .

حاصل اوليور ، حال بوكه خواجه تاريخنده و تيمور وقوعاتك اك صحیح ناقلرندن اولان روضه الصفاده تيمورك سيواسدن صكره ملاطيه يي آلديني مصرح بولنديني كبي حلب وشامدن عودتنده بايزيده يازديني صوك نامه ده «ملاطيه كافي السابق سزه عائد اولسون» تعبيرينك بولمسنه نظرأ ملاطيه نكده او سرده رده آلديني تحقق ايديبور . بو حalde تيمورك اولكي نامه سننده كي سوزي بر دفعه ملاطيه نك درت آي محاصره اولنديني حalde آله ماديني بياندن عبارت قابور. ديمك كه ملاطيه بر كره محاصره اولمش، آله مامش؛ مع مافيه ۸۰۳ سنه سندن اول بر دها اوزرينه وارلمش ده فتح اولمش .

فقط كاخك او سرده آله ماديني مثبتدر . چونكه تيمورك حرب ايچون ميدانه قويديني اسبايدن برى ده ۸۰۳ سنه سنده بايزيد طرفندن اورايه عسكر ادخال اولمسي در . اكر كاخ ممالك عثمانيه دن اولسه وحتى بر كره اله كمش ده صكره دن غائب ايدلمش بولنسه پادشاهك اورايه عسكر سوق اتمسي تيمور ايچون باطبع او قدر شدتلي شكايتره وسيله اتخاذا اولنه مازدى .

پادشاه آنقره طرفاريني تيمورطاش پاشايه براقوبده روم ايلي يه كچدكدن صكره بر مدت قره فريده اقامت ايدرك بر جامع و بر عمارته وضع اساس ايلدى . براز زمان صكره بالذات يكيشهر اوزرينه يوريدى . اوراسنى ده تر حاله يي ده سلاح چككمكه محتاج اولمش زين فتح ايلدى . متعاقباً مشهور دربندن موريه دخول ايدرك زيتون طرفاريني ده ينه محاربه سزجه تسخير ايتدى .

سلطان بایزید، تیمورک بغدادی آلدقدن صکره کر دستازه طوغری یورومسی اوزرینه احمد-جلایری و قره یوسف و ممالکة مصر ایله اتفاق ایدرک او سیل بلانک اوکنه بر سد چکمک ایچون کلش ایسه ده تیمور آندن بر خیلی زمان اول قققاس اوزرندن قیجاق جهتنه کیتمش بولندیغندن بودفعه پک آنکله اوغراشمغه میدان بوله مادی . ویالکنز کلیرکن تیمور طاش پاشایی تعیین ایدرک آنقره توابعندن اولدیغی حالده دها دولت علیه تصرفنه کچمه مش اولان توقادی فتح ایتدردی .

۷۹۹ سنه سی داخل اولدیغی صروده ایسه عسکرینی ، ترک و کرد بکارینک تصرفنده اولان ملاطیه و کماخ و بهسنی و دیورکی و دارنده طرفارینه سوق ایتدی و کندیمی روم ایلی یه دونه رک اورالک فتحنی تیمور طاش پاشایه حواله ایلدی .

تاج التواریخ ایله اکا تابع اولان مؤرحلر تیمور طاش پاشانک ۸۰۰ سنه سی نهایتنه قدر بوتلمه لرله نواحیسنی کاملاً فتح ایش اولدیغندن بحث ایدلر . حال بوکه تیمور طرفندن ، سیواسی اوردقدن صکره یعنی ۸۰۳ تاریخنده یازیلان نامه ده ، ملاطیه قلمه سنی پادشاهک بالذات وامراسی معرفتیه درت آی محاصره ایلدیکی حالده ضبط ایدمه مش اولدیغی شمانت یولنده بیان اولنش و پادشاه طرفندن یازیلان جوابده ده « ملاطیه نک او حالده ترکی بعض مصاحته مبنی ایدی » . وزیرلیه تیمورک افاده می تصدیق ایدلش اولسنه نظراً ملاطیه نک نتیجی ۷۹۹ و ۸۰۰ موفقیاتنده داخل اولمادیغنه ذهاب

ایسهده هفتواتیه تقید اولمادی ، تکرار اوزرینه وارلدی .  
 قلمه سی فتح اولنه جنی سرده کوندر دیککنز خبر واصل اولدی .  
 لاجرم ایمراتورک صابجی قبول اولندی . فنوای علما ایله  
 کفرآ ایمراتوردن اشد اولان تیمورک رفی ایچون توقادحو الیسنه  
 کلندی « دیور . بو صراحته قارشى استانبول محاصره سندن  
 فراغتک سببنی علی پاشانک تسویلنه ، اغفاله حمل ایتمک محامی  
 قالیر ؟

بزه قالیرسه علی پاشانک بویه بر افترایه اوغرامسی ده ذوق  
 وصفایه ابتلاسی جهته اهالیجه دوچار اولدیغی منفوریت  
 نتایجندن اولسه کرکدر . حتی مؤرخ هالقوندیلك ده نقل  
 ایلدیکی روایتی ، عثمانلی عوامی آره سنده دوران ایدن افسانه لردن  
 آلمش اولدیغنه حکم اولنه بیایر . ذاتاً هالقوندیله اون بشنجی  
 عصر میلادی رجالنندن اولدیغنه نظراً زمانندن بر عصر اول  
 کین وقوعات ایچون آغزندن آغزه کلن مسموعانن بشقه  
 بر ماخذی یوق ایدی .

ایشته کندیغی عیش وعشرته ویردیکنندن ومصالح دولته  
 باقدیغندن شکایت اولنن سلطان بایزید ۷۹۸ سنه سنک صفرنده  
 نیکبولی غلبه عظیمه سنی قازانمش ، جمادی الاخره سنده استانبولی  
 محاصره ایتمش ، شعباننده تیموره قارشى طورمق ایچون توقاده  
 کیتمش ایدی . پادشاهک حرکات عسکریه سنده کوستردیکی سرعت  
 حقیقه محیر عقولدر .



محاصره ایله مصالحه بیننده کی مدته ایمپراطور اولان مانوئل پائولوغ جامع یایدیرماق و قاضی نصب ایتدیرمه مک ایچون ایمپراطورلقدن استعفا ایتمش ایدی . ایمپراطورک هم پادشاهی جامع و محکمه ایله قناعت ایتدیرمهک چالشماق ایچون علی پاشایه رشوتلر و یرمسی همده محکمه و جامع خصوصالینه موافقت ایتمه مک ایچون ایمپراطورلقدن استعفا ایتسی بیننده پک آچیق بر تناقض موجود اولدینی میدانده دکلیدر ؟

هله محکمه و جامع خصوصنی ، پادشاه خیلی زمان اول مانوئل پائولوغک ایمپراطورلغه وصولی صره سنده تکلیف ایتمش ایکن بوکالی پاشا طرفندن استانبولی قورتارماق ایچون اختراع اولنمش بر تکلیف نظریله باقم سیاق تاریخی انکار دیمک اولمازمی ؟

بو مطالعات عمومیه دن بشقه سلطان بایزید ۷۹۸ سنه سنک اوائل شعبانی تاریخیه مؤرخ اوله رق سلطان احمد جلابری به کوندردیکی نامه ده : « خفی اولمیه که استانبول ایمپراطورینک نقض عقدی جهتیله سلانیکک فتحندن صکره استانبولک محاصره سنه عزیمت اولنمش ایدی . انکروس قرالی ممالک اسلامیه به هجوم ایدرک روم ایلمینک اک متین قلاعندن اولان نیکبولی بی محاصره ایلدیکی استخبار و آنک دفعنه چالشماق استانبول امر مهمندن اهم عد اولندی . هان بتوفیق الله تعالی او مخذوله قارشى کیدلش وقهر و استیصال ایدلدکن صکره بروسه به کلنمش ایدی . هر نه قدر ایمپراطور اعتذار ایله خراج بدلنه ده امان طلب ایتمش

شدت غضب و افراط غیرت سائقه سیله اختیار اولنان و بیهوده  
 عسکر تلف ایتمکدن عبارت قلمسی و بر چوق ضایعات ایله برابر  
 ناموس عسکری یه خلل ویرمسی محتمل اولان بویله بر تشبته  
 قارشی باشانک عرض ایتدیکی مطالعه لر حقیقته و منافع دولته  
 تمامیه مطابق اولدینی حالمه بو حرکت نیچون وظیفه پرورلکه حمل  
 اولمسون ده دشمن طرفدارلغنه محمول اولسون ؟ محاربه یه محتاج  
 اولمق سزین استانبولده بر محله یاپه رق حین حاجتده اسلامه یاردم  
 ایده جک بر قوت پیدا ایتمک ، بر حاکم نصیبیه مملکتک اداره  
 داخلیه سنه اشتراک ایتمک ، بر کلیسایی جامعہ تحویل ایله خرسیتیانلغک  
 کببوک بر مرکزنده اسلامک شرفنی اعلا یه موفق اولمق قناعت  
 اولنیه جق نتیجه لر ندیمدرکه ارتکاب سایه سنده حصولنه حکم  
 اولنه بیلسین ؟ بو محققدرکه سلطان بایزیدک عسکرلکجه اقتداری  
 حدک فوقنده ایدی ؛ فقط بوده مسلمدرکه قدرتنه استنادی  
 او قدرتنک محتمل اولدینی درجه دن زیاده ایدی . بو حالمه  
 پادشاهک معظمات امور ایله اوغراشمقده میل ایتدیکی افراطی  
 تعدیله چالیشمق وزیر ی ، امراسی ایچون اقدم وظائف عد  
 اولمق لازم گلزمی ؟ یا علی پاشا طرفندن روم ایمپراطورینه ،  
 پادشاهه اطاعت سزک توعیه اولندیغنه دائر هالقوندیلمک بیان  
 ایتدیکی روایتہ نصل اعتماد اولنور ؟ مانول پائولوغ علی پاشان  
 او قدر یوز بولسه ایمپراطورانی ترکمی ایدردی ؟ بوندن بشقه  
 علی پاشا ایمپراطوردن نه قازانه بیلیردی که آکا معاوتی پادشاهنک  
 خدمتنه ترجیح ایلسون ؟

فرض محال اوله رق تصور ایده لم که علی پاشا ، تاریخ نازک دیدیکی کبی ذوق وسفاغت انهما کینی دولت دشمنان رندن رشوت آله جق درجه کتورمش اولسون وینه فرض محال اوله رق قبول ایده لم که سلطان بایزیدده وزیرینک یالانلرینی ، حیللرینی آ کلامسون ویاخود آ کلامق ایستمسون ؛ یا سائر امرانک تاریخارده کورلیدیکی کبی روم ایمپراطورینه معاوندده علی پاشایه اشتراک ایتمی نعل قبول اولنه بیلیر ؛ سنه لرجه کفن بردوشانه دین یولنده احراز شهادته وقف وجود ایتمش اولان و بوننگه برابر قلیج قوتیه حاصل ایتمک لری ثروت پادشاهلره غطبه رسان اوله جق درجه لره کلیدیکی خیراتلر بله ، وقایع تاریخیه لر بله مثبت بولسان بو قدر اعظم غزاتک ده رشوته هدیه به طمع ایده رک دینلرینه ، دولت لرینه خیانت ایتمش اولملرینه می امکان ویره جکیز ؛ بوندن بشقه علی پاشانک رأی رشوت محصولی عد اولنه جق قدر مضر برشمی ایدی ؛ استانبولک فتحنده کی عمرت ، نیکبولی وقعه سندن اول قلعه آلتی آی محاصره ایدلمش ایکن هیچ بر فائده حاصل اوله مامسیله ثابت دکلیدر ؛ فاتح سلطان محمدک ایکی یوز بیک کشیدن متجاوز عسکرینی آیلرجه اشغال ایدن بومتانت تجربه سبقت ایتمه من اولسه بیله ینه سلطان بایزید کبی ، علی پاشا کبی کشور کشالره خفی قالمسی ممکن می ایدی ؛ علی پاشانک ، محاصره قیشه قدر امتداد ایتمدیکی حالده ترتب ایده جک فنالتره دائر بیان ایتمدیکی سوزلرده عین حقیقت دکلیدر ؛ پادشاه طرفندن

هر شیدن اول استانبولده اولان کایسالر دن برینک جامعه تحویل ،  
مملکته قاضی نصیبی حتمده کی تکلیف لری قبول ایلدی .

بزم تاریخلرک روایت متحده سنه وروم مؤرخلر دن  
( هالاقون دیل ) ک نقلده بائیلیرسه صدر اعظم علی پاشا ایمپراطور  
طرفدار لغنی عاداتا ، دولتنه ملتنه خیانت درجه سنه کتور مش . هاه  
بزم مورخلر بو ارتشایی ، بو خیاتی یالکز علی پاشایه اسناد ایله  
اکتفا ایتمیورلر ، سائر امرای عثمانیه بی ده صدر اعظمه شریک  
تهمت کوستریورلر ؛ عقل ایسه بو اسناداته بر درلو قائل اولمق  
ایسته میور : زمانک مصالح حربیه و سیاسیه سنه وقوفده ممتاز عالم  
اولان سلطان بایزید کبی بر پادشاهه سهلی مشکل ، حتی باطل  
کوسترزه ک تحویل نیت ایتمیرمه ک چالشمق علی پاشا قدر کار  
آشنا بر ذاتک اختیار ایده بیله چکی مخاطره لر دنمیدر ؛ اگر  
استانبولک فتحنده صعوبت مفقود ایسه دنیانک برنجی عسکر لر دن  
اولان بایزیده موجود اولدیغنی کوسترمک ممکن اوله بیلمیددی ؟  
بر مملکتک ضبیطیاه ایچنه محنه ، معبد یایمق آره سنده اولان فرقی  
پادشاه بیلمزمی ایدی ؟ . هاه ملکک هر طرفی غنائمله مالا مال  
اولمش بر خزینئه ثروت حکمنده اولان او یله بر زمانده صدراعظم  
ایچون ایستدیکی قدر پاره بولمق او قدر کوچ بر شیمی ایدی که  
ایمپراطور دن رشوت آلمق ایچون منافع دولتی اخلال کبی  
مسندینی ، حیاتی مخاطره یه قویه جق ؛ دینی ، دنیاسنی خراب  
ایده جک بر سیئه بی ارتکاب ایلسون ؟

طراقلی یکججهسی ایله کویسکدن بر چوق خانلر نقل  
 اه اهرق استانولده اسلام محلهسی یاپیلدی ، جامع شریف بنا  
 ویدی . فاضی و نام و خطیب نصب ایلدی . ایمراطورک بر  
 سنهلاک جزیهسی آلندی ، سلطان بایزید آندن صکره محاصرهدن  
 فراغت ایلدی .

روم تاریخارینک نقلنه کوره پادشاه نیکبولیدن عودتسندن  
 صکره استانبولک محاصرهسنه کلش و صدر اعظم ، ایمراطور  
 مانوئل پائولوغی وظائف تابعیتی اجرا ایچون حضور پادشاهییه  
 عزیمت ایتکه دعوتله برابر بو امری وعد ایله کچشدرمسندن  
 صورت خفیهده اخطار ایتش ایدی . سلطان بایزید ، ایمراطورک  
 امره اطاعتدهکی تعلقنی کورنجه نیکبولی محازهسندن اول باشلامش  
 اولان محاصرهنک کمال شدتله تجدیدینی صدر اعظمه امر ایتش  
 ایدی . استانبول اهالیسنک اکثری سویلنمکه و آچلقدن هلاک  
 اولمقدن ایسه مملکتی ترکره تسلیم ایتک دها خیرلی اوله جفنی  
 آچیقدن آچیغه بیان ایلکه باشلادیلر . بایزید سیلوری بی آلمق  
 آرزوسنده بولندیغندن مانوئل پائولوغک یرینه سیلوری پرانی  
 یانی پائولوغک ایمراطور نصبنه اهالی بی تشویق ایلدی . مانوئل  
 ایسهدهاول طورانهرق خزینهنه طوقونامق وموره طرفارینک  
 حکومتی کندیسنه بر اقامق اوزره ایمراطورلنی یانی پائولوغه  
 ترک ایتدی .

یانی پائولوغ پادشاهک پولتیقهسی سایهسنده ایمراطور اولنجه

ارسال ایتمش و پادشاهک ویرکو قبولیله تسکینه و ساطنی نیاز ایدهرک بو نیازی ده پاشایه قبول ایتدیرهش اولدینی تاریخلرجه متفقاً قبول اولنان روایتلردنیز . ینه او روایته کوره صدر اعظم استانبولک نتحنده اولان مشکلاتی تفصیل ایدهرک « بیت الماله هر سنه بو قدر ایراد آلمق ممکن ایکن اویله تسخیری محال اولان قلعه نك اوزرینه هجوم ایله بهوده یه عسکر اسلامی تائف ایتدیرمک لایق دکلدیر ، شاید محاصره امتداد ایدر و قیش ده کلیرسه نه اقامته مجال قالیر ، نه اعدادینک شامتندن قورتلق قابل اولور . » یوللوسوز لرله پادشاهی فکرندن تحویل ایتمک چالشدی ، امرایی ده بو نیازده کندیسنه تشریک ایتمش ایدی . پادشاه ایسه بوالقا آته مقابل او شهر عظیمی مقر اسلام ایتمک مقصدندن ویرکو بدلنده فراغت ؛ دین غیرتنه ، دولت شاننه یا قشایه جغنی بیان ایدهرک عزیزمنده ثبات ایلدی .

وزیر ایله امرای پادشاهک اصرارینی کورنجه آرزولرینی بشقه بر شکله دوکهرک « مادامک مراد استانبولک مقر اسلام اولسندن عبارتدر ، بو مقصد محاربه سزده حاصل اولور : ایمپراطور استانبولده اسلام محله سی وه ساجد وه عابد انشاسنه واحکام شرعیه نك اجرایی ایچون قاضی نصبنه راضیدر . خطبه وسکه پادشاه نامنه اواسون ، یالکر حکومت عرفیه فرمان پادشاهی ایله ایمپراطوره تفویض بیوراسون » دیدیلر ؛ پادشاهی بو صورته اقناع ایتدیلر .



عثمانی عسکری دشمنی تاملکتلرینک قلبکاهنه قدرصوقیه رق  
تجاوزاتنه ندامت کلیه ایله نادم ایتدکن صکره سلطان بایزید  
کندی عهده سنده و حتی تابعیتنه بولندی حالدہ اعداسنه،  
جاسوسلق ایدن روم ایمپراطورندن ده مکمل بر انتقام آلمق ایچون  
ینه استانبولک محاصره سنی تجدین ایلدی . مقصد ایسه استانبولی  
فتح ایله ایمپراطورلنی بتون بتون بانیرمق ایدی . او سره لرده  
بعض سواحلك تسخیرینه مأمور اولان تیمور طاش زاده یخشی  
بک شیلہیی فتح ایتدیکندن او موقعک اله کچمسی ده استانبول  
سفری حقنده کی قراری تأیید ایلدیکندن پادشاه قوجه ایلی  
طریقیه بوغازه کلهزک آناتولی حصارینک انشاسنه بدأ ایتدیردی  
وایمپراطوردن استانبول قلعه سنک تسلیم اولمسنی ایستدی . تسلیم  
اولمادینی حالدہ جبر وقهر ایله آله جغنی او حالدہ محولری مقرر  
اولدیغنی علاوه ایلدی .

بزم تاریخار دیرلرکه ایمپراطور سطوت عثمانیهیه مقاومت  
ایده میه جکفی قطعاً جازم بولندیغندن همان اون بیک آلتون ایله  
بر طاقم کوزل آتار تقدیم ایتدی . وزرا وامراهده آیری آیری  
هدیه لر کوندردی . حتی صدراعظم علی باشایه آچیقدن کوندردیکی  
هدیه دن بشقه اون دانه بیوک بالغک ایچنه آلتون تولدیره رق

نیکیبایدید دشمن صول جناحك نه صورتله بوزلديغنی محاکمات  
فکر یه سیله برابر یوقاریده کورمش ایدك. اومسئلهده لازقو ویکه  
اسناد اولنان خیانت نه قدر معناسز ایسه صکره دن سلطان بایزید  
ایله کیرشدیکسندن بحث اولنان مقاوله مسئله سی ده آندن بیک قات  
زیاده کولنج کورینور. اسلامده هم مذهبینک غیریسنه قزویرمک  
جائز اولدیغنی بیله جک قدر حالمزه واقف اولمیان بر آدم  
سلطان بایزید نزدنده تکلیفاتی دیکلنه جک والته بر فرقه اسلام  
عسکری ویريله جک مرتبه لرده اهمیت بولسنگ احتمالی وارمیدر؟  
تخمینه باقیلیرسه مخصوص بوزلق، بر مسلمان پادشاهندن بر  
خرستیان پرندی ایچون قیز ایستمک کبی معناسز، مناسبتر  
جریمه لر اسناد ایده ایده لازقوویکی، جانی قورتارمق وبلکه  
امکانی اولورسه خصملرندن انتقام آلق ایچون، بری یه کچمکه  
مجبور ایتدکاری آکلاشیلیورکه مجارلر ایچون اوبیلکیجلکک  
نتیجه سی، ذکر اولنان اوچ نهرک آره سنده کی برچوق یرلری یغما  
وتخریب ایتدیرمکدن عبارت قالیور.





اوده پادشاهك اكبر اولادى اولان شهزاده يي «سليمان شاه» عنوان خاصيله ديكر شهزاده لره تفضيل ايدهرك شمارتمش اولمى در .

سلطان بايزيد مظفریت جليله سندن اوچ کون صکره آوستريايه بر فرقه سوق ایلدی . بو فرقه تپو شهرینی یغما ایدهرك اون بش بيك اسير آلمشدی . عسکرک بر ديكر فرقه سی ده ساوا نهرندن کذار ایله ساوا و دراد و طونه آره سنده بولنان یرلری کافه یغما و تخریب ایتمشدر . بر ديكر فرقه بوسنه یه دخول ایله ایزورنیقه قدر سوق سمند اقبال ایتدیکی کبی اورنوس بك افلاقه هجوم ایدهرك بر مناسب اردو موقعی انتخاب ایتدکن و اطرافنی خندق ایچنه آلدقن صکره اوراده تحصن ایله فرصت دوشوردکجه اطرافه تعرضه باشلامش و نهایت میرجه نك بيوك اورمانلره استناد ایدن عسکرینه ده غلبه ایدهرك بتون افلاقی تکرار جزیه کذارلغه اجبار ایتمشدر .

هامر ساوا و دراوه و طونه نهرلرینک آره سنده کی قطعه یه سوق اولنان فرقه دن بحث ایتدیکی صره ده دیرکه « بو فرقه یه نیکبولی محاربه سنده صول جناح ایله اک اول فرار ایدن خانن لازقو بیج رهبرک ایتمشدر . بو آدم قرال سیغز موند حقمنده اولان کینی جهتیه برعمای بصیرته مبتلا اوله رق ناپولی پرنسارندن لاریسلاسی سلطان بايزيدک بر کریمه سنی آلمق و بعده عثمانلی قوتیه آنی پادشاهك یرینه قرال ایتدیرمک ایچون سلطان بايزيد ایله بر طاقم مقاولاته کیرشمش ایدی . تصورلرینک ایکی سنده ده موفق اوله مادی . »

سلطان یازیدک جلوسندن اول یالکیزج قرمان محاربه سنده وعادی  
 امرا صر سنده نامی کوریلان فیروز بکک نیکبولیده بوقدر امرایه  
 تقدم ایدرک یدی سنه ایچنده روم ایلی بککر بکیلکنه واصل  
 اولدینی کورینور . زمان ایسه استحقاقدن بشقه بر طریق ایله  
 وصول اقباله مساعد اولدیغندن فیروز بکک بوقدر سرعته  
 عسکر لکک منتهای مراتبه وارمی نه قیمتده بر قهرمان اولدیغنه  
 مقیاس اوله بیلیر . تیمور طاش پاشانک ده او صر ده آناطولی  
 بکار بکی بولندینی آ کلاشیلور . صاریجه پاشانک ده آندن صکره  
 بر یرده نامی کورلیور که بوده پاشانک وفات ایلدیکی کوستیر .  
 چونکه اختیار تقاعده ایتمش اولسه لالا شاهین کبی ینه محاربه  
 میدانندن آریله ماز ایدی ظن اولنور . ایلریده پک چوق مآثری  
 کوریله جک بر بیوک خاندان جلادک مؤسی اولان مالقوج  
 بکک نامی ده اک اول بو فتحنامه ده مذکور اولور و تیمور طاش  
 پاشانک بشقه امرایه آر سنده برده تیمور طاش بک ظهور ایتدیکی  
 آ کلاشیلور . فتحنامه ده امرایه دائر کوریلان شیاریک اک مهچی  
 ایسه قرمان بککرینک ده عثمانلی و عجلانیه امرایه کبی بیوک بیوک  
 قوماندانلقلرده استخدا ملرینه باشلانمش اولمی در . بو امرانک  
 آر سنده ده طورخان بکک اسمنه تصادف اولنیور که اک مشهور  
 بر خاندان جلادک مؤسسیدر؛ قرمان فتحک اعز مکسوباتی  
 اودر ، دینسه مبالغه ایدله مش اولور .

فتحنامه ده شایان تأسف بر دقیقه نظر امعانه چارپیور ،

کبی خدمات شافهده قوللائق جهتیه آز چوق پاره ایندیکنه  
 نظراً غنایمدن معدود اولدیغندن پادشاه هرکسک النده کی اسیری  
 آلوبده اعدام ایتدیرسه عسکر سویلنیردی ظن اولنور. بوحالده  
 ایسه پادشاهک اعدام ایتدیردیکی اسرا کندی حصه غنیمتی اولوق  
 اقتضا ایدر. هامرده مالوک اطرافه نامه لره برچوق اسیرلر هدییه  
 ایدلدیکنی وحتی شوالیه لره کنج خدمتجیلرندن اوتوزی سلطان  
 مصره اهدا اولندیغنی روایتله اسرادن یالکز یکر می بشی استئنا  
 اولنهرق قصودی علی العموم اعدام اولندیغنه دائر اولان قولانی  
 ینه کندی جرح ایدیور : خمس غنیمت اون بیک کشی یه بالغ  
 اولنجه اسرانک مقداری ده بالطبع اللی بیک درجه سنده اولوق  
 لازم کلیور که امور بک ویا تیمور طاش پاشا طاقنک حصه سنه  
 ایکی بیک اسیر دوشه بیلمسی آنجق اسرانک او مقداره بالغ  
 اولمسیه قابل اوله بیلیر. شمدی فذلکه ده تلف اولدیغندن بحث  
 اولنان سکسان بیک کشی اگر اسیرلره مقتوللرک مجموعی ایسه  
 او حالده دشمنک تلفات صحیحه سی اوتوز بیک کشیدن عبارت  
 قالیر. خطر رجعتی بر نهر عظیم ایله محدود اولان بر اردونک  
 ایسه انهمز ام حالنده تلفاتدن زیاده اسیر ویرمسی طبیعی حکمنده در.  
 بناءً علیه بو فرضیه احتمالات سائرده دن دها زیاده عقلاه یقین  
 کوریتور وفتحنامه ده خرسیتیانلردن یالکز طونه یی کچه بیلنلر  
 قورتلدینی بیان ایدلش اولمسنه نظراً بو مقدار کثرتیه برابر  
 بک ده مستبعد کورنمز. بوحاربه نک مخصوصاتنه کنجه فتحنامه ده،

اسرانك اعدام اولنديني فتحنامه دهدهخي مصر حدر . بويه  
اون بيك كشينك بردن اولديرلمسي واقعا پك دهشتلي كورينور .  
فقط شوراسني ده دوشونمك لازم كليركه او محاربه ده اسير  
اولدرمه كه شواليه لر باشلادي . حتى امان ويردكلري اسيرلري  
اولديرديلر . بوحالده ايسه اسراي حربك حيات و مماتي غالبك  
كيفنه تابع اولان برزمانده دكل، شو عصر مدننده بيله اسيريني  
اعدام ايدن بر اردونك افرادينه محاربدين زياده حيدود نظريه  
بايقاور وايستياورسه هيچ بر تعريضه اوغرائقمه زرين آندن  
طوتيلان اسيرلده اعدام اولنه بيلير .

في الحقيقه معامله قواعد حربيه يه مطابق اولسه ده مرحمه  
موافق دكلدر . آنجق شوراسني ده خاطر دن چيقارما مق اقتضا  
ايدركه بوفاجمه جنكيزياسانك تاثيراتنه مغلوب اولمش وحتى برده  
تيمور يتشديرمش اولان سگزننجي عصر هجري وقايمنددر .

هامرك افاده سندن اسيرلردن يكرمي بش كشيند ماعداسنك  
على العموم اعدام اولنديني آكلاشيليور ، اما بز م تاريخلر بو  
محاربه دن عثمانيليرك اننه پك چوق اسير كيديكندن، حتى تيمور طاش  
زاده اموربك يالكز كندى طائفه سنه ايكي بيك اسير دوشديكني  
مورخ عاشق پاشا زاده يه نقل ايلديكندن بحث ايدرلر . بويه  
امرادن برينك ذاته وياخاندانه منسوب اولان عسكر ايكي بيك  
اسيره مالك اولنجه اسيرلرك عمومي اون بيك كشي يه منحصر  
قاله ماز . ذاتاً طوتيلان اسرانك موجود اولميا نلري ده چفتجيك

کالنه و تعقیبک شدتنه نظراً دشمنک تلمغاتی بزم ضایعاتک  
 اوچ مثلندن اشغی اولدیغنه بلا تردد حکم ایدیله بیلیر .  
 اوروپا تاریخلرینک روایتنه کوره سلطان یازید بوجاریتک  
 اسراسندن یالکیز دوق دونه وور ایله یکریمی درت رفیقنه ، فدییه  
 بدلنده جانلرینی باغشلامش و سائر اسیرلرک چوچتلمغنه مرحمه  
 بر شهزاده نک نیازیه استئنا ایتدیکی شیلدی رکدن بشقه کافه سنی  
 اعدام ایتدیرمشدر . اعدام اولنان اسرانک مقداری اون بیکه  
 بالغ ایدی . هامردیرکه « مجار قرالی و ندیکک اعانه نامیاه  
 ویرمکده اولدینی ، سنوی یدی بیک دوقه یی بونلرک [دوق دونه وور ایله  
 رفقاسنک ] تخلیصی مقصدنده استعماله باشلادی . فرانسه و قبریس  
 قرالری ده بو باده کندیسنه اشتراک ایدرک تخلیص امرینی  
 تسریح ایچون قیمتلی هدیه لر ویردیله . قبریس قرالی لورنیادن  
 اون بیک دوقه آلتونی ایله غایت کوزل آلتون ایشلمه لی  
 بر قوطی ، فرانسه قرالی برطاقم طوغان ، آلتی حیوان یوکی  
 قرمزلی چوقه و اینجه کتان بزلی و اوزرنده بیوک اسکندرک  
 محارباتی نقش اولنمش کلیم کوندردی . و الخاصل ایکی یوز بیک  
 دوقه آلتونی بدلنده اسیرلر خلاص ایدلدی . سلطان یازید بونلری  
 صالیویردیکی سرده ده دوق دونه ووره « ویردیکک سوزدن ذمتکی  
 ابرا ایتدم بالعکس سکا یمین ویریررم که اگر ناموسک وار ایسه  
 سرعت ممکنه ایله ینه سلاحه صازل وخرستیانلرک موجود  
 اولان قوتتی علیهمه جمع ایله ! احراز شان ایده جک و سیاهلر  
 ویرمک قدر بنی هیچ برشیه ممنون ایده مزسک » دیمشدی .

بیك كشی یه بالغ اولمق لازم کلیرکه بزم اردو هاممرك دیدیکی  
 کبی یوز بیك كشی ده اولسه ینه ایکی طرفك مجموعی ایکی یوز  
 اون بیك كشی نی کچهمیه جك اولان بر محاربه ده یوز قرق بیك  
 كشی تلف اولمق احتمالك خارجنده در . بو سکسان بیك كشی  
 طرفینك تلفاتی ایسه ، مغلوب اولمش و شدتله تعقیبه اوغرامش  
 بر اردو البته دشمنك اوچ مثل تلفات ویره جکندن و نیکیبولی  
 محاربه سنده ایسه اسیرلر اعدام ایدلدیکندن سکسان بیك تلفانك  
 لااقل آلتمش بیکی دشمن طرفندن وقوع بولمق طبیعیدر . هله بزم  
 اردونك مجموعی ، ولوکه یوز بیك كشی اولسون ، آلتمش بیك  
 کشیننی شهید ویرنجیه قدر ثبات ایدوب ینه دشمننی بوزمغه  
 موفق اولسی او قدر فوق العاده بر قهرمانلقدرکه عثمانلیلر ده  
 اسناد اولنسه ینه بعید کورینور . یا هله خرسیتیانلر هاممرك دیدیکی  
 کبی آلتمش بیك کشیدن عبارت ایکن عثمانلیلردن موجودلرینك  
 یکونی قدر آدم تلف ایدکن صکره ینه فرار ایتدیلسه ارتکاب  
 ایتدکلی ردالت و جبانته دنائتک درکه سفلاسی عدولمق لازم  
 کلیر . حتی بزم دیدیکمز کبی یوز اون بیك كشی ایکن ینه عثمانلیلردن  
 آلتمش بیك كشی اتلاف ایتدکن صکره فرار ایتدیلسه  
 دنیاده هیچ بر قومدن صادر اولمامش درجه لده بر آچتمق ،  
 بر قورقافاق ارتکاب ایتمش اولدقلرینه حکم ایدک ضروریدر .  
 حقیقت حالده ایسه طرفینك مقدارینی طوغریجه  
 کوستره بیله جک الده بر روایت موجود دکلدیر . نهایت غلبه نك

نقطه نظر نجه قوصوه غلبه سندن آشاعی دکلدر . چونکه واقعا قوصوده دشمن عثمانلیلرک اوج مثل . نیکبولی ده ایسه بوچوق قاتی ایدی ، فقط بو محاربه ده دشمنک سواریسنی تشکیل ایدن شوالیه طاقی اووقتلر اوروپانک برنجی عسکری اولدینی کبی پیاده سنک اکثرینی ترکیب ایلین مجار عسکری ده اوراده بولنان اسلاو قوملرندن هم ده منتظم هم ده محارب ایدی ؛ بوفوائد معنویه عسکرک قوتنی تضعیف ایده جکی معلومدر . متفقینک رؤسای ده خرسیتانلق عالمنک اک ممتاز ارباب حربندن ایدیلر . بزم طرفک ایسه فی الحقیقه امراسنک ، عسکرینک اکثری او قهرمانلردن ، برطاقی ده اوقهرمانلرک اقرباسندن مرکب ایدیلر . فقط قوصوده مرادک ، بایزیدی وار ایدی ؛ نیکبولی ده بایزیدک مرادی یوق ایدی .

نتیجه ظفر ایسه قوصوه وقعه سنک فوایدندن بیله مهمدر . چونکه قوصوه محاربه سنده یالکز روم ایلی شبه جزیره سی اوزرنده بولنان خرسیتیان پرنساری عثمانلیلرک آناطولی یه دفعن دن امیددی کسمشار ایدی . نیکبولی محاربه سنده خرسیتانلق نامنه سلاح استعمال ایتمکه حال وزمانی مساعد بولان آروپا حکمدارلرینک عمومی ده اوامیددن فارغ اولدیلر . فذاکه ، بو محاربه ده سکسان بیک جان تلف اولدیغنی وهامر ایسه بعض خرسیتیان تاریخلردن نقل ایله عثمانلیلرک یالکز آلتمش بیک تلفاتی وقوع بولدیغنی بیان ایدر . فذاکه نک تاف اولدیغندن بحث ایتدیکی جان یالکز خرسیتیانلردن ایسه ایکی روایت قبول ایدلیدیکی صورتده طرفینک ضایعاتی یوز قرق

ثامناً هامرک افاداتنده شایان دقت بر ماده دها واردرکه اوده مجار قرالنک بو محاربه دن بر سنه اول طونه بی کهرک نیکبولی بی ضبط ایتش اولسی در . حالبوکه کرک هامر و کرک بشقه تاریخلر بر سنه اول مجارلر ایله دولت علیه بیننده اویله بر حرب وقوع بولدیغنه دائر هیچ برشی سویازلر . نیکبولی بی ضبط ایتک مسئله سی ایسه برکره ۷۹۳ سنه سنده وقوع بولمش و پادشاه افلاقه کیدرکن اوراسنی ینه استرداد ایتش ایدی . نیکبولی دشمن اننه دوشمش اولسه ایدی بالطبع محاربه صره سنده ینه دشمنده بولنسی اقتضا ایدر ایدی . چونکه قلعه نک اوچنچی دفعه فتح اولندیغنه دائر یالکز بزم تاریخلر دکل ، هامرده برشی سویلیور . بو حاله نظراً هامرک نیکبولی محاربه سندن بر سنه اول وقوعندن بحث ایتدیکی حرکت عسکریه بش سنه اول وقوع بولان و افلاق سفزینی دعوت ایدن تجاوزدن عبارت اولدیغنه اشتباه ایدلر .

ایشته نیکبولی صحرا سنده تقابل ایدن ایکی اردونک مقدار قوتی و صورت ترتیبه احوال حربیه نک تفصیلاتنه دائر الده بولنان روایات متعدده دن استخراج ایدیه بیلن خلاصه بوندن عبارتدر .

اوزمانه قدر استحصال اولنان موفقیتلر ایچنده بو ملحمه کبرایه یالکز قوصوه محاربه سی عدیل عد اولنه بیاور . نیکبولی مظفرتی بادی نظرده ظن اولنه بیله جکی کبی شان عسکری



Handwritten text, possibly a date or reference number, located in the upper middle section of the page.

Handwritten text, possibly a name or title, located below the first block.

A large block of handwritten text, possibly a list or a detailed note, occupying the middle section of the page.

Handwritten text, possibly a signature or a specific note, located in the lower middle section.

A horizontal line of handwritten text, possibly a separator or a specific instruction.

Handwritten text, possibly a signature or a name, located near the bottom of the page.

کتابخانہ  
۱۳

کتابخانہ

عربی زبان

عنوان کتاب

جلد ۱  
جزء ۱

استانبول

محمود حسن

۱۳۲۷

# کلیاتِ کتاب

ایکمی ترتیب

اسامی آثار

برنجی ترتیب

جلد ۷

۱۲ کتابدر

اسامی

غروش

اسامی

جلد	جزو	
۵	۲۵	[۱] عثمانی تاریخی
۲	۱۰	[۲] تاریخ اسلام
•	•	[۳] آثار برا کنندہ

ہر جزو ک فیثائی (۳) غروشدر

کتاب کتاب اولہرق  
برنجی ترتیب } ہر ایک آیدہ بر .

جزو جزو اولہرق ہر  
ایکمی ترتیب } اون بش کوندہ برنفر  
اولنہ جقدر .

ایکی ترتیب دہ برابر اولہرق صر سبلہ  
منتظماً طبع ونشر اولور .

۳	[ ۱ ] روان مدافعہ نامہ سی . . .
۵	[ ۲ ] قارہ بلا . . . . .
۲۰	[ ۳ ] مقالات سیاسیہ وادیہ ورؤیا
۱۰	[ ۴ ] وطن، کنہال، عاکف، زوالی جو جوق . . . . .
۲۵	[ ۵ ] اشعار کمال . . . . .
۱۲	[ ۶ ] جلال الدین خوارزمشاه . . . . .
۲۰	[ ۷ ] مکاتب خصوصہ دن برنجی جلد
۷,۵	[ ۸ ] اوراق پریشان مجموعہ سی .
۲۰	[ ۹ ] منتخبات محرات رسمہ . . . . .
۷,۵	[ ۱۰ ] جزی و انتباہ . . . . .
۲۰	[ ۱۱ ] مکاتب خصوصہ دن ایکمی جلد
۵	[ ۱۲ ] تعقیب و تخریب خرابات . . . رسالہ لری و سائرہ . . . . .

## ابونہ شرائطی

مقسطاً تادیہ ابدلک شرطیلہ ابونہ  
شرائطی


یکونی پشین اولہرق تادیہ ابدلک  
اوزرہ ابونہ شرائطی :

غروش  
۲۱۶ آرلر اداره خانہ دن آلفق و پشین اولہرق نام  
و تعاقباً ہر اوج آیدہ بر یادیشر لیرا تادیہ  
ابدلک شرطیلہ .  
۲۴۰ پوستہ اجرتدن مولائی تقسطلر ۶۰ غروش  
اولہرق پشین ۳ مجیدہ و ہر اوج آیدہ ۳ مجیدہ  
و بملک شرطیلہ اقامتکاهہ کوندرملک اوزرہ .

غروش  
۲۰۰ اداره خانہ دن آلفق شرطیلہ .  
۲۲۵ دوسمادت و ولایات و عمالک اجنبیہ ایچون  
پوستہ اجرتدہ داخل اولہرق اقامتکاهہ  
کوندرملک شرطیلہ .

بوجزؤک فیثائی (۳) غروشدر

طسمرہ ایچون پوستہ احرقتی ضم اولور .



بو اقدام فرانسزلردن صادر اولدی ایسه شان عسکر یلرینی ،  
 کندی کندیلرنده مندرج اولان افسانه لرندن زیاده اعلا ایدر .  
 چونکه بوروایت اصحاب هجومک جسارت فوق العاده لرینه برده  
 مهارت فوق العاده علاوه ایتمش اولیور .

سابعا بوغلبه صرب قرالک امدادیله حموله کلدیکنه دائر  
 خرسستیان مؤرخلری طرفندن ایراد اولنان روایاتده حربک  
 نتیجه سنی خرسستیانلر قزانه مدیسه شانی اولسون برخرستیان  
 فرقه سنه ویرمک مراقندن بشقه برشینه حمل اولنه ماز: صرب  
 قرالک بو محاربه ده سبب مظفریت اوله جق قدر خدمتی زرده  
 قالیر، حتی معرکه ده حضوری مسلم دکلدر . چونکه صرب لیلر  
 هانکی محاربه ده بولندیلر ایسه نه قدر خدمت ایتدیلر ایسه عثمانی  
 مؤرخلری هیج برینی کتم ایتمه مش ایکن بو حربده اسمارینی  
 لسانه کتور میورلر . مسئله ده ایسه سبب کتم اوله بیله جک برشی  
 کوریه مز، بالعکس اکر محاربه ده بولنش اولسه ایدیلر صرب لیلرک  
 اسلام اوزرنده کی محاربه لرینی لسان ستایشله یاد ایدن مؤرخلر  
 خرسستیانلره قارشی ایتدکلری خدمتی البته دها زیاده جسارتله  
 بیان ایدرلردی . بزه قالورسه قرال محاربه ده بولنش اولسه بیله  
 مجار اردوسی نیکبولی پی سکرکن صربستانی یغما و تخریب ایتمش  
 اولسنه نظراً بالطبع ایسه یارایه جق قدر عسکر کتورده مه مش  
 و اوجه ته اردوده مسافر حکمنده طوتیه رق محاربه یه قارشیدر یلماش  
 اوله جقدر .

شیلدیر کرکچی. آحاد ناسک روایاتندن طوبلا یه رق یازدینی سوزلری  
توهمات عامه عدادنده طوتمق طبیعیدر .

سادسا محاربه نك ، اوروپا مه أخذلرنده بیان اولندینی کبی  
فرانمزلرک ایلك هجومنده دکل غارا معیتنده اولان احتیاط  
فرقه سیله برابر اجرا ایتدکلری صوگ مهاجمهلرنده اهمیت بولمش  
اولدینی فتحنامه ده پک صریح کورینور . عقله موافق اولان ده  
بودر . چونکه غارانک فرقه سی او توز بیك کشیدن مرکب  
اولدیغنه وسائر فرقه لرک بقیه سیوفی بونلره قاریشه جغنه نظراً  
آرهمه کرچکدن عثمانیلری اشغال ایده جک و طالع حربی تحویل  
ایلیه بیله جک برقوت پیدا اوله بیلیر . بالفرض هامرک دیدیکی کبی  
بو فرقه اون ایکی بیك کشیدن عبارت اولسه بیله ینه اهمیتجه  
ایکی بیك فرانمزه نسبت قبول ایتمز .

سابعا احتیاط فرقه سنک زرهلی اولسی مناسبتیه کندیلری  
کبی زرهلی اولان آناتولی عسکرینه قاریشهرق رایت هایونه تقرب  
ایدنجه یه قدر دوستک دشمندن فرق اولنه مدیغنه دائر فتحنامه ده  
موجود اولان فقره صول جناحده بونان آناتولی عسکرلی  
بوزیلهرق مرکزله ایلدیکنی و بونلرک آرهمه ده بر طاقم  
دشمن قاریشهرق رایت هایون پیشکاهنه قدر کلدیکنی کوستریور .  
بزم تاریخار ایسه بونلردن برینک پادشاهک تا بواندینی محله  
کله رک اوزرینه کرز حواله ایلدیکنی روایت ایدیورلر . اگر

صاغ وصول جناحنه قارشى احراز ايدىلان غلبه منتهاعد اولمشدر. حقيقت حالده بويوله اولمق لازم كلير. چونكه فرانسه شواليه لر ينك صولتنه دائر هاممرده كوريلان رواياتك بزم لندها افسانه لر نندن يك ده فرقى يوقدر. بوزلر يالكوز بيك آتلى ايله بيك اوشاقدن مركب اولدقلىرى حالده عزبلرى، يكيچريلرى، سپاهيلرى بربرينى متعاقب پریشان ايدىيورلر، اون بش بيك كشى اولدرييورلر. تاپادشاهك بولنديغى يره قدر وارييورلر. اوراده بشقه براردويه تصادف ايدنجه بردن بره قيزوبده راست كلنه سالدقدن صكره بردن بره اوركهرك كوزينتك كوردىكى يره قاچان ديوانه لر كبي آله بيلديكنه فرار ايدىيورلر! انسان بيلديكمز انسان ايسه اللهك او جنس مخلوقندن بودرلو حركت صادر اولماز. ايكي بيك كشى نه قدر جسور، نه قدر ماهر اولسه سلاحلى مساوى وا كثر افرادى زرهلى اولان بر اردودن اون بش بيك كشى اولدورمكه هيچ بر وقت هيچ بر صورتله مقتدر اوله ماز.

خامسآفتحنامه دن آكلاشيلان برديكر مسئله ده مجار اردوسنك صاغ وصول جناحلى هاممرك ديدىكى كبي فرانسه زلرك عودتى كورركن ميرجه ايله لازقويكك خيانتيله دكل، عثمانلى قهرمانلرينك هجوميله بوزلمش اولسيدر. دنيا ده همان نه قدر مغلوبيت وقوع بولمش ايسه عوام طر فندن برخيانته عطف اولنه كليور، بو حاله كوره فتحنامه ده عثمانليارك صاغ وصول جناح ايله اوغراشدىغى وحتى بوزنجه يه قدر برطاقم شهيدلرده ويردىكى مصرح ايكن هاممرك

قدر تکثیرده اختیار ایتدیکی مسلک دشمن عسکری ده نصفه  
تزیل ایتمش اولسنه دلیلدرکه بوحالده دشمنك آنك افاده سندن  
استنباط اولنان مقداری فتحنامه نك تعیین ایتدیکی کبی یوز بیك  
کشیدن زیاده اولور. حال بوکه بزم عسکرک هامرک استنتاج ایتدیکی  
کبی یوز بیك کشی اوله بیلمسنه ده احتمال ویریله من: عثمانلی، صاروخان،  
آیدین، منتشا، کر میان، تکه و حمید عسکرندن مرکب اوله رق  
سلطان مرادک قوصوه یه کتوردیکی التمش بیك کشی یه سلطان بایزید  
قرمان و قسطنونی و سیواس طرفلرنده ده اون بش بیك کشی علاوه  
ایده بیلدی ایسه اردوسنی یتمش بیك کشی یه ابلاغ ایتمش اولورکه  
بوده محاکات تاریخیه جه قبول اولنه بیله جک ممدارک خدمتها سیدر.  
سلطان بایزید ایله انقره محاربه سنه کیدن عسکرک مقداری ده آتی  
اثبات ایدر.

ثالثاً فتحنامه ده نیکبولی قلعه سنك استحکامنده، ذخیره سنده  
نقصان اولمدینی و دشمنك حر به حاضر بولندینی ده طوغان بکدن  
خبر آلندینی تصریح اولنیور بونده پادشاهک بالذات کندیکنه دائر  
بر اشارت یوق ایسه ده نه واسطه ایله خبر آلندینی ده بیان اولنیورکه  
بوصورت پادشاهک قلعه یه تقر بنده کوستردیکی جسارت قهرمانی یه  
دائر تاریخلرده ایراد اولنان روایتی بر درجه یه قدر تأیید ایدیور.  
رابعاً فرانسه شوالیه لرینک هامرده اوزون اوزون توصیف  
اولنان برنجی هجومی فتحنامه ده اسانه بیله آلتامش و محاربه نك برنجی  
فصلنه اورنوس بکک طایعه دن اجرا ایتدیکی هجوم مبدأ و دشمنك



ایسه یالاتینا نه لکتوری « غارا » اوله جقدرکه فتحنامهده یازیلان اسمک اولکی حرفلریله اصل اسم آره سنده بدرجه یه قدر مشابته اولدقن بشقه فتحنامهده پوصوده کی دشمن عسکری انک قومانداسنده بولندیغی وهامرک روایتنده ایسه محاربه نك نوبت ثانیه سنی بو آدم ایله رفیق هرمان سبیلنک اداره ایتمش اولدقلری بیان اولنیور .

ثانیاً بزم تاریخلرک روایتنجه دشمنک قوتی یوز او توز بیک وهامرک شیلدیرکردن نقل ایتدیکی روایته کوره التمش بیک کشی اولیور . حال بوکه فتحنامهده بو مقدار یوزاون بیک کشی کوسترلمشدر . بر ملتک افعال عظیمه یه مصدر اولدیغی زمانلرده او افعالی بر قات ده ااعظام ایتسنده حد ذاتنده لزوم وطبیعت بشرده میل اولدیغندن ده ابایزید دورلرنده مبالغات ایله ظنره فروشلق ایتمه کسان رسمی آلتشامش ایدی . بناءً علیه فتحنامه مستشهدات تاریخیه دن عد اولنور . هامرک مأخذی اولان شیلدیرکر ایسه او محاربهده اسلام انه اسیر دوشمش وچوجوق اولدیغی ایچون اعدام اولنماش بر خدمتکار ایدی . بناءً علیه حکایاتنه عوام سوزلرندن زیاده بر حکم وقوت ویریه من .

بزم عسکره کلنجه : هامر ، شیلدیرکرک آنی ده ایکی یوز بیک کشی یه ابلاغ ایتدیکنی بیان ایله مقدار صحیحندن ایکی قات تزید ایلش اولدیغی سویلر . شیلدیرکرک بزم عسکری ایکی مثلی

هایونه قریب اولمشلر ایدیلر . دشمنك عسکر آرسنه دخولی  
آندن صکره آ کلاشلدی وهرظرفدن هجوملر ایدیلهرک یاقه یاقه  
اوغراشلدقن صکره خرسیانلر پریشان ایدلی . ایچارندن  
یالکز قرال ایله طونه بی کچه بیلنار قورتلشدر .

شمدی بو اوچ روایت بریره کتیریلنجه اولای ایکی اردونک  
قوماندانلری کیمار اولدینی وهانکی جهتلرده کیمار بولندیغی  
آ کلاشیلور . اسلامک ترتیباته فتحنامه هایون ، خرسیان  
ترتیباتهده هاممک افاداتی کافدر . یالکز فتحنامهده خرسیان  
اردوسنک ایکی فرقهیه منقسم اولهرق بری میدانده ، بری پوصوده  
بولندیغی و میدانده کینک قوماندانی اشطواتور نامنده برپاس  
پوصوده کی فرقه نک قوماندانی ده قرنجیل نامنده بر آدم اولدینی  
مصرحدر . هامر ایسه اردونک بصورتله ایکیه انقسامی بیان  
ایتمور . فقط آنک مأخذلری ، هپ فرانسر لره هیج بر عسکر لکه  
وقوفی اولیانلر طرفندن حجار وفرانسر شوالیه لرینک شجاعتندن  
برفسانه قهرمانی ترتیب ایتمک ایچون یازلمش شیلر اولسنه نظراً بو  
ترتیبدن آنلرده بحث اولنماسی ، محاربه بی نظر خصم افکنیه بالذات  
مشاهده ایتمش اولان ییلدیرم بایزیدک فتحنامه سنده کی روایتی اضعاف  
ایده مز . متفقین امراسی ایچنده توتونیق غران پریوری اولان هو  
هنزولرن قوتی فردریقدن بشقه پاپاس اولدیغندن وانک رتبه وحیثیتی  
ایسه قراله تابع اولانلرک جمله سنه فائق بولندیغندن اشطواتور نامیه  
یاد اولنان پاپاسک یوزات اولسی لازم کلور . قرنجیل دینیلن آدم

اولمامله برابر بونلرك بر درجه يه قدر نواقصنى اكال واختلافاتى توفيق ايلديكندن و خصوصيله بعض خطائرنى ميدانه قويد يغندن آنكده مائى زيرده تلخيص ايلدك .

بوروايته كوره عثمانلى اردوسى بالذات پادشاهك زير اداره سنده اولدينى حالده نيكبولى يه حركت ايلديكى صروده اورنوس بكده طليعه يه تعيين اولمش و سلطان بايزيد نيكبولى قلعه سنك استحكام و ذخيره سى يرنده اولدينى و دشمنك ايسه اسلامه مقابله نيتنده بولندينى محافظ طوغان آغادن خبر آلمش ايدى . اردونك طليعه سنه اورنوس بك و صاغ جناحنه شهزاده سليمان شاه و صدر اعظم على پاشا و روم ايلي بكار بكيلى فيروز بك و مالتوج بك و تيمور طاش بك و وصول جناحنده شهزاده مصطفى چلبى و آناتولى بكار بكي تيمور طاش پاشا و قره مان بكارندن محمود بك و طورخان بك و بشير بك و طاهر بك مأمور ايديلر . اورنوس بك محاربه يى كشاد ايدرك دشمنله اوغراشدىنى صروده صاغ وصول جناحلرده هجومه باشلاش و قرالاك وزيرى مثابه سنده اولان اشتواطور نامنده برپاياس معيته اوله رق سكسان بيك كشيدين زياده بولنان دشمن اردوسنى پوسكورتمش ايدى . بوسروده قرالاك قرنجيل نامنده بر سردار معيته كمينده بولنان اوتوز بيكدن متجاوز عسكرى ميدانه چيقارق وايكى طاقكده زرهلى اولسى جهتيله آناتولى عسكردن فرق ايديله مدكارى جهتله آنلره قاريشه رق ايلرى يه طوغرى كيتمكده اولان رايات

کیریسنده مجارستان اردوسی صف حرب اوزرنده طورمقدمه  
ایدی . استپان لازقویک صاغ جناحك ومیرچده افلاقلیلردن  
مرکب اولان صول جناحك قومانداسنده اوله رق قلبده اوستریا  
وباویرایلرله قرال سیغیز موند بولمقدمه ایدی . مجار اردوسنك  
صاغ وصول جناحلی فرانسزلك عودت وهغلوبیتنی کورنجه  
فراره باشلادیلر . سیغیز مونده عداوت خفیهسی اولان  
لازقویک ایله خائن متفقلردن میرجه معیتلرندهکی عسکرله  
بر طرفه چکلیدیلر . یالکیز باویرایلرله اوستریالیلر مجار قرالی  
محافظة ایدی . فرانسزفراریلرله برلشدکدن صکره اون ایکی بیک  
کشییه بالغ اولمش اولان باویرا اوستریا شوالیهلری ترکار  
اوزرینه هجوم ایدهرک یکیکچریلری رجته مجبور ایش و سیاھی  
صقلینده پریشاناق ویرهش اولدقلری صرده بایزیدک متفقی  
اولان صرب قرالی بش بیک کشی ایله پادشاهک امدادینه  
شتاب ایدهرک غلبهیی تقریر ایشدر . مجارقرانک معیتنده اولان  
فرقه بتون بتون محو اولدی باویرا اوستریا شوالیهلرینک اکثری ،  
بیراقلرینی مدافعه ایدهرک فدای جان ایتدیلر . بو شوالیهلرک  
قوماندانی اولان هرمان دوسیلی ایله «شانلن دونورم برغ» کندی  
وجودلرینی سپر ایدهرک قرالی قارغشلق آره سنده قوزتاردیلر  
وطونه اوزرنده بولنان برقایغه آتدیلر ، خلاص ایلدیلر .»

سلطان بایزید طرفندن ممالکه ارسال اولنان فتحنامه ایسه  
بو ایکی روایتدن استغنا حاصل ایدهرک قدر تفصیلاتی حاوی

براز دیکانمک و پیاده‌نک و رودینه انتظار ایتمک اوزره سیردوقوسی و آمیرال ژان دووین طرفدن ویریلن رأیی قبول ایتمش اولسه ایدیلر غلبه فرانسزلرده قاله جنی درکار ایدی ، فقط فرانسنزلر سوق غیرت و شجاعته اردونک بقیه سنی محو ایتمک امیدینه دوشهرک سوارایی تپه اوزرینه قدر تعقیب ایتمدیلر . اورایه وارنجه قارشیلرنده بر اورمان کبی قرق بیسک قارغی طور مقده اولدیغنی کوردیلر . بوقوت ایسه یازید عسکرینک منتخبلری ایدی که اوزمانه قدر یرندن حرکت ایتمه مش و پادشاهک حضوریه بر قاتدها غیرت بوله رق دشمنی قبوله حاضر بولنشدی . خرسیتیانلرک غیرتی آرزمان ایچنده خوف شدیدله تحویل ایده رک قاجغه ؛ طاغلمغه باشلادیلر . بوصرده ایسه تکرار انتظام آلتنه آلتمش اولان ترک سوارایی خط رجعتلرینی قطع ایلدی . مهاجمه شدیدله قارشیسنده وانتظامسز محاربه ایتمک مجبوریتنده بولندقلری کبی هر طرفلری ده محاط اولدیغندن بودفعه ده فرانسزلر جای سلامت تحریسنه باشلادیلر . آمیرال ژان دووین اطرافنده بولنان اون ایکی شوالیه یه « ناموسمزی فدا ایده رک جامزی محافظه ایتمکی بزه اه کوسترمسون ، یامدافعه ایتملی یا اولملی » دیهرک عثمانیلر اوزرینه هجوم ایلدی ، یاننده بولناتنلره برابر کافه تلف اولدیلر . دوق دونهور رفقای سلاحنک ممتازلرندن یکریمی درت کشی ایله برابر اسیر اولمشدی که هانزی دوبار وسیردوقوسی ولاتراموی بو اسیرلرک آرسنده ایدیلر . فرانسزلرک بیسک آدیم

ایله آمیرالک رأی صورلدیغندن طولایی سیغیزمونده بر لسان شکایتله فرانسه سواریمی هیچ بروقت محاربهده محار پیاده سندن کیرو قلمیه جغنی بیان ایدرک شان موقعک فرانسه لرله ترک اولنمی رأی کر میء تام ایله تأیید ایلدیلر. بوسوزلر فرانسه کنجارینک کافه سی طرفندن آلتشارله تأیید اولندی. آرزمان صکره فرانسه لرله نخوت مجنونانه سی وحشته تحول ایدرک شوالیه لرک عثمانیلرله قارشو استیصال ایلدکلری اوفاق تفک بعض غلبه لر کندیلرینی بر درجه یه قدر مست ایلدی که ویردکلری سوز اوزرینه کندیلرینه تسلیم اولمش اولان ترک اسیرلینی اعدام ایتدیلر. بوپهوده غدارلغک براز صکره جزاسی مشاهده اولمشدر. « بومقدمه خونریزانه دن صکره نتیجه سی خرسیتیانلر ایچون فوق الغایه منحوس اولان محاربه یه باشلانندی. ترکلرک عنز بلردن مرکب اولان طلیعه سی فرانسه آتلوسنک مصادمه شیدیه سنه مقاومت ایدمه یه رک سهولتله پریشان اولمشدی. یکیچیریلرک بیله صفلی طاغیدیلهرق کندیلری فراره اجبار ایلدی. میدان محاربهده اون بیک قدر ترک جنازمه سی قالمش و برنجی اردونک بقیه سی امدادلرینه مسارعت ایدن سپاهی آلایلری آره سنده بر جای نجات ارامغه باشلامش ایدی که فرانسه سواریمی بو ایکنجی صفکده اوزرینه هجوم ایله برطرفدن برطرفه کچرک هر صورتله منهزم ایتمش و بش بیک کشیده اولدیرمشدر. اکر حیوانلری دیکلندیرمک وصفلی تنظیم ایلک اوزره

وغرورلرینی او قدر ایلو و کتوردیلر که کوه یوزی دوشه چک اولسه مزارا قار مزله طوتارز، دیه کدن چکنم دیلر. بایزیدک کندی رجحانه اعتمادی محق اولدیغندن « یقینه حیوانه روما کلیسا سنده میره جکم » دیمسی او درجه لرده نخوتلی صایله ماز .

« نیکبولی محافظی برمدافعه جسورانه ایله دشمنی او یالامقده ایکن بایزیدتدارکنی کوره رک نهایت سرعت و حرکتی دشمندن اخفا ایده چک بر مهارتله نیکبولی به آلتی میل قدر تقرب ایلدی . متفقین اردوسی عثمانلیرک بو درجه تقریبی بالتصادف او کارندن فرار ایدن برقاچ یغما کردن تحقیق ایتمش ایدی . ترک کشف قولاری یعنی عزب عسکری صحرا یه طوغری یا یلغه باشلادقاری زمان ایدی که خرسیتیان کنجلری کافه سی علی العجله عشرت و قار سفره لرینک باشندن قالقهرق سلاح باشنه شتاب ایستیلر . قونت دونه ور محاربه صره سنده شان موقعی اولان برنجی صفده فرانزلرک بولمنسی ایستدی . مجار قرالی ترکارک اصول حربی و آکا مقابل اختیاری لازم کلن ترتیبی لایقیله بیلدیکندن ترکارک بو انتظام سر و فنا سلاحلی عسکرینه مقابل خفیف عسکر کوندریلرک منتخب عسکرک یکینچری و سپاهی یه قارشو صافلانسی ده خیرلی اوله جغنی اخطار ایتمش ایدی . سیر دو قوس ایله آمیرال ژان دووینده قرالک رأینی تأیید ایستیلر . فقط « قونه تابل » ایله مارشال شجاعترینه علی العمیا مغرور اولدقلرندن و مسئله کبزلرینه طوقوندیغندن کسندیلری موجود ایکن « دو قوسی »

اولدینی حالده نیکبولی جوارنده اجتماع ایدرک قلعه بی هم قره دن  
همده طونه طرفندن تضدیه باشلادی . قلعه محافظی طوغان بك  
بایزیدك یقینده اولیه بر موقع مهمه امداد ایده جکندن امین  
اوله رق مهاجمات واقعه یه کمال شجاعتله مقاومت ایتمکه ایدی .  
طوغان بك بو صورتله وقت قزاقغه چالش دینی سرده متفقلر  
و خصوصیه فرانسزلر قوت و غلبه لرینه مغروراً اردولرده برابر  
کلان فاحشه لرله عشرت و سفاهته و تف وجود ایتشار ایدی .  
بایزیدی کمال استحقار ایله یادیدرلر و هیچ بر وقت بوغاز ایچندن  
بری کلمکه جسارت ایده میه جکینی سویلرلر ایدی . بو آدم لک  
شجاعتلری درجه سنده اولان استحقارلری یالکیز دشمنلرینه  
منحصر دکلدی ؛ معاونت ایچون کل دکلری متفقارده استهزلرن دن  
خلاص اوله مازلردی . امنیت و غفلت لری بر درجه ده ایدی که  
کوندر دکلری سواریلر عودت ایدوبده ترک اردوسنک اون میل  
مسافیه قدر تقرب ایله یکنی خبر ویر دکلری زمان اینا نمادیلر .  
حتی مارشال بوسیتو اردوسنه کاذب خبرلرله ولوله ویر دکلرندن  
طولانی قولاقلرینی کسه جکندن بختله سواریلری تهدید ایتشدی .  
اردوده بولسان بو تمایلاتک نتیجه سی بالطبع اختلال و فقدان  
انتظام اولدی . خرسیتیان رؤسائک مسلمانلر حقنده کی استحقاری  
مخاربه جه قطعی الزوم اولان بر طاقم احتیاطلرده بیله اهمال لرینی  
موجب اولاشدی . اردوده بولندقلری وقت قره غول تعیینه  
وایلری کیت دکلری زمان کشف قولی ارسالنه تنزل ایتدیله . کبر



واك اختيار جنراللرندن سیر دوقوس ایله ( کوی دوتره موی )  
 و ( روا ) و ( سن پول ) و ( مونترول ) ناملرینی دخی ذکر  
 ایتک لازمدر . آلمانیدان کچدکلری سرده هوهنزولرن قوتی  
فردریق و ( توتونیک ) دینیلن شوالیه سنفنک ( غران-  
 نه کیور ) ی یقینده بولنان بر چوق ( سن ژان ) شوالیهسی  
 ردوسدن کلش اولان ( غران مه تر فلیبر دونیلاق ) بو منتخب  
 فرانسه سواریارینه التحاق ایلدیلر . بولردن بشقه باویرا، آوستریا  
 سواریاری دخی بکلریله برابر مجارستان اردوسنک معاوتنه کلدیله .  
 افلاق عسکرینی ایسه بالذات میرجه کتیرمش ایدی .

« ۱۳۹۶ سنهسی پاستالیاسنه طوغری خرستیان اردوسنک  
 رؤسası ویانده بر مجلس عمده ایدهرک طونه دن یتمش سفینه ایله  
 شراب و ذخیره سوق ایتدیله . مجاراردوسی صربستاندن گذار  
 ایدهرک اورالری فناحاله غارت ایلدی . فرانسه سواریارلی ایسه  
 ترانساولانیا و افلاق جهته کچمشلر ایدی . قرال سیغیز موند  
 تیمور قپودینیلن بوغازدن کهرک بلا محاربه تسلیم اولمش اولان  
 و دینه اوچ یوز بحافظ اقامه ایتدی . خرسوه بش کون شدتله  
 مقاومت ایتمش و نهایت سکنه سندن اولان خرستیانلرک عصیان  
 و معاوتنیله مجارلرک الیه دوشمش در . اورایده اردونک خط  
 رجعتی محافظه ایتک ایچون ایکی یوز آدم بر اقلدی . راقو هجوم  
 ایله آلندی و مستحفظلری ترک سلاح ایتمش اولدقلری حالده  
 اعدام اولندیله . متفقین اردوسی آلتش بیک کشیدن مرکب

حرب تحمق ايتمش ايدى . سيغيز موند دشمنك قوتجه اولان  
 تفوقندن احتراز ايله يالكز مجاورلرى ايچنده دكل ،  
 ملكنه اك اوزاق بولنان خرستيان حكمدارلرى آرهسنده بيه  
 متفق تحريسنه ابتدار ايله قنيزه بكي نيتوله يي فرانسه يه كوندردك  
 آلتنجى شارلدن استمداد ايتمش وافلاق ويوه دهسى ميرجه ايله ده  
 اسكى اتقافنى تجديد ايتمش ايدى . بو ميرجه مجارستانه تابع  
 ايدى . فقط بر قاچ سنه دن برى دولت عليه يه ويركو ويرمكه  
 باشلامش ايدى . سيغيز موند تداركاتى اكمل ايدرك اميد وار  
 موفقيت اوله جق بر حال ايله محاربه يه ابتدار ايد بيه جكنه حكم  
 ايدنجه طونه يي كهرك نيكوله يي ايكنجى دفعه اولمق اوزره جبر  
 وقهر ايله آلمشدى . دها بو محاربه ده مجار صفارينك ايچنده  
 بش آلتى يوز فرانسر شواليه سى بولنمش ايدى . بو امداد كافى  
 اولمديغندن ايرتسى سنه فرانسه قرالى مجار حكمدارينك امدادينه  
 بيك قدر خدمتكارلريله بيك شواليه وبش بيك ده اجر تلى  
 عسكر كوندردى . بو عسكرلر فرانسه قرالئك عم زاده سى  
 اوله رق صكره لرى قورقماز ذات عنوانى آلان واوزمان يكرمى  
 ايكي ياشنده بولنان قونت دونه وورك ريلست عموميه سى آلتنده  
 اوله رق اوچى ده قرالئك اقرباسندن اولان بوربون دوقه سى  
 ايكنجى ژان و هازرى دوبار و فليب دوبار ايله فليب دارتوا،  
آميرال ژان دووين و مارشال بون سيفو مشار اليه ك معيتنده  
 ايديلر . بو عسكرك ايچنده بولنان ذواتدن خرستياناغك اك ماهر

احتیاطده قالدیغنی تفرس ایدهرک کندی اردوسنک بر نصفنی کینه قویمشدی . میدانده برلنان عسکر نهایت درجهده شجاعتمه حرب ایتمکده ایکن دشمن احتیاط عسکرینی ده میدانده چیقاردی . بوامداد اوزرینه متفقلر غیرتلندیلر ، هجوملرینی تشدیدایتمکده باشلادیلر ؛ عثمانلیلر ایسه دشمنک بر نلئی قدر اولدقلری جهتمه مقاومتن عجز ترتب ایدنجه پادشاه، اردوسنک کمینده بولنان دیگر نصفیه معرکهیه مواصلت ایلدی . دشمنارک جان باشنه صجرادی ، کمال یأس ایله هجوملرینی بر درجهیه کتوردیلرکه بر قاچ سواریمی پادشاهک بولندینی محله قدر واصل اولدی حتی ایچلرندن بری بیامیهرك آرقه دن بر کرز اوردی ، سلطان بایزیدی آتندن دوشوردی . دائرة همایون خلقی ضرب شمشیر ایله دشمنی دفع ایتدیلر ، پادشاهه آتیتشیدریلر ، حادثه نی عسکره سزدریمدیلر . سلطان بایزیدایسه بوضربه تعدیدن فوق الغایه غضبنک اوله رق کوستردیکی مثال قهرمانی ایله عسکرک مهاجماتی بر قات دها تشدید ایلدی . هر طرفدن صولته باشلایان عثمانلی دلاورلری اوغراشه اوغراشه دشمنک یوزینی چویردیلر . خرسیتیانلرک تیرکشلرنده اوق ، وجودلرنده قوت قالمامشدی . بو صورتیه مدافعه دن ترتب ایدن عجزلرینه مبنی پک زیاده تلفات ویردیلر ، میدانده پک چوق اسیر بر اقدیلر .

هامر ، نیکبولی محاربه سی حتمنده خرسیتیان مؤرخلرینک روایاتی خلاصه ایدهرک وقعه نی شو یولده تصویر ایدر :

« پادشاه ایله مجارستان قرالی سیغیز موند آردسنده ظهور

طوغان بك برقاچ دقیقه ایچنده سرور و حیرتیه غلبه ایدرهك پدشاهه سسس ویردی . پادشاه کندیسيله محاورهیه باشلایهرق قلعه نك استحکاماتنده بوزوقلق ، ذخیره سنده نقصان اولمادیغنی ومستحفظلرینك موته توطین نفس ایلدکارینی تحقیق ایتدکن صکره کری دوندی ، کلدیکی کبی بالکیزجه اردوسنه عودت ایتدی . دشمن عسکرندن برقاچ کشی پادشاهك طوغان بك ایله محاوره سنی طویمش واورادن آیرلدقن صکره تحری و تعمینه قیام ایتمش ایدلر . فقط تصادف ایتدیروبده برشی یاپه مادلر .

بایزیدك بو جسارتی طور عتقك خارجنده کورینور : اردو ریاستنده بولنان برپادشاهك ، نتیجه سی ملتک حیات و ممانته تعلق ایده جك بر محاربه یه حاضر لاندیغنی صردهه نفسنی بویله بر مخاطره عظیمه یه القا ایتسی اك شدتلی تعریضره شایسته عد اولونه بیایر ؟ فقط شوراسی ده محققدرکه علویت دینیلن الهی امتیازك آتاری بویله استدالات عادیه ایله ویریان حکم لره مغایر چیقیور . ملت قور تارمق ، دولت احیا ایتك ، جهانگیرانه فتوحاته ، جهانداورانه کمالاته مظهر اولمق کبی افعال عظیمه هپ صون قدرته ، حکم تقدیره بودرجهده متوکلانه تسلیم حیات ایدرهك محالاتی دائرة امکانه کتورمکله اوغراشانلردن صادر اولیور .

ایرتسی کون که ۷۹۸ صفرینک اون برنجی جمعه کونی ایدی ، طرفین یکدیگرینه تقابل ایلدی . پادشاه موقعک حالندن ویا بشقه درلو اماره لردن دشمن اردوسنک قوتلی بر فرقه سی

سلطان بایزید کرک دشمنک کرک قاعه‌نک حالندن بر خبر  
 آلمغه موفق اوله‌مادیغندن طولای پک فنا صیقلمشدی. اورنوس  
 بک کبی اردوسنک اک تجربه‌لی، اک ماهر برضابطنی عاجز براقان  
 بر خدمته تعیین ایده‌جک کیمسه بوله‌مادی. استخبار حوادث  
 تشبته بالذات عزم‌ایده‌رک توابعندن هیچ کیمسه‌یه خبر ویرمکسزین  
 کندینه مخصوص اولان عزم قهرمانی ایله سلاحنی قوشاندی،  
 آتسه بپندی، کیجه وقتی دشمن قره‌قولاری آرسندن مخیر  
 عقول اوله‌جق بر مهارت و جسارتله کچرک بر تپیه چیقدی،  
 قلعه‌یه صوقلیدی «بره طوغان» خطابیله خدمت محافظه‌سنده  
 اولان طوغان بکی چاغردی. بالتصادف قلعه‌نک او جهتنده  
 اولان طوغان بک، بونجه ملاحم شان و حمیتده هادی ظفر  
 بیلدیکی او صدای مهبی ایشیدنجه پادشاه اولدیغنی همان ادراک  
 ایلدی. بر اردونک ایچندن بی پروا کذار ایده‌رک اورایه قدر  
 کله بیلیمک ذاتاً پادشاهدن بشقه کیمسه‌نک یامغه‌دکل، حتی دوشونمکه  
 جسارت ایده‌بیله‌جکی شیردن اولدیغنی طوغان بک نزدنده معلوم  
 ایلدی. یوز بیکدن زیاده دشمنک حصر و تصدیق ایچنده بر اوفاق  
 قلعه‌نک محافظه‌سیله مشغول بر حمیتی عسکرک هر درلو امداددن  
 مأیوس حتی اسلام اردوسنک او جواره ورودندن ییخبر اولدیغنی  
 حالد پادشاهنی بر قراکلق کیجه‌ده سمان نازل اولمش بر ملک  
 نصرت کبی قلعه جوارنده کورورسه نه حاله کله‌جکی پک قولای  
 تصور اولنه‌بیلیر.



پادشاهك بو عزيمتنده وقوع بولان ملحمه كبرانيكبولى  
محاربهسى ناميله ياد اولنوركه دور ظهورك اك شانلى اك بيوك  
مظفريتارندن بريدو. بو محاربه نك برقاچ درلو تعريفاتى اولديغندن  
وهى برنده ديكرينه بعض مرتبه مفايرتله برابر بر طاقم تفصيلات  
زائد و بر طاقم وقوعات ناقص بولنديغندن توفيق و مقايسه لرندن  
اولدقجه مكممل معلومات آلنه بيلمك اچون هر روايتى آرى  
آرى ايراد ايلدك :

تاريخكارك ادريس بتليسى ونشرى مأخذلرندن نقل ايلدكارينه  
كوره ياديرم بايزيد دشمن اوزرينه كيتديكى سرده اورنوس  
بكي ديل آلق اچون ايلرى كوندرمش ايدى . امير مجاهد  
دشمن قره قوللاريله اوفاق بر محاربه ايدهرك ايكي اسير طوتدى  
وبونلرى پادشاهه كوندرديكى سرده اردوسنك وصولانى ده  
تعجيل ايلدى .

پادشاه نيكبولى جوازينه كلدكدن صكره اورنوس بكي تسكرار  
بر ايكي اسير طوتمق ويا محصور اولان نيكبولى قلعه سندن خبر  
آلق اچون مأمور ايتمش ايدى . اورنوس بك بو امرى اجرا  
اچون الندن كلن تدابيرك صرفنده قصور ايتدى ؛ فقط  
خرستيان اردوسنك كترتندن وحسن انضباطى جهتيه يانسه  
تقريبك امكانلرلغندن بشقه برشى اوكره نهدى .

اوغرامقله عنمبندن فارغ اوله جق فطرتده یاراداش اولدیغندن اصرار ایتدی ، ایمراطورك استیانلرینی ، استرحامارینی قبول ایتمهرك آلتی آی قدر محاصرده دوام ایلدی . فقط طونه طرفندن مجازلك تجاویز اوزرینه فریادجیلر دوکولمکه باشلادیغندن چارهسز استانبولك ضبطنی ایاری یه تعلیق ایتدی . یابدینی منجینقلری احراق ایدهرك اردوسنی قالدیردی ، دشمنك مقابلهسنه شتاب ایلدی .



توفیقاً تنیدن اولان سرعتمدن بوسفرده ده استفاده ایتک ایستدی، همان حاضرلاندی، ادرنه یه عزیمت ایتدی. مرادی مجارستانه خبر وصولندن اول طلیعه سنی ایرشدیرمک، اردو باصار کبی کشور باصمق ایدی. صکره دن متفقلرک حاضرلنمقده، تجاوزده کوستردکلری بطائنه نظراً آکلاشیلورکه اکر روملرک خیانتنه اوغراماسه بو املنی اجرا یه ده موفق اوله جقدی.

پادشاه ادرنه ده ایکن روملرک بر جاسوسی طوتلدی. کندی ایچون طوغری سویلدکجه نجاته امکان اولدیغنی آکلاینجه مجار قرالنه عثمانلیرک حرکتنی اخبار ایتک ایچون روم ایمراطوری طرفندن تعیین اولندیغنی وکندندن اول اوچ جاسوس دها کوندردیکنی اعتراف ایادی.

سرمایه حیاتی عثمانلیرک مرهمتمندن عبارت اولان ایمراطورک پرده خفا آلتندن اجرا ایلدیکی خیانت پادشاهی نهایت درجه ده غضبناک ایتش ایدی. سلطان یازید بو حدتله مجارلرک تنکیلندن اول استانبولی ضبط ایلک آرزوسنه دوشدی. برکره ده ارباب دولته مشاوره ایدوبده عسکرلکنه، حمیتنه هرکسندن زیاده اعتماد ایلدیکی تیمور طاش پاشایی کندیسویه هم فکر بولنجه استانبول سفرینی بتون بتون قرارلشدیردی.

۷۸۷ ربیع الاولنک سکرنجی بازار ایرتسی کونی اردوسیه ادرنه دن استانبول اوزرینه یوریدی. اوزمانلر حکمنجه استانبولک فتیحی محال درجه لرنده مشکل ایدی. مع مافیله پادشاه صعوبته



سوئيلدكاري كېي مأخذردن معدود اولان نئسرى بو ايكنجى فتحى ده انكار ايدر . فقط هشت بهشتك صحت روايتى اوروبا تاريخلرينك ده تصديقيه ثابتدر . حتى هانمر سالانيكك بوقجى صره سنده عثمانلى كميلرينك خرسيتيان سفاين مجتمعهسى اوزرينه برده غلبه احراز ايتمش اولديغندن بحث ايدر .

پادشاه سالانيك ايله اطرافنى ضبط ايلدكدن صكره ييكشهرى ده تسخير ايتديرمشدر كه بوسنه نك وقايع حربيهسى آنكاه ختام بولمشدر .

اوروبا تاريخلرينك روايتنجه ، بلغارستانك ضبطندن برى مجارستان قرالى كندى ملكنى ده مخاطره ده كورمش و عثمانليرك هيچ اولمازسه طونه بويندن دفعنى اخص مقاصد عد ايلشدى . بو آرزو ايله اطرافنده بولنان خرسيتيان حكومتارينه مراجعتله تا فرانسه يه وارنجه يه قدر هر طرفدن وعد معاونت آلدقندن صكره اعلان حربيه وسيله اولق ايچون سلطان بايزيده برسفير كونردى . ايلچينك مأموريتى پادشاهدن بلغارستانى نه حق ايله ضبط ايلديكىنى صورمق ايدى . سفير حضور شاهانه ده بومعنا سزلنى ايراد ايدنجه پادشاه جواب اوله رق سكوت ايتدى ، يالكز پارمغيله ديواره ده اصيلى اولان سلاخلرينى كوستردى ، ايلچى نى دفع ايلدى .

سفيرك كلوب كيمسى اوزرينه مجارستان ايله محاربه تحقق ايلديكندن پادشاه عسكر ل كجه مخصوصاتندن واك بيوك وسائل

صنوف سائرہ سی کبی خزینہ دن توظیف ایتک اسهل امور ایدی .  
 سلطان بایزید ذوق وعشرته وقف وجود ایتدیکندن بحث  
 اولنان ۷۹۵ سنه سنده ابدیه خیریه سندن ماعدا بروسه نك قلمعه سنی  
 هر درلو تعرضه قارشو طوره بیا جك صورتده تعمیر ایلدیکی کبی  
 بوغاز ایچنده کی آناتولی حصارینی انشا ایده رك استانبول اوزرینه  
 اجرا ایلدیکی تضییق برقات ده تشدید ایلدی .

بونلردن بشقه یاپه جق برشی یوق ایدی که یامامسی ذوق  
 وعشرته طالدیغنه حل اولنه بیلسون . زمان عطالت ده ایشته شو  
 هر درلو تعرضادن مصون قالان ۷۹۵ سنه سندن عبارتدر .

۷۹۶ سنه می داخل اولنجه ، بزم تاریخارک روایتنه کوره  
 ونیک وفرانسه وجنویز وناپولی واسپانیان برطاقم عسکر  
 کلرک کیلرینی سلانیک لیمانه ربط ایله ممالک اسلامیه بی غارته  
 کیتدکلری خبر آلدیغندن پادشاه همان روم ایلی یه کذار ایده رك  
 سلانیک اورینه یوریمش واطرافیه برابر شهری ده ضبط  
 ایلشدر . هشت بهشتک روایتنجه سلانیک قره طرفندن محاصره  
 ایدیلرک دشمنک مرکز طرفندن بربرینی متعاقب امدادی  
 کلدیکی حالد عثمانلی دلاورلری معروف اولان اقدامات قهرمان  
 پسندانلریله قلعه نك برج وباروسنه چیقدیلر ، شهرک عنوة  
 فتحنه موفق اولدیلر .

غریبدرکه سلانیکک برنجی دفعه اوله رق خیرالدین پاشا  
 طرفندن فتح اولندیغنه دائر بزم تاریخار هیچ برسوز

بونده اصل بحث و تدقيق اولنه جق جهت ايسه تاريخلرده يالكتر بلناسبه ايراديله اکتفا اولنان خرج و نائق مسئله سيدر .

تاريخلر اوزمانه قدر حاکمک بر جهت معاشي اولمديغني بيان ايديورلر . قوجه برصنک افرادي يوز بو قدر سنه دن بري نه ايله چنديلر بيلنه من . فرض ايده لم ، بيلمديکمز بر صورتاه چنمش اولسونلر ، بازيد زماننده او جهت معيشت يا محو اولمش و يا خود کفايت ايتيه جک مرتبه يه کليش که اصحاب دعاويدن يا اذنمز رسم يا خود رشوت آلمغه باشلامشار . اسباب تعيشي موجود اولميان صنک آلديني پاره يي جمع مال هوسنه اسناد ايتک قابل اوله ماز . خرج و نائق وضعندن صکره قاضي ار تعيش و يا جمع مال ايچون عمومک شکايتني موجت اوله جق معامله لردن کسامشار . حالبوکه پادشاهک عيش و عشرت وهله صدر اعظمک ذوق و سفاهت دينيان حاللري ينه باقي ايدي . ديمک که قاضياري او معامله يه سوق ايند پادشاه و يا صدر اعظمک حالي دکل ، اسباب ميمشترينک فقدا ني ايمش !

خرج و نائق احداثي اوزمان صنک حکامک معيشتني تأمين ايله جريان عدائته خدمت ايلديکي آکلاشيلبور . فقط اوروپاچه حکمت سياسي نهک حالا وصولنه چاره بولنه مامش مقاصد عاليه سندن معدود اولان و فقط اوزمانلر بزده جاري بولنان « بلا عوض احقاق حق » قاعده سني اخلال ايتديکي ايچون اختراعات خيريه دن دکل ، بدع سيئه دن معدوددر . حکامی ده مأمورلرک

ووکلاسندن بولندیغی سلیم ثانی دورینک عیاشلغنه ، مراد ثالث عصرینک شهوت پرتشاکنه ، ارتکاباتنه قیاس قبول ایتیه جک درجه ده حکم سر بولندیغی دوشونمک لازم کلیدی . سعدالدین افخم علمادن اولدیغی کبی اکری وقعه سنده کی خدمتنه نظر آفطرة رجال حرب و سیاستدن اولق ایچون یارادلمش بر ذات اولدیغی آکلاشیلیمور . او فطرتنه بر صاحب کماله کوره بایزید کبی ، علی پاشا کبی قهرمانلرک ، کشور کیرلرک شان عظمتاریخی بر طاقم جزویات اغورینه فدا ایتک لایق میدر ؟ مقصد ماضی بی بهانه ایدرک حاله تعریض ایسه معاصر لره خدمت ایچون اسلافک قدرینه شین کتورمک نصل جائز اوله بیلیر ؟ خصوصیه بر طاقم اعظامار ، اطرالره زهد بارد درجه سنه وار دیریلان نصیحتک دنیاده کیمه تأثیری اولور ؟

تاریخلرک ، بیاغی دین و دواتجه مسائل حیاتیه دن عد اولنه جق بر مصیبت کبی کوستریلن ماده توشیحات و تفصیلات متعصبانه سندن ، سجعندن ، قافیه سندن ، جناسندن ، کنایه سنندن تجرید اولندیغی حالده سلطان بایزید ایله علی پاشانک اتقا ایله متصف اولدقلرندن و اهاالینک ده بو حاله منفعل اولدیغندن عبارت قالیمور . بومسئله ده تاریخه تعلق ایدن وظیفه ایسه ، پادشاه ایله پاشانک منفور الهمی اولدقلرینه و ملت اوزرینه دعوت مصائب ایلدکلرینه دائر ملائکه غضبه و کالت ایدرجه سنه قورقونج قورقونج تصور لرله اوغراشمق دکل ، شخصی اولان خطالرک ، اخلاقی منتظم بر قوم ایچنده افکار عمومی بی تهییج ایده جکنی کوسترمکدن عبارتندر .

بلغارستان فاتحلكنى اونوتديروبدء كنديسى موجد سفاهت ،  
مخرب ملت عد ايتديره جك بر حالميدر ؟ على باشا اكر پادشاهنه ،  
عدالت وحسن اعتقاد ايله ملتك اعلاى شاننه همت يرنده اولدقجه  
وحتوق عبادء تعرض اولمىدقجه سائر كناهلر توبه ايله مغفرت  
اولنور ، ديمش ايسه بر بيوك كناهى ارتكاب ايتمش اولور ؟ بر  
پادشاهه بيان مطالعه ايدر كن اللهك رحمتندن قطع اميد ايتديره جك  
قدر شدت مى كوسترمك لازم ؟ ياهله پادشاهك عيش وعشرتندن ،  
صدر اعظمك ذوق وسفاهتندن چيقاريلان نتيجه نه اوليور ؟  
هيچ پادشاه ايله وزيرينه اسناد اولنان بو ايكي قباحت قاضيلرى  
جمع ماله سوق ايده بيله جك اسبابدنميدر ؟ قاضيلرك او زمان مدار  
معاشى اولمىدغى بيان ايدن ينه او تاريخلردر ، بو حوالده پادشاه ايله  
صدر اعظم شراب ايجمهسه قاضيلر يك يميه جكمى ايديلر ؟  
بو حقيقتلر ميدانده ايكن ملتك اك بيوك بر پادشاهيله اك  
مقتدر بر صدر اعظمى شخصى بعض حاللرندن طولايى مصالح  
ملكه باقماق ، افساد اخلاقه سبب اولمق كبي سيأت ايله اتهم  
ايتك مورخلره ، خصوصيله عثمانلى مورخلرينه ياقشديريه بيله جك  
خطالردن دكلدر ؛ هله خواجه سمدالدينه هيچ ياقشماز .  
چونكه مورخ صفتيله ، عثمانلى پادشاهلرينك دها سلطان عثمان  
زمانندن برى آره صره ذوق وصفا ايله مشغول اولدقلىرى  
تحقيق ايمهسى جائز اولسه بيله افخم علمادن بر ذات اولديغندن  
طبايع بشرك هوسات واحتراساتى محاكتهنده نظردن اسقاط  
ايتك وخصوصيله بو قدر شدتله موآخذء ايتديكى خطالر ؛ علما

صاروخان ، منتشا ، تکه ، کر میان ، قرمان ، سیواس و قسطنطونی  
 ملکیرینی فتح ایددی . عطالت بو حاله وصف ایسه اثر اقدام  
 دنیلیمک ایچون دنیاده نه درلو افعال بوله بیله جکز ؛ او قدر  
 زمان ظرفنده بو قدر چوق ایسه موفق اولمش قاچ پادشاه  
 کوستریله بیلیر ؛ عیش و عشرت کبی صرف شخصی اولان بر  
 قصور او خدمتاری او عظمتاری اونوتدیره جق درجه لرده  
 اهمیتی حازمیدر ؛ بایزید کبی مستبد بر پادشاهه افعالنده محرک  
 آرامق وهله او محرک کی سوکیلی حرمله حقیقه زمانک عقل  
 فعالی حکمنده اولان وزیرینه اسناد ایتمک موافق عقل و انصافیدر ؛  
 کندینه متصرف اولان بر صاحب اقتدار مرضیسنه مخالف بر  
 فعله سوق اولنق قابلیدر ؛ دنیایه تصرف ایتمک ایستین بر پادشاه ،  
 اختیارینی کیمک تصرفنه ترک ایدر ؟

تاریخ لارک کیدیشینجه صربستان قرالی همشیره سنی پادشاهه  
 اخلاقنی بوزمق ، لندن ملک آلمق ایچون ویرمش اولیور ؛  
 حال بوکه خاندان عثمانینک اسلامدن اولان اصرارنده ده آنک  
 قدر صداقت و وفا کوسترمش کیمسه یوق ایدی : تیمور محاربه سنده  
 عثمانلی قهرمانلرینه غبطه رسان اوله جق قدر فدا کارلق ایدن  
 صرب قرالنی ، سوء نیت و پادشاهه خصومتله اتهام ایتمک محاکمات  
 تاریخیجه قبول اولنه بیله جک اسناد اتدندمیدر ؛ علی پاشا اوله  
 شهوت و سفاهته مبتلا بر آدم اولسه یدی خداوندکار طرفندن  
 صدارته اختیار اولنور میدی ؛ فرض ایدم که عشرت و شهواته  
 ابتلاسی وار ایمش ، آنکده صرف شخصی اولان بو قصوری

ایدزکن « برقصوری یوقدر، آره صره قدومکزه وسیله اولمق ایچون درت کوشه سنه برده میخانه یاپدیرمالیدیکز! » دیمش و بوارشاد ایسه پادشاهک ترک عشرت ایتمسسه سبب اولمش اولدیغنه و مولانا فناری بر کون سلطان بایزیدک شهادتی قبول ایتمدیکندن و سببنی سؤال اینجه، تارک جماعت اولدیغکنز ایچون قبول ایدهم، جوابی ویردیکندن سلطان بایزیدک سراینک پیشگاهنه بر جامع شریف یاپدیره رق جماعته مداومت ایلدیکنه دأر ایکی روایت کوریلدور .

بو نصیحتار صلابت دینیه و وظائف علمیه نتایجندن اولمق اعتباریه تقدیر و تقدیسه شایسته در ؛ فقط محاکات تاریخیه نقطه نظر نجه مسئله بتون بتون دکیشر . چونکه پادشاهه وارد اولان تعریضار صرف عصرینک حالیه قائم ایدی ، یوقسه بر عصر صکره دنیایه کلش اوله ایدی ، احتمالکه تلذذاته انهما کده کندینه نسبت قبول ایتمین و مدده العمر عیش و عشرتدن باش قالدیرمیان نامداشی کبی ولایتله مشهور اولوردی ! حرمنی سودیکی و عیش و عشرته میل ایتمیکی جهته مصالح دولتی ترک ایلدیکندن بحث اولمان ذات اوسلطان بایزیدرکه ۷۹۱ سنه سنده پادشاه اولدی ، موسم عطالت عد اولسان ۷۹۶ سنه سنه کلنجیه قدر درت بوچوق سنه ظرفنده بر دفعه صربستانه ، ایکی دفعه بوسنه و مجارستان و افلاقه عسکر سوق ایتمدی ، بر دفعه ساقزی آوردی ؛ بر دفعه استانبولی تضییق ایلمدی ، بر دفعه افلاقی چکنه دی ، ایکی دفعه قرمانی ضبط ایلمدی ، خرستیانلردن آلا شهرینی آلدی ، ملوک طوائفدن آیدین ،

قاضيلىك ايدى جك آدم يوقميدر ؟ » سؤالنى ايراد ايدر . نديم بو سؤالده « فصل دعوى علمه محتاجدر » يولوو مقابله ايله قاضيلىك دولته لزومنى بيان ايدر ، نديمك لطيفه سنده مندمج اولان جديت ، تأثيرىنى حاصل ايلديكىندن پادشاه قاضيلىرى غفو ايله برابر شكائيت اولنان فنالغك ازاله سنه بر چاره بولمىسنى على پاشايه امريدر . صدر اعظمده قضائىك اصحاب دعواند پاره آلمسى ، بر طرفدن مدار معيشتلىرى اولمديغىندن نشأت ايلديكىنى بيان ايله وثايىق شرعيه به برمقدار خرج وضع ايتديرر .

اوت ! دور ظهورك خواصندن اولان لدايدندن توقى ، اوزمانلر حكمنجه ترقى شوكت و بلكه بقاى دولتك لوازم اصليه سندن بيلنديكى ايچون عثمانلىلر او قهرمان پادشاهلىرىنىك ذوق و صفايه انهما كنى ايستمز لردى ، بو ذوق و صفا اختيار مناهى درجه سنه واردىنى صورتده ايسه دهها زياده منفعل اولملىرى طبيعى ايدى . صدارت عظمى كى كر چككن محسود عالم اولان بر مقامك صاحبه ده اويله عقايد و تمائلات عامه به مغاير برحاله اشتراك ايدنجه دائما مقتداسنىك معصوميتنى آرزو ايدن اهالىنىك او اشتراكى بيوده بيوده تحريك و تشويق درجه سنه چيقارملىرى استبعاد اولنه جق برشى دكلدر . بو حالله كوره اوزمانك معترضلىرى معذور ايدىلر . حتى پادشاهك دامادى اولان امير بخارى و ياخود نشرينك روايتنه كوره شيخ حامد آق سرايى ، پادشاه ايله بروسه ده انشا ايتديرمكده اولدينى جامع كبرىك اوصافنه دائر صحبت



سویلیه‌رک پادشاهی او مسالکه تحریک ایدردی . بو صورتله علی پاشا درلودر لوسفسطاهر ترتیب ایدره‌رک سلطان یازید آنک تشویقیه طرب وعشرته مشغول اولدی ، عباداللهک ایشنی کنسیدیسنه حواله ایلدی ، هرکس ده بیوکلرینه اقتدا ایتدیلر ، می و محبوب آرقه‌سنه دوشدیلر . بو حال ایله قاضیلرده بر روایته کوره رشوت ودیگر روایته کوره پادشاهک بر خمتی اولتمسزین دعوالردن رسم آله‌رق جمع ماله باشلادی . قاضیلردن شکایتی اولانار وزیره مراجعت ایتدیکجه اهانت کوررلردی . خلاصه می پرستلک انتشار قبایحیه باعث اولدی ، نهایت عسکر واهالی جمعیتله پادشاهه عرض شکایت ایتدیلر .

سلطان یازید متظلملرک فریادیه انتباه حاصل ایدره‌رک اتقیای علمادن بعض ذواتی تعیین ایله قضاتک حالی تفتیش ایتدیردی ، حتمارنده ایراد اولنان شکایتار صحیح اولدیغی تبین ایدنجه مهماری زنجیره اوردیردی . حتی جمله‌سنی اخشابدن بر خانه‌ده حبس ایدره‌رک یاقنغی تصمیم ایلدی . صدراعظم علی پاشا بونلرک حامیسی ایدی . فقط پادشاهک غضبندن خوف ایدره‌رک شفاعته جسارت ایدمه‌مدی ؛ سلطان یازیدک بر حبس ندیمی وار ایدی ، اکا یکر می بیسک آقچه وعدیله قاضیلرک تخلیصنه رجاده بولمسنی طلب ایلدی . ندیم یول البسه‌سیله حضور هایونه کیدر ، استانبوله عزیمت ایچون رخصت ایستر . پادشاه استانبوله نه ایشک وار دینجه « کیده‌یم یوز باباس کتیره‌یم‌ده قاضیلرک یرینه هرکسک دعواسنی کورسونلر » جوانی ویریر . پادشاه بونک اوزرینه « بزده

طولایی برچوق مؤاخذہ لر، تعریضارلہ صحیفہ لر طولیدر مشلردر .  
 تعریضہ باشلایان نثری ایہ ادریس، اک ایلری کیدن ایسہ خواجہ  
 سعدالدیندر . بوخصوصہ متعلق اولان روایاتی زیدہ تلخیص ایدیورز .  
 تیمور طاش پاشا صربستان طرفلرینی فتح ایلدیکی سرده  
 صربستان قرالی پادشاہک اسباب شوکت وسطوتندہ کی تزیادی  
 مشاہدہ ایدہرک کنددی ملک و دولتک مخاطرہ اضمجلالده  
 بولندیغنه حکم ایتدی، عرض انقیاد ایہ خراج کذارلغی  
 قبول ایلدی . ہرسنہ جزیرہ سنی کوندردیکندن و افعالندہ  
 خواصکارانہ طوراندیغندن التفات پادشاهی یہ مظهر  
 اولمشدی . کندیسی عاقبت بین و دساس بر آدم اولدینی ایچون  
 دائماً حسن خدمتہ طرف ہایونہ تقرب ایتکہ سعی ایدردی .  
 تثبت ایتدیکی اسبابک بری دە نہایت درجہ دە حسن و جمال و ذکا  
 و فطنت ایہ اتصافی اولان ہم شیرہ سنی پادشاہک حرمسرای  
 ازدواجنہ ادخال ایتدی . صرب قرالی ہم شیرہ سنہ پادشاهی  
 ذوق و صفایہ مألوف ایدہرک بر زمان نشاطندہ سمندرہ و کوکرچنلک  
 قلعه لرینی کندیسینہ ترک ایتدیرمکہ چالشمسینی ننیہ ایلدی . سلطان  
 یازید بونازینک اودر جہ محبتنہ اسیر اولمشدی کہ عیش و عشرتہ  
 حصر نفس ایدرک بر قاچ کون ایچندہ تدبیر ملکندن بتون بتون  
 آل چکمشدی . خیرالدین پاشا زادہ علی پاشادہ فسق و عشرت  
 ولذات شہوتہ منہمک اولمق جہتیلہ « سلاطینہ لازم اولان عدالت  
 و حفظ ناموس دولتہ برابر حسن اعتقاددر ، حقوق عبادہ  
 تعرض اولمقدیجہ سائر معاصی توبہ ایہ مغفور اولور » یوللو سوزلر

صكره بيه كوترم بايزيد اوزرينه يوريدى . فقط نامداشى اولان بو مخاطرهلى دشمندن اخذ انتقام ايده بيلمسى مقدر دكل ايمس كه بو دفعه ده اولمادى . كويا كه قدرت فاطره عثمانلى قينجنى او قدر مردار بر قان ايله لكهدار اولمقدن صاقلاردى : كوترم بايزيد پادشاهك وروندن اول وفات ايده رك عثمانلى پنجه سندن تخليص نفس ايلدى . توابعى اسفندياره تبعيت ايتماش ايدى . پادشاه ايسه آز بر زمان صكره اسفنديارك ملكنه دخول ايله بر برينى متعاقب قسطمونى وصامسون طرفلرينى ضبط ايلدى . اسفنديار سينوبده تحمسن ايده رك پادشاهه بر سفير ارساليه سينوب اياالتك اولسون كندينه ترك واحسان بيورلمسنى استرحام ايتدى ، نيازى ده قبول اولدى . پادشاه آناطوليده كى ماوك طوائفك بتون بتون محويته عزم ايتمش ايكن اسفنديارك استدعا ايتديكى مساعديه مظهر اولسى شبهه يوقدر كه صامسون وقسطمونى آلدقدن صكره جانيكك هر طرفه اتصالاتى منقطع اولمسنه و ذاتاً عسكر بسليه جك قدر وسعتى اولماسنه نظراً عسكرلك و سياستجه بر اهميتى قالمديغندن طولايى اسفنديار بكه تركنده بر باس كورلمه مسندندر . بو صورتله اوراجه حقيقتده بر حاكم مستقل ابقا اولمادى ؛ استقلاله مالك اولاش بر خاندانك وارثى دولتك تابعيت معنويه سنه ادخال ايلدى .

تاريخار ، قسطمونى وجانيك فتحنه متعاق اولان تفصيلاتى اكمال ايدر ايتمز سلطان بايزيدك عشرت وعظالتنه ابتلا سندن

اردویہ سوق ایدرک استدعای عنایت یولنده بر عرشحال تقدیم  
ایتدیردیلر. پادشاه برهان الدینک ملکئی ضبط ایله برابر چوجنی ده  
احسانه مستغرق ایدی .

تاج التواریخ، قاضی برهان الدینک طموز بیک یرینه اوتوز  
بیک سواری یه مالک اولدیغنی بیان ایدر . بوروایت صحیح  
اولمسه کر کدر . چونکه او قدر قوتی اولسه ایدی نه محاربه سز  
ملکنی ترک ایدردی نه ده هنوز برعشیرت بکی اولان قره عثمانه  
قولایلقه مغلوب اولوردی . ذاتاً اُلنده کی یرلده اوتوز بیک  
سواری چیقارمغه کافی دکل ایدی . برده سعدالدین، هم سیواس  
فتحنی ۷۹۴ سنه سی وقایعنده نقل ایدر، هم بوتاریخک اختیارینده  
ادریس بتلیسی یه اتباع ایتمش ایسه ده بو فتحک ۷۹۸ سنه سن  
وقوع بولدیغنده شرف الدین یزدی ایله ابن شحنه وسائر مؤرخلرک  
متفق بولندقلرینی وابن حجر ایسه ( درر کامله ) سنده ۷۹۹  
سنه سنده وقوع بولمش اولق اوزره ضبط ایلدیکنی بیان ایله  
ادریس بتلیسینک روایتی اضعاف ایدر. حال بوکه وقعنه ک ۷۹۸  
ویا خود ۷۹۹ سنه لرنده جریان ایتمش اولماسی قابل کورونمز .  
زیرا ییلدیرم بایزیدک او ایکی سنه ظرفنده روم ایلی طرفنده ترحاله،  
یکیشهر، آتسه، موره فتحاریله مشغول اولدیغنی مسلمات  
تاریخیه دندر .

سلطان بایزید قاضی برهان الدین النده اولان یرلرک فتحندن

ایتدم ، اون بیکه ابلاغ ایلدم ، آناتولی نی بر باشدن دیگر باشه قدر ضبط ایدرم . بروسه ده بن اوطوروروم ، عثمانلیلری یالکز روم ایلیده براقیرم « کبی بر طاقم طفره فروشلقار ایتدیکنی ده خبر ویردیلر . بویله سوء نیت ، بویله بر خود فروشلق پادشاهک ملوک طوائفی قهر ایتمک فکرینه منضم اولنجه قاضی برهان الدینه هان اعلان حرب ایلدی . کوترم یازیدک ازالهسی مقصدینه بیاه تقدیم اولندی . قاضی ایسه عثمانلی عسکرینک اوزرینه هجومی خبر آلدیغی کبی کوکندیکی طقوز بیک آنلسیله صرب طاغلره چکیله رک کندیغی محافظه ایتمکدن بشقه برشی یاپهمادی . سلطان یازید اطرافده کزینهرک خصمنی میدان امتحانه دعوت ایدر ، او ایسه التجا کاهنده آرام ایله ملکنه کیرمک ایچون عثمانلیلرک عودتنه انتظار ایلر ایدی . او صردلرده بینلرنده بر خصومت شدیدیه موجود اولان آق قیونلی تره عثمان بک قاضی برهان الدینی التجا کاهنده باصه رق اعدام ایتمش وتوابی ایسه یرینه زین العابدین نامنده اولان صبی اوغلنی اجلاس ایتمک ایستمش ایدی .

بوخبر پادشاهه عکس ایدنجه کمال سرعتیه آماسیه صحراسنه یتشدی ، اورالرک صحاب حل و عقدی ، سلطان یازید کبی برقهرمان قاهر مالکک اطرافنده طولاشمقده ایکن برچوجغه اتباع ایله اوغراشمق اجل قضایی دعوت قبیلندندر ، دیهرک مخصوص سفیرلر کوندردیلر ، پادشاهه عرض اطاعت ایتدیلر . زین العابدینی ده

بیایدیرم بایزید بو صورتله علی بک فتنه‌سنی‌ده بتون بتون ازاله ایدهرک قرمان ملکینی تمامیه ضبط ایلدکن صکره هر طرفدن عثمانلی علمینه وقوعبولان قیاملرک محرکی اولان کوترم بایزید اوزرینه حرکت ایتمک ایستدی ، فقط میدان بوله‌مادی . چونکه سیواس و قیصری و توقات و آماسیه طرفلرنده اجرای حکومت ایتمکه بولنان قاضی برهان‌الدین اوزرینه حرکت ایتمک لازم کیش ایدی .

تاریخلرک روایتنه کوره قاضی برهان‌الدین ذاتاً سیواس و قیصری جوارنده خیمه نشین اولان ترکمانلردن و فقط کلمات علمیه سخن‌بندن بر ذات ایدی . اورالده حکومت ایدن محمد بک وفات ایدنجه آنک حرمنی تزوج ایدهرک بر قاچ آیلق یتیمی اولان علاء‌الدین بکه وصایت طریقیه حکومته کچمش و براز صکره چوجق‌ده ارتحال ایلدیکندن اعلان استقلال ایتمش ایدی . بر آراق ملوک مصریه ایله خوش کچندیکندن آنلرک معاونت معنویه سیله اوراجه تهیدینی ایقاع و نفوذینی اجرا ایتمکه باشلادی . عثمانلیرک اکتساب ایتدکلری شان و عظمته باقهرق اوده کشور کشالق مسلک‌کنه کیرمکی آرزو ایدر و فقط بونک ایچون هرشیدن اول عثمانلیره غلبه لازم کله جکنه حکم ایلدیکندن آکا بر چاره دوشونور ایدی .

برهان‌الدینک دولت حقنده اولان سوء نیتی بیایدیرم بایزیده عکس ایتدی . حتی « شجاعته متصف طقوزبیک سواری پیدا

اولئش بر حرکت نظریله باقلسونده صاحب فعلک شخصی آریدن  
 تجرید ایدلسون . بو حاله کوره علی بکک حکومتی یالکزجه  
 شخصی بر حق اولدیغنه حکم ایتک لازم کلیور . کندیسنک حتی  
 شخصی اولدیغی صورتده ایسه حرکتنه عصیاندن بشقه بر شکل  
 ویرمک قابل دکلدر . چونکه بویله شخصی برحق حکومته قرمان  
 اوغلتک مغلوبیتدن صکره نائل اوله بیلمسی ظاهر اوصراحة اطاعتنه  
 مشروط اولمسه بیله ضمناً وقاعده اوشرطه تابع اولدیغنده شبهه  
 یوقدر . بونلرله برابر فرض محال اوله رق علی بکه حرب اسیری  
 نظریله باقلمق ده لازم کلسه ایدی ینه زمانک عاداتی حکمنجه کندیسنی  
 عفوایدوب ایتهمک پادشاهک ید اقتدارنده ایدی . فقط اگر مرحه  
 نابجا اطلاق جائردکل ایسه علی بکک اوزمان عفوی نابجا اولوردی .  
 چونکه بو آدمک راحت طور مق، خیانتدن اجتناب ایتک شانندن  
 اولمادینی وبوندن صکره ده دولتی مخاطره یه دوشورمک ایچون  
 هر فرستدن استفاده یه چالیشه جنی بوقدر تجربه ایله صورت قطعی ده  
 ثابت اولمش ایدی . واقعا سلطان یازید ایله علی بک آرهنده  
 برده قرابت موجود ایدی فقط بوده پادشاهک شدتندن زیاده علی  
 بکک خیانتنی آغرشدیرمغه مدار اوله جق سبیلر دندر . بو محاکمات  
 علی بکک یالکز نقض عهد ایتسی اعتبار یاه در . یوقسه علی بکک  
 هم مذهبی هم جنسی اولان بر دولت علیه اعدای دین و ملتله  
 محاربه حالنده ایکن سلسیف ایدهرک دین و ملتته ایتدیکی خیانت  
 پیش نظره آنورسه شرعاً و عقلاً بیلان کبی ازاله سنده ذره  
 قدر اشتباهه محل قالماز .

الده کی معلومات ناقصه بومسئله نك تماميله ايضاحنه مساعد  
 دكل ايسه ده ينه بعض مقايسه لر ، استدلاللرله بر درجه يه قدر  
 عقله موافق برحكم استخراج ايدوبيا مكم قابلدر . بزجه اصل  
 مجهول اولان جهت ايسه قرمان اوغلي طرفندن بوزيلان صوك  
 مقاوله نك ماهيتيدر . اكر بومقاوله حكمنجه چارشنبه نهرينك  
 جهت جنوبيه سنده بولنان يرلره علي بكك تصرفي ، مثلا آيدين  
 اوغلك از مير وتيره طرفلرنده قالمسي كبي طرف پادشاهيدن  
 وكاله اجراي حكومته مشروط ايسه ، ايتديكي حركت عادتا  
 عصياندر . رؤساي عصاتك خصوصيله مكرر اولور ايسه هر قانونه  
 هر قاعده يه كوره جواز قتلي ايسه امور معلومه دندر . بويله  
 اوليوب ده لنده براقيلان مملكت ، كنديسي حاكم مستقل طانيه رق  
 ترك اولمش ايسه او حالده ده علي بك طرفندن اجرا اولنان حق  
 حكومتك ماهيتني تدقيق ايتليدر . اكر بوكا بر حكومت مليه  
 نظريه باقيه جق ايسه هيچ شبهه يوقدر كه قليچ ايله تحميل  
 اولمش برعهدي ، وجودندن متضرر اولان حكومت ينه سلاح  
 قوتيله اوزرندن رفع ايمكه چالشمقده حقليدر . بناء عليه  
 او قومك رئيسه بويله بر حركتندن طولايي مجرم نظريه  
 باقيه مازكه شخصي اوله رق بر جزايه اوغرادلسي موافق حق  
 اوله بيلسون . شو قدر وار كه علي بكك حالي بوقياسه تطبيق  
 اولنه ماز . زيرا عثمانلرله قرمانلير مذهب وياجنس ويا لسان  
 اعتباريله ايكي آيري قوم دكل ايديلر كه هر برينك حكمدارندن  
 صادر اولان افعال بر ملته قارشي ديكر ملت طرفندن اختيار



مردود اولق لازم کلیر . زیرا ایکی قولک مبین اولدینی معامله لر آره سنده بک آچیق بر تناقض موجوددر ؛ ثانیاً تیمور طاش پاشانک عفو ایچون توسط ایتدیکی صحیح اولماسده ینه پادشاهدن امر اولدقجه علی بکی اعدام ایتدیرمش اولسنه اینانیله ماز . چونکه سلطان بایزید زماننده کیمسه نك او یله بر اطاعت سزلکه جسارت ایده بیللمسی وشاید ایده جک اولورسه حیاتده قلمسی ممکن دکل ایدی . بناء علیه قرمان اوغلنک امر پادشاهی ایله اعدام اولندیغنه حکم اولنق عقله کوره ضروری کییدر .

خیراه تاریخنک ظنی کبی ، علی بکک نکاخنده بولان نفیسه سلطان طرفندن تعریضه اوغرامامق ایچون جعلی اوله رق ایشک تیمور طاش پاشایه تحمیل ایدلمش اولماسنده احتمال ویریه مز ؛ اوزمانده کی قهرمانلرک اخلاقی شدید شدید ظلملره مساعد اوله بیلیردی ، فقط بویله دنی دنی دسیسه لره مساعد اوله مازدی ، ارسلان دیشنده زهر بولماز . بزه قالیرسه بومعامله نك تیمور طاش پاشایه اسنادی ، بیچاره یعقوب بکک اعدامی امرایه عطف اولندیگی کبی مؤرخلر طرفندن پادشاهی ظلم ایله مجبول کوسترمه مک ایچون اختیار اولنمش برتأویل اولسه کر کدر . مع مافیله ا کر علی بکک اعدامی مدار مؤاخذه عد اولنه جق ایسه پادشاه مادام که تیمور طاش پاشانک حرکاتی جزاسز بر اقله بونی تصویب ایتشدر ، هیچ بروقت او مؤاخذه دن قورتیله ماز ؛ فقط علی بکک اعدامی بو قدر تکلفلره تأویله احتیاج کوستره جک مظلمدن می عدا اولنق لازم کلیر ؟ اصل جای بحث اولان مسئله بودز .

اوزامسندہ دکل؛ سلطان بایزیدک بر یاز ایچندہ اردوسنی بروسدن بکرشہ ، بکرشدن آناتولینک منتهای جنوبہ سوق ایدہرک دشمنلرینی پریشان ایتمکدہ کوستردیکی یلدریم سرعتمندہ در . انہزامدن صکرہ فرار ایدرکن قرمان اوغلی علی بک ایلہ اوغلی محمد بک اسیر ایدلمش ایدی . پادشاہ محمد بکی حبس ایچون بروسیہ ارسال ایدہرک علی بکی دہ قرمانک اکل تسخیرینہ مأمور ایتدیکی تیمور طاش پاشانک تسہیل خدمتنہ مدار اولوق ایچون یانہ ترفیق ایلدی .

تاریخلرک روایتہ کورہ دوچار اولدیغی اسارتدن واوزمانلر کوردیکی حقارتدن طولایی تیمور طاش پاشانک علی بک نہایت درجہ لردہ غیظی وار ایدی . بناءً علیہ خصمی بویلہ بر وسیلہ ایلہ الہ کچنجه پادشاہدن استیدان ایتمکمزین صلبنہ قیام ایلدی . پادشاہ قرمان اوغلی او صورتلہ دشمن جانہ تسلیم ایتدیکندن طولایی پک زیادہ اضہار ندامت ایدہرک تیمور طاش پاشایی معاتبات شدیدہ مستحق کورمش وپاشا ایسہ علی بکک ، حقندہ ہرنہ معاملہ ایدلسہ خیانتندن فارغ اولہ میہ جنی بیک تجربہ ایلہ ثابت اولدیغندن دولتی شرندن قورتارمق ایچون بویلہ بر حرکتی ارتکاب ایلدیکنی بیان ایلمی اوزرینہ جرمی عفو اوللمش اولدیغی دہ ینہ تاریخلرک بالاتفاق قبول ایلدکلری روایتلردندر . فقط اولاً ، اگر بعض مؤرخلرک بیان ایتدیکی کبی تیمور طاش پاشانک محاربہدن اول قرمان اوغلی ایچون نیاز عفو ایتدیکی صحیح ایسہ علی بکی صکرہدن بلا رخصت قتل ایتمنی حقندہ کی روایت

ایله پک بیوک اکراملر ، تلطیفار دن صکره عفو بادشاهی به توسط ایتسی ایچون مبرمانه نیازلر ایدهرک حضور بادشاهی به کوندردی ، یاننه سفیر صفتیله ایکی اوچده مأمور ترفیق ایلدی .

بعض تاریخلر تیمور طاش پاشانک قرمان اوغلی ایچون جداً رجای عفو ایلدیکنی بیان ایدرلر . خواجه سمدالدینک افاده سنه کوره ایسه پاشا او خانک یالکنز عفو رجاسنده بولندیغنی بیان ایله اکتفا ایلدی . ییلدیریم بایزید ایسه تکرر ایدن عهد شکنتاک اوزرینه عفوی خاطرینه بیله کتیرمیه رک دشمننی تحری به عنم وکلن سفیرلی ، اکر عفو ایستورسه حکومتدن ال چکسون والا وقتنه حاضر اولسون ، یولنده قطعی بر جواب ایله اعاده ایتدی ، قرمان اوغلی مکر وخیاننده نه قدر ماہر ایسه عسکر لکده وخصوصیله عسکر لکک اک مهم جهتارنده اولان تدارک قوت خصوصنده ده او قدر مقتدر ایدی . مصالحه دن مایوس اولنجه طرفداری اولان عشیرتلی تطیلر ، احسانلرله ینه باشنه جمع ایتدی ، بونلردن کلیتی بر اردو ترتیب ایدهرک آق چای صحراسنده عثمانلیلرله محاربه به جرأت ایلدی .

علی بکک عسکری بو محاربه ده پک مایوسانه ، پک فداکارانه طور اتمش ایدی . مقدارلرنده کثرت اولدیغندن عثمانلی اردوسنی او توز ساعت اوغراشدرمادقجه بوزلمادیلر . عثمانلیلرک بدایت ظهورلرندن بری بو قدر امتداد اتمش بر محاربه ده بولندقلری بو قدر . بو وقعه نك عسکرک نقطه نظر نجه اهمیتی حرک

قرمان اوغلی پادشاهک روم ایلی به کذارینی ایشتیکی کبی  
 دائماً وعد غارتله اقتناع ایده کلدیکی وارساق و طورغودلی و صحفاد  
 عشرت لر نندن باشنه برچوق حشرات جمع ایده رک آنقره به هجوم ایله  
 اوراده بولنان تیمور طاش پاشایی اسیر ایتمش و یغما کر لکنی بروسه  
 کنارینه قدر ایصال ایش در . قرمان اوغلی اوزمانه قدر عثمانیلیره  
 قارشی بونک اونده بری درجه لرده بر موفقیقت استحصالی ایده مه مش  
 و فقط املنک مدده العمر بوقدر نا کهانی، بوقدر مدعش بر صورتله  
 تخلف ایتدیکنی کورمه مش ایدی . کندیمی عادتاً آناتولیده کی  
 عثمانلی ملکینه بتون بتون ضبط اولمش نظریله باقرق افلاقلیره  
 قارشی پادشاهی اشغال ایچون روم ایلی به کچمک تصورنده ایدی که  
 سلطان بایزیدک افلاقی جزیه کذار ایلدکن صکره عودت ایتمش  
 و حتی مرمره کنارینه کلش اولدیغنی استخبار ایلدی ، اینانمق  
 ایستمدی . حقیقت حالده ده او یله طوپی ، تفنکی ، ذخیره سی  
 آغرلنی ایله بر قوجه اردونک اوچ آی ایچنده بروسه دن بکرشه  
 قدر کیدوبده دشمنی مغلوب و مضمحل ایتدکن صکره نهرلردن  
 طاغاردن آشهرق ینه مرمره به یتشمسی اوزمانه قدر کورلمش و یا  
 وقوعنه احتمال ویرلمش حاللردن دکل ایدی . فقط پادشاهک  
 بروسه به مواصلتله کندی اوزرینه حرکت ایلدیکنه دائر تعاقب  
 ایدن خبرلر ترده محل بر اقمایغندن اقتدارندن زیاده حیله سنه  
 کورونلرک شانندن اولدیغنی وجهله ییلدیرمک اظهار ایتدیکی سرعت  
 فوق العاده بی قارشیسنه طور یله میه جق مصائب مبرمه دن عد ایلدی ،  
 فنا حالده ییلدی . حبسنده بولنان تیمور طاش پاشایی حضورینه جلب

وقوع بولشیدی ؛ هجرتك ۷۶۶ سنه سی میلادك ۱۳۶۳ سنه سنه  
تصادف اییدیور ؛ مجارستانده ایسه بیک اوچیوز قرق ایکی سنه  
میلادیه سندن بیک اوچیوز سکسان ایکی سنه میلادیه سنه قدر  
قراللق ایدن بیوک لوی ایدی ؛ بناءً علیه حاجی ایل بکك ۱۳۶۳  
تاریخنده بوزدینی قرال بالطبع بیوک لوی اولمق لازم کلیر .  
حال بوکه بیوک لویئك ۱۳۸۲ سنه سنده وفات ایتش وهونیادك  
۱۳۰۰ سنه سنده طوغمش اولدینی تاریخچه ثابتدر . بو حاله وبر  
انسانك وفاتیدن اون سکر سنه صکره صلبندن اولاد كك قابل  
اوله میه جفته نظراً هونیاد ، حاجی ایل بکه بوزیلان مجار قرالئك  
اوغلی اوله بیلمك احتمالك خارجنده کورینور .

میرجه ، سلطان بایزید ایله تجدید عهد ایلدیکی صروده عصیان  
کو ترم بایزیدك تحریکله جسارت ایلدیکی پادشاهه عرض و بیان  
ایتشد . بوسعایت ردیئه ایکی اسلام حکومتی بر برینه طو تشدیرمق  
ایچون اختیار اولمش بر دسیسه اوله بیله چکسندن وقوعنه دولتجه  
پكده اعتماد اولنه مازدی ؛ فقط کو ترم بایزیدك تحریکاتی ده اول  
خبر آلمش وحتى افلاقك لزوم عاجل کورونن تأدینه قسطمونی  
ایچون ایدیلبن تداركات ایله کلنمش اولسنه نظراً میرجه نك افاده سی  
موجود اولان اعتقادی تأکید ایش ایدی . بناءً علیه افلاق  
سفری ختام بولور بولمازینه کو ترم بایزیدك اوزرینه کیدلکه قطعاً  
قرار ویرلمش ایکن اوقتنه مشخصه نك جنوبده حاضر لادینی آتش  
فساد عالومکک باشلادی :

هامر بو افلاق سفیرنی بزم تاریخاره بتون بتون مغایر اوله رق شو یولده حکایه ایدر : ۱۳۹۲ سنه سنده ( سیغز موند ) محاربه بی بلغارستانه نقل ایدرک میرجه نك عسکریه برلشمش اولان ترکلری بوزمش و محاصره شدیددن صکره طونه اوزرنده بولنان کوچک نیکبولینی ضبط ایتمش ایدی . ترکلرک عددجه کثرتی کنی سیرعتله رجعت ایتمه مجبور ایلدی . بو رجعت ائناسنده سیغز موند الیزابت مودینایه تعشق ایتمش و مشهور ( هونیاد ) بونلرک مر اوده موقتله رندن وجوده کلمشدر .

میرجه نك عسکری ترکله برابر بولندیغنه دائر هامرک بیان ایلدیکی روایت بزم تاریخلرک افاداته بتون مغایر در . چونکه بایزید ۱۲۹۲ سنه میلادی سنه مصادف اولان ۷۹۳ تاریخنده مجارستان قرالنک دکل میرجه نك تأدینه کیتمش ایدی . بو حالده نصل اوله بیلیرکه میرجه مجارلرک علیهنه بزمه برلشمش اولسون ؟ هامرک افاده سنه کوزه سیغز موند پادشاهک وصولنی بکلمیه رک اردوسنک طلیعه سنندن فرار ایلش اولیور . بزم تاریخلرک بو محاربه بی تعریف ایدرکن مجار قرالنندن بحث ایتلری ده بو حکمته مبنی اولسه کرکدر .

فذلکه تاریخ عثمانیده هونیادک حاجی ایل بکک بوزدینی مجار قرالنک اوغلی اولدینی بیان اولنیور سده ظمزه کوره صحیح اولان هامرک روایتدر . چونکه حاجی ایل بکک مظفرتی فذلکه دخی محرر اولدینی وجهله ۱۸۶۶ سنه هجریه سنده

پادشاه روم ایلیده مشغول ایکن آناتولی بی ضبط ایتمکه حاضر لئتمده اولدیغندن عثمانلیلری بر مخاطره یه اوغراتمق ایچون بویله دفعه ایکی طرفدن اوزر لرینه هجوم ایتمک قطعی کورینور بر تدبیر ایدی . شو قدر وارکه عثمانلی عسکرینک او زمانه قدر هیچ بر منتظم اردوده مشالی کورلمین سرعتی حسابا داخل طوتلماشیدی .

سلطان بایزید بروسه یه عودت ایله دشمنارینک پناه و حامی افساداتی اولان کورتم بایزید علیه سفر تدارکیله مشغول اولدیغی حالده مبادی جاوسده فیروز بک طرفندن جزیه کذار ایدلمش اولان میرجه نک کورتم بایزیددن آناتولیده کی ملوک طوائف نامنه آلدیغی تأمیناته اغتراراً محار قرانندن استمداد ایله طونه دن کچمش وعسکرینی قرن آباده طوغری سوق ایله رعایای پادشاهی بی افساده باشلاهش ایدی . پادشاه بو خبری آنجه کال سرعتله روم ایلیه کذار ایلدی . شتاک شدتی کچنیجه قدر ادرنده آرام ایتمکدن صکره دشمنک مقابله سنه شتاب ایله اوکندن چکلمکده اولان فرقه لرینی تعقیب ایدهرک نیکبولی یه یتشدی واورادن دخی جرنیققرله طونه بی کچدی ؛ برطاغه سیغمنش اولان افلاق و محار اردوسنی بر هجومده پریشان ایتدی ، بکرشی ده ضبط ایلدی . میرجه بو صورتله استحصال ظفردن قطع امید ایدنجه جزیه سنی تزید ایدهرک طلب عفو وامانه مجبور اولشدی .

درجه لرده خلاف حقیقت اولدینی زیرده تفصیل اولنه جق و قوعات ایله ثابتدر .

پادشاهك بوسفرنده بر خطا وار ایسه اوده قرمان اوغلی حقنده اولان معامله سی ایدی . چونکه ایش اودرجه یه قدر کلدکدن صکره بوخائی یا بتون بتون محو ایتلمیدی یا خود عفو اولنه جق ایسه ذاتاً عمومته قانع اولمادینی ملککنک بر جزوئی دها لندن آلوبده غیظ و حرصنی تشدید ایتمه لمیدی . بو معامله نك پك آز زمان ایچنده مشهود اولان سوء نتیجه سی سلطان مرادك کرامت تفرساتنی اثبات ایدر .

فتوحات جدیده خصوصاً قرمان اوغلی حقنده ایدیلن یا کلش معامله دولتیجه بر طاقم صعوبتاری انتاج ایتمکدن بتون بتون خالی قالمشدر . و حتی پادشاه بروسه یه عودن ایدر ایتمز بومشکلاتك متدمه لری ظهور ایتمه باشلادی .

قسطمونی حاکمی اولان کوترم بازیدکه حنظ منفعت ایچون هر درلو وسائطك استعمالنی جائز کورور و اسلام اوزرینه ادیان سائره اصحابنك تسلیطنی بیله تدابیر مقبوله دن عد ایدر فتان و دسیسه کار برشی ایدی ، پادشاهك موفقیاتنه نظراً کندبنك ده نوبتنه پك آز برشی قالمش اولدیغنه والنده کی قوتله عثمانی قلیجنه مقاومتك امکانی اولدیغنه حکم ایتمش اولدیغندن آناتولویجه عثمانیلاری هر طرفدن اشغال ایتمکی وعد ایلیه رك افلاقلیاری سلطان بازید علیه نه تحریک ایش ایدی . قرمان اوغلی ایسه



مقتضای حاله توافق ایتمز ؛ فقط بو حکومات صغیره بی محو ایتمز عثمانیله کوره نافع می ایدی، دکلیدی ؟ بوجهت جای نظر در . بزه قالیرسه پادشاهک بو حرکتی دولتکده فائده سنه موافق ایدی . چونکه دوات علیهک ظهورینه نظر آ اطرافنده بولنان خرسیتیان حکومتلرنجه بیه امید بقا موجود اولمادینی حالده بویه مهم اسلام ملتندن همده ترک جنسندن اولان بر طاقم کوچک کوچک حکومتلر اودرجه لرده اتساع و تعالی حالنده بولنان بر سلطنت عظمایه التحاقدن کندیلرینی محافظه ایده بیللماری محال ایدی . بر طرفدن ایسه قوصوه محاربه سی، خرسیتیان حکومتلرنجه بر خیلی زمانلر اویله ترکلری روم ایلیدن طرد مقصدیله اهل صلیب وادیسنده جمعیتار، اتفاقلر تشکیلی آرزوسنه میدان ویریه جک صورتده قاطع جسارت اولدینی ایچون او جهندنده بیوک بر مخاطره قالماش ایدی . بو حالده بقالرینی دولت علیهک فناسنده آرایان وهر فرصته اظهار خیانته مهیا اولدقلرینی بیک دلیل ایله ابراز ایدن بو خانکی دشمنلری الی غیرانهایه مدارات ایله قوللانمغه چالیشوب طور مقدن ایسه قوصوه محاربه سنک دهشتی کوکلر دن چیقمدن اول زمانک مساعدده سنندن استفاده ایله بتون بتون محالری چاره سنه باقمق البته حکمت سیاسییه دهها موافق ایدی : بایزید اول دوری سلطان اورخان دوری اولمادیغنی اونو تمامق لازم کلیر . بعض تاریخلر تیمور وقعه سنک ظهورینه وانقره محاربه سنک ضیاعنه ملوک طوائفک او صورتده قهری سبب اولدیغندن بحث ایدرلر . بومطالعنهک نه

ایتدیلر ، محاصرلرک افاده سنی واقعه مطابق بولدیلر . بو صورتله اردوده بر بویوک بازار تجارت آچلدیغندن هر نه ایستیلورسه بولمغه وعسکر هیچ بر شیدن صقندی چکمه مکه باشلادینی کبی اهالی ده کوردکلری عدالته مفتون اولدیلر ؛ قلعه نی پادشاهه تسلیم ایلدیلر .

سلطان بایزید قونیه نك تسلیمندن صکره همشیره سنه جهاز اوله رق ویرلمش اولان یرلری ده استرداد ایدرک بر ایات تشکیل ایتدی و محافظه سنی تیمور طاش پاشایه تودیع ایلدی .

قرمان اوغلی بو خباتی اوزرینه ده پادشاهک عنایتنه التجادن حجاب ایتدی . غریبدرکه ییلدیرم بایزید کبی آناتولیدن ملوک طوائفک رفعی اخص آمال اتخاذا ایتمش اولان بر پادشاه قاهر دن ده یوز درلو عهدلر ، بیک درلو یمینارله استحصال عفو وعاطفته موفق اولدی ؛ چهارشنبه نهرینک جنوبیسنده ساحل بولنان یرلری کندیسنه ترک ایتدیردی .

سلطان بایزیدک بر یاز ایچنده قونیه محاصره سندن بشقه هیچ بر یرده استعمال سلاح ایتکسزین یالکزجه سوق عسکر یسنک سرعت وشدتی قوتیاه آلتی حکومت مستقله دن بشنی محو ایدرک برینی ده محو اولمق درجه سنه کتورمش اولسی اک بیوک جهانگیر لره بیله میسر اولمش موفقیتلردن دکلدیر .

مسائل دولیه ده حکم غالبانه دن بشقه ولو سطحی اولسون بر حق آرامق کیمسه نك خیالنه بیله کله مش اولان بر زمانده بایزیدک ملوک طوائفی قالدیرمقده حقی اولوب اولمادیغنی آرامق

فتی و افلاق خلقنک تأدیي خصوصارنده بر کفایت کامله  
کوسترمش اولان فیروز بکه توجیه اولندی .

قرمان اوغلی ده صاعقه دن مدھش اولان بوجوملره قارشی  
فراردن بشقه چاره بوله مامش ایدی ، فقط بتون بتون مملکتندن  
چیقمادی ؛ ینه کندینه تابع اولان طاش ایلی طاغلرنده اختفا  
ایده رک حرب و یا صلحه مساعد اوله بیله جک بر فرصت ظهورینه  
انتظار ایلدی . یلدریم ایسه قرمان حکومتنک پای تختی اولان  
قونیه بی محاصره ایتشدی .

بونجه مظفریاتک اک بیوک واسطه استحصالی اولان انضباط  
عسکری ، عثمانیلر ده نه مکمل برحاله کلش اولدیغنه و بر طرفند  
او زمانه قدر ظهور ایدن ملوک عثمانیه نک اک قهاری اولان یلدریم  
نزنده بیله حفظ عدالت و عمران مملکته نه درجه رعایت  
اولدیغنه بر مقیاسدرکه قونیه محاصره اولدینی زمان عسکرک  
مدار حیاتی حکمنده بولنان جمع ذخایر احتیاجنه بیله اتباع  
ایتدی ، کیمسه نک مال و محصولنه تعرض اولنماسنی امر ایتدی .  
عسکر طاقی ده بعض کیجه لر آج یاتمغه ، حیوانلرینی یمسز براتمغه  
تحمل ایتدیلر ، پادشاهک امرینی حرفی حرفنه اجرا ایلدیلر .  
حتی قلعه جوارینه کیدرلر ، چیقوبده خرمنلرده کی محصولرینی  
صاملری ایچون محصورلره یالوارلر ایدی .

محصورلر عمرلرنده کورمدکلری بویله بر معامله بی استهزایه  
حمل ایدرلر ایدی . نهایت برقاچ کشی تجریه ایچون قلعه دن خروج

بو مظفريتار ختام بولمق اوزره ايدى كه حميد اوغلى طرفندن قرمان اوغلى على بكك تجاوزندن طولايى بربرينى متعاقب فريادنامه لر ظهور ايتمه كه باشلادى. يلديزم ايسه اك قوتلى احتياطى سرعتده ، اك امين تحفظى تجاوزده بولان اعظم رجال حربدن اولديغنه بناء مملكتك جنوبنده كورينن شراره فسادى شماله عكس ايدوبده وسيله تجاوز اوله بيه جك قدر اشتعال ايتمه دن باصديرمق ايجون معيتمده موجود اولان عسكرله قرمان اوغلكنك متفقرينى برر ازهره آرده براتفاقه ميدان بر اقامق عزمنده بولدى ، بو نيتيه اولا كرميان اوزرينه يوريدى .

كرميان اوغلى يعقوب بك پادشاهك قائم برادرى اولديغى جهتله مساحه والتفاه نائل اولمق مأهولنده بولنوردى ؛ مناسب هديه لر ترتيبيله بي پروا حضور هايوننه كلدى . فقط پادشاه پدر وجدى كى دشمنلرينى حسن اداره والقائى نفوذ ايله حكمنه مغلوب ايتمكى شان ومنفعتنجه كافي عد ايدن حكماى سياستدن اولماديني ايجون كرميان اوغلكنك قرمانليره كوسترديكى تمايله كنديني توقيف ايتمك وملكنى النندن المقله مجازات ايلدى .

سلطان بايزيد تكه اوغلكنكده دفعنى قرمان اوغلكنك ازاله سنه ترجيح ايتمش ايدى . تكه اوغلى ايسه پادشاهك يالكنز آوازه هجوميله فرار ايلديكندن آنك النده كى يرلرده قليج چكلمكه سزین ضبط ايدلدكن صكره بر ايات شكنه افراغ ايديله رك ايدينك

ویرمک ایستیه‌رک ابنیه خیری‌ه‌سنک اتمامی تدریج ایله برابر  
 آلدینی یرلرک اداره‌سنی تأمین ایچون اقتضا ایدن تدابیری اتخاذ  
 ایلک و خصوصیه روم ایلیده بر مسئله ظهور ایدرسه شدتلی بر  
 مشغولیت ایچنده بولنماق فکریله بروسه‌یه عودت ایلش ایدی .  
 او ائنده ایسه آوروپا تاریخلرینک روایتنه کوره پادشاه بر آلتش  
 قدر قایق ایله بر آرز عسکر کوندره‌رک‌ساقزی اوردیرمش ایدی .  
 دولتک برنجی محاربه بحریه‌سی بودر .

الاشهری کندی مأمور ایتدیکی محافظی الندن ینه کندی  
 تسخیر ایدوبده عثمانلیره تسلیم ایدن ایمپراطور ساقزوقعه‌سندن  
 توحش ایدهرک استانبولک استحکاماتی تزید ایتکه قالمش  
 وحقی شهرده طاش بوله‌مدینی ایچون غایت کوزل اوچ کلیسای  
 تخریب ایدهرک مرمرلینی بو استحکاملرده قولانمش ایدی .  
 ایمپراطورک بو تحفظ تدارکاتی پادشاهه عکس ایدنجه یکی یابدینی  
 برجلری تخریب ایتدیکی صورتده الهه رهن بولنان اوغلی  
 مانولک شدت کوره‌جکنه دائر برطاقم تهدیدی خبرلرکوندردی .  
 او ائنده ایسه ایمپراطور وفات ایتش ومانولده بروسه‌یه فرار  
 ایلش ایدی . پادشاه هان روم ایلی یه کذار ایله استانبولی  
 تضییق ایدهرک شهر ایچنده بر اسلام محله‌سی تشکیلنه ایمپراطوری  
 اجبار ایچون مواردات بریه‌سنی قطع ایدهرک صورتده بر ترسد  
 اردوسی بر ایش اولدینی کبی بوسنه وافلاق و مجارستان طرفلرینه  
 دخی بر فرقه سوق ایلشدر . فیروز بک افلاق حکمداری  
 اولان میرجه‌نی بو سفرنده خراجکذار ایلش ایدی .

ایده رک قره‌سی‌یه الحاق ایله تشکیل ایلدیکی ایالت واسعه‌بی شهزاده سلیمان توجیه ایتشد .

منتشا اوغلی الیاس بک‌ده توجه پادشاهی دهشتیه ملکی براقه‌رق قسطمونی طرفنه فرار ایتمش و بناءً علیه صاروخان کبی منتشا طرفلری‌ده محاربه‌سزجه ضبط ایدلمش ایدی .

تاریخلرده بومالکه متعلق اولان روایتلر بربرینه مغایردر : بعض مؤرخلر آیدین و صاروخانک ضبطندن صکره حاکم‌لری‌ده وفات ایلدیکندن اورالری بتون بتون پادشاهه قالدیغنی بیان ایدر . برطاقی‌ده قره‌سی ایله صاروخاندن بشقه منتشانک‌ده برلشدر - لیدیکنی و بونلرک عمومی بردن شهزاده سلیمان دکل ، شهزاده ارطغرله ویرلیدیکنی روایت ایلر . حال بوکه اولآ آیدین و صاروخانی سلطان بایزیده تسلیم ایدن عیسی و حضر شاه بکلرک تیمور وقعه‌سندن صکره مملکت‌لرینه مستولی اولدقلری مثبت اولدیغنه نایباً آرهلرنده قوجه بر آیدین ملکی بولنان منتشانک‌ده صاروخان ایله برلشدریله رک قره‌سی‌یه الحاق اولنمش اولمسی قابل اولمه‌جغنه نالئاً قره‌سی ایالتنک شهزاده سلیمان و آیدینک ارطغرله ویرلیدیکی اکثر مؤرخلر نزدنده قول مختار بولندیغنه نظراً شایان اعتماد اولان بزم قبول ایتدیکمز روایتلردر .

سلطان بایزید ، عزیمت کشور کشانه‌سی قرمان اوغلیله متفقلرینه - برمدت جزویه ایچون اولسون - بردرس عبرت اولور ظن ایتمش و بناءً علیه سوق غالبانه‌سنه منتشانک فتحیله ختام

اسلام اداره سنه دوشمکدن اسلام حکمدارلرندن آيدن اوغلاری  
حمایه ایدزدی ؛ صکره خرستیان حکمدارلرندن روم ایمراطوری  
محافظلریك لندن جبر ایله آلدی ده مسلمانلره تسلیم ایلدی !  
پادشاه آلا شهری فتح ایتدکن صکره آرزوسی وجهه  
وارداتی وقفنه تصحیح ایتمش و آلا شهرده برجامع و بر مدرسه  
تأسیس ایلمش در .

یلدیرمک آناطولی طرفلرینه دهشت ورودی ملوک طوائفک  
بتیان اتقاقی بتون بتون زلزله دارایدرك هیج بری اوقوه قاهره یه  
قارشی طورمغه جسارت ایده مدی . ایچلرندن آيدن اوغلی  
عیسی بك معسکر هایونه شتاب ایدرك حکومتی پادشاهه ترك  
ایتمش و بو اطاعتنه مقابل یالکزجه از میر و تیره طرفلری ، ینه  
خطبه وسکه نام پادشاهی یه اولمق اوزره عیسی بكک زی راداره سنده  
براقلمش در . بوملکک اجزاسندن اولان آيدن جهتلری ایسه  
بر آیالت اعتبار ایدیلررك شهزاده ارطغرله توجیه ایلدی .

اورادن رایت اقبال پادشاهی صاروخان اوزرینه تحویل  
ایدلمش ایدی . نامنی ظلم و سفاهتده ضرب مثل اوله جق درجه یه  
کتورمش اولان صاروخان اوغلی حضر شاه بك یلدیرم بایزیده  
مقاومت ایتمکه دکل ، تابعیت عثمانیه سعادتندن استفاده ایچون  
اهالیسی طرفندن کوستریلن شدت انهماکی منع ایلکه نفسنده  
اقتدار کوره مدیکندن ملکینی ترك ایله قسطنونیده کوترم  
بایزیدک یاننه فرار ایلدی . پادشاه اوراسنی کمال سهولته ضبط

زرينه حرکت ایلدی ، فقط آناتولیده روم ایمپراطورلغنه تابع  
 آلا شهر قالمشدی ؛ ملوک طوائف ایله چارپشمه دن اول آنی ده  
 صح ایله محصولنی خیراته وقف ایتک ایستدی . حکمنه تابع  
 اولان روم ایمپراطورلرینی عهد اقتضاسنجه ویرمسی لازم کلن  
 سکرله برابر بوسفره دعوت ایلشدی . یانی پالتولوغ ایله اوغلی  
 مانول کلدیلهر و آلا شهر محافظتک استیمان تکلیفی قبول ایتمه مسی  
 وزیرینه ایمپراطور ایله اوغلی و شریک سلطنتی اولان مانول  
 لذات هجوم ایله قلعه نی ضبط ایدهرک پادشاهه تسلیم ایتدیلهر .  
 و وقعه ده روم تاریخلرندن مأخوذدر . پادشاهک بو حرکتنی  
 حشیانه بر معامله صورتنده کوسترمک ایسترله . حال بوک  
 رقهعه بر نمونه اخلاق و ارایسه اوده سلطنتی اوغلندن قورتارمق  
 یچون تبعه سنی جبراً بشقه بردولته تابع ایتمکه خدمت ایده جک  
 شرائطی حاوی بر معاهده نی قبول ایدن ایمپراطورک درجه  
 دنائتیدر ! یوقسه پولتیقه ده کیمسه یه و خصوصیه کندینه رحمی  
 اولیانلره مرحمت جاری دکلدرکه سلطان بایزید بو معامله سنندن  
 طولای اعتراضه لایق کورلسون . اوزمانلر او یله بر حرکت کیم  
 مقتدر اولورده اجراسندن اجتناب ایدردی ؛ اوزمانلره نه حاجت ؟  
 حالا ک متمدن عد اولنان اورویا دولترینک افرادی بربرینه  
 اوردیره رق بر قومه تحمیل اسارت ایلدکلری آزمی کوریلور ؟  
 غریب تصادفلر دندرکه آناتولیده بولنان روم مملکتلرینک  
 کافه سی اسلام حکومتلری طرفندن ضبط اولمش ایکن آلا شهری



حقیقده کی روایتی صحیح عد ایده میز. چونکه یالکز اندرونیقو  
 کلیتی بر خراج وعد ایتمی پادشاهک بوحرکتنه سبب کافی  
 اولنه ماز. اوتهدن بری پدینک، جدیدک خدمتده بولنان  
 پالئولوغی ینه ایمراطورلغه تعیین ایتمک ایچون آندرونیقو  
 طرفدن وعد اولنان خراجدن بشقه قبول ایتمدیکی بر  
 شرائطی کافی کورمیوبده مخصوص آدم ارسالیله اهلینک  
 صوران پادشاه یالکز اندرونیقوسک زیاده جه پاره وعد ایتم  
 قرمان اوغلنک جزاسنی بیله تأخیر ایده رک پالئولوغک ایتم  
 طورلقدن رفعنه حصر اشتغال ایتمزدی ظن اولنور.

بزم تاریخار وقعینی استصغار ایتمدکلرندمیدر، نهدر  
 دائر حرف واحد بیله سویله مشاردرکه ایکی طرفک را  
 بربرینه تطبیق اولنسوند آرده بر حقیقت استخز  
 چالیشاسون. بناء علیه بووقعنک اسباب ظهوری ده حل  
 اولیان مسائلدن عد اولنور.

کرمک پادشاه وکرمک امرا بو موفقیتلری اتمام ایدنجه  
 قیش موسمی ده کلش اولدیغندن طوائف ملوکک تأدیبی  
 سنهیه تعلیق اولنهرق ۷۹۱ شتاسی ده بروسده کچیر  
 سلطان بایزید بومدت آرام ایچنده بروسده بر جامع، بر  
 یرعمارت، برمسافر خانه و برده دارالشفائشاسنه و آق  
 صوینک شهره اجراسنه مباشرت ایلمش ایدی.

۷۹۲ سنه سی بهاری داخل اولنجه پادشاه ملوک

درجه‌یه قدرکور ایتدیرمش ایدی ، بولندقلری محسدن سلطان بایزیده مراجعت ایتدیلر . کلیتلی بر جزیه مقابلنده ایمراطورلغک کندیلرینه تسلیمنی استرحام ایدیلر . پادشاهده بو مراجعتی قبول ایدرک آلتی بیک سواری ودرت بیک پیاده ایله استانبول اوزرینه یوردی . ایمراطور ایله سوکیلی اوغلی مانولی اخذ وحبس وایمراطورلغی آندر ونیقوسه تسلیم ایتدی . فقط برزمان صکره محبوس اولان یانی پالتولوغ اوغلی مانول ایله برابر فرار ایدرک سلطان بایزیده التجا ایتدیلر ، آندر نیقوسک ویره جکی خراجی آنلر تعهد ایدیلر . پادشاه استانبوله بر مأمور کوندره رک ایمراطورک اوغلرندن هانکیسنه خلقک دها زیاده مائل اولدیغنی تحقیق ایتدیردی ، اکثریتی مانول پالتولوغک طرفنده بولدی . بونک اوزرینه آندر نیقوسک وعد ایتدیکی سنوی برقاچ قنطار اتون وکومش جزیه دن بشقه خدمت پادشاهی یه اون ایکی بیک عسکر کوندرمک و سلطان بایزیدی کندیسنه متبوع طانیه رق اوزمانلرک تعبیرنجه دوستنه دوست دشمننه دشمن اولق شرطلریله یینه ایمراطورلغی یانی پالتولوغه احاله ایدرک آندر نیقوسه ده سلوری و سلانیک کبی ایمراطور تابعیتنده قالمش اولان برقاچ شهرک حکومتی تودیع ایلدی .

ایمراطور تبدلنه دائر ایراد اولنان سوزلر هامردن خلاصه درکه آنکده مأخذی روم تاریخلریدر . بزایسه وقعه نک عقله تعارض ایدر بریرینی کوره مه مکاه برابر اسباب ظهوری

حالدہ کفایتی تقدیر ایلدیکی پاشایکیدی ده ، اسکوبی اس الحركات  
 اتخاذا ایدرک بوسنه طرفلرنده عثمانیلرک سیف اجلانی ارانیه  
 مأمور ایلدی . پادشاه بونلرک جمله سنه سرعت ممکنه ایله  
 خدمتیرنی آمام ایدرک موکب هایونه یتشمک ایچون امرلر  
 ویرمشدر . چونکه حدود امراسی طرفندن قرمان اوغلیه  
 آیدین وصاروخان و کرمان و منتشا بکلری برلشدرک ممالک  
 عثمانیه ته تعرض قصدنه بولندقلری اخبار ایدلمکده ایدی .  
 فیروز بک ویدینی فتح ایلدکن صکره افلاقه کچرک ، پاشا یکیتم دخی  
 بوسنه ته دخول ایدرک بو ایکی قومه صرب اتفاقنه دخوللرینک  
 جزاسنی کوستردکلری کبی صدر اعظم ده قره طوه اسیند و قالنان  
 و ایورانیه طرفلرینی ضبط ایلهش و صرب قرالی استغانی که  
 قوصوده تلف اولان لازارک اوغلیدر ، استیمانہ اجبار ایلشدی .  
 قرالک استیمانی ، سنوی بر مقدار جزیه ویرمک و پادشاهک  
 امر ایتدیکی محاربه لرده صرب عسکریه بالذات حاضر بولمق  
 شرطیه قبول اولندی . روم تاریخلرینک روایتنه کوره قرالک  
 همشیره سی پادشاهه ویرمک ده بومصالحه نک شرائطندن ایدی .  
 امرا بو خدمته مشغول ایکن پادشاه ده روم ایمپراطور لغی  
 برقات ده دولتک حکم و نفوذی آلتنه آملقه اوغراشمقده  
 ایدی . ایمپراطور یانی پالتولوغ طرفندن سلطان مرادک امریه  
 کوزی کور ایدیلن آندر و نیقوس پالتولوغ ایله آنک اوغلی  
 و ایمپراطورک حنیدی یانی که بیوک پدری آنک ده کوزلرینی بر

یالکزجه شجاعت و تهورندن طولانی ییلدیرم عنوانیه توصیف اولندیغنی سویلر . ایراد اولنان درت روایتک اولکی اوچی یاکلشدر . چونکه سلطان مراد ۷۸۸ تاریخنده قرمان اوغلی علی بکه قارشی احراز ایتدیکی غلبه یه دأر سلطان احمد جلایری یه کوندردیکی نامه ده نجل نجیبی ییلدیرم بایزید عنوانیه یاد ایلشدر ؛ او زمان ایسه نه قوصوه محاربه سی قزائش ، نه یعقوب بک اتلاف ایلش ونه ده سلطان بایزید پادشاهلق مقامنه کلوب ده ملک نک بر طرفنده ظن اولنورکن دیگر طرفنده کورنمش ایدی . بناء علیه الدهکی روایتلر ایچنده اینانیه جق یالکز منجم باشینک قولی قالیور . آندنده بو عنوانک پادشاهه نه زمان ونه مناسبتله ابراز ایتدیکی شجاعت و تهور اوزرینه ویرلیدی آ کلاشلمیور . بایزیدک حاضر بولندیغنی تاریخلرده کوردیکمز محاربه لرک برنجیسی قره مان اوغلی ایله ایدیلن غوغا ایدی که ییلدیرم عنواتی ده اول او غوغاده کوریورز . آندن اول شجاعتنی نه وسیله ایله ابراز ایلدی ده بو عنوانی قازاندی ، بیلنه مز .

سلطان بایزید ملتک اک شانلی و فقط ایکی صورتله غایت فاجع بر جمع مفاخر و نوابی اولان قوصوه موقعنی ترک ایلدیکی صره ده اورنوس بکی ینه اسکی مقامی اولان سیروز بکلکنه کوندردی ، صدر اعظم علی پاشایی صربستان ، ویالکزجه قرمان محاربه سنده برکره نامی کوریلن فیروز بکی ده ودین طرفندن افلاق اوزرینه مأمور ایلدی . او زمانه قدر سردارلقده قوللانماش اولدیغنی

ککاک بر مثلی دها ایلری به کوتورمک ایچون اون سنه دن  
زمانه محتاج اولمادی .

خداوندکارک ۷۹۱ شعباننده شهید اولدینی ویلدریم بایزید  
ینه او سنه نیک او آبی ایچنده جلوس ایلدیکی اکثر تاریخ  
روایتی ایله معلوم وفتحنامه وفرمانک تاریخی ایله مثبت او  
حالدده تاج التواریخ پادشاهک ۷۹۲ رمضانک دردنچی  
جلوس ایلدیکندن بحث ایدرکه بو روایتک بتون بتون یا  
اولدیغنده شبهه یوقدر .

سلطان بایزید ، پدری وفات ایتدیکسی سنه وارثی تولد  
مطهریتنده مراده ، عثمانه اشتراک ایلدی . چونکه اصح  
کوره چلبی سلطان محمدک ولادتده سلطان مرادک  
شهادتی اولان ۷۹۱ سنه سنه در ؛ فقط آنلر کبی ای  
اولاد اوله رق پادشاه اولمادی . حتی ایکنجی اولاده سریر  
دکل ، پدرینک وفاتندن صکره عالم حیاتی فلک  
کورمشدی .

پادشاهه یلدریم عنوانک ؛ بعض تاریخلر ملککنک برط  
دیگر طرفنده کورینه جک قدر حرکات عسکریه جه  
طوراندیغندن ، بعضیلری قوصوه محاربه سنده دشمن اردو  
جناحدن دیگر جناحه قدر یارارق کچمش اولدیغندن  
ویرلمش اولدیغندن بحث ایدرلر . هامر بو عنوانک منشائی  
یعقوب حقنده کی کوستردیکی شفته عطف ایدر . منجم باش

اعلان اولنان شهزاده یعقوبك فاجعه‌سنى اهاالینك تخمین ویا تحقیق ایدوبده برمناسبتسزلكه قیام ایتسندن بشقه برسبب یوق ایدی . وارث سلطنت پادشاهك وفات ایتدیكى محلدن بشقه بریرده دكل ایدی که آنك وصولنه قدر انتظام ادارهیه خلل كلسندن قورقلسونده بویله برتدبیره لزوم كورلسون . یعقوب بك وقعه‌سنگ عسکر آرسنده برسوء تأثیری كورلمش اولسه اولیه برسوء تأثیرك برسوده كوریه بیه‌جكنی تصور سببسز قالیر .

ایشته سلطان بایزید غائله چیقاییامك واهمه‌سیله هم بغیرحق برادرینك قاننه ، کیردی همده آز قالدی غائله‌نی بو حرکته چیقاره‌جق ایدی . فعلك نتیجه‌سی ایسه یالکیز یعقوب بکه قیمقدن عبارت قالمادی . اخلافده برسوء مثال بر اقدی که صکره‌لری ایچلرنده کیم بیلیر نه قیمتده جوهرلر بولنان برچوق بیکنه شهزاده‌لرک اتلافنده هپ اوسوء مثاله امثال اولندی . بردور سلطنت ایچون ایسه بوندن‌دها نحوستلی بوندن‌دها فاجع برمبدأ تصور اولنهماز .

او دور سلطنت هپ بویله نحوستلر ، فاجعه‌لر ایچنده می بکدی ؟ خیر . خداوندکارك شهادتیه دولتك عنان اداره‌سنه متصرف اولان پنجه قهرمانی بر خون ناحق ایله لکه‌دار اولمقله برابر اولیه بر قوت اولیه بر اقتدار کوستردی که سوق و تحریک موانع بر اندازانه‌سیله ملتی یوز سنه‌ده واصل اولدینی موقع

بعض تاریخلرک روایتہ کورہ یعقوبک اعدای بیانی اردودہ  
 اختلالی دعوت ایدہ جک مرتبہ لردہ سوء تأثیر ایتمش و پادشاہ  
 فنا فنا تعریضات و معاتباتہ اوغرایہرق بییک بلا ایلہ ہیجان  
 افکارک تسکینہ موفق اولہ بیلمش ایدی . عسکرک ہیجانی او-  
 درجہ شدید ایدی کہ سلطان بایزید اہالی بیندودہ بر قاریشقلق  
 وقوعندن احتراز ایتدی . حتی بردن برہ خداوندکارک شہادتتی  
 وکندی جاوسنی اعلانہ جسارت ایدہ میہرک فتحنامہ سنی بیلہ  
 سلطان مراد نامہ یازدیردی .

بوفتحنامہ نک حقیقۃً خداوندکار طرفندن تحریر ایتدیرلمش  
 اولماسنہ احتمال ویریلہ مز . واقعا فتحنامہ دہ ، اوتاغہ عودت  
 اولدیغنی سرودہ یازلدیغندن بحث اولنیور ؛ خداوندکارک اوتاغہ  
 عودتندن زمان شہادتہ قدر ایسہ برفتحنامہ یازیلہ جق قدر وقت  
 بولنہ ماز دکلاری ؛ فقط فتحنامہ دہ « بوندن غیری آندہ خرج  
 امینیلہ کوریلہ جک مهمات میری ایچون حکم شریفم درکیسہ  
 کوندرلمشدر . او قویوب کمال بصیرت اوزرہ تدارک کورہ سز »  
 عبارہ سی موجود اولہرق خاصہ خرج امینی ایلہ کوریلہ جک  
 مهمات میری ایسہ یعقوبک دفتندن و خداوندکارک شہادتتی  
 کیمسہ یہ افشا اولنماسندن عبارت ایدی . بوکا دائر اولان فرمان  
 بایزید طرفندن یازلمشدر کہ فتحنامہ دہ بو فرماندن بحث اولنمسی  
 آنکدہ بایزید طرفندن یازدیردیغنی اثباتہ کافیدر .

سلطان مرادک شہادتتی کتم ایتمکہ ، اجلیلہ وفات ایتدیکی

اولمشدی : خداوندکار شهید اولدینی زمان شهزاده لرك ایکیسی ده دشمنی تعقیب ایله مشغول ایدیلر ؛ رجال دولت طرفندن یالکزر بایزیده آدم کوندرلدی ؛ معرکه یه شتاب ایتسی اخطار اولندی . یعقوب ایسه تا اردویه کلوبده احناق ایدیانجه یه قدر پدرینک وفاتی بیله کندیسنه اخبار ایده جک بر آدم بولمادی . طرفداردن بو درجه محروم اولان بر شهزاده نصل عصیان ایده بیلیردی احتمال بعید اوله رق شاید عصیان ایده جک اولورسه اردونک بولندینی حال وموقعه نظراً بو حالک انتاج ایده بیله جکی مخاطره پک مخوف کورینور . واو مطالعه ایله انسان پادشاهی حرکتنده بر درجه یه قدر معذور طوتمق ایستر . فقط مخاطره ملحوظه صحیح اولمق لازم کلسه ده بادی نظرده ذهنه کلدیکی قدر بیوک اوله ماز ایدی . چونکه قوصوه غلبه سنک دهشتی دشمنده بزم اردویه دوشه جک اختلالدن استفاده ایده بیله جک قدرت وجسارت بر اقامش ایدی . بوناردن بشقه عسکرک اختلاله قیامی ، یعقوب بکک کندی حالته بر اقلمسندن زیاده اعدام اولمسنده ملحوظ ایدی . زیرا یعقوب چلبی سلطان بایزید قدرنده اولادینی ایچون کندی حالنده بر اقلدینی صورته عصیان ایتک ایستنه بیله کندینه طرفدار بوله ماز ایدیسه ده مظلومه میل ومعاونت انسانده وخصوصیه اوزمانک عثمانیلیری کبی اصحاب مکارمده پک جبلی بر حال اولدیغندن طوروب طورورکن اعدام ایدیلجه عمومک کندیسنه طرفدار اولماسی طبیعی ایدی ؛ بواصر طبیعی بر درجه یه قدر اثرینی ده کوسترمامش دکلدر :



ايسه جمله سنك الى الابد لسان نفرين ايله ياد اولنمسي لازم كلير . فقط هيچ كيمسه نك بر پادشاهه طوروب طوروركن برادريني اعدام تكليفنه جسارت ايده ميه چكي وامرانك بونده بر قباحتی وار ايسه پادشاهك امرينه مخالفت ايمه مكدن عبارت اولديني ميدانده در . شهزاده يعقوبك انلافنده كي راي و امر ، سلطان بايزيددن بشقه هيچ كيمسه دن صادر اوله ميه جغنده تردد اقتضا ايمز ؛ بوغدارلق ايسه او بچاره نك دعواي سلطنته قيام ايتسندن خوف ايله اختيار اولنديغنده شهه يوقدر .

عجبا بو خوف وارد مي ایدی ؟ اولاً شوراسنی بیان ایده لم که وارد اولسه بيله سلطان بايزيدك حرکتنه حق ويرمز . چونکه بر مضرت ملحوظه نك قبل الوقوع اوکني آلمق داعيه سنی قتل نفس درجه سنه قدر کتورمك شرعاً ، نقلاً " حکمة " ، سياسة " مقرون جواز اوله بيله جك حاللردن دکلدر . بونکله برابر اويله بر خوفه محلده يوق ایدی . چونکه يعقوب بك مزيات حربيه وعسکريه جه بايزيددن چوق آشانغی اولمق جهتيله اصحاب اقتدار آره سنده فتنه چيقاره بيله جك قدر حيثيت واعتباردن محروم ایدی . ساوجی بکک بولونديني حال وموقعده دکل ایدی که آنک کبی دولتک خزينه سنی غضب ايله بر طاقم حشرات طاعتسونده او- قوتله برفساد يابه بيلسون .

بو مطالعه لردن بشقه يعقوب بکک هيچ بر شيئه مقتدر اوله ميه چني سلطان بايزيد نظرنده پک بدیهی بر دلیل ايله ده ثابت

بولنورده قانع اولماز ، سلطنت سایه الوهیت اولدینی جهتله سایه ایله صاحب سایه بیننده مشابهنک لزومنه وکلا وامرانک وقوفی ده بو حرکتک اسبابندن اولدینی بیان ایلر . ظل الله تعبیر مجازیسندن بر پادشاهک منفرد قالب ده اللهه بکنزه مسی ایچون خاندان سلطنت اعضاسنک اعدامنه جواز معناسی چیقارمق یعقوب بک کبی بر غازی نی شهید ایتمکدن آشاغی قالیر آتامدن دکلدز . ورثه سلطنتک تعددن ملک وملتک انتظامنه خلل کلدیکنه وکلا وامرا هانکی تجربه لرینه تطبیقاً حکم ایده - بیلیرلردی که دولت علیه نک ظهورندن او وقته کلنجیه قدر ایکی کره سلطنت تبدل ایتدی ، آنک برنده وارث منفرد ایسه برنده متعدد ایدی ؛ فقط بو متعدد وارثلردن کوچکی پادشاه اولدی ، بیوکی آنک وزارتی مقامنده بولندی . ساوجی بک وقعه سنک بو مسئلهیه نه مناسبتی اوله بیلیر ؟ او بدبخت پدری علیه عصیان ایتمشدی ، یعقوب بک کیمه نه یاپدی ؟ ساوجی بکک پدرینه عصیان ایتمسینی یعقوب بکک ده برادرینه عصیان ایده جکسه دلیل عد ایتمک وبویله بر دلیل ایله بر شهزاده نک کنج یاشنده جاننه قییمق دنیاده هانکی قاعدهیه توافق ایدر ؟ احتمالات اوزرینه جرم نا کردهیه جزا جاز کوریلورسه علمده عدالتک وجودیمی قالیر ؟

خواجه سعدالدینک روایتی کبی فی الحقیقه امرای دولت ، اوله برطاقم تصورات وهمیه ایله ولی نعمت زاده لرینه قیدیلر-



## بایزید اول

899070

یلدیرم بایزید قانلره ، آتشلره غرق اولمش بر دهشتلی  
محاربه صحراسنده؛ نور غزا ، خون شهادت ایچنده یاتان بر مبارک  
وجود اوکنده سریر سلطنته جلوس ایتدی . برنجی فعلی اولمق  
اوزره برادر مظلومنی اعدام ایتدیرهرك حالك هول دل شکافنه  
فاجع بر قوزقنجلق دها علاوه ایلدی !

DR  
440  
K4  
v.2

تاریخلرك روایتنه کوره سلطان مرادك شهادتی یعقوب بکه  
خبر ویرمه مشلر ایدی . تعقیب دشمندن پدری نامنه دعوتبه  
جلب ایلدیلر ، کلدیکی کبی بر چادره کتوردیلر ؛ پدرینی  
کورمکه امید وار ایکن قارشیسنه جلادلر چیقديلر ، بیچاره یی  
حیاتندن محروم ایتدیلر . نسل عثمانی آرهسنه ایلك قان دوشورن  
بو حرکت عفو و تأویلی قابل اوله میه جق بر غدارلقدر .  
خواجه سعدالدین ، تاریخنده یعقوب چلبینك اتلافنی وکلا و امرانك  
رأی و اتفاقنه حمل ایدرده پادشاهك بو بابه مدخلی اولمادیغنی  
کوسترمك ایستر ؛ وکلا و امرانك بو اتفاقلرینی ده ساوجی بک  
وقعه سندن انتباهلرینه و سلطنت وارثلرینك تعددی ملک و ملتجه  
محل انتظام اولدیغنه دائر حاصل ایتدکلری تجربهلره اسناد ایلر .

Kemal, Namuk


کلیاتِ کمال

بمنجی زرتیب

'Osmanlı 'tarīhī

عُثمانی تاریخ

جلد  
۲



استانبول

مخزونه مطبعه

۱۳۲۷





کلیاتِ کمال

عربی زبان

عمدات الکتبی

جلد ۲  
جزء ۱

استانبول

مجموعہ مطبعہ

۱۳۲۷







DR Kemal, Namik  
440 'Osmanli tārīhī  
K4  
v.2

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

